

Post mortem Lechij nihil certi de legitimis hæredibus successoribusq; eius reperitur, magnaq; hæc de re Historiographorum Polonorum lis est, sed hic testamento moriens legauit, ut aliquem dignum uirum ex sua gēte de patria & rebus bellicis bene meritum, summæ rerum præficerent, cur in omnibus obtemperarent.

VISIMIRVS ex nepotibus Lechij, Princeps Polonorum cum ad Danorum fines usq; imperium suum extenderat, & ob uiciniam a rege eorum Syuardo uarijs excusibus infestaretur, undecunq; potuit auxilia coëgit, nauesq; adornauit, & armato milite compleuit, ex quibus unam ingentem fabricasse dicitur, cuius solo aspectu Dani perterriti fuere. Nauali itaq; prælio fortuna auspicante, Syuardum Regem cum ingenti classe Danorum occurrentē strenuē fudit, fugauitq; & ad interiora terræ hostes persequēs hasufulas in Dania, Rugiam, Hemeriam, Feondiam, Salendiamq; occupauit, plurimasq; ciuitates & castra in eis Polonorum præsidij munita extruxit, ubi ad hæc usq; tempora hæc ciuitates nomina à Polonis Sclauonico idiomate indita retinet, ut pote Vvifimer, à Vvifimiro, Lubeca urbs opulentissima & populosa, Danczik siue Gedanum ciuitas celeberrima, ad mare Germanicum à Polonis contra Danorum excursions arcendas imprimis condita. Prædictum itaq; Danorum Regem filio eius in obsidem sumpto, Vvifimirus uictoriam sibi efficiens, & rebus in Dania recte dispositis, multimodis spolijs onustus, in Poloniam reduxit. Hocq; primo nauali prælio Poloni quasi quodam tyrocinio instructi cum inimicis nauali prælio bella gerere animosiores effecti sunt. Tandem aliquot annis exactis, Syuardus Polonorum iugum aegrè ferens, conspiratione cum Hollatis, Suetijs, Danisq; aduersus Polonos facta, exercitum num. 20 milia contra eos eduxit, sed secundo maiori clade cum tota suorum manu in Scania à Polonis prostratus est, sed tamen nunciis fuga elapsus moerore & dolore ob amissum exercitum, deploratumq; rerum suarum casum consumptus, spiritum exhalauit. Vvifimirus uero magnam Dantiæ partem imperio suo subegit. Postea multis præclaris gestis editis, finibusq; Imperij Polonici prolati absq; posteritate decessit.

## DVODECIM PALATINI.

Cum itaque tota domus Lechij decessit, Poloni libertatem strenuè asserentes, neminemq; extraneorum Principum sibi imperare patientes, duodecim Palatinos (ut dicitur) uiros præcipuos ex sua gente solenni conuentu Gneznæ celebrato, ad Rempublicam gubernandam subornant, quam viginti annis administrabant. Sed multis & diuersis imperantibus discordiæ & ambitionis impulsu, bellis ciuilibus, cladibusq; mutuis & intestinis sese afficiebant. Finitimæ uero gentes præcipue Germani discordia Polonorum considerata rebellare cœperunt, iugocq; excusso suas prouincias ab eis occupatas recuperauerunt. Hoc detrimentum & diminutionē imperij sui Poloni ex pluralitate gubernatorum animaduertentes Comitij generalibus celebratis, ad Cracum quendam siue Crocum uirum tunc temporis insignem de genere Cechij oriundum, sceptrum deferunt.

## CRACVS PRINCEPS POLONORVM.

Cracus nepos Cechij Bohemorum Principis, ad Imperij Polonici fasces communibus omnium suffragijs euectus, finitimas gentes iam Polonis rebellantes, iugumq; excutientes coërcuit, finesq; Regni ab omni insultu hostium tutauit. Gallorum copias prostrauit, quæ Hungaria deuastata in Poloniam excurrerebat. Tandem pacato armis imperio, deserta loca, solitudinesq; agricolis adornauit, ciuitatemq; lebre cum arce in scopulo Vanel dicto ad Vistulam fluuium condidit, quam à suo nomine Cracouiam appellauit. In hoc autem scopulo Draco ingens tunc temporis delitebat, qui sordido suo anhelitu cum esuriret, de antro proropens multos uelut peste quadam inficiebat, per ciuitatemq; & loca circumiacentia grassando, omnia obuia deuorabat. Quam ob causam incolæ ciuitatis ordine tria iumenta per diem ei ad antrum offerre cogebantur. Cracus igitur Princeps suorum deploratum statū uidens, cum iam omnibus iumentis expilarentur pellem uituli excoctam, sulphure, nitro, pice infarcire iussit. Quod ubi hora consueta ad antrum Draconis opponeretur, bestia proropens, famelica, iumentum putans, venaculum illud deglutit. Cumq; in eo illa materia igne sulphureo accendite accensa esset, de antro sese proripiens in Vistula aquam tamdiu sorbebat, quousq; medio creparetur. Cracus tandem Princeps rebus imperij recte dispositis, Cracocq; & Lecho filijs, filiaq; Vanda relictis e uita sublati sunt.

Vitis Craco gentili ritu persolutis Poloni conuentu celebrato, Cracum secundum, natu maiorem Craci filium, in solium paternum substituunt, sed Lechus frater iunior ambitione tumens, inuidensq; illi imperium, interueniendum cum occidit, dixitq; Cracum truci

## VANDA VIRAGO.

ANNO à nato Christo 730. Vanda filia Craci in ordine Ducum Poloniæ quarta, unica, legitimaq; hæres Regni, omnium acclamatione ad Imperij fasces euehitur. Hæc summa prudentia, & rara fortitudine Rempublicam (uirgine em, cœlibemq; uitam ducens) strenuè gubernabat, non aliter atque illa Penthesilea, Ortigiaq; e. Erat autem formosa & pulcherrima nimis, ut pulchritudine sua plurimos Principes ad se alliceret, & ueluti hamo pisces caperet, unde Vanda vel Venda que dictio Sclauis Hamum quo pisces capiuntur sonat, appellata est. Ritagoras igitur Princeps Germanorum uirtute illius, prudentia, atque pulchritudine commotus, Procos ad illam destinauit, sollicitans ut sibi nuberet, illa uero obstinatè connubium repugnando Procos uacuos sepius dimisit. Quapropter Ritagoras putans se ab ea contemptum, Poloniæ bellum indixit, terroremq; & ui ad coniugium eam cogi sperabat. Illa è conuicta clade fudit: ipse autem pernici fuga elapsus, præ pudore quod uirginis manu fusus, fugatusq; fuerit, nolens testem sui dedecoris Solem amplius esse, gladio proprio sese interemit. Vanda uero memorabili uictoria Polonis relicta, prout Dñs uirginitatem deuota uolens uoti compos esse de Ponte in Vistulam sese præcipitauit, sicq; aquis obruta interijt. Cadauer illius repertum est in ostijs Dlubnæ ubi Vistulam influit, atq; in scopulo uno militari à Cracouia in Mogila gentili ritu sepulta est.

Demum post Vandam nullo successore legitimo existente, iterum duodecim Palatinos, ut unusquisque Prouinciæ suæ præficeret, Poloni elegerunt, unde magnum detrimentum, diminutioq; Regni. uelut & prius subsecuta sunt. Quæ enim in inimicos arma essent conuertenda, in se conuertebant: ambitioneq; flagrant, mutuis cladibus inter se disidebant, qua de causa Marcomanni, Hunni, & Germani, Poloniam vndique angustabant.

## PREMISLAUS SIVE LESCO PRIMVS.

ANNO uirginis partus 750. ex his bisenis Palatinis inestina bella mutuo mouentibus, unus Premislaus Lesko, non sua, sed patriæ comoda quærebat. Cumq; Morauj Poloniam uasarent, ille pro tempore coacto, instructoq; exercitu, hostes in spolijs & exuijs onustos ad sua reuertentes, insecutus est: in quos ad montē, ut dicitur caluim, ubi nunc templum sanctæ Crucis conditum est, sublati nemoribus ea stramentatos impetum fecit: statimq; se in abdita Sylvarum cum suis subduxit. Hostes uero amissis arreptis, in ea loca ubi Lesko eis se apparuerat uenientes neminem inuenerunt, perterritumq; exercitum Polonorum fugere credentes ad sua castra reuersi sunt. Cumq; iam turrimus omnia agerent Bacho indulgentes, Premislaus nacta occasione ex abditis Sylvarum cum suo exercitu, in tempestiua nocte inopinatos, somnoq; oppressos Morauios, magna ui, à fronte, & à tergo inuasit: omnesq; ad unum cruento prælio funditus trucidauit, & spolia, captiuosq; recuperauit. Qua insigni uictoria clarus, omnium suffragijs, spreta pluralitate gubernatorum, Regni habenis præficitur, multisq; egregie gestis editis, ruinisq; patriæ magna uirtute restauratis, absq; posteris e uiuis decessit.

## LESCO SECVNDVS.

ANNO à Christo nobis cœlitus misso 780. Premislao Lescone absq; posteris decedente, de electione Monarchæ uoces communes, & sententiæ Senatorum discrepabant: communicq; omnium consensu, post multas litigationes, hunc modum eligendi Principis constituerunt: columnā ante Cracouiam statuerūt, desuperq; Diadema & Sceptū Regale posuerūt, ac palā omnib. & singulis præconis, proclamatione notū fecerūt, ut quicq; à flumine Pradnik dicto, equi sui celeriori cursu ad columnā subordina- tū ceteros anteuereret, Monarcha designaret. Quidam igit iuuenis infirmæ familiæ, sed alturus & callidus, re diligenter cōsiderata, clauos ferreos in uia qua currendū erat occulte infixit,




















POLONICAE HISTO-  
RIÆ CORPORIS,

TOMVS III.

QVI RES PARTICVLARITER GESTAS A' PO-  
lonis complectitur: & unà omnium principum Poloniae, Mafsouiae,  
Silesiae & Lithuaniae Genealogias, diligenter, magnoq̃  
studio collectas, & ad illustrandam histo-  
riam Polonicam appositas.

AVTHORES QVI IN HOC TOMO CON-  
tinentur, ostender sequens Elenchus.

B A S I L E Æ,  
ANNO MD. CXXII.





1904. 2743.



# ELENCHVS AVTHORVM, QVI COM- PREHENSIVNT IN HOC TO- mo III. Polonicae Historiae.

I. PISONIS EPISTOLA AD IO- annem Coritium de cōflictu Polono- rū, & Lithuanorū cū Moschouitis.	fol. 1	XI. LEONHARDI GORECII, E- quitis Poloni, descriptio belli Iuonię, Palatini Valachiae, quod is cum Sely- mo Turcarum Imperatore magno cū successu gessit ab initio, demū à Ie- remia Czarnauieczio Valacho prodi- tus, & à Turcis cōtra fidem datam ac sacramento confirmatam occisus.	fol. 75
II. EPISTOLA SERENISS. SI- gismundi Regis Poloniae, &c. de Vi- ctoria contra Schismaticos Moscho- uios apud Aras Alexandri Magni, par- ta anno c10. 10. xiv. 11 x. Septemb.	5	XII. EXEMPLAR QVARVNDAM literarum super discessu Christianissi- mi ac Serenissimi Henrici III. Gallia- rū, ac Poloniae regis: Itemq; illustris- simi Senatus Poloniae ad eundem re- gem: Incerto authore.	95
III. ORATIO ERASMI VITEL- lij, Episcopi Plocensis in celeberrimo August. conuentu ad Caesarem Maxi- milianum I. nomine Victoriosissimi regis Poloniae Sigismundi, habita co- ram omnibus S. R. Imperij proceri- bus, die Veneris x x. Augusti, anno Dom. c10. 10. x11 x.	7	1 Oratio Dantzae ad Senatum regni Poloniae Cracouiae congregatum, habita, de disces- su regis Henrici.	95
IV. VICTORIA SERENISS. PRIN- cipis & D. D. Sigismundi eius nomi- nis I. regis Poloniae, &c. Contra Vay- uodam Muldauiae, Turcae tributari- um & subditum: cui subest Valachia, Mysiae inferioris pars ad flumen Ty- tam influens Pontum Euxinum, quae à Deo Opt. Max. data fuit terna in mense Augusto preterito, & consum- mata x x11. die eiusdem mensis, An- no Domin. c10. 10. x x x1.	11	2 Literae Senatus regni Poloniae ad Impera- torem Romanum ob discessum Henrici.	96
V. FRAGMENTVM EX SIGISMVN- do Liberobarone de Herberstein &c. de bello Poloni & Moschi.	13	3 Henricus Dei Gratia, Poloniae rex, Magnus dux Lithuaniae, &c. Reuerendissimis, illu- stribus & Magnis. Dominis, Senatoribus, nobilibus & generosis equitib. Regni nostri Poloniae, & magni ducatus Lithuaniae.	97
VI. MARTINI CROMERI ORA- tio in funere Sigismundi, eius nomi- nis primi, regis Poloniae, Lithuaniae, &c. Anno c10. 10. x11 x. Cal. April- is defuncti.	15	4 Henricus Galliarū & Poloniae Rex, &c. Re- uerendissimo in Christo Patri, Domino Ep- iscopo Ciuanensi, sincere nobis dilecto.	98
VII. STANISLAI ORICKOVII Rutheni oratio in funere Sigismundi Iagellonis, Polonię regis &c.	33	5 Henricus Dei Gratia Galliarum & Poloniae Rex, magnus dux Lithuaniae &c. Illustri- bus ac Magnificis Domin. Domino Pala- tino Cracouiesi, & Domino Zberouuo Ma- rescallo Curiae, sincere nobis dilectis, et Re- uerendo D. Vuolti Vicecancellario no- stro S. D.	98
II X. TERTII BELLI DESCRI- ptio luculenta, quod magnus Ruthe- norum Imperator cōtra Liouones ges- sit, anno c10. 10. 111 x. quo ciuitas & Prouincia Torpatensis à principe Moschouitarum expugnata, uicta & subingata est.	55	6 Henricus Dei Gratia Galliarum & Poloniae Rex, &c. Illustri & Magnifico Domino, à Tienfzin Castellano Vucinicensi, Subcame- rario nostro.	99
IX. FRAGMENTVM EX SIMONIS Schardij I. V. D. historia de uita & obi- tu Sigismundi Augusti regis Polonię, qui obiit Anno c10. 10. 1 x x11. Ca- lend. Iulij.	64	7 Henricus Dei Gratia Galliarum & Poloniae rex, illustri & Magnifico Dom. &c. Radlu- uiel Duci in Olira, Maresch. Curiae Lithua- niae, sincere nobis dilecto.	99
X. IOANNIS LASICII HISTO- ria de ingressu Polonorum in Vala- chiam cū Bogdano Vainoda (cui suc- cessit Iuonia) & cæde Turcarum: du- cibus Mielezkiō & Sieniauuskio, An- no c10. 10. 1 x x11.	67	8 Senatorum regni Poloniae literae ad sacra- maestatem regiam, cum quibus cubicula- rius Maiestatis suae Viennam XX. Iunij, an- no 1574. missus.	99
		9 Literarum exemplum à sacra Casarea Maie- state Maximil. 11. ad Senatores regni Po- loniae datarum.	100
		10 Literarum exemplar ad Henricum Andega- uensē à Senatu & Ordinibus regni Po- loniae.	101
		XIII. DANTISCANORVM CLADES, Anno domini c10. 10. 1 x x11. April. x x11. à Ioanne Lasicio Polono descri- pta, in qua causa belli à Sereniss. rege Polonię contra Gedanenses suscepti, referuntur.	104



<i>Item excusatio erga Germanos ne offendantur, quod toties in clade Daniſcanorum illorum mentio fiat.</i>	fol.	<i>loniæ rege Stephano, Vuelicoluco ex Moschouia miſſum: die V. menſis Septembris, Anno Domini 1580.</i>	fol.
<i>Item Ioachimi Bielfcij in quædam Daniſcanum, qui leuibus ac ineptis ſuis Germanicis rithmis, multa nefaria de rege &amp; regno Polonia ſcribere, &amp; per Germaniam ubiq; ſpargere impudenter auſus eſt, Anno Domini 1577.</i>	111	<b>XV. IOANNIS LEVVENCLAI DE Moschorû bellis aduerſus finitimos geſtis, ab annis iam L x x. quibus antea per Europam obſcuri paulatim in notuerunt, commentarius.</b>	126
<b>XIV. SUPPLEMENTVM DE Rebus geſtis inter regem Polonię Stephanum, &amp; magnum Ducę Moschouię, anno Domini cio. io. Lxxix. ex hiſtoria Alexandri Guagnini.</b>	112	<i>Epistoſta Moſci ad Guilhelmum magiſtrum Ordinis Teuthonici, ubi cauſas belli ſuſcepti contra Liouones exponit.</i>	128
<i>Edictum regium de ſupplicationibus Publicis ob rem bene aduerſus Moſchum geſtam Anno 1579. Auguſti XXX.</i>	114	<b>XVI. Polonici Regni tredecim mutationes &amp; familiarum Genealogicę explicationes, deſcriptę ex optimis autoribus, &amp; continua, perpetuąq; ſucceſſione propoſitę in Tabula.</b>	136
<i>Edictum Regiũ Suirenſe ad milites, ex quo cauſę ſuſcepti in belli magnum Moſcouię ducem cognoscuntur.</i>	115	<b>ITEM,</b>	
<i>Et Edictum regium de ſupplicationibus ob captam Polotiam.</i>	118	<b>PRINCIPVM SILESIÆ penę omnium &amp; Ducum Maſſouię, ac Lithuanie Genealogię diligenter, magnoq; ſtudio collectę, &amp; ad illuſtrandam Polonicam Hiſtoriam appoſitę, à IOANNE PISTORIO NIDANO</b>	
<i>Rerum poſt captam Polotiam contra Moſchum geſtarum narratio.</i>	123	<b>MEDIC. DOCT.</b>	145
<i>Edictum de ſupplicationibus à Sereniſſimo Po</i>			

FINIS ELENCHI AVTHORVM ET MATRIARVM TOMI III. POLONICÆ HISTORIÆ.



# POLONICARVM RE-

RVM, IN QVO RES PARTICVLARI-  
ter gestæ à Polonis compræ-  
henduntur.

EPISTOLA PISONIS AD IOANNEM CORI-  
TIVM DE CONFLICTV POLONORVM, ET LI-  
thuanorum cum Moschouitis.

PISO CORITIO S.



CIO ego ambiguum tibi esse, Coriti mi charissime, in humanis  
ne sim, an uerò minus, qui totum iam ferme annum, quo Roma  
absum, tam pertinaciter tecum sileam. Par item de te quoque  
cogitatio me suspēdit, qui nihil omninò scripseris: nisi fortè tuæ  
mihi reddi non potuerint, in certissimis hucusque uagato sedi-  
bus. Quæ etiam causa fecit, ut cessator & ipse fierem, cum alio-  
qui ad scribendum nemo me sit minùs piger. Nosti quam non  
spontè obierim hanc prouinciā, ut ad Serenissimum Polonię  
Regem, ac deinceps ad Moschouię Ducem, quò pacem inter i-  
psos pontificis, & legati nomine firmarem proficiscerer. Sed nō

erat integrum reluctari diutius mihi, uenit tandem Iulio mense Vilnam, quæ caput est Li-  
thuanie, ubi à Principe, præterquam, quod pro sedis Apostolicæ reuerentiā amplissimè  
acceptus fui, habitus sum pro singulari sua in me ueterè alioqui clientem beneuolentiā,  
admodū gratiosè: nam humaniter dicere Regiē celsitudinis dignitas uetat. Data deinde  
diebus duob. sequentibus his audiētia, post tertiū aduentus mei diem, Rex hinc in castra  
mouit, quò ante dies aliquot, nisi me operiri dignum duxisset, omninò ire statuerat. Iam  
enim utrinq; ad bellum, & quidem atrocissimum, inclinata erant omnia. Pacis nomine  
ob interpositas Pontificis partes auditū non ingrātè. Cæterum inter tubas, inter tympa-  
nas, inter alios armorum strepitus facillè oppressum. Iam enim & hostis arce Smolensko  
supra Boristhenem sita per proditiōē potitus, factus erat insolentior. Et Rex exercitum  
ualidissimum ex equitatu, peditatuq; stipendio conduxerat, pugnae audum imprimis.  
Erant in ijs Cataphracti duo millia, quibus nihil esse possit, neq; ornatum, neq; armatum,  
magis: peditum plus paulò, duo item millia, in quibus belli postea moles stetit. Fuere de-  
inde alia sexdecim equitum millia fortissimorum uirorum. Id enim credas uolo, neq; ui-  
disse me unquam maiorem equitatum, quàm constituere hic princeps possit, neq; credi-  
turum fuisse, si non uidissem, ut certè, si uelit, ualeat centum millium equitatū armare. Iam  
uerò maior fide quadrigarum numerus est commeatum ferentium. Neq; enim ipse cre-  
derem cuiuscunq; ita narranti, nisi meos ipse oculos testes habuissem. Quis enim crederet  
uiginti quadrigarum millia conducì posse? tantum iam abest, ut scribere hæc auderem.  
Scribit hæc tibi Piso, Piso iam non Poëtarum, sed annalium scriptoris æmulus: nisi fortè,  
ne oculato quidem testi adhuc credis. Fit id non uoluptatis, sed necessitatis causa, homi-  
ni, iumento uictus ferendus est, propter loca sola solitudine nobilia, qui tam diu duret,  
quàm sit manere necesse diu. Centum miliaribus Lithuanicis, quæ Germanica centum  
uiginti faciunt (tantum enim uiæ est à Vilna ad Smolensko) præter lustra, eademq; palu-  
stria nihil ferme uidetur: sterilia & inhospita omnia. Aestima nunc tecum, quanto sit com-  
meatu opus. Adde quod ubi etiam in locum uenerimus destinatum, non minore sis  
frumenti, aliarumq; rerum necessariarum laboraturus inopia, cum ob soli sterilitatē, tum  
quod hostiliter uastata sint omnia. Eum itaq; exercitum ubi Rex ipse recensisset profi-  
cisci in hostes iubet: interea præfectus arcis, & domini Poloczka, alia quadam uia, terras  
Mosci inuadit, ibiq; populatus omnia, ingenti onustus præda reuertitur. Dum itaq; exer-  
citus discessui se parat, uidentur in loco quodam exploratores hostium. Nostri cognito  
illorum numero (erant enim uiri bellatores mille trecenti) lectis ad hoc sexcentis equiti-  
bus illos obruere, armaq; capientes maiore ex parte trucidauere, Duce eorum, cum non-  
nullis nobilibus capto. Idem fecere postridie in alijs mille ducentis pari euentu. Moscus

AA re cogni.



re cognita exercitum omnem, qui octoginta millibus constabat, loco quodam ad hec electo, ultra Boristhenem collocat, ratus nostros pugne auiditate, amnem non formidaturos. Verum id non sine periculo, cum uadum ipsi tam bombardis, quam milite munuissent, eumque unicuique: nam alibi Boristhenes, utpote & altus, & uorticofus, neutriusque, & uadabilis. Nostri, relictis aliquot millibus, qui se citra amnem hosti circum equitantes ostenderent, reliqui interim percontato alibi flumine, ponticulum ex ratibus, lintribusque necesse est, quod peditatum cum machinis transmittant. Equites acie, ut erant, instructa omnes se uno impetu, sed ex ordine conijciunt in amnem, sceleriterque tranant, credo dijs freti, haud plus uino desiderato. Non erat hoc incognitum hostibus, & poterant, uel amnem ingredi uolentes cohibere, uel iam partim egressos opprimere. Verum cum & ipsi multitudini nimium fiderent, & nostros prae paucitate contemnerent, loco se tantisper, utpote opportuno, mouere distulerunt, dum nostri iam non modo amnem transirent, uerum etiam & pugnae locum caperent, & ordines uel rescicerent, uel mutarent: tantumque fuit temporis medij, & tribus ferme horis manuum confertione utrinque abstinere. Vbi ad manus deinde uentum fuit, hostes arte usi, circumuenire nostros a tergo per uallem, ubi non apparebant, (nam & collis dumetis consitus impendebat aspectum) magno impetu nitebantur. Nostri re explorata derepente, ut in subitis sit casibus, mutant consilium. Et ea ex parte in iussu pugnam committunt. Nam alio belli dux acies inclinarat, ubi & ipse tunc ferebatur. Quod cum ex nostris nonnulli bello alias probe exerciti conspicerent, neque aut consulandi, aut Ducem conueniendi tempus, locusue daretur, in hostem conclamant, fortiterque pugnando reprimunt. Hac a leuo cornu acta, mox a dextro, & omni ex parte conferta manus: tubarum clangor, ut ex ijs, qui interfuerunt, accepi supra usitatum modum. Fuere enim tubicines in hostili exercitu plus multo quingentis: atque ita fortissime dimicatum utrinque inclinante iam ad uesperam sole, timor hostes, mox desperatio occupat. Iam neque nostrorum impetum ferre diutius, qui proximi erant, neque fugae usum a tergo reperire ualebant, prementibus ultimis, qui & ipsi ordines facile explicare nequibant. In ea trepidatione clades facta ingens: fugientes deinde tumultuatim omnes nostri in longam noctem secuti quoscunque cedere, nisi qui uel nemorum densitate latere, uel noctis beneficio elabi poterant. Ibi direpta castra, in praedam uersa omnia: cecidere ex hostibus millia circiter quadraginta: capta quatuor millia, & in ijs praefecti exercitus omnes, qui octo fuerant, inter quos primi a Duce Moschorum, Dux Michael Golycza cum trecentis nobilibus, inter quos sunt Barones multi. Hos secum Rex nudius tertius quasi in triumpho Vilnam uexit, conspicuos omnino uiros. Mihi certe in omni uita nihil uidere circa pompas bellicas, obtigit gloriosius. Reliqui captiui partim per municipia distributi sunt, partim apud uictores: ubi adhuc & signa tenentur, quae & ipsa ablata fuere ad unum omnia. Rex enim cum domesticis tantum, paucis admodum redijt, misso, quem secum in praesidijs habebat, ad belli Duces exercitu recenti millium quatuor, uti uictoriam sequerentur, maximè uerò, uti arcem Smolensko recuperarent. Moscus enim mox suorum accepta clade, paucis admodum supatus tam praecipiti ad propria cursu festinarat, ut die atque nocte 300 passuum millia superaret: siue, ut nouum repente exercitum scriberet: siue quod uero esse similis creditum est, ut famam rei male gestae praeuenteret, quod minus fratres rebus nouis moliendis, ansam ante caperent, male tractationis memores, utpote, qui seruitutem apud tyrannum fratrem seruire coguntur. Parum enim ad recuperandum exercitum superesse spei fateretur & captiui, populo Moscum afferentes adhuc plurimo abundare, uerum rustico, & bellis inepto, cum in hanc expeditionem omnem ferme nobilitatem duxerit. Sic ille, qui paulò ante capta dolo superbus arce, Polonis omnibus necem: Lithuanis uerò compedes minitatus fuerat, turpissimam coactus inire fugam est, ut seipsum tam neci, quam uinculis eriperet. Nam ita certam demens ipse sibi uictoriam sponderat, ut postea apud Duces belli captos repertae cum mandatis atque stratagematis epistolae fuerint, quibus quid facto cuiuslibet post uictoriam opus esset, commiserat, ut scilicet regem in praesidijs positum uno agmine adorirentur: eo utcunque positi, in tres sese uias diuiso exercitu diffunderent, Vilnamque direptum festinarent. Sed nesciebat homo, & priuatim, & publice periurus Deum uiolata sine causa fidei uindictam, aliter longè constitutum ire. Dijs enim immortales ob periurium (ut ait pro Roscio Cicero) hominibus irasci, & succensere consueuerunt. Dedit condignas perfidiae suae poenas: cum ex nostris ne unus quidem captus sit, uulnerati multi, & ij aduerso corpore omnes. Mortui uix supra quadringentos, & in ijs Barones quatuor elegantissimi, idemque fortissimi iuuenes, quorum corpora huc relata sunt, & tumultata honestissime, duobus sub infusa Episcopis cum uniuerso clero ad ciuitatis portas progressis: quorum tamen mors immensa hostium clade piata est, ut certè fateri necesse sit, hac sine diuino numine



mine non euenisse: cum alioqui Rex ipse re quidem uera Christianissimus sit, semperque fuerit. Assiduus enim pro uictoria supplicationibus: ea deinde parta, gratiarum actionibus templa omnia sonabant, quin & publice ad Deum omnia princeps refert, maxime cum Tartari. Qui sub idem tempus iuxta pactum conuentum adesse Maieitati suae debuissent, fraude se subdlexerint. Iam uero & illud non omiserim, esse apud Moscum Ducem Michaëlem Glyusky, uirum animi & corporis dotibus egregie insignem. Is olim non leuibus ex causis Regem Poloniae fugiens ad Moscum cum suis migravit, qui & priorum, & horum causa motuum fuit. Hunc Rex ad Serenissimi Vngariae Regis instantiam, in gratiam secreto admiserat, & iam tacito redire parantem, sui, quibus nimium fiebat, Mosco detulere, qui hominem euestigio uinctum, domum sub custodia remisit, incertum, quid de eo uelit statuere. Is si forte transfugisset (ut conuenerat) ad nostros, magnam sibi huius uictoriae partem uendicare contendisset. Nam id circiter Calendas Septembris contigerat: praelium uero octaua Septembris ipso die natali Virginis factum est. In summa Dei omnino munera sunt haec praecipue: deinde Principis Deo gratissimi, cuius fortunam utique praelustrem non ex ariolorum nugis, sed ex summa uitae sanctimonia, prudentia, fortitudine, temperantia atque iustitia, metior. In quo illud pulchrum est, ut si clementiam ipsam uelis effingere, nullo, certe alio neque ore, neque colore, quam huius principis id praestare possis efficacius. Mihi profecto post exantlatos tot uiarum labores, ex hac uictoria tantum accessit laetitia, ut nihil asperum, siue terra, siue mari tulisse uidear, siue quia principis huius sum, fuerimque semper studiosissimus, siue quod hac factum praesente uictoria, ut ire ad Moscum non sit necesse mihi: quae mea profecto summa est expectatio. Nam praeter uiarum cum longitudinem, tum difficultatem ualde me terret hominis etiam iurati perfidia. Satis mihi est confessori esse, superbam martyrii palmam non ambio. Misi ad illum Calend. adhuc Augustis famulum cum literis pro saluo conductu, scio peruenisse, sed neque responsum, neque famulum uidi. Audio in amnem conijci fuisse iussu. Non libenter bibo tam largo cantharo, sed iocor uerbis: re tamen uera serium est, quod scribo. Scilicet mihi seruabit, si etiam dederit fidem, quam neque Regibus, ac ne Deo quidem ipsi seruare solet.

*I nunc Schismatico uitam committe tyranno,*

*Vt te per Scythicas sub styga mittat aquas.*

Nollem in ijs sinistrum mihi omen praecinere, qui initio certe inuitus feci, ut hanc experirer molestiam. Tolerabilia fuere haecenus omnia, quamuis aspera, in reliquis quoque superanda omnis fortuna, ferendo est. Nondum satis intelligo, quid firmum de me sit, cum omnis adhuc exercitus, arcis recuperationi studeat, eam breui futuram speramus: quod nisi & uiarum sub haec tempora difficultas, & anni ratio nostris obstaret, uictorem omnino exercitum in ipsa Moscici domini uiscera transferrent, ibidem hybernaturi: qua illorum sententia facile residuo itinere absoluerer. Sed durare tam diu uix poterunt, com meatus penuria, praesertim pro iumentis. Habent enim praeter suum equitatum praedatitios equos circiter uiginti millia, quos saluare si possent, plurimum uellent. Habere enim dicitur Moscouia equos laboribus ferendis admodum idoneos: res diu extrahi non poterit, quicquid erit, non patiar te nescire: tuum erit interea literas has nullo constanter ordine boni consulere. Vt enim sparsim relata mihi sunt omnia, ita uarie congesta, ut licet uix unius esse corporis uideantur. Mitto nummos argenteos sex Moscicos, ex praeda ad me missos. Hos tibi cum amicis communes esse uolo. Inuenies in illis inscriptiones Graecas partim, partim Ruthenas. Symbolum habent Ruthenae cum Graecis literis: deinde par etiam est Religio: sunt utique Christiani, sed Schismatici. Tempia habent, hic praesertim Vilnae, auro, argento, & gemmis opulenta: paucis etiam hinc annis ex lapide aedificari coepta, & quidem sumptuose, cum lignea tantum prius habuerint, non culta admodum. Sunt autem Rutheni (ut illud quoque auctarium addam) ingenio Lithuanis promptiore, quod fit, ut operibus non mediocriter excellent. Multi ex ijs peculiare proditoris uitium habent, quod ad Principum, siue Ducum aliquorum domos irrepsit. Quin & hoc nuper bello Dux quidam Ruthenius ab omnibus suis Mosco se dedit, quamuis egregium adulescentem filium in Regis aula reliquisset. Sentiant multi ex ijs secreto (ut creditur) pro Mosco, nulla alia magis, quam Religionis causa. Eam enim per omnia communem habent, transfugerentque passim multi, nisi exploratam Mosci tyrannidem formidarent. Is enim saeuissimis subditos legibus coercet. Omnia illi nascuntur, omnia crescunt, omnia adducuntur. Si qui sunt, qui uel genere, uel dignitate magni sunt, in illius nihilominus manu sunt, neque diutius diuites, quam ipse uelit. Commercia eorum terra, marique plurima. Aurum, argentum, pro pellibus inferre soli mer-



liti mercatores, nihil aliud referunt: ea omnia Principi accedunt. Hinc opes istæ tantæ, quantas neminem unum in Europa Principem habere, fama est. Populo miris artificijs insigni potens. Italos habet domesticos multos, & honestè, & utiliter. Caterum suas circa fidem partes coactos sequi. Hæc ab ijs, qui istic uersati sunt, didici. Si quando (quod maximè deprecor) eò iero, redieroquæ quod precor, uel per literas, uel coram de omnibus affatim: interea autem adhuc & hinc erit, quod scribam. Restat enim nonnihil militibus nostris circa arcis recuperationem, quod negotium extrahi diu non poterit. Si enim deditionem facere obsessi noluerint, aliud nostri pro rei, & temporis qualitate, consilium sunt apprehensuri. Sunt enim adhuc in exercitu præfecti, & tribuni militum omnes ueterani, qui uel sub manu captare consilium non ignorant: ante omnes autem, illustissime Dux Constantinus, inter nostri temporis Imperatores in re bellica facile Princeps, qui signis collatis ter, & trigiesies dimicando uictor fuit. Idem iunior tamen apud Moscum septennio manicis, pedicisque constrictus fuerat, bello captus. Vir est domi Numa religiosior, foris Romulo non inferior, quo Duce, & hoc bellum gestum est. In quo nihil esse uno omnes ore aiunt, quod probari nequeat, nisi quia Rutenus, idemquæ Schismaticus sit, ita à parentibus errore, quasi per manus accepto. Neque enim parum refert, quam quisque à maioribus religionem acceperit. Caterum ita maiorum suorum traditiones omnes sanctè obseruat, ut ne latum quidem ab ijs unguem recedat: qui si ad S. matris Ecclesiæ obedientiam reduci posset, innumeris dubiò procul ad idem agendum præluceret. Tanti est apud suos momenti, Principi autem ob eximias uirtutes facile charissimus. Sed de ijs tandem plus satis: ueniam tamen mihi dederis (ut spero) non grauati, culpam ingenuè fasso, qui non Epistolam, sed libellum ex bello fecisse me haudquaquam negauerim. Leges aliquando non pauciora ijs, de itineris mei ratione, quod utinam non tentassem, parum à Septentrionali disto Oceano, & longius adhuc progredi cogor. Iam hic September initium est brumæ: quæ tam saua solet ingruere, ut multis sine naso contingat esse. Noctes Aestate breuissimæ, hyeme diei parum. Sub diuo Iulio Pontifice laudatissimæ memoriæ, minus Mense, annum Roma ad duos missus Reges, abfui, non paruo certè labore. Sed nihil ad hæc, quæ hactenus mihi æquali temporis, sed diuerso laborum calculo incidere, & tamen difficiliora adhuc restant. Leuius fit patientia, quicquid corrigere est nefas. Mihi certè satis erit Pontificis, Legatiquæ expectationi respondere. Quod ut facere gratè ualeam, pro sanctitatis suæ ac sedis Apostolicæ nomine gloria, amplitudine, ne glaciale quidem (uel sub bruma) sum reformidaturus Oceanum. Sed iam uale, & Volumen hoc boni consule. Ad neminem enim diffusius scripsi: cùm sciam mea tibi omnia, utpote mei semper amantissimo, non displicere. Ego ualeo, & Principis munificentia bene habeo. Vilnæ, x xvi Septembris, Anno M. D. xiiii.

EPISTO.



EPISTOLA SERENISS. AC INVICTISS. D.  
 SIGISMVNDI REGIS POLONIAE, MAGNI DV-  
 cis Lithuaniae, Russiae, Prussiaeque Domini, & hæredis  
 ad Sanctiss. D. Leonem X. Pont. Max. de  
 Victoria contra

SCHISMATICOS, MOSCOVIOS, APVD ARAS  
 Alexandri Magni parta, &c.



**B**EATISSIME Pater & Domine, Domine clementissime, post pe-  
 dum oscula beatorum; cum non ignorem V. Sanctitatem, tum ex pa-  
 storali suo debito, tum etiam ex genuina pietate in Religionis sacro-  
 sancte incrementum, magna cum uoluptate audire solere, quando aliquis  
 Catholicorum Regum, aduersus infideles, aut schismaticos inconsuti-  
 lem Saluatoris nostri tunicam scindentes, ac dilacerantes, Dei uirtute  
 adiutus aliquid feliciter gerat. Hinc conuenit, ut ego qui Turcam in-  
 festum, communemque Christiani nominis hostem uicinum habeam, Tartaros etiam, a-  
 liasque Transanaitanas Scythicas gentes, numerosas, feroces, ac infideles, humeris meis  
 a nullo Christianorum Principum adiutus, solus sustineam. Et præter hos omnes ma-  
 gnum Moschouitæ Ducem, cum quo nunc atrocía bella gero, Sarmatiæ, Asiaticæ tyran-  
 num, opibus, armis, equis, uirisque potentem, ac multis contra alios uicinos suos uicto-  
 rijs tumentem: blasphemum tamen ac schismaticum, Sanctæ Romanæ Ecclesiæ infestis-  
 simum, hostem insolentissimum habeam. Huius belli motus, & præstitam mihi à Deo  
 uictoriam contra ipsum perfidum Moschouitam, Sanctitati uestre perscribam. Anno e-  
 tenim exacto, fractis inter nos antea pactis, iuramentoque firmatis foederibus, immemor  
 præstitæ fidei, & sprete iuramenti religione, quæ modica, aut nulla in blasphemo, &  
 schismatico esse potest, dominia mea in magno Lithuaniae Ducatu consistentia, exerci-  
 tu multorum millium equitum bellatorum comparato, magna ui machinarum bellica-  
 rum, tormentorumque aneorum subsequente, hostiliter inuasit, dumque arces aliquas gra-  
 ui obsidione premeret, nec propter ualida præsidia mea, quæ illic erant, proficeret multis,  
 sicut anno præterito Sanctitati uestre significaueram, ex suis, in oppugnationibus mu-  
 nitorum locorum, & tumultuarijs prælijs amissis, domum re malè gesta non absque gra-  
 uissimo dolore regressus erat, qui tamen iam alias sibi persuasisset, armis, opibus, & po-  
 tentiæ suæ cuncta esse peruia, nec aliquid conatibus suis (in quo tamen deceptus erat) ob-  
 stare potuisse. Aestate demum proximè exacta, tanquam ignominiam susceptam, da-  
 mnaque prioris expeditionis, & bellum non satis prosperè anno præterito coeptum & ge-  
 stum uindicaturus, iterum ualidissimum exercitum comparauit, in quo plures grauis ar-  
 maturæ equites inerant, nixusque est, me certis castris exuere, & præcipue castro Smo-  
 lensko nuncupato: ut subindè tantò facilius totum magnum Ducatum Lithuaniae, alia-  
 que mea dominia bello atrociori urgere, & totam Rubeorum Russiam sui schismatici  
 ritus, quæ ditionis meæ est mihi eripere posset. Potitus tandè ex adminiculo fraudis arce  
 ipsa Smolensko est, de suis plurimis amissis. Subindè uerò insolentior factus, exercitum  
 auxit, ita ut excederet octuaginta millia hominum equestrium, aususque est sibi pollice-  
 ri, quod iam facile reliqua dominia mea opprimere posset. Progredi itaque aduersus me suum  
 exercitum usque ad fluuium Beresinā mandauit. At ego qui in Domino Deo rectè speraue-  
 rim, eundem fluuium exercitum meum equitatu, & peditatu, tormentisque bellicis benè  
 instructum, magna celeritate transire imperaui, hostisque exercitum pedem referre, ita  
 ut retrocedere coactus est, compuli. Et dum exercitus hostilis per meum arceretur, uigesi-  
 maseptima Augusti particulari prælio à meis militibus pulcherrima clades eidem hosti  
 inflicta est. Alia iterum Calendis Septembris, & ex utroque prælio plures ac insignes ca-  
 ptiui mihi adducti sunt, & multi ex hostibus cæsi. Miles autem meus eiusmodi uictorijs,  
 quasi auspicijs præludijs accensus, ultrò in pugnam ruebat. Equidem uerò in præsen-  
 tissima clementia Dei, & in iusticia, causæ meæ confidens, maximam iam de orta uicto-  
 ria securitatem mihi pollicebar, & feci magno animo meum exercitum procedere, & sta-  
 tionibus hostis appropinquare, dumque hostis sentiret, meum exercitum sibi immine-  
 re, Boristhenem tunc solito magis exuberantem nando traiecit. Meus uerò exercitus  
 insequenter animis ad pugnam præparatis, hostem retrocedentem sequutus est, & simili-

AA ; ter Boris-



ter Boristhenem, dum in re tam subita, & potis faciendi potestas, & nauigia ad transportandum militem deessent, ad eam ripæ partem, in qua iam hostis ordinatis aciebus, tormentisque dispositis, conflictum præstolabatur, natando intrepidè transmisiit. Et tandem Deo auspice, qui in se sperantes non deserit, & confundit manus filiorum alienorum, die Natali beatissimæ Virginis, quæ erat octaua Septembris, cum hostibus eisdem foeliciter pugnavit, totumque eundem ualidissimum hostis exercitum, qui (ut præmissum est) ex octuaginta millibus hominum fuit, comparatus, una acie fudit, fugauitque, & tanquam uilissima pecora totis campis cum foeda strage, & multa cæde ultra quadraginta millia passuum ante se egit, itaque supra triginta millia hostium, & caesa, & submersa sunt. Castra hostilia plena, opulenta præda, direpta, & decem præcipui Duces, & Satrapæ, & triginta septem Barones, Consiliarij, primores: officiales autem & armigeri nobiles supra duo millia capti, cum signis sui exercitus mihi adducti sunt. De meis uero, Deo auspice, pauci desiderantur. Quamobrem hanc tam insignem, & longo tempore memorandam, sed nec minùs mirandam (quoniam dextera excelsi facta est) uictoriam uestræ Sanctitati, pro mea in ipsam summa, & eximia deuotione cognitam, esse uolui, ut Sanctitas uestra ex eadem iocundum, atque alacrem animum concipiat, mihi que suo deuotissimo filio gratuletur. Quandoquidem pro sacrosancta Religione, proque sede Apostolica, & Sanctitas uestra decorè ad ea, quæ factu sunt possibilìa, semper sum paratus. Collocauì namque magnam spem, & confidentiam in uestra Sanctitate erga me, regnumque meum clementia. Quoniam uero hostis ipse adeò superbus, & obstinatus existit, necesse est, ut tantò studioliùs ipsum sine intermissione persequar, & bello urgeam, ne tam citò uires recuperet, ac reparet, quandoquidem non priuatam meam, & regni mei rem nunc ago, sed totius Christianæ Reipublicæ, ne tam ualidus hostis sacrosanctæ Romanæ Ecclesiæ inimicus, quandoque aduersus sanctam Ecclesiam pro ritu suo, falso, blasphemus, & schismatico inualeat. Et ut hæc mea gesta, quæ mihi ex misericordia Dei foeliciter euenerunt, audacter uestræ Sanctitati scribo, sic etiam semper audire cupio, ut sacrosancta Rom. Eccl. uniuersalis status omni foelicitate præfulgeat, atque ut uestra Sanctitas incolumen, & longæuam, foelicemque uitam cum Reuerendissimis Patribus Sanctæ Romanæ Ecclesiæ Cardinalibus ducat. Oratorem autem meum, & res meas unà mecum uestræ Sanctitati commendo, qui quidem Orator meus V. Sanct. tam ea, quæ gesta sunt, quoniam & gens, & loca, in quibus gesta sunt hæc, sibi cognita existunt, quam alia è mente mea, planius exponet. Datum in castris circa Borisouo, decima octaua Septembris, Anno Domini, millesimo, quingentesimo, quartodecimo.

Vicesimo quinto Ianuarij die, M. D. XV.  
à Leone Papa X. ob eam ipsam uictoriam  
Deo Opt. Maxi. *luxurians* habita est, in  
Sixti Sacello.

ORATIO



ORATIO PER REV. PATREM DOMINVM  
ERASMV VITELLIVM, EPISCOPVM PLOCEN. IN  
celeberrimo August. conuentu ad Cæsarem Maximilianum, nomine Victo-  
riosissimi Regis Poloniae Sigismundi, habita coram omnibus Sacri Im-  
perij Electoribus, plurimisq; Germaniæ Principibus, die Ve-  
neris X X Augusti, anno Domini 1518.

ILLVSTRI DOMINO ERASMO ROTERODAMO VTRIVSQUE

*Literaturæ principi, & Theologorum duci, Iacobus Spiegel Seleſtadien.*

*Imperialis Secretarius, S. P. D.*



RO inuictissimo Poloniae rege Sigismundo, qui non multos ante annos, & mentes, maxima uictoria in Hamaxobitas (quos ipsi Moschos appellant) & Scythas (quos Tartaros dicunt) potitus est. Reuerendissimus Dominus Erasmus Vitellius Episcopus Plocensis, singulari integritate uitæ, raraq; doctrina, Romanaq; facundia insignis, uel eo mihi nomine præcipue colendus, quia cognominis, de te perquam egregiam frequenter facit mentionem. Primam (ut aulicus, aulico utar uerbo) audientiam coram Cæsare, sacri Imperij

Electores omnibus, & ceteris Germaniarum principibus, proceribusq; obrinuit. Sic ornatè, sic grauitè orauit, ut ad intima usq; præcordia auditorum, uehementia sententiarum penetrauerit, pluresq; ad fletum concitauit, ei uero docto simul & facundo, omnes docti, & eloquentes palmam tribuunt. Aderant enim uiri non pauci, tum exquisitè docti, tum in iudicando nares emunctissimè. Antistes Tergestinus, Peutingerus, Huttenus, Bartholinus, Spalarinus, & Stabius ille in nullo doctrinæ genere non uersatus. Henricus Stromer medicus, & Laurētius Zochus iurisperitus, Cardinalis Maguntini florentissimi principis Cancellarius. Igitur facta mihi primū præ cæteris elegantissimè huius orationis copia. Quia digna multorum lectione uisa fuit eruditorum calculo, & ab omnibus desiderata, imprimendam curauit, sub augusto tuo nomine, quod omnia pietate sacra iure sibi uendicat, quā haud subducto supercilio accipere digneris. Non dubito quin ut audientibus lachrymas comouit, ita hæc eadem legentibus magis copiosas excutiet, & in rem Christianam propensiores eorum animos reddet. Valere tecū benè Rhenanum uerè beatum cupio, quem animo mecum circūfero, utriq; fila uitæ, quem maxime longæua exopto, ut indies magis ac magis foelicibus auspicijs bonæ litere, & maxime sacre refloreat. Huttenus, quia nihil est uisus cæcutientibus popularis literationis admiratoribus, Neminis nihil pepererit. Quæ te Frobenio nostro publicandum iterū, si tibi uisum fuerit, trade-re uelim. Mittam eius de uita aulica Dialogum quamprimū prodierit in lucem. Vale iterum ex Augusta Vindeliciæ, pridie Calend. Septembris, Anno post partum Virginis matris, 1518.

### ORATIO.



ENIMVS à Rege nostro, Sacratiss. Imperator, ad hunc celeberrimū conuentum, quē solita uigilantia tua pro salute Christiani status æquē commendatè, ut opportunè, hoc loco, & tempore instituere curasti, acturi, Maiestatis Regiæ, & amplissimorum eius dominiorum nomine, quæ ad sanctam expeditionem generalem, contra immanissimos Turcas, totiens proposita comode attinebunt. Quantum uerò necessariæ sint, simulq; cum uita omnium nostrum desideratissimæ præparationes istæ: Christianorum coadunatis uiribus, hostis aucta potentia testatur, iam annos circiter septuaginta post infœlicem, & calamitosam

Bisantijs captionem, quæ patulam ad nos hostibus ianuam præbuit, nihil aliud audimus, quàm clades atq; excidia continua Christianorum à Turcis. Et dum omnes ad resistendum (ut par esset) consurgere negligimus, tot principes cum subditis suis, tot Reges cum eorum populis: tot deniq; ditissima, cū magna iniuria religionis nostræ, & maxima indignitate Christiani Imperij, miserabiliter deleta sunt, quæ singillatim enumerare, dolor profectò mœrore plenus prohibet. Quandoquidem neq; ea me referre, neq; uos audire, siccis oculis liceret, capita utcunq; decerptam. Nonne uidemus Asiam uniuersam, quæ è tribus orbis triangulis maior est: his & alijs infidelibus occupatā? Aphricam uerò totam, impijs ac sceleratis eorum manibus desolatā? Europe magnam partem, tot incendijs, & assiduis uastationibus debilitatā? & hucusq; dormitauimus. Sed neq; his cōtentus hostis, ut fortior fieret Aegypti, & Syriæ regem, quē Solthanum dicunt, aggressus superauit, totiusq; Syriæ, & Aegypti, ea uictoria (sed & Hierusolymæ matris nostræ, ubi salus orta est) unicū se Dominū constituit. Et altero uerè Imperio longè antè formidabilē potentiam suā auxit. Nos uerò torpemus, & bellis intestinis, plus insolenter, quàm necessariò exagitati.



gladijs nostris, domesticos fidei, aut potius nos ipsos, detestanda malignitate confodimus: nec Prophetæ sapientis uerba, quæ aduersus nos, tanquã Ethnicos clamitant, attenduntur, digna quæ, facinori supplicia annunciant. Ipsi (inquit) contra sanguinem suum insidiantur, & infra. Ego uerò dum eis repentina ingruerit calamitas, non exaudiam. Parat nunc in Christianos, terra, marique arma sua, instat Turcarum framea, capiti & collis nostris, & adhuc oscitamus, uixque ad pacem mutuò amplectendā, tanta periculi magnitudine urgente, mentes componere uolumus Leone sanctissimo, id dies, noctesque curante, hortatur nos hostis, excitat à somno: commune facit desides: torpentes terret, dum iam pridem ad ostia Tiberina: nunc uerò ante paucos menses, circum Rachanati mœnia, & hisce iam diebus, dum hinc agimus, iterum ad Ostie portus, ferro, & sanguine debachatus sit. Nos tamē satis sic uolentibus omnia hæc, quæ ultimum omnibus exitium minantur, ridiculum putamus, ut iam illud diui Petri naufragantis, dum sibi in fluctibus dexteram dari poposcit, & meruit, dicere libeat: Salua nos Domine, perimus.

Collegerat similem conuentum feli. re. charissimus genitor tuus, post insperatam Carniolæ suæ depopulationē. Multa illic in eam sententiā à uiris doctissimis declamata sunt: multa etiā Prophetico quodam spiritu prædicta, nisi tunc instantibus, & euidentissimis periculis aliter prouisum fuisset. Quæ omnia flebilis tandem effectus compleuit, cum nulla consulta inuicē, & constituta nulla, suo ordine, ut necessitas postulabat, debita executioni mandarentur, & omnis rei benegerendæ comoditas, simul cum tempore amissa fuit turpiter, aut neglecta. Nunc iterum Cæsar inuictissime, pro dignitate & debito tuo, conuentum hunc bono coeptum omne, diligenter prosequeris, ut labenti Reipub. Christianæ efficaçi opera subuenire possis, & iuste quidē: sic enim Christianorum Imperator, re pariter constabis & nomine, dum hi, qui tuo subsunt Imperio, à Cæsare suo adiuti fuerint, & defensi. Quam equidē de liberationem multo iam tempore pro connata animi tui magnitudine concoxeras, qui annis his proximis tres Christianos reges potentissimos, in Austriæ tue urbe primari, tum splendide, tum honorifice tecum habueris, foedereque simul immaculata fide percussio, plura cum eis in rem Christianā mutuis tractasti consilijs. Quod reuera pro singulari gloria tua, omnium ora passim prædicare non desistent, pluresque adamantinis scriptis perpetuare curabunt. Neque enim parens tuus, neque Cæsares alij tantum actum, triumphis Octauij merito equandū, pro suo unquam desiderio efficere poterant. Omitto nunc cateruam immensarum uictoriarum tuarum, quæ tibi semper optatis ubique successibus respondebant, ut quilibet bonæ mentis metiri ex his possit, quæ & quanta in arbitrio & moderatione tua consistant, quin & luce sit clarius, plus ornamēti Imperio tua prudētia, & felicitate allatum esse, quā tibi Imperij maiestate: atque ideo pater patriæ à tota Germanica natione, quæ sub celo maior est, merito appellaris, quibus immorari, ut uolui, temporis uetat angustia, dum ista uulgata iam sint, & toti mundo notissima. Tu deinde tua sponte & uirtute Regumque illorum hortamentis incitatus, non modò in optimū propositum, & tua amplitudine dignū deuenisse perhiberis: sed ultrò etiam totius belli gerendi progressum, rationes, ordinē, & modum concinnē describere curasti. Tanta peritia rei militaris, tantoque studio, & omnium digna cōsideratione, ut facile appareat, inuentione hac tua, necdum Imperatoris summi, sed excellentissimi quoque armorum ducis, & animū fortē, & consilium circumspectissimū non deesse. Habet rem hanc cordi, equa lance, sedes sancta, religionis nostræ caput & magistra, quæ tot annorum concilium feliciter cōtinuans, singulares, & urgentissimas admonitiones qualibet sessione, ad hunc effectum instituere solebat: ubi etiā Turcarum tela pectoribus suis infixæ. Episcopi declamantes, ostendere uisi sunt, ut non uerbis tantum, sed rebus, & sanguine ipso pungerēt segnitiam nostrā, & deiectos Christianorum animos, quantum possent, erigerēt: cuius nauiculæ gubernator, uerū se Leonem in his præstat, quippe qui salutiferos rugitus, & uigilantissimas cogitationes suas, summoque & uero pastore dignas, ad hoc unum conuertit, ut cōmuni potentia tantis periculis ultimum iam interitum secum ferentibus, quantotius succurratur. Quæ omnia dignissimi hi legati sanctitatis suæ magis abunde explicarunt. Recte gubernabāt populum Dei Moyles, & Aaron, Dauid & Nathan, pluresque Romani Pontifices, cum Imperatoribus Christianis, iuncta simul gratia, utraq; potestas. Binum nobis reliquit gladium, transiturus ad Patrem, Saluator noster: bina coluerunt elementa Persæ, ignem, & Aquam: duobus & nos saluamur, Fide, & Opere. Curabis & tu Cæsar inclyte, cum Leone sanctissimo, utroque iuncto gladio, eripere de faucibus inimicorum, & tot calamitatibus, oues Christi. Inconsutilem enim tunicam suam repræsentatis, quæ sub hoc tempore uestro, non abs re profectò inuenta est: adhibebit ignem orationis, & spiritum fortitudinis benedictum sacerdotium, neque impesa deerit. Tu aqua non gelidā, sed feruentissimæ defensionis, cum regibus Christianis, indefessè suggeres, fidemque nostram, & spem omnium opere adimplebis, ut à ferocitate Turcæ salui simus,

unica



unica namq[ue] est gloria, penates nostros, & Religionem, in qua nati sumus, tueri & defendere, pro qua iam omnes maiores tui, tot Reges, & Cæsares sanctorum nonnulli Cathalogo ascripti, foelices & candidissimæ animæ plura bella in Europa, & Asia gloriose suscepunt, qui semper magnanimitate ingenta, aliena quærere, non sua amittere didicerant. Gignit nos natura miserè, uiuimus demum tot onusti curis, & tanquam flos citò arefcimus: decidimus tandem, & morimur, solus is diu uiuere perhibetur, qui dum uita excerserit, perpetuam sui nominis, benè gestis, aut factis, memoriam propagauerit, quò sit, ut adsumus absentes, mortuic[um] uiuamus. Tritum fuit Adagium apud ueteres: Pulchrū mori, decorat uitam. Quod plurimi, ut patriam conseruassent, corpus simul & animam deuouentes, uiuis effectibus cōprobarunt. Tu itidē Sacratissime Imperator, ut tui secretiores referunt priora de Christiano statu secum repetēs, & futura ante oculos ponēs, mente ut sit liberiore, dicere soles, nullū mortis genus te gratius excipere uelle, quā quod in castris militaribus contra infideles, ad uiuentes campos foelicitè eueniret. O uirtus animi commendatissima: sic corporis robori tanti principis insita & coniuncta. Non hominis profectò deliberatio ista est, sed numinis uox quēdam, & solo digna Cæsare, dum nō lectum eburneum: non sericeum puluinar: non auratum cubiculum, sed prata uiuentia, & foenum rusticum pro delicijs regalibus exposcas, ut debito Imperiali, quo toti Christianitati teneris, ingenuè satisfacias, pro quo tibi omnes, mentem sanam in corpore sano, uiteq[ue] diuturnitatem precabuntur. Et ut in hoc tam gloriosissimo proposito, animo inconculio persistas, erectis in cœlum palmis, attentius orabunt.

Sed iam factis res aggredienda foret, constantic[um] pectore, sine omni ulteriore cunctatione prosequenda, post tot consilia, & decreta multa: post tot conuentus, & exhortationes uarias, post tot instructiones, & tractatus plurimos: armis tandem nō argumentis opus est. Iam enim de his tam crebris, sed uanis, aut nullis consultationibus, & preparamentis nostris (ut quidā Mediolanensis ex Turcia profugus nuper in conspectu Regis nostri retulit) sepius dicit Turca, admodū subfanantis, cōsulant Christiani, cōsulant, & ego faciā, quod re ipsa, & stupendis indies uictorijs demonstrat. Nos si ueri Christiani sumus, quē admodū Turca indedecus potiùs nostrum affirmat, Christi fidem, ad sanguinē usq[ue], mente intrepida, non ostentatione solū, sed affectibus synceris obseruare, tueri, & quantū in nobis est, manu tenere debemus. Quoadusq[ue] uita nostra, Christiano aduersabitur nomini: ut qui Christum imitari, pro Christo nos opponere, Religionis uinculo arctamur, contra eius legem: contra oues suas: contra ipsum Christum, ignauia, arrogantia, & excessibus nostris, in cœlum usq[ue] cum Gigantibus, lætiferas sagittas, impudenter dirigimus, de locis certamus, publica negligentes: hostis uerò nos, & nostra omnia, ac loca simul, deglutire contendit. Vnum hoc conclamatum est, Turcas consilijs quibuscunq[ue] non conuertemus, si armis non uincemus, quæ diuini uerbi Concionatoribus elucidanda relinquo, quandoquidem multa nunc est mēsis, & operarij pauci.

Neq[ue] id deterreat, quod tam longo tempore, Orientali Imperio, hostis crudelitas potita sit, & desidia nostra, eius potentia sic increuerit, ut firmata esse uideatur. Ad Occasum intueri uolētī, possibilia omnia, & facilima comperiet, cum Sarracenorū immanitas. Grā natam & magnam Hispaniæ partem, supra septingentos annos hæreditario admodū iure possederit. At Ferdinandi Regis uictoriosissimi constantia, reginæq[ue] Elizabeth deuotione, & suorū fortitudine, paucis annis, nedum recuperata sunt omnia, sed tota infidelium potētia, non à regni solū finibus abacta est. Verū adusq[ue] inferiora Mauritanie littora, cū perenni illius Regis gloria eiecta. Ille uerò proprijs tantū uiribus, & unica suorū manu, strenuè hæc gessit. Tu commune bellū paras, & generalem (ut aiunt) expeditionē, tua opera, consilio, & auspicijs, Regumq[ue] omnium assensu, & horū prudentissimorum principū consilio (qui tuo lateri tanquā ualidissimæ columnæ adherēt) instituere debes. Quis oro, tot Regibus, & Principibus, tanquā numerosē multitudinē resistere poterit? Dū & pacem exulantem, multisq[ue] ante sæculis, inter Christianos desideratam, nunc iam commodissimè pro tui, & Leonis animi satisfactione, restitutā uides, & nouo quodā quinquenniali fœdere, cum omnium, qui bonæ uoluntatis sunt grātitudine, firmatam intueris, ut nihil est ampliùs, quod ad rem propositā foelicitè gerendā desit, aut quod impedire possit.

Non deerit uotis tuis, & Leonis sanctissimi, Serenissimus Rex noster cum omnibus dominijs suis, & tota illa Septentrionis ora, modò bellis, alijs, quibus cōtinuò impetitur, sinē optatum imponere possit. Quos uerò hostes regnū nostrū habeat, & quib[us] difficultatibus, Rex ille bellicosissimus detinetur, paucissimis explicabo, ne pijs aurib[us] fastidiū præbeā offendiculum. Notū est hac ætate nostra. Sigismūdi nomen celebre, lōgē, lateq[ue] plurimis uictorijs, fama refertissima peruolante. Nolo nunc Genealogiā & ortū clarissimi Regis texere, quæ tuæ celsitudini, & his omnibus satis cognita esse debet, Casimirea domus est, quæ



est, quæ regnare semper didicit, & uincere, præsentiam matura pulchritudine, & aspectu iucundissimo decoram, tu nosti, ita ex omni parte compositam, proceræq; grauitati coniunctam, ut ad Maiestatem ipsam, natam esse uideatur. Hic auito, paternoq; & fratrum regno, senatu uocante succedens, bello fortissimum, pace uerò splendidissimum se præstitit, & reddit. Quippe qui incomparabili iustitia, clementia, & liberalitate, sic apud suos omnes charus est: sic eorum affectus, æquitate, & mansuetudine, ac modestissimis legibus in se deuinxit, ut inter tot bellorum tumultus, non quod ex ueteri instituto solitum est, sed quod rex ipse precipit, aut nutu solo designat, illico à suis omnibus cum summa animi alacritate perficitur. Quæ profectò suprema laus Regum est, dum quisq; subiectionis suæ debitum, amore illectus, non timore perculsus, serena fronte, & libera exequitur, idq; efficit, ut dum Scythæ fugaces (quos nostri Tartaros uocant) subito interdum & insperatè, fines nostros irruant, mox nobilitas e centro regni primaria, benignitati principis satisfaciens, uitam propriam, & salutem, mera ipsorum uirtute defouere, & in media usq; hostium agmina obijcere non metuat, spem reponens firmissimam: in optima Regis munificentia, qui benemerita cuiusq; dignis procerijs excitare consueuit.

Urgetur namq; multis hostibus: regnum illud amplissimum, tribus à parte una: Scytharum ducibus potentissimis, multa centena millia bellatorum in statione campestri secum ducentibus, qui se etiam Cæsares dicunt, uno Theodosiæ propinquo, post Boristhenem ad latus maris Pontici, in Taurica residente, alter circa Tanaym, & paludem Meotidem loca tenet, & is in manibus Regis est: tertij sunt remotiores. Asiatici uastissimam incolentes solitudinem, & latissimos tenentes campos: hi omnes repetinis incursionibus Regnum deprædari, & continuè defatigare non cessant, famem, sitim, æstum & algorem, & omnem inedia contemnentes. Sæpius etiam Turcis iuncti, qui Monocaulum, & Licostrum occuparunt, maiora & horrenda damna nostris inferunt. Turcarum enim Scythæ omnes dependent, dum eadem secta sit, Mahometicis simul erroribus implicata: è quibus planè deprehendi potest, facilius catulos à maternis uberibus, quàm Tartaros à Turcarum assistentia diuelli posse, qui nunc etiam contra Regem Persarum optatas uiginti millium Equitum suppetias tulerunt. De his Rex noster multas & insignes reportauit uictorias, ut arces, & loca regni munitissima ostendunt, quæ pacis tempore pro sui nominis immortalitate ornatissimè restaurat: ubi Scytharum catenatæ acies, Latericio in muris erigendis certamine quotidie congregi uidentur. Est & alter hostis non minor ad rigentem Arcton, citra mare glaciale consistens, Roxolanorum dux, quem nos Moscum dicimus, sola perfidia, & detestando schismate famosus. Is partem regni Lithuanorum uidelicet prouinciam magno etiam bellorum motu turbat indies. Sed & hunc Rex noster, patrocinate iustitia, fudit sæpius, eiusq; potentiam triginta millibus in loco cæsis, profligauit, quàm plurimis primoribus ad uincula coniectis, qui in omnibus Lithuanicæ castris arcuissima detinentur custodia. Multis etiam alijs captiuorum millibus per uniuersum ferè orbem, varijs Christianorum principibus, mancipiorum loco dono datis.

Iamq; cruentū hoc bellum decenniū superauit, dum sint, qui eas discordias seminent, cōcitant, & turpiter alere non uerentur. Sed, proh dolor, non pudet etiā Religionis professores tantorum malorum auctores, & faces esse, qui literis, & nuncijs ad eam rem fouendam, magisq; irritandam, terra & mari sursum ac deorsum cursitant, ut Reges & Principes alioquin fortè quieturos, ad pugnam inflamment. Salutis insigne, & candidam innocentie uestem deferunt, tanquā pacis amatores, & fratrum perniciem sitiunt, bellorumq; fomitem, & totam causam præstant, hi sunt, qui loquuntur pacem cum proximo suo, mala autem in cordibus eorum, sed reuera, Deus fucis non illuditur. Breui namq; eis secundū nequitiam adinventionum ipsorum retribuet. Tuæ uerò sacratissimæ integritatis studium erga se, & statum suum pacandum cognitum habet Rex noster, pro qua beneuolentia, te ut parentem alterum obseruat, ueneratur, & colit, uelleq; uicissim eius Maiestatem omni opera, & facultate eniti, ut quacuncq; occasione, & modis, tuæ celsitudini tuò gratificari, & æquè fraternum officium præstare possit.

Et ut finem dictis imponam, his hostibus & quidem assiduis Regnum nostrum à trecentis penè annis premitur. Verum suo ære tantū, suo milite, & maximis laboribus, totā hanc belli molem sustinuit, nemine Christianorum principum suffragante: spe alebamur continua, & nudis semper pollicitationibus detinebamur, sumptibus & humeris nostris uicina hucusq; oia fouebamus, ut iam tanquā defessi & imbecilles, à maioribus impensis continere nō possemus, & deberemus meritò. Nunc tamē ut priuatos effectus publica uiueat utilitas. Expeditionē hanc generalem cōmendat summopere, & approbat, serenissimus rex noster: laudat modū de colligēdo neruo bellico, & exercitu cōgregando. Quē sanctiss. dominus noster, & tuæ celsitudinis prouidentia constituit. Alij q; reges & principes Chri-



pes Christiani proponunt. Sed neq; de eo pro nunc Maieſtatem regiam cū Senatu, & ſubditis ſuis, quicquam decernere potuiſſe, inter domeſticas difficultates, & bellicam occupationem cum ea, quem nemini hoſtilitate, quibus aliqua ex parte, utcunq; compoſitis, & deliberatione huius digniſſimi conuentus procedente, mox maieſtatem ſuam, & de colligendo nummo, & deſcribendo milite, in regno & dominijs ſuis itidem conſtituere uelle. Nec prætermiſſurum quicquam, quæ uires eius, ac Regni, & dominiorum ſuorum ferre potuerint. Et quæ ad tam ſanctum, diuq; deſideratum opus pertinebunt, dummodò aliquando cum effectu aliquo Chriſtianæ ſaluti conſulatur, pro qua (ut uerbis utar regijs) & theſauros omnes, & ſanguinem ipſum cum uita effundere parata eſt.

Perge igitur, quo cœpiſti, ſacraſſime Imperator, & tot ac tantis glorioſiſſimis triumphis tuis, unicum hunc, qui cunctos alios ſuperabit, apponere contende, ut utriuſq; Imperij habenas, Chriſtiani omnes, te moderantem aſpiciant, & lætentur. Vinctes proculdubio in ſigno crucis hoſtes deterrimos, proſtigabis cum tanto apparatu, & omnium potentia. Turcas impios exterminabis cum Leone ſanctiſſimo, & tot Regibus ſpurciſſimos, infideles, & ad ultimos uſque fines terræ, tanquam Chriſto alienos propulſabis, ut qui te Auguſtum in Auguſta tua, & menſe hoc Auguſti, auguſtè comperimus, poſt multas de infidelibus partas uictorias, Mahometiq; deleti nomine, Auguſtiſſimum tandem uideamus. Iter autem parabit, & diriget Dominus, cuius res agitur, carmine Prophetico atteſtante, reuelata Domino uiam tuam, & ſpera in eo, & ipſe faciet.

VICTORIA SERENISS. PRINCIPIS, ET D.D. SIGISMUNDI EIVS NOMINIS PRIMI REGIS POLONIAE, MAGNI DUCIS LITHVANIAE, RVSSIAE, PRVSSIAE, AC MAſſouiae, &c. Domini, hæredis contra Vayuodam Muldauiae, olim Daciae, Turcæ tributarium, & ſubditum: cui ſubeſt Valachia, Myſiae inferioris pars ad flumen Tyram influens Pontum Euxinum, quæ à Deo data fuit  
tertia in Menſe Auguſto præterito, & conſummata  
XXII die eiufdem Menſis, anno Domini M. D. XXXI.



AYEVODA Muldauiae, & prædeceſſores eius, ut perfidorum mos eſt, nihil unquam longo iam tempore Regibus, & regno Poloniae, quod tenebantur, præſtiterunt, cui ipſe Vayeuoda innixus, hyeme præterita, præter omnem expectationem foederibus, & iuramentis, quæ fecerat, neglectis, nullaq; hoſtilitatis denunciatione præmiſſa, prouinciâ regni Poloniae Pokuczia nuncupatâ fide, & honore poſthabito, occupauit. Quam iniuriam, quum ſereniſſimus Poloniae Rex diutiùs ferre non poſſet, exercitum ſelectorum mercenariorū militum ex regno ſuo comparauit, & cōſcribi iuſſit, opera magnifici Domini Ioannis Comitis de Tharnouu, Palatini Ruſſiae, & exercituum

regni Poloniae capitanei generalis, uiri in militaribus, clariſq; alijs in rebus præſtantiſſimi, quem ille uarijs in locis, ne hoſtis certum numerum ſcire poſſet, collegerat, & diſpoſuerat, & non multò ante feſtum ſancti Iacobi ad loca, quæ præſidijs hoſtis firmata erāt, ad moueri iuſſerat. Conſtabatq; totus ille exercitus equitibus, præter trecentos pedites, qui machinis, & bombardis erant addicti. Ex his equitibus ipſe Capitaneus generalis præmiſit duo millia, & aliquot centum equites, qui præter Valachorum ſpem, & ſcientiam uarijs in locis prouinciâ illam Pokuczia adorirentur. Valachorum ibidem in præſidijs erant fortaiſis 1400. bello apti, præter aliam colluiem. Poloni milites mandata capitanei ſtrenuè exequentes, non una ex parte eam prouinciâ inuaſerunt, conſigentes cum hoſtibus multos trucidarunt, & non paucos uiuos cœperunt, inter quos erant pleriq; ipſius Valachi familiares, & aulici, atq; in duobus diebus totam illam prouinciâ recuperarunt, præter caſtrum quoddam Guuoſdziecz, quod cuidam nobili Polono Thuuorouuſki nuncupato fuerat ademptum. Hoc tamen etiam paulò poſt obſidentes, in poteſtatem ſuam redegerunt, & illi quendam præfectum militum Vlodek nomine præfecerunt: pauci ex illa Polonorum irruptione, Valachorum, qui ſuperfuerant, euafere in Valachiam. Huic uictoriae capitaneus generalis Comes de Tharnouu nō interfuit, ſed cum

potiore



potiore exercitus parte rerum euentum non procul præstolabatur. Victoriæ uero nuncium cum quibusdā captiuis, nobilis quidam iuuenis Spitek de Tharnouu Serenissimæ Poloniæ Regi Cracouiam apportauit. Paulò post appulit etiam ad Sereniss. Maiest. Regiam generosus dominus Hieronymus Schafranyecz, qui plurimos ex ea uictoria captiuos attulit, hiq; hinc inde per castra regia habentur distributi. Post hanc acceptam cladem Vayeuoda Valachus percitus, omnes quas potuit suorum copias congescit, & in tres exercitus diuisit, eratq; numerus omnium supra uiginti millia. Cum his in prouinciam Pokuczia perueniens, sex millia equitum ad recuperandum castrum Guuofdziecz transmissit. De quo certior factus comes de Tharnouu, capitaneus generalis, maturè cum toto suo exercitu, & his qui ultrò se adiunxerant, ad succurrendum obsessis, & castro affuit. Hoc uidentes Valachi, xix Augusti præteriti cum exercitu Polono manus conseruerunt. In eo conflictu, cum Dei adiutorio, Poloni superiores facti, Valachorum illa sex millia profligarunt, & in fugam uerterunt: multi illorum cæsi, capti quàm plurimi, & præsertim de illis, qui ipsius Vayeuodæ curiæ inseruiunt. Hanc suorum stragem, quum à duobus suis capitaneis, qui ex prælio profugerant, Vayeuoda audiuiisset, commotus, iussit illis amputari capita, sed aliorum precibus uictus, catenis ferreis uinctos custodiæ mandauit. Hæc est Valachorum consuetudo, ut eos omnes, qui ex pugna euadentes domum reuertuntur, supplicijs grauioribus, quàm si in bello cecidissent, afficiant. Hinc fit, ut in confligendo multis alijs nationibus sint ferociore. Accensus itaq; Valachus ira pariter, & pudore, ipse in persona cum suis omnibus, Polonos septos castris, ut eorum mos est, curribus, & uallis factis, cum multis magnis bellicis tormentis, quæ secum duxerat, aggressus est. Quumq; Poloni sic cincti, non excedentes sextam partem numeri militum, quem secum habuit Valachus, uim globorum ulterius ferre non possent, prioribus uictorijs animati, & ope diuina adiuti, extra uallum in ordinibus suis prosilientes prælium commiserunt, & cum hostibus de perfidia expostulantes, & certantes ad quinque horas, sine intermissione conseruerunt manus, illosq; ad internecionem usq; prostrarunt. Namq; præter multa alia millia cæsorū Vayeuoda ipse fugiens duobus uulneribus est affectus. Tormenta bellica magna quinquaginta cum pulueribus, globis, curribus onerarijs, & toto com meatu capta, inter quæ fuerant quædam ante xxxiiii annos Polonis, & superioribus annis ipsis Transyluanis Vngaris adempta. Item duo uexilla maiora & principaliora, tympana, & multa alia bellica apparamenta. Quæ omnia facta sunt xxii Augusti præteriti. Poloni prosequentes uictoriam, insequuti sunt fugientes Valachos per milliare Germanicum unum & dimidiatum, trucidantes, & pleriq; de nobilioribus uiuos capientes. Fuit cæsorū ingens numerus, & inter eos multi de primoribus Valachi reperiiti. Hunc lætum uictoriæ nuncium attulit Sereniss. Poloniæ Regi quidam præfectus militum, nomine Szuuienziciki xxi Augusti Cracouiam. Postero die missus à comite de Tharnouu capitaneo generali quidam iuuenis nobilis nomine Sbigneus Szienyenski quosdam Sereniss. Maiest. Regiæ etiam captiuos attulit. Et inde alius præfectus militum Iaslouiecki duxit secum magnum captiuorum numerum, inter quos est, qui dicitur sermone Valacho Glogofer, quod est apud illos supremi cancellarij nomen. Item & pocillator, seu pincerna, & structor mensæ, cum plerisq; alijs ipsius Valachi officialibus. In summa nihil aliud ex eo conflictu secum, quàm duobus uulneribus faucium corpus asportauit Valachus, qui non immeritò perfidiæ suæ sic dedit poenas. Hinc tantus timor suos in Valachia inuasit, ut multi in Vngariam, & Moldauiam quotidie cum bonis suis profugerent. Christo Domino sit honor, & gloria, atq; omnis gratiarum actio, qui Sereniss. Poloniæ Regem quàm diutissimè contra crucis suæ hostes uiuere, & triumphare concedat, Amen.

EXCERPTA est hæc Victoriæ historia ex ipsis Sereniss. Poloniæ Regis literis, & quorundam, qui omnia magis peculiariter scripserunt.

Datum Bruxellis, in curia Cæsareæ Maiestatis, xxxiiii Septembris, anno Domini M. D. xxxi.

Per R. D. Ioannem Dantiscum, C. Episcopum Culmensensem, Oratorem ipsius Serenissimi Regis.

FRAGMEN:



FRAGMENTVM EX LIBERO BARONE DE  
HERBERSTAIN NEYPERG, ET GVETTENHAG,  
&c. DE BELLO POLONI, ET MOSCI.



RAT Ioanni magno Duci ex Sophia, filia Helena, quam collocauit Alexādro Magno duci Lithuanie, qui postea rex Poloniae declaratus est. Sperabant Lithuani iam grauissimas utriusque principis discordias eo matrimonio sopitas fore: at longē grauiore inde exorta sunt. In sponsalibus namque conclusum erat, ut templum Ruthenico ritu in castro Vilnensi, destinato loco exedificaretur, eique certe matronae ac uirgines eiusdem ritus iungerentur, quae cum aliquanto tempore fieri negligenterentur, sumit focer causam belli contra Alexandrum: & triplici exercitu instructo, contra eum progreditur. Primum uersus prouinciam Seuueram in Meridiem: secundū uerō in Occidentem contra Toropecz, & Biela instituit, tertium in medio uersus Drogobusch, & Smolenczko collocat: ab ijs exercitum in subsidijs retinet, quō ei maximē, contra quē Lithuanos pugnatores animaduerneret, succurrere posset. Postquam autem ad fluuium quendam Vuedrasch uterque exercitus uenisset, Lithuani duce Constantino Ostroski maxima procerum, & nobilium frequentia septo, ex quibusdam captiuis numerum hostium ac Ducum quoque cum cognouissent, magnam spem profligandi hostium concipiunt. Porro cum fluuiolus conflictum impediret, ab utrisque transitus, seu uadum quaeritur. Primi autem Mosci aliquot, superata ripa, Lithuanos ad pugnam lacescunt: atque illi haud timidi resistunt, eosque insequuntur, fugant, ultraque fluuiolum pellunt: mox utrinque acies committuntur, praeliumque atrox oritur. Interea dum utrinque eodem ardore animorum acriter certaret, exercitus in insidijs collocatus, quem paucissimi Rhuteni adfuturum sciebant, ex latere in medios hostes inducitur. Lithuani metu perculsi, dilabuntur: Imperator exercitus una cum plerisque nobilibus capitur: reliqui perterriti, castra hosti concedunt: se & arces, Drogobusch, Toropecz, & Biela pariter dedunt. Exercitus uerō, qui meridiem uersus processerat, cui praerat dux Machmethemin Tartarus Rex Casani, forte Brensko ciuitatis praefectum, quem uernacula lingua Vuaiuuodam uocant, comprehendit, Brenskoque ciuitate potitur. Duo post germani fratres, Basilij patruels, alter de Staradub: alter uerō Semeczitz dicti, bonam partem prouinciae Seuuerae possidentes, alioqui Lithuaniae ducibus obedientes, Imperij Mosci se tradunt. Sic unico conflictu, & eodem anno adeptus erat Moscus, quae Vuitoldus magnus Dux Lithuaniae multis annis, maximisque laboribus obtinuerat. Porro cum hisce captiuis Lithuanis, Moscus crudelius egit, grauissimis catenis uinctos detinuit: egitque cum Constantino Duce, ut relicto domino naturali, sibi seruiret: qui cum aliam spem elabendi non haberet, conditionem accepit, obstrictusque grauissimo iuramento, liberatus est. Huic porro quamuis praedia, possessionesque pro status sui conditione attributae essent: ijs tamen placari ac detineri adeo non poterat, ut ad primam occasionem, per inuias syluas redierit. Alexander Rex Poloniae, magnus Dux Lithuaniae, qui perpetuo magis pace, quam bello gaudebat, relictis omnibus prouincijs, & castris a Mosco occupatis, liberatione suorum contentus, pacem cum focero fecit.

Moritur autem Ioannes ille magnus, anno mundi 7014. cui filius Gabriel, postea Basilus dictus, magnus Dux successit, habens in captiuitate Demetrium nepotē ex fratre, qui uero adhuc uiuente iuxta gentis consuetudinem legitimis monarcha creatus erat: & ob id uiuo adhuc, atque etiam mortuo post nepote, sollemniter Basilus creari monarcha noluit. Patrem multis rebus imitatus est: ea quae sibi reliquerat pater, integra custodiuit: adhuc multas prouincias non tam bello, in quo erat infelicior, quam industria, imperio suo adiecit, quemadmodum pater Nouuogardiam magnam in seruitutem suam redegerat, ita & ipse Plescouiam, sociam urbem: item insignem principatum Smolenczko, qui plus quam centum annis sub ditione Lithuanorum fuerat, adeptus est. Mortuo etenim Alexandro Rege Poloniae, etsi belli causam contra Sigismundum Regem Poloniae, & magnam Ducem Lithuaniae nullam haberet, tamen quia Regem ad pacem magis, quam bellum inclinatum: Lithuanos uerō bellum pariter abhorrentes uideret, occasionem belli inuenit. Sororem uidelicet suam, Alexandri relictam, dicebat ab eis minimē pro dignitate tractari: Regem praeterea Sigismundum insimulabat, Tartaros contra se conuulisse. Quare bellum indicit, Smolenczko obsidet, admotis tormentis: nequicquam tamen



oppugnat. Interea Michaël Lynczky, ex principum Rhutenorum nobilistemma, & familia ortus, qui quondam summam rerum apud Alexandrum tenebat, ad magnum ducem Moscouiæ profugit, quemadmodum infra patebit: mox Basilium ad arma hortatur, eiq; promittit, se Smolenczko, si iam denuò obsideretur, expugnaturum: ea tamen lege, ut ubi hunc principatum Moscus concedat. Post cùm ad conditiones à Michaële propositas assensus esset Basilius, atque Smolenczko graui iam denuò premeret obsidione, Lynczky pactionibus, seu largitione uerius urbe potitus, militiaq; præfectos omnes secum in Moscouiam duxit: uno duntaxat excepto, qui ad dominum suum, nullo proditoris crimine sibi conscius, redierat: reliqui uerò centuriones corrupti pecunia, & muneribus, redire in Lithuaniam non audebant: & ut culpæ suæ patrociniū prætenderent, iniecerunt merum militibus, dicentes: Si Lithuaniam uersus iter arripiemus, passim aut spoliabimur, aut occidemur: quo malo perculsi milites, omnes in Moscouiam profecti sunt, stipendioq; principis aluntur.

Hac uictoria elatus Basilius, exercitum suum continuò in Lithuaniam progredi iubet: ipse uerò in Smolenczko manet. Dein cùm aliquot propinquiora castra, & oppida deditione capta essent, tum primùm Sigismundus Rex Poloniæ obsessis in Smolenczko, coacto exercitu auxilium, sed tardiùs, misit: mox occupato Smolenczko, ubi Lithuaniam uersus Mosci exercitum ire animaduertit, ipse Borisouu iuxta fluuium Beresina situm, aduolat, atq; inde exercitum suum Constantino Ostroskij duce dimittit: qui cùm attingisset Borysthenem, circa Orsam oppidum, quod à Smolenczko 24 milliaribus Germanicis distat, aderat tum iam exercitus Mosci circiter octoginta millia: Lithuanicis autem non excedebat triginta quinque millia hominum, adiunctis tamen aliquot bellicis tormentis. Constantinus mense Septemb. die 8. anni 1514. frato ponte, peditem ultra Borysthenem, iuxta Orsam oppidum transfert: equitatus autem angustum uadum sub ipsò castro Orsæ superat. Mox ubi dimidia pars exercitus Borysthenem transisset, nunciatur Ioanni Andreæ Czeladin, cui summa rerum à Mosco erat commissa, ut hanc exercitus partem inuaderet, contereretq;. At ille respondit: Si partem hanc exercitus oppressemus, supererit altera pars, cui fortè aliæ iungi copiæ possent, atq; ita nobis maius periculum immineret: expectemus tantisper, dum totius exercitus transferatur: tantæ enim sunt nostræ uires, ut sine dubio, nec magno labore, hunc exercitum aut opprimere, aut circumuentum Moscouiam usque, ueluti iumenta agere possimus. Tandem, quod unicuique restat, totum occupemus Lithuaniam. Interim appropinquabat exercitus Lithuanicus, Polonis & externo milite mixtus: & cùm quatuor millibus passuum ab Orsa processisset, uterq; subsistit. Moscorum duæ alæ longius ab exercitu recesserant, ut hostem à tergo circumuenirent: acies autem instructa in medio stabat, subductis quibusdam in fronte, qui hostem ad pugnam læsserent. Ex aduerso Lithuanus diuersas copias, ordine longo collocabat: singuli etenim principatus, suæ gentis copias, & ducem miserant, atq; ita singulis suis in acie dabatur locus. Tandem cohortibus in fronte constitutis, Mosci classicum canentes, primi in Lithuanos impetum faciunt: illi haud timidi resistunt, eosq; repellunt: quibus mox alij in auxilium missi, uicissim Lithuanos in fugam conuertunt: sic aliquoties utraq; pars nouis subsidijs aucta, alteram repellebat. Postremò maxima uiceratur. Lithuani studio cedentes ad locum, ubi tormenta bellica collocauerant, ea in Moscos insequentes conuertunt: extremamq; aciem eorum in subsidijs arctius collocatam feriunt, turbant, dirimuntq;. Hoc nouo belli genere Mosci, qui primos duntaxat in acie cū hoste confligentes, in periculo esse putabant, terrentur, turbatiq; primam aciem iam iam fusam putantes, fugam capeunt, quos Lithuani conuersi, omnibus copijs effusis insequuntur, fugant, caduntq;. Hanc eadem sola nox ac syluæ diremerunt. Est inter Orsam, & Dobrouinam (quæ quatuor mill. German. distant) fluuius Cropiuna dictus: in cuius dubijs, & altis ripis fugientes, tot Mosci submersi sunt, ut cursus fluminis impediretur. Capti sunt in eo conflictu omnes militiae præfecti ac consiliarij: quorum præstantiores, Constantinus sequenti die lautissimè accepit: dein ad Regem misit, qui per castra Lithuanica sunt distributi. Ioannes Czeladin cum alijs duobus præcipuis ingrauescentis iam ætatis ducibus, habebatur, in ferreis compedibus Vilnæ: hos ego, cùm à Casare Maximiliano legatus in Moscouiam missus essem, permittente rege Sigismundo, accessi, eosq; consolabar: aureos præterea aliquot, obsecrantibus mutuo dederam. Princeps porro accepta suorum clade, Smolenczko continuò relinquens, in Moscouiam fugit: & ne castrum Drogobusch Lithuani occuparent, incendi iubet. Lithuanicus exercitus recedens Smolenczko ciuitatem contendit, sed capere eam non potuit: quod præsidij impositis, Moscus eam benè firmatam reliquerat: & quod hyems impendens obsidionem impediebat: tum quod plurimi post conflictum prædæ onusti, satis se effecisse rati, domum reuertebant.



tebant: denique quòd neque Lithuani, neque Mosci expugnare arces, aut ui capere norunt. Ex ea autem uictoria, præter recuperata citra Smolensko tria castra, Rex nihil reportauerat. Anno post hunc conflictum quarto, misit in Lithuaniam exercitus Moscus, atq; intra meatus Duuinæ fluuij, & Poloczko castrum confedit: ac inde bonam exercitus partem, quæ Lithuaniam abacta præda cæde, & incendijs depopularetur, dimisit. Albertus Gastold Poloczkijs Vuayuoda una noctium egressus, flumine superato, aceruum foeni, quod ad longam obsidionem congefserant Mosci, incendit, hostem inuadit: quorum alij cæsi ferro, alij fugiendo submeriti, alij capti, pauci euaserunt: cæteri, qui palantes Lithuaniam uastabant, pars in locis diuersis deuicti, alij in syluis errantes à colonis trucidati sunt.

## MARTINI CROMERI ORATIO IN FVNERE OPTIMI ET MAXIMI PRINCIPIS, SIGISMVNDI,

*eius nominis primi, Polonorum, Lithuanorum, Rufforum, Prussorum, & Masouiarum Regis, &c.*

*An. M. D. XLVIII. Calend. April. defuncti.*

SERENISSIMO PRINCIPI ET DOMINO, DOMINO SIGISMVNDO AVGVSTO DEI GRATIA Regi Poloniae, magno Duci Lithuaniae, Russiae, Prussiae, Masouiae, Samagitiæ, &c. Domino & hæredi, Domino suo Clementissimo, MARTINVS CROMERVS.



N publico & acerbissimo omnium nostrum luctu, quem tecum pariter, Sigismunde Auguste Rex inclyte, morte sanctissimi Regis nostri SIGISMVNDI, patris tui, nuper hausimus, nulla est (mea quidē sententia) maior, & efficacior doloris leuatio, quàm honestissimè, & laudabiliter in primis ab eo actæ, & religiosè exactæ atq; positæ uitæ: beneq; & feliciter, sapienter & cum approbatione omnium bonorum administrati Regni huius recordatio. Qua in parte cum ego pro meo de multis benè merendi studio, opis aliquid non tibi, neq; maioribus natu (qui multos annos in Repub. hac nostra, & in aula eius Regis uersari, exactius omnia norunt, & memoria tenent) sed minoribus & imperitis afferre cuperem, prius quàm abs te orator ad Pont. max. Paulum eius nominis tertium proficiscerer, scripsi ei funebrem orationem, siue laudationem: qua uitam eius penè omnem, resq; gestas illustriores, nudè & succinctè, quoad fieri potuit, exponendo, non uerbis amplificato (quod perlongum, & non mearum sanè uirium opus futurum erat) complexus sum, ut esset commentarij uice interim, dum siue à nobis ipsis in instituta historia gentis nostræ, siue quod malim à doctiori atq; disertiori quopiam diligentius omnia pertractentur. Nec sanè defunt in hoc tuo regno, quod multò florentius, & belli, & pacis artibus pater tuus reddidit, quàm acceperat: qui, si tua benignitas accesserit, & libenter id opus suscepturi sint, & cum dignitate persecuturi. Equidem, si nihil aliud hoc labore meo assequar, certè doctiorum cessantium adhuc studia excitabo, & persequi hæc accuratè, & ornatè uolentibus materiam subministrabo. Tibi uero in primis, inclyte Rex, orationem hanc dicare uolui, cui me ipsum non ita pridem addixi, & ad quem hæreditas paternæ gloriæ maxime pertinet: ut siquidem placebit, nonnulla, si non cum uoluptate, certè cum leuatione desiderij paterni, domestica decora recognoscas: & nostri siue ocij, siue negocij fructum, & quasi primitias quasdam delibes: sin displicebit (quod magis credo) melioribus des id negocium, ut ne cum eorum, qui nunc uiuunt, mortalium memoria, sapientissimi, & optimi patris tui laudes intermorianur.

Quamquam uiuent eæ (nisi me uanum fallit augurium) æuo sempiterno, easq; posteri nostri longè etiam, quàm nos gratiore, & iucundiore memoria prosequantur. Quod reliquum est, Deum precor, ut fausta tibi, nobisq; omnibus Regni tui initia esse uelit, & lætioribus indies successibus id cumulet, ac diutissimè incolume, fortunatumq; præster. Cracouiae 9 Calend. Aug.

M. D. XLVIII.

BB 2 SANCTI

*Historia Polonica ab autore conscripta.*



POLONICARVM RERVM,  
SANCTI POLONIAE, &c. REGIS  
SIGISMVNDI PRIMI E-  
pitaphium.

Sigismundus in hoc iacet sepulchro,  
Quod uiuens sibi prouidē parauit.  
Primus Sarmatiæ potens feracis  
Hoc Rex nomine, quem lagielliana  
Ex magnis Ducibus uetus propago,  
Gestis, iustitia, fideq; clarum,  
Produxit: quibus & diu Polonos  
Rexit magnanimos, eosq; multis  
Auxit diuitijs, honoribusq;  
Et tot magnificis ubique palisim  
Structuris, ut in hac patescit arce,  
In templis, & item Deo dicatis.

Armis atque toga probè per omnes  
Insignis procul inde nationes,  
Veri cultor erat, tenax honesti,  
Et prudens, sapiens, pius, modestus.  
In cunctis ratione semper usus,  
Non præceps, neque concitus notatus.

Tandem transijt hinc, bis octo lustris  
Ex hoc pondere corporis, peractis:  
Sanctè sicut in hoc agebat, hoc sic  
Est iam tempore, mortuusq; sanctè,  
Christus, quo tumulum die reliquit,  
Coniunctus superùm beatitati.

Natus anno Domini 1467. prima Ianua-  
rii. Electus 1506. octaua Decembris.  
Coronatus 1507. uigesima quarta Ia-  
nuarii. Mortuus 1548. prima Aprilis.

*Ioannes Dantiscus Episcopus Varmiensis, Do-  
mino suo benè merenti non sine lachrymis  
posuit.*

SIGISMVNDVS REX IPSE DE SE.

Ciuiibus, externisq; mea est clementia nota,  
Consilium, grauitas, religio, atq; fides.  
Pax mihi chara fuit: tamen haud me impunè laceffit  
Teutho, Liuo, Moschus, Turca, Scythia atque Getes.

ORATIO



## ORATIO.



**I**NTEMPERANTIVS fortasse, Sigismunde Auguste Rex inclyte, & uos Patres amplissimi, ac ceteri uiri undequaque ornatissimi, abuti facilitate, & patientia uestra uideor, qui locum hunc augustum, apud uos hoc tempore dicturus, conscenderim: nihil neque conspectum, confessumque istum uestrum amplissimum, grauissimumque reueritus: neque rei, de qua dicendum est, magnitudine deterritus. Neque ego ita sum hebes, ut non intelligam, quid & quantum sit, quod nunc a uobis expectetur: neque ita mihi ipse placeo, ut non perspiciam, quid a me prestari possit. Quod si Alexander ille Magnus, Rex Macedonum,

Alexandri Magni delectus pictorū, & sculptorum.

qui res maximas mira celeritate, & rara felicitate gessit, neque pingui se, nisi ab Apelle, neque fingi, nisi a Lysippo, praestantissimis suae aetatis artificibus, passus est: quanto acumine, quam uaria doctrina, quam solido iudicio, qua memoria, quam ubere denique, & illustri eloquentia esse oportet eum, qui de optimi, fortissimi, sapientissimi, clementissimi, & pietissimi Regis SIGISMUNDI, cuius nunc exequias Polonia, Lithuania, Russia, Prussia, Samagitia, & Masouia omnis, moesta & pullata celebrat, laudibus, & uita omni, uere, & pro meritis eius dicere uelit? Et effigiem quidem cuiusquam apte, seu pingere, seu fingere, non maximus est ingenij, neque laboris, ac ne operae precij quidem. Patent omnium obtutibus corporis lineamenta: neque magnopere cuiusquam refert, quo colore, qua figura oris, quo corporis totius habitu, quaeue statura quisque fuerit, qui inter homines esse desijt: animorum habitudines, uitamque omnem, non cuiusuis est neque exacte perspicere, neque dicendo apte, & ad uiuum exprimere. Magnorum autem uiuorum, & excellenti uirtute praedictorum laudes celebrare, apprimè utile est uitae hominum, & necessarium: ut & illis, quoad fieri potest, pro meritis suis gratia referatur: & ceteri habeant, unde uirtutis, & laudis exempla petant, & quod ad bene merendum de suis incitentur. Tanta sunt autem huius optimi Regis uirtutes, ut summis pariter ac imis abunde exemplorum, ad uitam recte, & honeste instituendam suppeditent: tanta in nos & in patriam hanc nostram communem merita, & beneficia, ut ea semper immortale laudis consecrari a nobis oporteat.

Propositio.

Animorum habitudines exprimere difficile.

Utilitas ex laude bonorum. Sigismundi Regis uirtutes.

Neque tamen is ego sum, qui id me rectissime, & cum excellentibus sanctissimi illius Regis uirtutibus, tum perpurgatis uestris auribus, digne facere posse confidam. Absit haec a me arrogantia: non adeo effrons, demensque sum: intelligo nullam in me esse doctrinam, nullum dicendi usum, & exercitationem, nullum excellens ingenium, nullam denique memoriam. Quae nam uero tanta est cuiusquam eloquentia: in quo tantum flumen lectissimorum uerborum? in quo tanta uis, & (ut ita dicam, flumen sententiarum? in quo denique tanta memoria, & pronunciandi dignitas, ut clarissimis optimi Regis uirtutibus atque meritis par esse possit? Sed si lautis & delicatis epulis deficiamus, an ne cibarium quidem panem hospitibus apponemus? Et si auro, gemmis, preciosaque ueste carentes, ne malo quidem cotoneo, uel scypho aquae ex praeterlabenti amne haustae, gratitudinem animorum nostrorum sanctissimae huius Regis animae ostendamus? Vetus est prouerbiū, Eos, qui thura non habent, mola falsa litare. Certè uel cum periculo priuatae temeritatis, & impudentiae, non est prodenda causa publica: neque committendum est, ut dum singuli pudori nostro consulimus, cuncti hoc extremo laudationis officio in funere talis ac tam bene meriti Regis praetermisso, ingratitude (ne dicam impietatis) reprehensionem apud hos ornatissimos magnorum principum oratores, & apud omnes gentes, quae humanitatem colunt, merito incurramus. Audendum est igitur, & eo quidem maiore fiducia, quod ijs de rebus dicendum est, quae uobis plerisque omnibus aequè ac mihi notae, nonnullis etiam notiores sunt: nempe quas uidistis ipsi ferre, & meministis, & quarum (ut ait Poëta quidam) pars magna fuistis. Ita enim futurum est, ut me rudi, & inculto, sed plano tamen sermone, capita modo rerum attingente, cetera uos ipsi diligentius mecum recognoscatis, & gratia, iucundaque (ut par est) memoria recolatis. Ac de tribus bonorum generibus, quae sola sunt laudabilia: primum externa: deinde de corporis: postremo animi eius bona succinctè persequar. Quod dum facio, uos mihi quaeso, uiri praestantissimi, benignos uos, & attentos praebetis.

Authoris modestia.

Excusatio insufficientiae.

Iusta laudandi causa.

Virgil.

Partitio.

Iagellonum uetus stirps.

**G**enus patrum Sigismundi a Cazimiro est, Vladislai Iagellonis filio. Nemo est autem sic hospes in Polonia, ac in toto ferme Septentrione, cui non sit auditum de Iagellonum familia, quae iam supra centum, & quinquaginta annos a-



**Vladislaus Iagello.** nos apud nos regnat, à uetustis Lithuanorum ducens originem. Cuius princeps Iagello, cui Vladislao nomen, bono, ueroq; omine, quasi qui gloria potens esset, maiores nostri indiderunt. Huius auus, tuus autem Sigismunde Auguste proauus, cum Lithuania & magnæ partis Russiæ dominatu potiretur, expetitus à Polonis, & ad regnum unum cum coniugio religiosissimæ uirginis Hedwigis, demortui Ludouici Regis Vngarorum & Polonorum filiæ, repudiatis quibusdam alijs procis, accitus: religioni Christianæ sese, & cunctam simul Lithuaniam addixit, ditionesq; suas omnes Poloniæ fœdere sempiterno adiunxit: in curanda, & prodigiosis dæmonum superstitionibus ad ueri Dei cultum conuertendo gente sua agresti, & barbara, per multum laboris, operæ, sumptuumque impendit. Nec indecorum sibi duxit præpotens Rex, Doctoris, & Apostoli munere fungi apud rudem, & uilem plebeculam, cum nostri sacerdotes eius linguæ penitus essent imperiti. In Bohemis quoq; ad sanitatem, priscamque religionem à multiplici errore, quo se authore Ioanne Hussio implicarant, reuocandis, non parum operæ sumpsit: cumque pertinaciores eos esse animaduertisset, Regnum ab eis delatum repudiavit. Silesios quosdam, & Russos Duces domuit. Cruciferos Germanos non modò Lithuania inhiantes, uerùm etiam Poloniam ipsam, parentem & nutricem suam crudeliter, & impiè laniantes, clarissimis aliquot uictorijs repressit: uictis, fractisque pacem æquis conditionibus dedit. Erat enim singulari lenitate, & mansuetudine, ad remittendas offensas perfacilis, & supra modum credulus: quippe qui fallere neminem ipse consueuisset. Quò magis obnoxius, & opportunus fuit dolis, & iniurijs cum Sigismundi Cæsaris, tum Vitoudi, & Suitrigellonis proximorum suorum, de quibus erat bene meritus: per quos factum est, ut in administrando regno plusculum haberet negocij. Huic decrepita ualde ætate, cum duodequingenta annos regnasset, uita defuncto, de duobus filijs impuberibus, quos è quarta uxore Sophia Russa Kiouiensium Ducis filia susceperat, maior natus Vladislaus in regno successit: is qui Vngarorum quoq; regno suscepto, & profligatis summa cum gloria aliquot Turcarum exercitibus, cum prius ad Macedoniæ, deinde ad Thraciæ fines, hosti pacem petenti formidabilis, cum animosiore, quàm ualidior exercitu penetrasset, apud Varnam inter confertissimos hostes incautius dimicans, certam propemodum uictoriam cum uita pariter amisit: cum undecim ferme apud nos: apud Vngaros uerò non totos quinque annos regnasset.

**Cazimirus rex Prussia per dedit.** Post hunc Cazimirus natus minor frater, tuus Sigismunde Auguste auus, regnū hoc suscepit: cui peruastata à Tartaris (tametsi profligatis semel atque iterum) Podolia & Russia, & amissus per defectionem ad Moschos dominatus Seueriensis, ac domestici motus, seu uerius offensæ uoluntates multorum, propterea quòd Lithuanis plusculum indulgeret, malisque consultoribus uteretur, non parum de æterna fœlicitate detraxere. Prussiam tamen, & Pomeraniam per ditionem recepit. Cruciferis fœderum non tenacibus post tredecim annorum bellum supplicibus, & iureiurando in uerba sua, & posterorum suorum Regum Poloniæ adactis, relicta parte Prussiae pacem dedit. Valachorum uxor & filij palatinum bellicosissimum Stephanum, in clientelam accepit, & in consilio suo locum ei dedit, ac magno ei ad profligendos Turcas adiumento fuit: cum Vngaris, & Bohemis uario Marte bella gessit. Filios sex, & septem filias ex Elizabetha Alberti Cæsaris filia, Vladislai Vngarorum, & Bohemorum Regis sorore, fœmina honestissima, & religiosissima, suscepit. Ex his uiuens Vladislaus natus maximum Bohemis, Cazimirum, ac deinde Ioannem Albertum Vngaris Reges dedit. Sed utroq; hoc dissensione partium deferto, Vngariam quoque Vladislaus obtinuit. De quo nati, Ludouicus quidem filius, bimulus uiuente patre coronatus, cum ei exacta ætate mortuo, in utroque regno successisset, iuuenis admodum, Turcico bello ante unum & uiginti annos apud Mohatium miserabiliter periit. Anna uerò filia cum Ferdinando Cæsare, qui post Ludouicum apud Vngaros, & Bohemos regnat, nupta, tribus filijs præclaræ indolis, & nouem filiabus superstitibus relictis, anno abhinc altero parturiens, diem clausit extremum. De supra memoratis uerò duobus filijs Cazimiri Regis, Cazimirus quidem, iuuenis castissimus atq; religiosissimus, in Lithuania immaturam mortem obiit, non sine celebri sanctimonie fama, quam complura miracula ad sepulchrum eius edita confirmarunt. Ioannes Albertus post patrem octo, & amplius: deinde hunc secutus Alexander quinque annos regnarunt: ille quidem maximi animi, sed ante susceptum regnum, quàm regnans, fœlicior: hic à Moscis apud Vedrusios uictus, eosdem apud Oposcam: Tartaros uerò Tauricos apud Clecicum paucis ante mortem diebus insignibus prælijs profligauit: uterq; extincti prope, credo ut digniori cederent: post hos Sigismundus hic noster natus est. Hunc secutus Fridericus, sacris initiatus, Archiepiscopus Gnesnen. simulq; Episcopus Cracouiensis, & S. Rom. Ecclesiæ presbyter Cardinalis fuit.



Porro filiarum Cazimiri duæ immaturè mortuæ: Hedwigis Georgio duci Bauarorū, *Filiarum Cazimiri desponsa*  
 Sophia Friderico Marchioni Brandenburgensi, Anna Boguslao Pomeranorum, Barba- *ra Georgio Saxonum: Elizabetha uerò (patre mortuo) Friderico Legnicensium, & Bre-*  
 gensium Ducibus matrimonio iunctæ fuere: & omnem penè Germaniam affinitatibus, *tio.*  
 & propinquitatibus illustrium uirorum, & mulierum, quas enumerare perlongum esset, nobis deuinxere. Sed ad institutum nostrum reuertamur. Hoc igitur Sigismundi genus compluribus, quemadmodum uidetis, præclaris Principibus ac Regibus fœcundū fuit. Atq; is ab ineunte primū pueritia, una cum alijs fratribus, ab honestissima, & religiosissima matre, sanctè ac temperanter educatus, & à præceptoribus, uiris eruditis, bonis, gra- *Educatio Sigismundi.*  
 uibus, & pijs ad uirtutem in primis, & pietatem, cultumq; diuinum institutus, in literis quoq; non contemnendos progressus fecit: ita, ut Latine scribentes, & loquentes sine in- *Linguarum peritia.*  
 terprete intelligeret, nec incommodè ipse ea lingua uteretur. Germanicā uerò, cuius pro- *Pis usus sacrarū literarum.*  
 pter finitimos atq; etiā incolas Germanos, non exiguus est usus apud nos, exactius didicit. Porro in diuinis Scripturis ita fuit exercitatus, ut multa inde senior meminisset: ac sæpè eas in ore haberet, non ad scurrilè iocum, aut ad curiosam disceptationem, ut nunc improbus, ne dicam impius, mos inoleuit, sed seriò, & ad moderandas actiones, uitamq; omnem: eoq; timorem Dei, iustitiā, & uirtutem maximè semper præ oculis habuit. Per multū enim refert, quibus rebus quis ab ineunte ætate assuefactus fuerit. Nec scio, an ad uitam sic uel sic degendam longè plus faciat, quo modo quis à puero eductus, & institutus, quā quo modo natus sit. Solent enim plerumq; etiam bonæ, & generosæ in- *Educationis bonæ utilitas.*  
 doles, praua, atq; adeò negligentiore quoq; educatione deprauari: uitiosam uerò naturam sæpè bona educatio corrigit. Sic igitur educatis Sigismundus, adolescens singulari indole, modestia, comitate, grauitate, & industria, quæ res maximè etatem illam commendant, magnam sibi non modò nostrorum hominum, sed etiam externorum, Vngarorum inquam, Bohemorum, Silesiorum, & Germanorū, cum quibus uiuit, beneuolentiā adiunxit. Nam cum regnante Ioanne Alberto fratre post patrem, iuuenis in Vngariam ad Vuladislauum alterū fratrem se cōtulisset, ibi ea dignatione fuit, ut Vngari, & Bohemi magis eum propemodum, quā Regē suum reuererentur: per eum, quæ cuperent, publicè & priuatim à Rege peterent: eius authoritati, & iudicio libenter starent. Vsq; adeò maiorem uim habet ad tenendos in officio etiam feroces homines, æquitatis, grauitatis, constantiæ, & sapientiæ opinio, quā regium sceptrū, quā etiam carcer, bonorum confiscatio, proscriptio, uirgæ deniq; & secures. Itaq; magno omnium fauore, Glogouiensem, & Opau- *Fauor Sigismundi apud Vngaros, & Bohemos.*  
 iensem dominatum, & summā utriusq; Silesiæ præfecturam à Vuladislao fratre obtinuit: adeoq; charus ac uenerandus fuit Silesijs, ut hodie etiam eius imperium grata, & iucunda memoria prosequantur. Quid illud, nonne ingens est bonæ existimationis, & beneuolentiæ hominum erga eum documentum: quod cū regnaret iam in Polonia, à Suetijs post eiectionem Christiernum Regem, & item ab Vngaris atq; Bohemis, post miserabilem Ludouici fratris filij interitum, ut illa quoq; regna susceperet, expetitus est: Neq; deterrebat Suetios tanta terræ, marisq; intercapedo, quanta à nobis disiunguntur: ac ne *Glogouiensis & Opauensis dominatus, & suprema præfectura Silesiæ. Regna ei oblata, sed non acceptata.*  
 Vngaros quidē, & Bohemos pacta conuenta cū Maximiliani Cæsaris liberis, aut Caroli, & Ferdinandi maximorum principū potentia, si Sigismundus delatum sibi regnum suscipere uoluisset. Apud suos uerò quā gratiosus fuerit, uel illud permagno argumento est, quod Ioanne Alberto Rege mortuo, prælatu fuisset proculdubio in regno, maiori natu fratri Alexandro cunctorum suffragijs, nisi plus publica quies atq; tranquillitas, & uetusta cum Lithuanis, quos iam Alexander ditione tenebat, fœdera ualuisent. Iam uerò quantum ei honorem summi quicq; Principes habuerint, redite quæso mecum paulisper in memoriam. Primū enim Maximilianus Cæsar, non minoris animi, quā prudentiæ princeps, dudum hostis acerrimus, post celebrem illum congressum Viennensem, eo ipsum honore prosequutus, ea charitate cōplexus est, ut in loco fratris deinceps eū haberet: eius gratia fœdus cum Basilio magno Moschorū duce ictum respueret, ac non modò defenderet contra Sigismundum Cruciferos in Prussia, quos defendendos susceperat, uerū etiam auxilia ei contra illos, si quid noui molirentur, suo, nepotumq; suorum nomine promitteret. Qua de re extat apud nos diploma eius. *Amicitia, & fœdus cū Maximilian. imp. Viennensis cū Cesare congressus.*

Huius uerò nepos Carolus, qui nunc latè & fœliciter imperat, nonne hūc Sigismundo honorem habuit, ut inclytæ huic reginæ Bonæ, uxori eius coniunctissimæ, Barensem principatum, quem post obitum matris eius in potestatem suam redegerat, redderet: ipsum societate sua, & aureo uellere ultrò dignaretur: sæpè honorificentissimā eius mentionem faceret: neq; unquā Cruciferis, & alijs Germanis bellū contra eum flagitantibus indulgeret: Adest hic uir clarissimus Stanislaus Lascius palatinus Siradiēsis, haud ita pridem apud illū potentissimum Imperatorem legatione functus. Adsunt item uiri præstantes, Pe-



*Petrus Opalenius.* Petrus Opalenius castellanus Gnesen. Stanislaus Borgius Decanus Cracouiensis, Nicolaus Myscouius regiae mensae structor. Vellem adesset etiam uir eruditissimus Ioannes Dantiscus, Episcopus Varmiensis: qui omnes idem munus apud eundem Imperatorem cum laude superioribus temporibus obierunt. Ex his cuique licet discere, quanto perè ille Princeps maximus, & grauiissimus Sigismundum regem obseruauit. Quid frater eius Ferdinandus Caesar & Rex potētissimus? nonne plurimū eum & amauit, & coluit? Nonne eius arbitrio controuersia suam cū Ioanne Rege regno Vngarorū permisit? Non dico, quibus uerbis, & rebus praeterea saepenumero idem Rex quanti Sigismundū faceret, declarauit. Possem autem non uano rumore accepta referre, sed quæ cum de grauib. uiris accepi, tum ipse explorata habeo, cum nuper ad illum à te, rex Sigismunde Auguste, cū Nicolao Radiuilo, uiro illustri, & acuto, Lithuaniae summo Marschalco missus essem. Ne illud quidem commemoro, quanto animi dolore idem nuper Sigismundi nostri mortem prosequutus, quantoq; studio pariter, & apparatu exequias ei in maxima principū Germaniae celebritate fecisse dicitur. Vt autem & Gallorū Regem Franciscum, qui anno superiore decessit, Iulium secundum, Leonem decimum, Clementem septimum: & hunc qui nunc praesidet, sapientissimum Paulū tertium, Pontifices maximos praeteream, quorum illustria habiti huic Regi honoris documēta commemorare possem: ut magnorum item & grauium quorundam Germaniae principum perhonorifica de ipso elogia, quæ ipse his auribus audiui nuper, omittam. Barbari nonne eum praeter ceteris Regibus, & monarchis reueriti sunt? Quo enim Rege cultior, & populosior fuit Russia, & Podolia: hoc est, quo Rege quietiores fuere Tartari, praedis & rapto alioqui uiuere soliti? Quid ego dicam de Turcis, qui felicitate sua elati, omnes homines atq; Gentes praese contemnunt? Annōn Solimannus bellicosissimus, & felicissimus eorum Imperator, cum eo perpetuū foedus percussit, & religiosè coluit? negare id alijs postulantibus, aut ad tempus modò concedere, nec admodum superstitiosè seruare solitus. Annōn Valachis ac Tartaris uetigalibus suis, ne Sigismundi Regis ditiones infestaret, edixit? An non idem, huic etiam eius filio Sigismundo Augusto, per Petrum Opalenium, & Ioannem Ocessium castellanum Bieccensem, uiros ornatos, pacem, & amicitiam in gratiam patris promisit? Annōn eiusdem intuitu, filiam eius Isabellam reginam uiduam, nepotemq; haecenus incolumes esse barbarus tyrannus passus est? qui ne ad Valachiam quidem adspirasset, nisi eum in tempestiue, ne quid aliud dicam, dissensiones nostrae animassent. Quid Selimus Solimanni huius pater, ferox, & in patrem etiam suum impius, annōn Sigismundi amicitia splendida legatione olim expetiuit? Nimirum admirabantur in eo cuncti uirtutem, grauitatem, & constantiam singularem: reuerabantur etiam nonnihil eius felicitatem. Quis enim tot annorum spacio in tanta orbis terrarū perturbatione feliciter eo regnauit? quis regnum, superiorum Regum infelicitate diuexatū ac deformatum, aut pacatius administrauit, & retinuit, aut florētius, & opulentiū reliquit? Quis tot ac tam difficilia bella, tam secunda fortuna, tantaq; celeritate confecit? Commemorantur à ueteribus scriptoribus, Cyrus Persarum, Alexander Macedonum, Mithridates Ponti, Carolus Magnus Germanorum, maximi & fortunatissimi Reges. Celebrantur Alcibiades, Conon, Themistocles atq; Timotheus Atheniensium: Agelilaus, Pausanias, Lysander Lacedaemoniorū: Pelopidas, & Epaminondas Thebanorum: Hannibal, & Asdrubal Carthagensium: Romanorum uero (ut multos omittam) Fabij, Scipiones, L. Lucullus, Gn. Pompeius, & C. Caesar, clarissimi Duces, & Imperatores. Ne nostrorum quidem Boleslaorum, & Vuladislaurum obscura est gloria. Verū illi omnes partim cum imbellibus populis rem habuerunt: partim bello felices, ceteris rebus infortunati fuerunt: partim cladibus uictorias propemodum adaequarunt: partim etiam aliquousq; à fortuna euecti, in medio cursu destituti, & ad extremum seuis eiusdem procellis obruti sunt. At Sigismundum nostrum ab initio ad finem usq; secūdo flatu fortuna prosecuta est. Cum quibus uero bella is gessit? Nempe cum potentissimis Moscis, ferocissimis Tartaris, acerrimis Valachis, fortissimis Germanis, cum Turcis denique, uel ipsa uictoriarum perpetuitate formidabilibus. Quorum gentium ualidos exercitus, uel insignibus praelijs uicit, & profligauit, atq; adeo deleuit etiam, uel castris exiit, uel denique regiones earum impune uastauit: quasdam etiam domuit. Atque, ut à Tartaris, perpetuis nostris hostibus incipiam: horum quidem non contemnendos tres exercitus apud Sluscum tribus praelijs duce Constantino Ostrogio, principe omnium saeculorum memoria dignissimo, ad internecionem penè cecidit. Deinde apud Wisnoueciam uiginti quatuor millia, cum se per Russiam populabunda diffudissent, sexies fusa leuib. & particularibus praelijs, ad extremum tota acie in abeuntēs facto impetu, Nicolao Camenecio palatino Cracouiensi, & eodem Constantino, ducibus profligauit, cum nostri sex millium equitū numerum non excederent, de quibus



uix centum eo prælio desiderati sunt. Hostium uerò multò minor pars pernici fuga cussit. In Valachia quoque ante multos annos à Bogdano Palatino, huius Regis auspicijs, & armis iidem hostes graui prælio uicti sunt. Ne illa quidem uictoria sunt, quæ apud Vronouiam Ioanne Camenecio, apud Buscum Stanislao Lancoronio, apud Zincouiam arcem Iacobo Sencignouio, atque iterum palatino Kiouienli, in Volinia Constantino, & Ostaphæo ter, apud Ossacouiam hostilem arcem eodem Ostaphæo, & Prædislao Lancoronio Ducibus, & quæ in Podolia Trebinij, quæque apud Camenecia, & Verestaticum pagum, & compluribus alijs in locis Nicolai Senauij uiri fortis, & magnanimi, qui nunc palatinus Belsensis est, ductu, & fratrum eius Alexandri, & Procopij, ac Bernardi Præfictij Silesij opera partæ sunt. Nam leuiora cum his apud Trebouuliam, Podhaciæ, Medibozum, & multis alijs in locis prosperè item gesta certamina, sciens, uolens, quæ prætereo, ne sim longior. Tot enim ferè sunt, quot excursions ea gens rapacissima, & famelica, & uel è flamma, quod dicitur cibum petere solita, in ditiones eius ipso regnante fecit: perrarò enim impunè id abstulit. Quid illa apud Caniouiam in Lithuania ante unum & uiginti annos, nonne omnibus seculis est memorabilis uictoria, qua uiginti sex millia Tartarorum eodem illo Constantino duce parua manu profligata sunt?

Cum Turcis nullum hic Rex aperte bellum gessit: sed tamen aduersus eos, cum uel Tartaris intermixti è Podolia prædas agerent, uel Valachis opem ferrent, uel denique nostros circum Bialogrodum, quod & Moncastrum uocant, populabundos insequerentur, cum ab alijs, tum à Prædislao Lancoronie Regis huius auspicijs prosperè dimicatum est. Bis contra eosdem in Vngariam Ludouico Regi missa auxilia: quo quidem utroque tempore, utinam prius quidem uiro illustri, & incomparabili Ioanni Tarnouio, earum copiarum ductori: posterius uerò Gnoinio obtemperatum esset. Vterque Turcica arma, uiresque periclitatus erat in Podolia: cum illi inde, irritati à nostris, aliquoties prædas egissent. Sed magis comes Tarnouius, cuius præclara uirtus enituit, quo tempore Turce ad tredecim millia, Podoliam, & Russiam ad Leopolum usque & fines Vngariæ ferro, ignique uastantes, tria millia, plus minus de suis, particularibus aliquot prælijs fusi, amittere. Quod si idem robur animi fuisset in eo, penes, quem tunc erat militare imperium, potuerat exercitus ille cunctus deleri. Taceo duodecim millia Turcarum in Austria, ante quindecim (nisi fallor) annos, nostratum trium millium opera, & uirtute in primis penè ad interuersionem deleta. Nam si tunc, quamuis Sigismundo regnante, tamen non publicè, neque Sigismundi auspicijs, sed Caroli Cæsaris, & Germanorum stipendijs militarunt iam Valachos dolis atque artibus usitatis fretos, & clade nostrorum Ioanne Alberto regnante apud Bucophinam syluam accepta, Turcarumque ac Tartarorum auxilijs tumentes, quantà non modò felicitate, uerum etiam celeritate uicit, ac domuit: celsisque eorum copijs, uastatis longè, lateque agris, senatu penè omni capto, Bogdanum regulum gentis, quem Voleuodam, & Palatinum uocant, restituentem prædam, quam paulò ante in Russia ceperrat, in uerba sua iurare coëgit: & amissam maiorum suorum culpa Pocutiam ab eo recepit. Nostra uerò memoria, cum Petrus palatinus rebellasset, Pocutiamque rursus inuasisset, primùm sex millia hostium apud Guosdeciam arcem, ac mox uiginti duo millia apud Obertinum pagum uix à quatuor millibus nostrorum, duce hoc Ioanne comite Tarnouio uiro clarissimo, & primario bellatore, insigni, & inopinata clade profligata sunt, erepta cum bombardis cætera impedimenta, Palatinus ipse saucijs uix fuga euasit. Nec tamen ad officium rediit, donec postea in arce Chocimensi obsessus, & ad extrema redactus, solenne unà cum proceribus, & cuncta nobilitate sua regi iusiurandum dedit. Porro cum Germanis Prussiam sibi uendicantibus, quo tempore tu Sigismunde Auguste natus es, bellatum quidè uariè, sed nunquam, nisi prosperè à nostris dimicatum est. Nempe apud Prusmarcum, Zeburgam, Guteftadiam, Brunsbergam, Reslam, & Rastemburgum, à Iacobo Sencignouio: apud Pissiam à Stanislao Masouiorum duce: in sinu Varmienli, siue Habo lacu nauali prælio à Gdanensibus, bis apud Bartensteinā, sæpius à Prædislao Lancoronio, & Ioanne Zarembo palatino Calissiensis multis in locis: apud Heilsbergam ab Alexandro Ilouio, Gdani, & Elbinge, cum eas urbes adorti essent, à ciuibz fusi, & profligati: ad extremum tot cladibus, & inedia, uigilijs, & iugi nostrorum equitum uexatione fracti, & ad paucos redacti, Prussia excessere.

Quid ego de Moschis loquar? qui uel præcipuam gloriæ, & uictoriarum materiam huic Regi præbuere? Apud Poloscum, olim quidè septem millia hostium à Ioanne Boratinio, uiro acri, & animoso, interfecta: deinde uerò tredecimo abhinc anno, cum in Lithuania non ampliùs decem & octo milliarijs à Vilna metropoli, hyberna excursionem depopulati, reuerterentur, mille extremi agminis, quos solos Lithuania nobilitas cum aulico Regis comitatu, tumultuariè accurrens, atlequi potuit, trucidati. Superiori etiam quodam tempore

in inte-

Valachi uicti.

Ioannes Camenecius.

Stan. Lancoronius.

Iacobus Sencignouius.

Ostaphæus.

Prædislaus.

Lancoronius.

Nicolaus Senauius.

Bernard. Præfictus.

Bella cum Turcis gesta.

Prædislaus.

Joan. Tarnouius Comes.

Gnoinius.

Tarnouij laus.

Bogdanus Valachus uictus.

Petrus Valachus ductu Tarnouij uictus.

Bella cum Crificeris Teuthonicis gesta in Prussia.

Iacobus Sencignouius.

Lancoronius.

Joan. Zareba.

Alexander Ilouius.

Victoria de Moschis parte.

Ioannes Boratinus.



Georgius Radivilus.

Orsesis de Moscis memorabilis uictoria.

Ioannes Suirzouius.

Basilii Moscovitarum princeps.

Clades paucæ & parvæ in tot bellis.

Michael Glinfcus.

Nicolaus Senavius.

in interiore Lithuania prædabundi, magnum suorum numerum, & prædam, quam abigebant, Lithuanis insequētibus, amittere. Iam apud Starodubum Radogostiam, & apud Smolenscum aliquoties ante tredecim annos, ductu Georgij Radiuili castellani Vilnensis, non sine magnis cladibus profligati: apud Orsam uero cum primū Sigismundus regnare cœpisset, ne expectare quidem nostros, dum Boristhenem tranaret, sustinere, experti uim eorum in una, & altera turma, quæ primo impetu incredibili audacia traiecerant: uerum dilapsi, cum uastari sua ultra Velsmam etiam atq; Drohobusum cernerent, de nuō coadunati ad centum millia, ne adoriri quidem ter mille nostros mercenarios milites cum paucis Lithuanis longius à castris regijs ad Smolenscum positis progressos, ausi sunt. Magnis uero incommodis affecti, Mosiro, Turouio, & alijs quibusdam munitionibus, quas dudum Michael Glinfcus ad eos perfugiens interceperat, redditus, commutatisq; captiuis quinquaginta nobilioribus ac senatorij ordinis, quos de Lithuanis Alexandro Rege uicto apud Vedrusios cœperant, pacem accepere. Nec maiore ij fuere fiducia longè post, cum Radogostiam, ac deinde Ioanne Tarnouio nostros ducente, Homiam & Starodubum arces à nostris partim uicaptam, partim in deditiōem acceptas amittere. Et Starodubum quidem, cum ampliùs quindecim millibus armatorum, qui fuerunt in eius arcis presidio: qui soli nostrorum numerum longè superabāt, uirtute perpauorum militum nostrorum, & sulphurati pulueris, ignisq; adiumento expugnatum & euersum. Neq; uero ij tanto temporis, hoc est, plus quàm uiginti annorū interuallo, quantum inter Orsensē pugnam, de qua iam dicam, & hoc extremum Starodubense bellum intercessit, abiectos semel spiritus recipere potuere. Orsensē uero illā celeberrimam, & cum omnibus ferè omnium gentium atq; seculorum uictorijs comparandam uictoriā, quid hic pluribus commemorare attinet? Eadem opera soli lumen adderem. Quis enim est, qui nesciat, illo prælio, Constantino Ostrogio principe, & Ioanne Suirzouio ducibus, octoginta millia Moscorum bellatorum, qui omnem nostrum exercitum nō modò proterere posse uidebantur, uerum etiam Boristhenem tranare passi, pecudum in modum flagris abigere in Moscouiam destinarent, ingenti strage interfecta esse: ita ut desideratorū numerus ad quadraginta ferè millia peruenisse, uel certè duo & triginta millia superasse dicatur? Ductores eius exercitus, uiros illustres, omnemq; senatum gentis, & supra quater mille captiuos uiuos in potestatem uenisse, direpta castra opulētissima: ducem ipsum Basilium bellatorem exercitatum, & contra Tartaros, & alias gentes finitimas uictoriosum usque ad regiam suam Mosquam profugisse: atque ibi ampliùs centum, & uiginti miliaribus benè longis à loco conflictus, tamen uix tutò se subsistere posse credidisse. Tantus uero tunc pavor Moscorum animos occupat, ut Smolenscum, Seueriense Noouogradum, & complures alias munitiones, quæ ferè fraude, & perfidia Russorum, partim hoc ipso Rege regnante, partim superioribus temporibus in potestatem hostium uenerant, desertas tunc ac uacuas defensoribus, nullo negotio recuperare nostri potuerint, si prosequi statim uictoriā per tempus anni quieuisent. Atq; hæc quidem sunt bellica huius Regis decora præcipua (nam leuiora multa prætereo, ne anxie & minutatim cuncta exquirere, & persequi uidear) quæ quidem hoc sunt admirabiliora, quò magis inopinata: utpotè in summa ærarij inopia, & pleraque omnia longè imparibus uiribus gesta: ita, ut benè cum nostris agi uideretur, quoties non plus duplo hostium multitudo excederet. Has tot actantas uictorias, tanta imparitate copiarum quæsitæ, nihil mirum est (ut est rerum humanarum conditio uaria, & instabilis) si quæ clades interpolauerunt. Sed quot nam, & quantulæ sunt eæ? Vna apud Socalum à Tartaris, temeritate Russicæ nobilitatis accepta, ubi quatuor fortasse millia nostrorum à quadraginta millibus Tartarorum loci opportunitate usorum, defatigata uerius, quàm superata, non incruentam hostibus uictoriā concessere. Nostri mille ducenti desiderati, barbarorum uero caesa quatuor millia. Itaque raptim ij cum præda, quam uis uictores retrocessere. Altera apud Sereythum amnem, cum perpauca nostri in hostico palantes, à Valachis circumfusi oppressi sunt: ubi tamen nō plures, ducentis nostris periere. Nam eum peruastata longè, lateq; circum Pescouiam, siue Plescouiā Moscouiā, ab oppugnatione Oposce à ualido hostium præsidio reiecti sumus, ignominia illa uerius, quàm clades fuit, ductorum incitā, & incuria (nolo dicere ignauia) accepta. Amissa uero magna pars Albæ, Russiæ Michaelis Glinfcij, hominis ambitiosi, & Alexandri regis gratia inflati, proditiōi, & Russorū atq; præsidiariorum militum perfidiæ imputanda est. Porro apud Ozacouiam, cum uir in primis strenuus, Nicolaus Senavius eo usq; cum mille (opinor) equitibus priuato consilio populabundus excurrisset, priuata illa, nō publica clades fuit, crudelitate eius, & perfidia Tartarorum contracta. Hæc sunt uniuersæ clades, quas Sigismundo regnante accepimus, quæ omnes una aliqua ex his, quas superius percurrimus, uictorijs abundè expiari & cō-



penſata ſunt: nec ſcio, an quaſi neuuli quidam formoſum corpus, uel nubecula meridiana ſolem, tot illas clariſſimas uictorias illuſtiores reddidēre. Bellōne autem tantum clarus, an etiam pace Sigismundus fuit: imō uerō pace, quam ſemper expetiuit, clariſſimus. Teſtantur id tanta opes & facultates hominum noſtrorum, tam opulenta cum externis commercia, tantus ſplendor, ne dicam luxus, tanta elegantia cum in ædificijs, & uictu, cultuque corporis, tum in ſermone, & moribus, quanta nunquam ante hunc Regem in Polonia fuit. Loquuntur leges diligentius aliquanto conſcriptæ, clamant tot arces inſtaurata, tot exornata templa Dei Opt. Max. tam ſplendide, & magnifice exadificata publicis iuxta ac priuatis ædificijs Cracouia, Poſnania, Leopoliſ, Varſouia, Lublinum, Gdanum, & alia quædam urbes atque emporia: tam denique culta, & habitata Ruſſia, Pruſſia, Lithuania, & Podolia, quæ regiones antea ſylueſtres, & incultæ, aut ſuperiorum temporum conditione deſertæ magna ex parte iacuerant. Quid ego priuatos Sigismundi theſauros, & ararium ſine ulla cuiuſquam iniuria, in extremos Reipub. uſus aſſeruatum? quid tot ac tantas poſſeſſiones à maioribus eius oppigneratas, ab hoc uerō redemptas, commemorem? Hæc eo ſunt maiora, & magis honorifica, quō ſœdius fuit ac deformius, quodam ante eum Reges quotidianis quoque ſumptibus interdum defectos eſſe. Iam uerō non minima eſt & illa ſclicitatis acceſſio, quōd eo regnante Zatorienſis ditio, & Maſouia poſt quadringentimum ſerē annum ad corpus, & compagem Polonia rediuerunt: Pruſſia recuſatum diu, & aliquoties excuſſum iugum accepit: Pomerani Stolpenſes ad intermiſſam aliquādiu huius regni ſocietatem, & clientelā, iureiurando adacti, reuenēre: in qua tamen noſtra conuiuentia non diu permanſere. Porro in commemorandis coniugijs, & liberis, quæ non exigua ſclicitatis humanæ pars eſt, diutius me immemorati neceſſe non eſt. Permulti ſunt in hoc cœtu, qui priorem eius uxorem, Barbaram, Stephani comitis Scepulienſis, ac Tranſyluanienſiū palatini, cuius ductu nonnumquam cum Turcis Vngari fortiter dimicarunt, filiam, Ioannis poſtea regis Vngarorū ſororem, ſceminā ſanctiſſimam, & pientiſſimam, nouerunt: quæ quidem maximā illam Orſenſem de Moſchis uictoriam aſſiduis diurnis ac nocturnis precibus, cum lachrymis, & profuſa in egenos beneficentia, aſperioresque cultu corporis, & ſciunio conſunctis, à Deo impetraſſe exiſtimata eſt. Quæ quā conſuncte cū uiro uiixerit, magno & longo mœrore, & uberi fletu, ac penē muliebri eiulatu poſt mortē eius indulgentiſſimus rex teſtatus eſt. Hac immaturē intra tertium annū amiſſa, alterā ſuaſu Maximiliani Cæſaris duxit, Bonam Sphortiam, Ioannis Galeati Sphortie Mediolanenſium ducis & Iſabelle Arragoniæ filiam: cuius aui maternus, Alphoſus eius nominis ſecundus, Neapolitanorū rex, & ſtirpis Arragoniorū ac Siculorum regum, de qua Carolus quoque, & Ferdinandus ſummi monarchæ maternum genus ducunt, antiquitate, & ſua uirtute fuit clariſſimus. Paternus uerō proauus Franciſcus Sphortia, Sphortie, qui primus eam familiam rebus, potentiſſimis populis, & præſtantiſſimis bellatoribus per omnem Italiam proſperè geſiſſet, nominisque ſui ac terrore eam impleſſet, à Philippo Maria Mediolanenſium duce, Blanca Mariæ filia coniugio, dotaliq̃ue Mediolanenſium principatu dignatus eſt. Hoc igitur tali genere proſtatam Bonam, alteram uxorem Sigismundus rex accepit. De qua, quoniam præſens adeſt, graui dolore, & mœrore amiſſi dulciſſimi mariti, quem admodum cernitis proſtrata, nihil dicam ampliùs, niſi quōd triginta ſerē annos cum eo nupta, tanti ea fecit maritum Regem, ut his extremis aliquot annis ægrotantem, & uiribus planē deſtitutum, non coniugali charitate, ſed ancillari planē miniſterio ſine omni ſtudio curaret. Quo factum eſt, ut plurimū ei uiciſſim Rex amantiſſimus indulgeret. Harum uerō duarū uxorum ē Barbara quidē Hedwigim filiam ſuſceptam, ſceminā lectiſſimam, Ioachimo Marchioni Brandenburgenſi, Electori Roman. Imperij, matrimonio iunxit, & nepotibus ex ea uiuens adhuc auctus eſt. E Bonæ uerō maximam natū filiam Iſabellam, ſceminam excelſo & regio animo præditā, Ioanni regi Vngarorum, affini iam prius ſuo nuptū tradidit: nepotemque ex ea, quem admodum fertur, indole puerum ſuſcepit: quæ mulier complures iam annos poſt mariti mortem in præcipua laceri, & afflicti Regni parte regnat. Reliquas uerō tres, Sophiam, Annam, & Catharinam, uirgines ſpectatiſſimas, magnorumque Regum connubijs dignas, quas hic dolore immature amiſſi patris miſerabiliter lamentantes, & humi abiectas uidetis, elocari ipſi, i. ut optabat, datum non eſt. Filius uerō unicuſ hic Sigismundus Auguſtus, puer eſt riamdum decimum agens annum paterno Regno, ipſius opera, ſtudioque ante decem & octo annos inauguratus, poſt iuuenis factus, uxorem accepit uoluntate patris, Elizabeth priamam Sigif. Aug. maximam. In qua muliere genus cum forma, forma cum comitate, & manſuetudine, hæc uxor.

cum

Pacis ſtudia.

Splendor, &amp; elegantia. Polonorum.

Leges.

Arces inſtaurata, &amp; templa. Vrbes opulente ſub ſigif. Theſauri Regis.

Zatoria, &amp; Maſouia recuperata. Pruſſia, &amp; Pomerani in clientelā accepti. Coniug. a. Barbara uxor religioſa.

Alteræ uxor Bona Sphortia. Alphoſus rex Arragonum. Franciſcus Sphortia dux Mediolani.

Bonæ reginæ fides, &amp; obsequium. Sigismundus plurimū indulſit Bonæ. Hedwigis filia. Quatuor filie Sigifm. e Bonæ. Iſabella regina Vngariæ.

Filius Sigif. Auguſtus. puer coramatus.

Elizabeth prioriam Sigif. Aug.



*Elizabetha* cum probitate: probitas denique cum pietate (quæ ipsi patria uirtus fuit) certabat, ita ut  
*laus.* nescires, quid in ea potissimum admirareris. Quæ utinam uixisset diutius, & editis focero optatis ac sui similibus nepotibus, felicitatem eius perfecisset, tranquillitatemque huius regni stabiluisset. Sed non merebantur hæc, opinor nostra scelera. Nunc ad Sigismundum redeo. Nonne igitur hoc singularis cuiusdam felicitatis fuit, Rege patre, patruo, a-  
*Nobilitas sig. regis & facti- chas.* uoque: matre uero Cæsaris filia, & magni Regis sorore ortum esse tres fratres, & unius ex his filium, Reges uidisse: Regem & ipsum supra, unum & quadraginta annos tranquille, feliciterque regnasse? Summis Principibus uenerabilem, hostibus formidabilem, ceteris admirabilem fuisse? regnum legibus, opibus, ædificiis, humanitate, elegantia, & gloria longè florentius, quam acceperat, reliquisse? Filiam reginam, alteram uero regina non inferiorem, & ex his nepotes & neptes habuisse? Filium denique Regem secum, & post se fecisset morientem, permagnum sui desiderium bonis omnibus reliquisse? Nonne hæc (inquam) ei præclarissima, & longæ posteritati memorabilia in hac uita contigerunt? Atque hæc tamen pleraque omnia externa sunt bona, in quibus fortuna plurimum sibi uendicat: sed ab eo tamen ratione & consilio moderata sunt. Quid ego nunc formam, & staturam eius, robur cuiusuis honesti laboris patiens, dignitatem oris, dignamque, ut ait Poëta summus, Imperio faciem, depingam? Quod si facere maximè uelim, non possim. Prius enim ferè hæc in eo ætate ingrauescente marcescere coeperunt, quam ego in hanc lucem prodii: sed tamen permanserunt in eo etiam affecta iam ætate, non obscura earum rerum uestigia. Roboris uero, & uirium eius argumenta, fractæ inter manus non semel florentiore ætate ferreæ equorum soleæ, rupti funes canapei crassiores, intensæ manu balistæ, discepti lusoriarum chartarum fasciculi, à maioribus natu, qui hæc fieri ab eo uiderunt, prædicantur. Atque hæc leuiora fortasse cuiquam uideantur. Illa quidem non in postrema bonorum parte numeranda sunt, sanitas, quæ ipsi perpetua ferè ante extremam senectutem fuit: integritas, & solida compago membrorum, quæ afflictas morbo uires facile recuperabat: uigor sensuum, qui ad extremum usque eum non destituit: firma, melioribus præsertim annis, memoria: denique acumen ingenij, quo fratres, maioresque suos longo interuallo antecit. Sed & hæc omnia, ut sint magis propria hominis, quam illa superiora, tamen ad corpus ferè, quæ deterior pars hominis est, pertinent, nec magna laude, & admiratione digna sunt, quippe cum quibus nascamur, quæque in potestate nostra non sint, & ingenuo cum seruis, urbano cum rusticis, nobili cum plebeis, regi cum mediastinis, & baiulis: denique bono uiro cum improbis sint communia. Tamen si ne mutæ quidem pecudes, penitus horum bonorum expertes sunt, quin pleraque in illis, quam in nobis, maiora, & illustriora spectantur. Viribus quidem ab ursis & leonibus, agilitate à ceruis, & bisontibus, longæ uitate ab iisdem ceruis, specie fortassis ab equis & pauonibus, sanitate à piscibus, sensuum uigore à lyncibus, aquilis, canibus, uulturibus: industria, & ingenio quodammodo ab elephantis, uulpibus, & apibus: sic alijs rebus ab alijs fortasse superamur. Cæterum in animo uera hominis, & propria laus est. Corpus enim partim instrumentum, partim domicilium, partim etiam carcerem, & ergastulum animi, sapientissimi homines esse uoluerunt: animum ferè hominis appellatione dignati sunt. Qui uero mollissimè senserunt, partem quidem hominis, sed longè deteriolem corpus dixerunt: in animo omnem hominis excellentiam, & principatum collocarunt. Quocirca his, quæ externa, quæque corporis bona dicuntur, ita obiter transcursumus, ad eas, quæ sunt propriæ hominis, atque adeo magni & excellentis Principis laudes, transeamus. Quas dum, quanta maximè breuitate poterimus, persequimur, quæso, ut benignè, & attentè, quod fecistis adhuc audiatis. Virtutem, summam animi, atque adeo hominis perfectionem, quicunque rectè philosophati sunt, dixerunt, eiusque uirtutis prudentiam, fortitudinem, temperantiam, atque iustitiam, quatuor partes, & quasi fontes quosdam, unde officium, & omnis honesta & laude digna actio manaret, esse uoluerunt. Quæ nam ergo ex his in hoc præstantissimo Rege desiderata est? Prudentiam: quæ ex præteritis & presentibus, ea quæ deinceps euentura sint, colligit: causas rerum uidet, rectè de rebus iudicat, sibi, suisque in longum prospicit, impendentia mala sapienter auertit: at ea summa & admirabilis in eo fuit. Argumento est, benè & cum approbatione cunctorum, quoad ei per ætatem, atque morbum licuit, administrata, & inter tot undique imminentes hostes per tot annos incolumis conseruata Respublica. Nam quis sapientius eo, siue ex legibus, & moribus nostris, siue ex æquo & bono ius dixit? Nihil eum uarietas legum atque morum, quibus alijs equestris ordo, alijs oppidani, alijs agrestes, deinde diuersis Poloni, Lithuani, Masouij, Prussi, Silesijque utuntur: nihil diuersa, & pugnantia nonnunquam senatorum iudicia, quod minus ius suum cuique tribueret, perturbauit. Accidit interdum, ut post dictas à senatu sententias, ultima ipsius, ab omnibus diuersa, & tamen omnium esset æquisima. Porro in consilijs de Republ. nihil temere



temerè, & inconsultè faciebat, cuncta ad publicam, non partis, aut ordinis huius, uel illius, sed omnium utilitatem referens, fortunæ quàm minimum sese, suæq; permittens: ac tuta consilia lubentiùs, quàm callida, & periculosa semper secutus. Bella, in quibus fortuna plurimum dominatur, nunquam appetiuit: nec nisi necessario, & graui iniuria prouocatus, suscepit, & ita quidem, ut ab illa comici Poëtæ sententia non discederet: Omnia priùs experiri, quàm armis, sapientem decet. Itaq; à quietis consilijs nunquam, ne inter media quidem arma, & rebus ad nutum fluentibus, abhorruit. Regna à Suetijs, Vngaris, & Bohemis (quemadmodum superius dixi) delata recusauit, ne se, patriamq; suam nouis, & periculosis bellis implicaret. Valachos subiugare, siue adeò exterminare, ob rupta crebrò fœdera cum posset, noluit: ne uel illi desperatione adducti, Turcis sese dederent, uel redacta in prouinciæ formam Valachia, & amoto quasi obice, ipse difficilimum cum potentissimis Turcarum tyrannis bellum de finibus gerere cogeretur. Non quòd à pia contra barbaros ac deuotos Christiani nominis hostes expeditione penitus abhorreret: sed quòd suas, illorumq; uires iusta lance metiretur. Sic enim iudicabat, neq; suum esse, neq; unius planè cuiusquam principis, tam ualidum hostem, qui Asiæ, Aphricæ, Europæq; magnam partem ditione teneret, florentissimum Græciæ imperium euertisset, Caramanos, Cilicas, Syros, Aegyptios, & nescio quas præterea gentes una ætate subiugasset, deniq; latissimè dominantem Persarum Regi grauis esset, debellare. Coniungenda esse Christianis principibus arma, si hostem illum à ceruicibus suis uellent depellere.

Cum ergo animaduerneret, cæteros principes feralibus odijs inter se digladiari, ac totum penè orbem Christianum plus, quàm ciuilibus bellis ardere, omni honesta ratione semper Turcicum bellum declinauit: & Ludouico, fratris filio, Vngarorum, & Bohemorum regi sedulo idem suauis: qui iuuenis si patru, quàm ferociorum quorundam consilia priorum suorum, consilijs obtemperare maluisset, oblatamq; à Turcis pacem accepisset, seu uerius ipsis expetitam dedisset, uiueret fortassis adhuc, neq; munitissimum Christianorū regnorum propugnaculum Vngariam secum unà perdidisset. Hæc sanè fuit causa, cur apud pietissimum, & Christianissimum regem Sigismundum nihil ualuerunt Iulij secundus, Leonis decimi, Adriani sexti, & Clementis septimi Pontificum maximorum preces, & exhortationes, ad suscipiendum contra Turcas bellum incitantium.

Optabat quidem sapientissimus Rex tempus illud, cum Christiani principes restitit intestinis bellis, reconciliatisq; inter se animis, ad inferendum Turcis bellum conspicerent: plurimumq; in id operæ, laboris, & sumptuum impendit, siue quando cum Maximiliano Cæsare congressus est: siue cum missis non semel ad dissidentes principes, & ad Pontifices maximos, ueluti præsidēs, & moderatores Resp. Christianæ legationibus, accuratè ac diligenter ea de re egit. Et cū initio nonnulla eius rei spes ei affulsisset, non nisi annuas inducias Baiazeti, Solimanni huius aui, petenti dare uoluit. Ea uerò spe frustratus, sæpè diuinauit, nunquā id se uiuente euenturū esse, ut Christiani principes aduersus communem illum hostem uires coniungerent. Intelligebat enim, quousq; nonnullarum nationū mutua inter ipsas odia processissent: nec de fore Turcis, quos à cæterorū consensu, ad impediendos pios conatus, auellerent. Quid illud? cū principes Christiani cōplures, quos nominare necesse non est, sub Clemente Pontifice, in suum fœdus, contra Carolum Cæsarem, partim inuidentiæ fœlicitatis eius, partim potentiae metu initū, pertrahere eum non potuerunt: Aut cū nuper primarij Germaniæ principes, affines ferè ipsius, & prepotens illa tot opulentorum populorum contra eundē Imperatorem, & fratrem eius conspici ratio, pellicere eum in societatem suam nequiuert: ne eatenus quidem, ut uel pecuniæ non nihil mutuò daret affinibus, & cognatis, uel conatus illos tacite approbaret, uel deniq; ne suos homines stipendijs eorum militare prohiberet? Cuius tamen rei non leuem ei excusationem dabant apud Cæsares, libertas & instituta nostra. Non modò autem nihil eorū fecit, sed etiam dissuadere conatus illos, & pacificatorem sese interponere conatus est. Atq; utinam ei obsecundatū esset: non tam uasta quibusdam locis, neq; tam exhausta passim esset pecunijs iuxta ac uiris Germania: & liberi adhuc principes quidā retinerent dominatus suos amplissimos. Sed fortasse sic Deo uisum, ut fastum, & cōtumaciam, prætextu libertatis Euangelicæ, contra sanctissimas leges, & instituta maiorum, contra antiquissimum uniuersi Christiani orbis cōsensum, & contra legitimos magistratus suos impiè sese efferentem, retunderet. Cum igitur hæc uel faceret, uel recusaret optimus rex Sigismundus, nonne magna fuit illa eius prudentia, cum fide amicitiae, & constantia coniuncta? Quid? cū Ioanni regi, bis affini suo, ne regnū Vngarorum Ferdinando Maximi- liani nepoti iam priùs destinatum, susciperet, dissuadere frustra studuit: aut cū ei profugo exiliū quidem locū apud se indulgit, ut aliquid necessitudini, & calamitati eius tamē daret: auxilia uerò contra eundem Ferdinandum negauit: aut cum pacem inter eos compone-

Cōsilia quæta

Regna oblata

repudiata.

Valachi cur non subacti.

Bellum contra Turcas cur deuauit.

Dissuasor belli Turcici.

Consilium Sigismundi à Ludouico rege Vngariæ neglectū.

Pontificum exhortationes ad bellum Turcicum.

Bellum Turcis communi Regum consilio, &amp; ope inferendum.

Baiazetes pacem petiuit à Sigismundo.

Bellum contra Carolum imp. semper dissuasum.

Smalcaldense fœdus.

Clades Ligæ Smalcaldicæ.

Germanorum contumacia prætextu libertatis Euangelicæ.

Erga Ioan. regē Vng. quomodo se gesserit.



*Intempestiva* re magna cura instituit? Cernebat nimirum sapientissimus princeps à longè, quantum  
*Ioannis ambicio ad regnū.* mali intempestiva illa Ioannis ambitio Vngaris aduectura, quantisque malis, & calamitatibus non modò florentissimum illud regnum, uerùm etiam finitimas ei regiones inuoluturum esset bellum illud inter duos de regno conflatum. Iam in reuocandis ad officium  
*Gdanum pacatum.* Gdanensibus quodam furore multitudinis ad rebellionem concitatis, & in eijciendis è  
*Cruciferi eieci è Prussia.* Prussia Cruciferis Marianis tam cupidis, tamq̃ contumacibus, ut nunquam ab eis Polonia, & Lithuania quierè esse possent, annon magno & exquisito consilio usus est? Ne illud quidem eius consilium sapientia uacauit, quo, cùm hinc à Moscis graui bello distineretur, inde Cruciferi non leuius bellum ei ostentarent: Maximilianus uerò Cæsar, insensus ipsi adhuc, & hos, & omnes, quoscunq̃ posset, in eum, & in perniciem Polonorum concitaret: Tartaris donatium, siue stipendium constituit, non modò ut ab assiduis eorum incursionibus ditiones suas, alijs quemadmodū dixi, bellis impeditas, liberaret, uerùm etiam, ut eorum opera in uexandis ac distindis Moscis, & alijs hostibus suis, paruo redempta uteretur. Qua re tantū profecit, ut & Moscos ad petendam pacem adigeret: & tam culta & habitata sit, quàm nunquam sub fratribus, patre & patruo eius fuit, Podolia. Quàm solidum uerò fuit eius iudicium in mandandis honoribus, & magistratibus, & in allegendis in senatum uiris idoneis, quoties id ei arbitrio suo facere per quosdā importuniores, quibus impensius indulgebat, licuit? Atq̃ hoc id admirabilius est, quod difficile est non peccare in hac parte maximis quibusq̃ Regibus, & Principibus, propterea quòd alienis ferè & oculis cernunt, & auribus audiunt. Iam peculiaris illa eius in omnibus dictis & factis cunctatio, ne ipsa quidem sua commendatione caret. Nimirum sapientis est, nihil temerè, nihil præcipitanter, sed omnia consultè ac deliberatè agere. Sic enim caueamus, ne cuius nos dicti aut facti unquam poeniteat. Itaq̃ celebratur etiamnum literarum monumentis, non ignobilis populi Rom. Imperator, Fabius Maximus, de quo uulgatus ille Poëtæ cuiusdam uersiculus:

*Vnus homo nobis cunctando restituit rem.*

*Timor Dei principium sapientie.*  
*Fortitudo, & magnitudo animi.*  
*Constantia.*

*Michael Glinfcius.*

*Fiducia.*

*Animus in laetis & aduersis constans.*  
*Tolerantia.*  
*Educatio minus delicata.*  
*Iniuriarū obliuio.*

Atq̃ hæcenus quidem de prudentia Sigismundi regis nobis dictum sit modò. Cuius quidem ipsi causa fuit timor Dei, cum lacte nutricis, ut ita dicam, imbibitus. Initium enim sapientie, quemadmodū sapientissimi reges, Dauid & Salomon inquirunt, est timor Domini. Fortitudine uerò, & magnitudine animi, quanta hic rex præditus fuerit, quàm impiger ad propulsanda, & suscipienda pro salute, & incolumitate suorum bella, quàm contemnens earum rerū, quæ maximè in hac uita expectandæ esse uideantur (qualia sunt, regna & imperia) satis iam, opinor, intellexistis ex his, quæ superius diximus. Quin ex illo quodque magnitudinem animi eius intelligere licet, quòd Prussico bello, cum terrore non modico aduentantium è Germania auxiliorum, meliore rursus loco res Cruciferorum esse cœpissent, nihil de conditionibus pacis, hosti prius à se oblati, mutare uoluit: aut quòd cùm ipsi Lithuania possessionem post mortem Alexandri fratris adeunti, ne nouis quorundā Lithuanorum motibus renunciaretur, non est deterritus, quò minùs institutum cum patre comitatu aulico iter prosequeretur. Et cùm deinde Michaëlem Glinfium, ducē Russum, qui ad dominatum aspirare, dicebatur, cum ualido equitatu aduentare, in balneo tunc fortè sese abluens, cognouisset, neutiquam turbatus est animo. Venientē cum tranquillo uultu, & comiter accepisset, cuncta ei scelerata consilia (quod Michaël ipse postea passus esse fertur) è pectore excussit. Tantum eius animi magnitudo, in graui & constanti aspectu relucens, apud hominem Alexandri regis nimia gratia insolescentē, ac dominandi cupiditate incensum ualuit. Sic feroces alioqui canes ad molossorum aspectum proijcere sese, & adulari cauda solent. Quid illud? quòd Vngaris, & Bohemis, cū suis regibus Viennam ad Maximilianum Cæsarem proficisci, fideiq̃ eius, quem Posoni in constituto congressus loco diu frustra expectarant, credere sese ob non leues suspensiones dubitantibus: ipse, non sanè amicum ad eam diem expertus Cæsare, permagna fiducia ire ad eum perrexit, ac cæteris idem faciendi, data fide pro Cæsare, author fuit?

Porro æquabilitate animi in utraque fortuna, tanta fuit, ut neque secundis rebus disflueret, neq̃ aduersis frangeretur: à superbia, & fastu semper alienus, aditu & affatu facilis fuit. Aestus, frigoris, inedie, & laboris patientissimus: quippe qui ab ineunte ætate molliciei, delicijsq̃ minimè assuefactus esset: crassioribus cibis, & pannis, & caprinis pellibus, quod iactitare ipse solitus erat, innutritus. Morbos, & altæ uitæ incommoda admodum æquo animo ferebat. Quodam tempore ad sectionem digiti pedis, sacro (ut medici dicunt) igne inflammati, nihil est planè commotus. Porro cùm arx hac conflagrasset, illa de re tantū angebatur animi, quòd dubitaret, tantisper se deinceps uicturū esse, donec eam instauraret. Publica suorum incommoda depellere, damnaq̃ uindicare non libenter neglexit. Priuatas uerò suas iniurias, obrectationes, conuitia, & maledicta insolentiorum ho-



rum hominum ita contempsit, ut nunquam uindicaret, nec esset ob id deinceps ad beneficentiam in huiusmodi homines restrictior. Iam uero temperantia, & moderatione non modo cum laudatissimis omnium gentium Regibus, & Principibus, uerum etiam cum priscis philosophis, quorum seuerior & accuratius instituta fuit uita, certare potuit. Nihil ab eo leuius, nihil cupidius, nihil insolentius, nihil dissolutius, & flagitiosius unquam dictum aut factum. Fuit in eo uultus æquabilis, & ad seueritatem compositus, incessus lenis, sermo perpaucus & grauis, sale tamen & lepore non inurbano, neque petulanti nonnunquam temperatus: à sordibus semper abhorruit: sed frugali tamen uictu, & cultu corporis elegantiore, quam splendidioris usus est, nisi quando externos homines & legatos ad se admissurus erat: nam tunc augustiore habitu commendare Maiestatem suam studebat eademque de causa splendidius, quam quisquam maiorum suorum habitare instituit. Cuius exemplo, & imitatione eliminata magna ex parte est uita nostrorum hominum pristina barbarie, ciuilitatem, munditiam, elegantiam, & splendorem cum dignitate consecrari passim coepimus. Itaque longe alia nunc est facies rerum in Polonia, quam ante hunc Regem fuit. Sobrietatem uero Rex idem magni fecit, & ab infantia quidem ad senectutem usque patris, auique instituto, plane abstemius, & aquæ potor fuit: ingrauescente uero ætate, medicorum suasu uinum bibere didicit, sed ita tamen, ut nunquam eum quisquam ebrium uiderit. Edacior quidem, & libidiniosior natura fuit, uerum in utroque tamen magnopere sibi imperabat: cum prægrauatū se sentiret, ipse sibi cibum subducere solitus. Quod uero ad Venerem attinet, coelebs quidem uiridioris ætate laxius aliquantū uixit, & liberius: nec tamen alienos thoros contaminauit, nec uim cuiquam honestæ, & pudicæ intulit: neque foedius quicquam, quod honestæ aures abhorreant, admisit: & ueros illos lubricæ ætatis lapsus multis clarissimis uirtutibus compensauit atque contextit. Maritus uero, coniugii fidem sanctè seruauit. Verecundia summa, & penè uirginali, quoad uixit, fuit. Nudū se, aut necessitati naturæ satisfacientē, non nisi à perpaucis interioris cubiculi ministris, conspici passus. Obiurgare & admonere officij eos, qui aliqua dignatione essent, non sine rubore solitus. A probris, maledictis, & acerbioribus uerbis, quauis iratus, omnino sibi temperauit. Quanta uero fuit huius optimi Regis modestia: qui cum acri & solido esset cum in iudicando, tum in consultando iudicio: & neque gratia, neque odio facile deduci se ab æquo, & bono pateretur, tamen nihil ferè maius unquam sine consilio senatus fecit, aut statuit: ac nonnunquam de recta sententia sua consensu senatus adductus decessit, ne pertinax esse uideretur: quod ingens est, & perniciosum plerumque in principe uitium. Fiunt enim multa interdum iniuste, & inutiliter, atque etiam temere, & cum multorum exitio, ab ijs, qui sibi plus, quam ceteri sapere uidentur, dum iudicio suo freti, aliena consilia aspernantur. Iam illud, nonne magnæ fuit modestiæ simul & grauitatis, quod aduersantem sæpe desiderijs suis, uel utilibus, uel certè non perniciosis Reipub. nobilitatem, æquo, & moderato animo pertulit: neque uicquā inuitis extorquere aggressus est, neque intemperantiorum cuiusquam in se petulantiam acerbius ultus est: ne tum quidem, cum apud Leopolum concitata multitudinis conatus prodigiosa tempestate diuinitus disturbati, ferociorem eum facere potuerunt? Ac ne eblandiri quidem præter dignitatem aliquid, quod extorquere nollet, uoluit. Non pauca tamen aliquando extra ordinem, & præter debitum huic eius modestiæ consensu, & obsequio multitudinis atque consiliariorum concessa sunt. Ita nimirum sæpe eius impetrat modestia, quam exprimit imperium & uiolentia, præsertim ab hominibus, ab humanitate & libertate non alienissimis. Ab eo uero, quem sibi in omni uita proposuerat, modo, neque cupiditate ulla, aut metu, neque ira aut odio, neque aduersitate & egritudine animi, neque letitia, denique & uoluptate (quæ res transuersos ferè rapiunt homines) facile unquam auocatus est, & abstractus. Porro si quando animum grauib, & contentibus Reip. occupationibus lassum, & quasi fatiscentē recreare, & relaxare uoluisset, equitationibus, ac ceruorum, onagrorum, aprorum, urforū, & bisontium uenationibus (quod studium ipsi gentilicium atque hereditarium fuit) non sine utili & salubri corpori, & uirium, atque etiam industriæ exercitatione id facere solitus est: interdū etiam equestrium certaminum atque ludorum spectaculis. Scurrilibus quidem iocis, & leuioribus, sordidisque lusibus, mimis item, & histrionibus, & morionibus non libenter, præsertim integrioribus adhuc uiribus uacauit. Nec plura nunc de Regis huius temperantia, & modestia dicā. Reliqua est nobis una maxima, & præclarissima uirtus eius, quæ eiusmodi est, ut neque uesterugo, neque aurora sit magis admirabilis, quemadmodum inquit Sapiens quidā: lustritia, inquam, qua firmantur solia, ut ait sapientissimus Rex Salomon, stabiliunturque regna: quæ quidem uel maximè in hoc Rege resplenduit. Itaque ergo iure optimo firmatum est solum eius, regnumque stabilitum. Nam siue æquabilitatē, & æquitatem eius in dicendo iure, tam diuerso & uario, quam est in hoc regno, spectes, siue grauitatē, & constantia

Temperantia.

Ciuilitas Polonorum.

Sobrietas.

Abstemius Sigismundus. edictus. Libidines moderatæ.

Pudicitia. Verecundia.

Modestia.

Confidentia carui.

Moderatio erga nobilitatē. Leopolienses turba. Studium nobilitatis erga eum.

Constantia.

Quales anime recreationes.

Iustitia.

Prou. 16.

Æquitas in iudicando.



inter diuersas plerumq; senatorum, & nonnunquā pugnantes inter se sententias, studia, ad gratiam, uel odium (ut fit) inclinantium, siue laborem & patientiam in exercendis iudicijs, quoad ei per ualitudinem licuit, & audiendis etiam infimorum hominum querimonijs, est quod admireris, nedum laudes. Admiranda est, & illa eius continentia, quod nemini unquam, eo regnante, quamuis luculentas, quamuis amœnas possessiones regijs uicinas habere obfuit: quin illum uicinum, quā procures quosdam, cuncti maluitis.

**Labor.** Quid ego fidem eius cū in promissis, tū in foederibus, & amicitijs, inimicis iuxta ac amicis spectatā, prædicem? Cōmemorauī nonnulla superius, quæ ad hanc rem pertinent, nempe quod ad dissoluendam cum Cæsaribus, Carolo & Ferdinando amicitia adduci se nunquam passus est, ne a necessarijs quidem & affinis. Promissi uerò, quā tenax fuerit, possem hic, si necesse esset, locupletissimos eius rei testes citare, nonnullos uiros amplissimos, qui partim hic adsunt, & hæc taciti audiunt, partim iam ē uiuis excesserūt: quibus quō minūs præstaret semel promissa, neq; gratia, neq; odio, neq; precibus, neq; conuicijs, neq; lachrymis cuiusquam flecti potuit. Nihil in eo fallax, aut in multiplex: aperti uerò & simplices fuere mores, pariter & oratio. Et quoniam ea, quæ Respub. continet, tueri, & florentes facit, iustitia, poena, & præmio, sœueritate, & clementia maximè constat, de his quoq; pauca dicamus. Vtrunq; ille quidem coluit: nec dum alterum sequitur, neq; alterum: sed cū intelligeret, liberis, & minimè malitiosis populis se imperare, & satis magnam poenam sceleri & ignauia, institutis maiorum nostrorum esse propositam, infamiam inquam, & odium bonorum uirorum: ad sœueritatem quidem, & experendas de fontibus poenas fuit remissior: nec nisi necessario, quemadmodū ad secandum, urendūq; medici, ad hoc descendebat. Ut, cū Cazimirienses aliquot decuriones ob eadem nobilium quorundam, tumultu concitata multitudinis patratam, supplicio capitali affecit, ne quod maius malum inde existeret, & ut illi exemplo essent in posterum magistratibus, multitudinem temerè concitantibus, concitatam uero non refrēntibus: uel, cū Gdani de capitibus seditionis urbanae supplicium sumpsit. Vel deniq; cū dux adhuc Silesia, regionem illam omnem latrocinijs, quibus infamis erat, iam inde ex quo tempore bella ibi a Bohemis, & Vngaris, Matthia, & Georgio, ac mox Vladislao regnātibus, gesta sunt, penitus repurgauit. Quod factum eius cū finitimi omnes laudat, tū Silesij quoq; etiamnum grata memoria prosequuntur. Ad clementiam uerò fuit propensior, ita ut cū aliquando eam ob rem, nescio a quo uiro senatorio reprehenderetur, urbaniori responso repressisse illam eius acerbiter feratur: Qui si is, inquit, a quonam sœueritatem istam exordiret? Illud opinor innuens, neq; illum culpæ exortē esse, & ad multa nonnunquam conuiendum esse Rempub. administranti. Proinde multos capitis reos uita donauit, nonnullis inuistam iure infamia sustulit: nullius propemodū bona confiscauit: confiscata etiam ijs, quorum fuerant, reddidit. Exules & proscriptos reuocauit, sine accusatore quidem & indicta causa neminē damnauit. Gdanensibus uilis plebecula impetu ab officio discedētib; nihil ferè de pristina libertate & immunitate, nihil de commodis, quæ perampla sunt ciuitati illi publice, & priuatim, detraxit, authores modò seditionis paucos inuitus partim interfecit, partim exilio mulctauit. Hostibus supplicibus libentissimè ueniam dedit, ita, ut uel de medio uictoriarū cursu non grauātē retrahi se ad ueniam, reconciliationemq; pateretur. De Valachis quidē iam diximus. In Cruciferos uerò debellatos iam ferè, quā clementer se gessit? Quod nisi fidē eorum suspectā habuisset, nō modò siuisset eos retinere, quæ habebant adhuc, sed ablata quoq; ni fallor, eis reddidisset. Magistrum quidem eorum, Albertum Marchionem Brandenburgensem, sororis suæ filium, expectatione, & aduentu auxiliorū ē Germania, uariè tunc, ut quā leuissimo uerbo utar, secum agentē (dabit mihi ueniam Princeps amplissimus, uulnus suum necessario refricanti, & beneficentissimi in se auunculi memorie hoc nō inuitus, uti spero, donabit) retinere ea, quæ ante bellū illud habuerat, & partim iure belli amiserat, partim amissurus esse uidebatur, omnia iussit: & honore auxit, Magistri appellatione in Ducis nomen, quo omnem deinceps rebellandi occasionē tolleret, commutata: deniq; hereditarium ei, fratribusq; eius Cazimiro, & Georgio, in mares duntaxat liberos, principatū illum constituit. Hec annōn maxima sunt documēta clementia, hostē, quem minimè esse decuerat, & hostem pertinacē, penē deuictum, & fortunis spoliatum, meliore quā fuisset dudū, conditione, in societatem, & amicitiam recipere? Quid illud eodē bello, quod Germanos milites contra se militantes, uelitationibus, & leuibus nostrorum prælijs exagitados, & labore, inopia, inedia, uigilijs, uulneribusq; confectos, delere, cū posset, noluit? Captiuos, quorū plenæ erant turres, & ergastula in maiore Polonia, & Cuiavia, sine ullo precio liberos, atq; adeo ueste, & uiatico donatos, dimisit: Cuius clemētię benignitatisq; suæ maximū, nisi fallor, fructū cœpit: nempe, quod per tot annos deinceps eo regnante, in Prussia Germani,



mani, & contra Polonos, quamuis sedulo sollicitantibus Cruciferis, arma non sumpserunt: non tam uiribus, & fortuna regis, ut equidem credo, deteriti, quam beneficentia uicti. Sepenumero enim ij, qui aliquando uicti, fractique sunt, contra uictores sese recolligunt. At quos uictos seruatis ac iuuentis, eos beneficij pariter & fortunæ suæ recordatio, pristinos spiritus recipere non tam facile sinit. Neque illud minus est, nec scio an longè maius clementiæ Sigismundi argumentum, quod cum permagna libertate, cui Reges atque Monarchæ plerique omnes infensi, & infesti sunt, Respub. nostra constituta sit, nunquam eam infringere conatus est: quamuis impellentibus ad id quibusdam, & maiore nonnullorum licentia aliquando prouocante. Verum cedere furori paucorum, quàm derrahere aliquid propter eos de cōmuni libertate, Rex optimus maluit. Quod si qui reprehendunt, ijdem sanè reprehendat, quod amari à suis, quàm timeri: & patrem se, quàm Dominum haberi maluit. Huc & illud pertinet, quod procerum similitates atque dissensiones semper sedauit, quoad potuit: quas alere tyranni, & qui priuata cōmoda sua, quàm Rempub. pluris faciunt, solent. Nec ex tantum (proh dolor) his extremis eius temporibus inter quosdam inualuissent, magno iustitij, & iuris dicendi impedimento, scelerum impunitate, & periculo, maloque Reipub. dum ea quasi plausum disparibus ac diuersis iumentis, auriga cessante, aut nec quicquam laborante, distrahitur ac discerpitur: nō inualuissent, inquam, dissensiones tam pestilentes, si senium, & perpetuus ferè morbus consuetudinē, & auctoritatem pristinā retinere eum sinisset. Quod sit, ut ipsi iure quodam suo uenia danda sit, si non per omnia eum, quē debuit, quemque florētiorē ipsius ætate tenuerat, cursum Respub. pristino illo senium animi, & memorię uigore in eo deficiente, tenuit. Aetatis hæc, uiri Poloni, & Lithuani, non illius culpa est. Ille quidē præclaris uirtutibus suis, atque superioris temporis administratione, & felicitàte hæc, si qua fuerunt, extremi corporis incōmoda, penitus (si modò uos æquiores, & gratiores, quàm maligniores haberi mauultis) obscurauit. Neminē unquam mortale inuenietis, qui omnes numeros felicitàtis absoluat. In charissimis quoque parentibus, suauissimis uxoribus, dulcissimis liberis, atque adeo in seruis quoque uestris multa quotidie uos ferre necesse est, nisi humanitatem exuere prorsus uelit. Quæ enim ista esset iniustitia, & immanitas, atque adeo impietas, si liberi parentē suum, à quo progeniti, liberaliter educati, & instituti, semper indulgenter habiti, & omni ratione adiuti, & ornati, summa denique omnia consecuti essent, ad extremum propter olentem animā, mucidasque nares: addo etiam, si libet, propter neglectā rem familiarem, abominarentur, aut etiam grauius incusarent, superiorum omnium beneficiorum obliti? Non est hoc uestri moris, neque ingenij, uiri Poloni: qui nō penitus malos Reges, nedum bonos, & benè meritos, grata memoria prosequi soletis. Verū ad institutum nostrum reuertamur: fuit igitur in Sigismundo, quemadmodum uidetis, singularis clemētia, & priuatim, & publice. At fuit is restrictior in benè merentes de se ac Reipub. Fuerit sanè ita. Sed quis hoc ei uitio uertat: si benè secū reputet, inane ante eum Regē ærarium: oppigneratas à maioribus eius possessiones plerasque & bona regia: egentes quosdam Reges, ne in quotidianos quidē sumptus pecunia suppetente: nō solutas à patre: ab ipso uero exactas omnium, nisi fallor, sororū dotes: dotatas duas filias, tres etiam reliquas dorandas, & pro dignitate sua, regnique elocandas: persoluta militibus suis, & externis supra ducēta millia florenorum, emeriti apud Ioannem Albertum, & Alexandrum fratres stipendij nomine debita: denique complura bella non sine magnis impendijs gesta, & alia præterea impendentia. Hæc quisquis rectē secū perpendit, simulque cogitat, quod indignitatis illa ærarij inopia, patrem, fratresque, atque etiā maiores eius nonnunquam impulerit, æquior multo in hac parte Sigismundo erit. Et tamen nihil is prætermisit, quod ad splendorem Regni, & patriæ, dignitatemque suam, & magnificentiam pertinere existimauit. Ut enim illa, quæ modò attigi, non repetam, ut redemptos à barbaris captiuos: restitutas res, ne belli causa essent, potenti hosti à nostris prædabundis ablatas: senas nuptias magnificentissimo apparatu factas: constructas aliquot locis, & pro ueteribus tugurijs regali magnificentia exornatas domos. Ut hæc, inquam, præteream, arces quidē, Camenecensis in Podolia, Leopoliensis, Sendomiriensis, Corcinēsis, Vilnensis, Cracouiensis, & hæc quidem bis, & aliæ quædam instauratæ, & munitæ: cōparatæ, & instructæ permultæ, & magnæ bombardæ: frequentes legationes ad externos principes missæ, & ab eis uicissim uenientes splendide ac liberaliter acceptæ atque dimissæ, permagno ei constiterunt. Sumptuosus uero & ille fuit, splendidissimusque cū Cæsare Maximiliano, & Vladislao ac Ludouico Regibus apud Viennam congressus, quo Polonorum & Lithuanorum nomen, obscurius antehac, & inopiæ, inertię, barbarięque opinione contempnibile apud externas gentes, illustrius & admirabilius esse cœpit. Post hos tot, tantosque sumptus, non in luxū, delicias, & uoluptates priuatas profusos, sed ad utilitatem, salutem, decus & ornamentum Reip. factos, non est sanè reprehendendum, nec scio an ualde laudandum.

Libertas in Ro  
publ.Simulatum  
sedator.Similitates  
procerum.Senium Sigis-  
mundi.Senio cōdonan-  
dum aliquid.Cur miseris la-  
gis fuit.

Sumptus.

Magnificētia  
Sigis.Arces ab eo  
extructæ, aut  
instauratæ.

Bombardæ.

Legationes.

Regum cōuentus  
Viennæ.Ærarium non  
inane.



Beneficentia.

dum, quod ærarium non inane reliquit, filij hæredis necessitati, & futuris Reip. usibus, ut filiarum dotes taceam, utiliter seruiturum: bellique, si quod alicundē nobis inferretur, neruum futurū. Et tamen cū hoc sibi proposuisset, ne in priuatos quidē benignitatem, & munificentiam suam clausit: & fortes, doctos, ac sapientes uiros, aut quauis alia ratione utiles Reip. cū donis, tum honoribus, & alijs beneficijs prosequutus est. Vt enim literatos homines, nostros pariter & externos, quorum uel opera honorifice in rebus magnis uti se posse existimabat, uel scriptis & præconijs suum, populorumq; suorum nomen illustratum in sperabat, ut eos igitur omittā, ac de fortibus uiris aliquid modō insigniores comemorem, nonne Constantinū Ostrogensem ducem per amplis beneficijs auxit: nonne Osthaphæio plebeio, aut obscuro duntaxat homini, sed in Tartaricis bellis exercitatis-

Constantinus  
dux.

Osthaphæius.

Senauius.

Tarnouius.

Honorariū pu  
blicū decretū

Tarnouio.

Bielsciæ et La  
cia Moschi  
transfugæ.Pietas, & reli  
gio Sigis.Regni felici  
tas ex cultu

Dei.

Psal. 33.

Psal. 124.

Psal. 10.

Psal. 144.

Impiorum pro  
speritas.Tēpla magni  
ficē culta, ex  
tructa, & or  
nata.

sumo, & uigilantissimo, cū alijs, tum post obsessam aliquandiu, & oppugnatā a Turcis atq; Tartaris: ab eo uerō strenuē defensam arcem Cercassiam, permagnum honorem habuit, & multa largitus est: multa sæpē delinquenti induisit. Quid Nicolaum Senauium, scientia, & usu rei militaris præstantem, excellentis uirtutis ergo collocupletatum, & ad eum, in quo nunc est, honoris gradum euectum? Quid uirum omni laude cumulatissimum, Ioannem Comitem Tarnouium, cū alijs non obscuris beneficijs ornatū, tum ad summum dignitatis fastigium euectum, euidentibusq; grati animi indicijs, & præclaris elogijs, cū siue a Moschico bello, & Starodubo euerso, siue a deuictis apud Obertinū Valachis reuerteretur, ab ipso ornatū, & honorario munere, publico totius Poloniae cōsensu blanis grossis collatis, cohonestatū, comemorem? Viuunt hi duo, & adsunt, & hæc mea dicta nutibus renidentes approbant. Tamen si longē maximū hi uirtutis præmiū, sempiternam rerum a se gestarū gloriam, quæ eos nunquam destituet, arbitrantur. Taceo Bielscium & Laciū Moschos transfugas perhonorificē ab eo acceptos, & luculentis possessionibus donatos, ingenij, fidei, & scientiæ rei militaris ergo. Non fuit ergo Sigismundus, ne in hac quidem parte restrictior. Aut si quando tandem fuit, non sua uoluntate, sed necessitate, idq; ingrauescente maximē ætate fuit. Quoniam autem illa quoq; uel potissima pars est iustitiæ, quæ cum cœlitibus hominum, quasi societatem quandam tuetur, pietas, inquam, & religio, de hac quoq; iam tandem postremo loco mihi dicendum est. Con sultō autem in hunc eam locum seruaui, ut quæ reliquas omnes uirtutes in se continet, & quasi germina quædam ex se emittit, hominisq; felicitàtem perficit, eadem nobis huius optimi Regis perficiat laudationem. Absq; hac enim cætera uirtutes, imagines uirtutum, & umbræ sunt uerius, quàm uirtutes: neq; omnino laudabiliter, & beate, quauis rebus ad uota fluentibus, uiuitur. Qua autem pietate fuerit, quamq; sanctæ, & religiosæ Deum Optimū Maximum Sigismundus hic Rex coluerit, si alia nulla essent, ea quæ hæcenus persecuti sumus, satis magno essent argumento: neq; enim ita se ille tum in administrando Regno, tum in omni uita gessisset, neq; tantus euassisset, neq; tot bonis, & felicitàtib; quot percurrere obiter uix potuimus, aut ipse, aut ditiones eius cumulatae fuissent, nisi Deum propitiū habuisset. Verissimum enim illud est, quod est in Epistola diuini Iacobi Apostoli: Omne munus bonum, & omne donum perfectum superne descendere a patre luminū. Eum uerō nemo propitium habere potest, nisi qui agnoscit, reueretur & colit, omnemq; fiduciam suam in eo collocat. Sic enim canit Dauid Rex & Propheta: Inquirentes Dominum, non deficientur ullo bono. Et alibi: Qui confidunt in Domino, erunt sicut mons Sion, qui non commouetur in æternum. Cū igitur Sigismundo tot illa, tantaq; bona in omni uita suppetierint, quis negabit eum Deo curę fuisse? Vt enim nō fallitur, ita neq; fallit Spiritus sanctus, qui per Dauidem olim locutus est: Quoniam Rex sperat in Domino, & in misericordia altissimi, non commouebitur, & quæ præcedunt: Desiderium cordis eius tribuisti ei: præuenisti eum in benedictionibus dulcedinis. Et alibi: Propē est Dominus omnib; inuocantibus se, omnibus inuocantibus se in ueritate: uoluntatē timentium se faciet, & preces eorū exaudiet, & saluos faciet eos. Custodit Dominus omnes diligentes se. Sed quoniam impijs quoq; nonnunquā prosperē multa in hac uita cadunt, elucetq; in eis etiā aliquando nonnulla imago uirtutis atq; probitatis, age uideamus, num qua alia ratione pietatem huius Regis ostendere possimus. Et ecce occurrunt nobis templa Dei Opt. Max. partim inflaurata, partim a fundamentis excitata, & multis, magnisq; donarijs, & preciosis utensilibus, ad splendorem simul, & usum cultus diuini, regali munificentia exornata. Atq; ut Vilnensem basilicā, & Rupense, siue Scalcense forum, & quædā alia, quæ nunc in mentē non ueniunt, præteream: hoc quidē certē delubrum pulcherrimum, & sumptuosissimum basilicæ huic adiunctū, quod sepulchrum, & monumentum suum ille esse uoluit, cum institutō iugiter & concinnē Deum colentium sacerdotum collegio, ferit oculos nostros, & quodam augusto splendore perstringit. Huic uerō basilicæ quā multa, & quā ampla donaria contulit: lam quis nescit, quā sedu-



fedulo is, dum per ætatem, & morbum potuit, & quàm religiose sacris, cultuq; diuino  
 operam dedit, nulla neq; temporis, neq; loci incommoditate, neq; occupationibus re-  
 tractus. Quid ego precum eius assiduitatem, quid festorum dierum, ieiuniorumq; inte-  
 meratam obseruantiam commemorem? in quibus omittendis uix ualitudinis gratia, at-  
 que id extremis demùm aliquot annis, Medicorum suasu, & Episcoporum permissu, ne  
 dicam horratu, sibi indulgit. Quæ enim à teneris annis cum lacte quodammodo mater.  
 no imbiberat, ad extremū usq; halitū constanter & mordicus ea retinebat. Externi hi sunt  
 cultus, ritusq; fateor, neq; in his cardo Religionis nostræ uertitur: uera & interior pietas  
 in mentibus, & uoluntatibus nostris penitus inclusa est. Ita sanè. Sed cum ea soli Deo per-  
 specta & explorata sit, tamen his externis sese nobis prodit, & exerit: ut sic luceat, secun-  
 dum authorem salutis nostræ Christum, lux nostra hominibus, ut h̄ uidentes opera nostra  
 bona, celebrent, & glorificent patrem nostrum cœlestem. Bona est enim, ait angelus ad  
 Tobiam, oratio cum ieiunio, & elemosyna. Ipse quoq; CHRISTVS IESVS apud Mat-  
 thæum magnoperè hæc tria commendat, dum quomodo fieri debeant, præcipit. Quid  
 uerò prolixa Sigismundi in egenos, quorum uictus, uestitusq; parandi rationes uel mor-  
 bus, etas, uel calamitas aliqua, uel deniq; arctioris, & addictioris Deo uitæ professio impe-  
 diuisset, beneficentiâ, & liberalitatem persequar? Eadem opera lucem hanc diurnam ac-  
 censa lucerna illustrare coner. Cernitis enī ipsorum turmas, non modò templum hoc, uē-  
 rùm etiam uias, & plateas complentiū, & orbitatem suam, tam benefico Rege amisso, mi-  
 lerabiliter deplorantium. Illa uerò eius in receptis antiquitūs Dei placandi ritibus, & ce-  
 remonijs, sacrosanctè retinendis ac defendendis, & in propugnandis Dei ministrorum  
 cōmodis, præclara uoluntas, & constantia, in ista præsertim nostri temporis licētia, & isto  
 nouarum rerum, quo nunc leuissimi quicq; homines flagrant, studio, seu uerius prauitū,  
 nonne maximum est singularis pietatis argumentū? Vidit enim sapientissimus Rex, in  
 religione nostra nihil melius, nihil exactius hoc tempore à quoquā inueniri posse, quàm  
 ab ipsis Christi seruatoris nostri discipulis, eorūq; successoribus proximis, sanctissimisq;  
 patrum Concilijs constitutum, & publico Christiani orbis consensu tot seculis retentum  
 esset. Didicerat non h̄c, aut illic, & in angulis omninò Christum querendum esse: neq; u-  
 niuscuiusq; esse, arbitrari suo uerba, & instituta Dei interpretari: sed Ecclesiā, Ecclesiam,  
 inquam, in qua certa esset ac perpetua, ut inquit uetustissimi, sanctissimi, & grauissimi  
 doctores, Irenæus, Cyprianus, & Augustinus, tot seculis cōtinuata, uerorū Episcoporum  
 successio, columnam esse, quemadmodum ait diuus Paulus: & firmamentum ueritatis.  
 In ea sola dari spiritum ueritatis, qui ut author, ita interpretes quoq; sit sacra Scriptura: non  
 dissensionis, uerū pacis Deus. Quò quidem illis carere necesse esset, quibus inter ipsos  
 non conueniret: & qui ne ipsi quidem singuli sibi constarent, sed omni uento doctrinæ,  
 quasi nebula turbine exagitata, circumferrentur. Iam uerò illa, quòd moribundus sacra  
 Christi mysteria ritu Christiano expetiuit, & uenerabundus accepit, quòd se totum Deo  
 religiosi uerbis, & suspirijs commendabat, quòd in eius clementia, & misericordia fidu-  
 ciam suam omnem collocauit, quæ & isti euidentissima, nisi fallor, ueræ pietatis indicia  
 iudicant, nonne certa sunt piæ, & religiose exactæ uitæ testimonia? Cum igitur tanta pie-  
 tate, quāta genere illo inclyto, & educatione optima digna fuit, præditus fuerit Sigismun-  
 dus, nihil mirum, si iustus quoq; clemens, magnificus & benignus: si temperans, mode-  
 ratus, pudicus, & modestus: si fortis, constans, patiens, & excelso animo: si præteritorum  
 memor, præsentium sagax indagator, futurorum acutus coniecter, & utilium publicè,  
 priuatimq; diligens & sapiens prouisor fuit. Non mirum, si in hac breuitate uitæ huma-  
 næ, magnisq; laboribus uiuendo octogesimum secundū annum attigit, si uiribus & ua-  
 letudine plerūq; firma fuit, si sensuum, ingenijq; uigorem ad extremum penè retinuit.  
 Non mirum, si gratia, & autoritate apud suos pariter, & externos, summos iuxta ac infi-  
 mos ualuit: si amplissimum regnum, elatis post patrē duobus fratribus, maturè adeptus,  
 bellis felix, & uictoriosus, pace multa beatus, uxoribus & liberis nō infortunatus, ditio-  
 nū aliquot accessionibus locupletior, tam benè, tam quierè, tam feliciter, tantoq; honorū  
 omnium fauore uno & quadraginta annis id administrauit: & florentius multò, quàm  
 acceperat, non degeneri, uti confidimus, filio reliquit. Non mirum deniq; si sempiternū  
 optimi, & fortunati principis, & patris patriæ nomen atq; gloriam, nisi me uanum fallit  
 augurium, apud longam posteritatem celebris, inclytusq; rex retinebit: quippe, qui su-  
 periores omnes Principes, & Reges nostros non modico intervallo post se reliquisset.  
 Nam quæ in singulis illis singula laudabilia fuerunt, ea h̄c unus omnia complexus est.  
 Boleslai Chrobri, ut ab hoc potissimum ordiar, solertiam & magnificentia: Cazimiri mo-  
 nachii, pacis & instaurandæ patriæ superiorū temporum iniuria afflictæ, studiū: Vuladis-  
 lai eius filij mansuetudinē, Boleslai Criuouisti uictorias, Crispi prouidentia, Miezislai se-

Sedulitas in  
templis.Observantia  
institutorū Ec-  
clesiasticorū.Externus cul-  
tus Dei.

Tob. 12.

Matth. 6.

Elemosyna  
Sigisf.Constantia in  
fide, & religio-  
ne Catholica.Ecclesia, &  
doctores anti-  
qui.

Matth. 24.

1. Tim. 3.

1. Corint. 14.

Ephes. 4.

Ritus Christi-  
ni in moriēre.Virtutes Sig-  
in speculum  
Principibus  
positæ.Actus 82 an-  
norum.Pater patriæ  
Sigisf.Polonia regis  
uirtutes.



*Sigif. omnibus  
excellenior.*

*Oratio Sig. ad  
Polonos.*

*Pathetica filij  
commendatio.*

*Consiliū regis*

*Verba Sigif.  
ad filium.*

*Aurea pij pa-  
tris monita.*

nis grauitatem, Cazimiri horum duorum fratris iustitiam, Lesci abi excessum animū, Boleslai pudici Religionem ac temperantiam, Lesci nigri moderationem animi: Vladislai Loctici fortitudinem, & in tolerandis aduersis patientiam: Cazimiri magni, in omniando, & muniendo Regno studium atq; diligentiam: Jagellonis aut, si non propagando, certe in amplificando cultu diuino, pietatem, laborē, & munificentiam: Vladislai patruī magnanimitatem, & clementiam: Cazimiri patris facilitatem, & offensarum perbreuem memoriam: deniq; Ioannis Alberti fratris ad res magnas gerendas, quanquam meliore fortuna, alacritatem. Has, inquam, omnes omnium, illorum uirtutes solus Sigismundus nō modō æquauit, sed superauit etiam ita, ut nulla cuiusquam eloquentia, nedum infantia nostra, satis dignē, & pro meritis cum laudare possit. Sed iam ipsum ex augusto illo mau-soleo, in quo heri reconditus est, nos, quibus præsuit, alloquentem audiamus. Quā iustē, quamq; moderate, uobis uiri Poloni (liceat enim mihi uos omnes, imperio coniunctos, uno nomine appellare) imperauerim, & quanta foelicitate Regnum hoc auxerim, ornauerim, & cumulauerim, uos ipsi probē nostis: aut si qui per ætatem intelligere, & iudicare adhuc non potuistis, ē maioribus natu, bonis & grauibz uiris, discere potestis. Pro his meritis meis, iure meo illud ā uobis postulo, ut si quid unquam imprudens offendi, id uel humanæ imbecillitati, uel ætati meæ condonetis: quam uerō mihi debetis gratiam, eam liberis meis dulcissimis referatis, morte mea pupillis. Filium hunc meum unicū, quem ipsi uobis Regem, mihi successorem, me uolente, & postulante, iam pridē designastis, eodem quo me, aut maiore etiam, si potestis, studio prosequamini, consilijs adiuetis, consentientibus animis atq; uiribus protegetis, ætati eius nonnihil etiam indulgeatis. Ne audiat eos, qui dum suam rem agunt, uestram agere uideri uolunt: & tamen aliud alibi prę se ferunt, utrinq; ut gratiam ineant, & opes, potentiamq; suam augeant, & stabiliant. Cernitis qualia nunc sint tempora, quousq; domi progressa sit multorum audacia, quanta huic Regno, & communi patriæ periculā ā barbaris impendant. Mature uobis prouidendum est, nē nō modō imperium uestrum, & Resp. uerū etiam libertas, & uita uestra, uestrorumq; in extremum discrimen ueniat. Id uerō ita demū rectē prouidebitis, si sublati omnino quorundā factionibus, dissidijs, & simultatibus mutuis, amore, & officio erga uos inuicē: erga Regem uerō, uestrum studio, & beneuolentia certabitis. Sic enim fiet, mihi credite, ut qui nunc formidolosi nonnullis uidemini, formidabiles uicinis uestris, hostibusq; sitis. Ad te uerō, fili charissime, hæc mea est oratio. Illo autem habitu, illoq; uigore, hæc tu, Sigismunde Auguste, patrē tecum loqui existimato, quo fuit, cū tibi huius Regni habenas, sceptrumq; traderet. Nihil est, quod te unā cum matre, & sororibus tuis, puellis lectissimis, propter mortem meam tantoperē exerceas. Mihi quidē ego meo tempore, annorū, uitæ, glorięq; satur, non dico mortuus sum, sed ad beatiorē uia, regnumq; melius migraui. Vt autem uestro quoq; & horum omniū tempore id factū esse uideatur, secundū Deum in te, fili, maximē sitū est. Tibi, mi fili, deinceps, & mater, & sorores, & uerō Resp. maximē curæ esse debebunt. In te spes omnes omnium, quas frustrari te equum nō est, sitæ sunt. Nonnihil quidē nobis debet Polonia, quemadmodū audisti, sed nos illi multo plus. Quippe quæ nos sibi, maioresq; nostros, posthabitis quibusdam illustrioribus, & elegantioribus, atq; etiā potentioribus fortasse, Reges assumpsit, & summa fide, studio, obsequioq; coluit. Te, quemadmodum ipse nosti, puerulū etiam tum, regio diademate insigniuit. Ad eius igitur salutem atq; dignitatem, uicissim te uoluntatē tuam, studia & conatus omnes adiungere in primis æquum est. Id uerō ita demū rectē facies, si omnibus te æquabilem, familiarem uerō non nisi grauissimis, & sapientissimis quibusq; præbebis: si nullius ius, & innocentiam, neq; gratia, neq; odio cuiusquam opprimi sines: & in iudicijs exercendis, non cuius cognatus, necessarius aut cliens quisque sit, sed quā iustam causam habeat, attendes: si tenuiores ā ui & iniurijs potentiorum uindicabis: si honestatem uoluptati, publica commoda tuis priuatis antepones: si nulla in re leuior, aut præceps eris, neq; de maioribus rebus absq; consilio senatus quicquam statues: cum iuuenibus uerō, & iuuenili ardore præditis, consilia non temerē cōmunicabis: si assentatoribus aures non accommodabis (blandum enim est malū, sed pestilens in primis regnis atq; regibus, assentatio) si dissensiones ordinū, & simultates procerū, inter ipsos auctoritate tua penitus extirpabis: si deniq; pietatē atq; religionem sanctissimā sedulō & ex animo coles: neq; ab institutis maiorū, & iam inde ab exoriente religione Christiana apud omnes gentes recepto, & ad nostra usque tempora transmissō, retentoq; cultu Dei Opt. Max. uenerandisq; cæremonijs atque dogmatibus, te cuiusquam, uel insidiosis blanditijs, assentationibus, & illecebris auocari, uel importunitate auelli sustinebis. Harum rerum omnium exempla domestica habes, satis, nisi fallor, illustria. Non ignoras, fili, quo successu, qua foelicitate, quantaq; gloria nos tam diu regnauiumus: id nos totum Deo

Opt. Max.



Opt. Max. quem sedulo, riteq; coluimus, acceptū referimus. Existimare autem debes, neque regnum, neq; quicquam omnino sanctum & inuiolabile esse posse, ubi religio labe-  
factatur. His tibi uis, fili suauissime, ad laudem, ad beneuolentiam hominum, ad salutem,  
tranquillitatemq; ditionum tuarum, denique ad decus, & immortalitatem grassandum  
est. Hac certus est, & exploratus pijs principibus ad cœlum aditus. Hec tecum Sigismun-  
de Auguste, pater: illa Rex uester uobiscum, uiri Poloni. Reliquum est, utriq; ut sanctissi-  
mis, & saluberrimis monitis eius obtemperetis, eiusq; præclara erga uos merita, assidua  
pietate, & grata memoria semper prosequamini: omnesq; pariter eum, uti debemus, ui-  
uorum, & mortuorum Deo, apud quem nemo satis iustus & insons est, assiduīs precibus  
commendemus. Vicissim ille in cœlis, uti speramus, pro nobis orabit: & quorum salutē,  
& incolumitatē omni ratione, quoad uixit, consuluit, ijs ne nunc quidem, omni iam re-  
rum terrenarum cura, & molestia solutus, studium suum in placando Deo. Opt. Max. de-  
esse patietur.

IN FVNERE SIGISMVNDI IAGELLO-  
NIS, POLONIAE REGIS, STANISLAI  
ORICKOVII RHVTENI ORATIO.



Ex noster mortuus est, si tamen ille mori potuit, quem sua præ-  
stans atque Regia uirtus immortalem ante obitum reddiderat:  
quam ille cum constaret in omni uita coleret, quid tandem est,  
cur hunc mortuum dicamus esse potius, quam hoc mortali cor-  
pore exutum, ad illam immortalem uitam abiisse, ad quam sibi  
iter sobriè, iustè, ac piè uiuendo parauerat? Abiit ergo hinc, nos  
flenteis ac dolenteis reliquit in hoc squalore ac sordibus, qui-  
bus oblitri, in funere ipsius comparemus nobis cum illo perièrē  
omnia Equites: illi uerò nihil præter hoc mortale corpus deces-  
sit: pro quo tamē ipso, cumulat nunc ipsius acta uite eternita-  
te, atq; immortalitate sempiterna. Nostra autem hæc mors uerius, quam uita illius a no-  
bis discessu; quam afflicta, exinanitaq; sit, testes sunt mœror hic uester, ac uestre piæ la-  
chrymæ, quibus deflemus non interitum Regis nostri, qui nullus illi est, sed orbitatem  
nostram. Amisimus enim, Equites non Dominum: nihil enim ille minùs nobis fuit, sed  
iustissimum Regem, atque indulgentissimum Patrem, qui cum unum, & <sup>†</sup>quadraginti  
mum annum regnaret apud nos, quod exemplum regnans non dedit iusti ac moderati  
Imper. aut quod monumentum post se non reliquit in hoc regno, humanitatis, mansue-  
tudinis atque beneficentiæ erga uos singularis: Quocunque te animo atque oculis con-  
uerteris, plena omnia exemplorum illius sapientiæ, iustitiæ, fortitudinis, temperantiæ ac  
uirtutum omnium reliquarum reperies: siue Eccles. Dei uideas, quam ille integram at-  
que incorruptam in Polonia præstitit: siue ipsam Rempublicam, quam ille tanquam bo-  
nus pater unicam filiam in sinu suo complexus, tam domi, quam foris, tam pace, quam  
bello, fouit, auxit, ac omnibus ornamentis cumulauit, in qua quidem Republica talem se  
ille Regem gessit, ut & omnes ante se Reges faciliè uinceret, & cæteris post se spem imi-  
tandi adimeret. Cedant huic omnes Reges: soli etiam scientiam regnandi concedant.  
Non Cyrus ille, non Agesilaus partem laudis æqualem ac gloriæ cum hoc petant, qui  
non tam rebus ipsis, quam scribentium ingenijs magni fuerunt: de ijs enim non ad ueri-  
tatem historiæ, ut uidetur, sed imitationis exemplum Græci homines multa fictè scripse-  
runt. At hic noster Sigismundus Regum Rex, non solum benè uiuendo ac sapienter re-  
gnando Cyrum atque Agesilaum superauit, aut si quid in Regum genere maius hisce  
fuit, sed etiam illorum ipsorum scripta, qui de illis Regibus eloquentis copiosissimequē  
scripserunt. Melius hic uixit, quam illi dixerunt, melius regnauit, quam præceperunt. Ita  
Sigismundus Rex noster non fictum, neque stylo adumbratum, sed uiuum exemplum,  
atque rebus ipsis expressum. Cæteris Regibus a Deo fuit propositum, ut in hoc Rege,  
ceu in quodam illustri monumento, essent repositæ omnes regie uirtutes, unde sumi pos-  
set, quod humanum genus seruari, quod regna administrari, quod iura, mores, instituta, leges  
in hominū uita sanctè ac quietè possint retineri. Quid? solusne Regib. ille exemplū uiuen-  
di fuit? minimè uerò Equites. Nemo enim etiā sortis infimæ reperietur, qui ad benè, bea-  
teq; uiuendū ex hoc Rege exemplū non possit sibi sumere: siue enim religionē ipsam spe-  
ctes, quæ anachoritam sanctimonia uite nō uicē: siue etiā has uirtutes uitæ cōmunis con-  
sideres, nempe patientiā, obsequiū, modestiā ac temperantiā: quis nō dico in summo Imp.  
Rex,

† quadraginta  
annos regna-  
ret.



Rex, sed homo ipse priuatus, quæ angusta res coërcet, hac ista cōmendatione Sigis. par fuit: Pauci equites, & haud scio, an aliquis omninò fuerit. Ita ille summam uitæ absoluit, ut sapientia Reges: priuatos uerò moderatione uitæ antecelleret, talemq; se in omni uita priuatim ac publicè præberet, ut id nulla orationis copia, ut par est, explicari possit, ne illius quidem Xenophontis Græci, cuius ore Musas tum loquutas ferunt, cū Cyrum illum atque Agesilaum uerbis magnos faceret. At ne me quis ad Græcorum morem, temporis ac luctus uestri: causa magna hæc facere existimet: ostendam, Equites, talem Regem nos amisisse, qualis in Polonia ante Sigismundū nemo, extra Poloniā uerò pauci omninò apud omnes gentes fuerunt, siue bona ipsius propria spectes, siue quæ illi natura, aut fortuna largita fuit, consideres, ut meritò mors huius optimi Regis dolorem huic Senatui, mœrorem Equestri ordini, squalorem Poloniæ, luctum ac gemitum omnibus attulerit: & ut hæc ex iusto dolore profecta esse, ac amore intimo omnes intelligant, breuiter mihi dicendum est, quod genus uiri fuerit, qui in regnando mores, quæ fides erga illum, & uoluntas uestra. Vtilis erit & grata hæc oratio non solum nobis in malis nostris, sed etiam his, qui cum laude uiuere, aut gloriosè regnare concupiuerint. Sic enim de Sigismundo Rege loquar, ut nihil nisi singulare, nisi regium, nisi diuinum, de hoc Rege à me sitis audituri: idq; quod dicam, non facultate orationis meæ, à qua longissimè absum, illustrabo, sed rebus ipsius gestis atq; exemplis, cum sua sponte clarissimis, tum uerò nobis notissimis. Non abutar enim conscientia uestra, Equites: falsam enim gratiam ab illo mortuo quid inire studeam, quæ tota morte ipsius sublata est: Sola illius uirtus mansit immortalis, de qua sine inuidia audiendum est: ut illius clarissimi uiri recordatione ac desiderio uota faciamus, quo Deus noster similes Sigismundo regnare in Polonia uelit, si non omnes, (nam id sperare ferè iam fas non est) at saltem aliquos, hoc nos certè animo esse in hoc exequiarum munere conuenit, ut Deus non huic tantum mortuo, sed etiam ipsi Poloniæ regno, nobisq; sit propitius, nostrasq; res afflictas, atq; in desperationem propemodum adductas, benignus adspiciat me etiam, ut attentè audiat, etsi rogandi non estis, mœror enim hic uester uos satis attentos facit, tamen ut consuetudinem seruem, rogo.

*Vladislaus* Sigismundus Rex, auum habuit Vladislaum Iagellonem, qui ex Lithuania gente quatuor, non in Polonia regnauit primus: uirum omnibus tam bellicis, quàm Religionis laudibus cunctisque syllabulatum: qui cū octo & quadraginta annos in Polonia regnasset, multa trophæa de hostibus omnis generis constituit, inter quos Germanos memorabili pugna ad Dumbrounum in Prussia deuicit: & quod nulli unquam Regum\*, neque nationum de Germanis licuit, hic solus est inuentus, qui, cassis in acie uno die Germanorum quinquaginta millibus, Germanos à Polonis posse uinci docuerit. Prætereo alias uictorias atque triumphos ipsius uarios atque infinitos, quod illi nunc nihil ad nos, & si ad nos, nihil ad hoc tempus, de quibus tamen eruditi homines multa scripserunt. Hoc tamen dicam, id quod à patribus traditum meminisse debetis, magnum hunc, & excellentem Regem, ac admirabili regnandi sapientia in Polonia fuisse, qui non satis se functum officio ac munere regio putabat, si tantum res humanas administraret, nisi etiam res diuinas summo studio curaret. Itaque Luthuanam sine Deo gentem ac impiam antehac, ad ouile Christi primus adduxit, in Ecclesiamq; dicitur: deinde, cū literas ipse nullas sciret, tamen hic omne literarum genus ac Musas ipsas, tam Latinas, quàm Græcas, in Poloniā introduxit, nullum regnum esse ratus absque literis, nihilq; sancti ac iusti, neque honesti ibi posse esse, ubi Philosophiæ non uersaretur nomen: quod illa ex agrestibus ciuiles, ex immanibus mites, ex barbaris doctos, ex hominibus postremo Deos faceret. Huic ergo tam excellenti, siue arti, siue uirtuti, siue diuinitati potius cuidam Vladislaus Iagello domicilium in ea urbe collocauit, quæ caput ipsius Regni fuit. Cracouiæ enim gymnasium condidit, quod omni uirtutis, ingenij ac doctrinæ laude ad hanc diem floret, ut inde, tanquam ex equo Troiano innumerabiles uiri prodierint, sapientia, & doctrina præstantes. In hoc enim gymnasio Iagellonis opera, non seposita aliqua Philosophiæ, seu sapientiæ pars tractatur, sed tota ipsa omnibus suis partibus perfecta atque absoluta. Summa hæc laus est, Equites, ingens Iagellonis gloria immortale etiam in uos, liberosq; uestros meritum huius optimi & diuini Regis, quo ille tanquam luce quadam, atque splendore mirifico, obruit omnes uictorias, laudesq; non solum suas, sed etiam aliorum, qui Sarmatiam illam feram, & indomitam hac ista humanitate literarum expoliuit: ut, cū ferocius gente Polona antea fuerit nihil nunc contra beneficio doctrinæ hac eadem nihil uideatur esse mansuetius, neque humanius. Hanc ego humanitatem, quàm in templis, quàm in foro, quàm in regno ac in moribus nostris uersari uidetis, Iagelloni Regi omnem debemus: qui accersitis in Poloniā literis, adhibitisq; earum Doctoribus, nos ab agresti uita ad ciuilem uocauit, nobisque persuasit, humanitate, & doctrina ni-



Etina nihil esse melius: contra uerò, feritate ac inhumanitate nihil esse homine indignius: qua una re atque sola immortalem gloriam ille est adeptus. Nam uincere bello Germanos magnum quidem illi fuit: sed quod uictoriae non bonorum uirorum sunt tantum, sed interdum etiam malorum, ideo uera carent laude: at curare, ut pie, caste ac religiose uiuatur ab his, quibus praesens solius est (mihi credite) hominis pietas, casti atque religiosi. Iam uerò, nisi diuino aliquo animi motu lagello Rex maiora concupisset, & nisi fuisset natura philosophia in huius uiri mente quadam, quomodo ille, aut de literis ipsis, aut de illorum Doctoribus, ac de gymnasio condendo cogitare potuisset, praesertim cum literam ipse legeret nullam? Quam autem chara fuerit Deo Opt. Max. haec lagellonis mens atque uoluntas, inde apparet, quod ipsius genus longè, lateque regnare, non in Sarmatia solum, sed in Hungaria, Bohemia, Slesia atque Morauia longæuum ac gloriosum uoluit: ut lagellana progenies singulari Dei beneficio edita in hanc lucem esse uideatur ad retinendos homines in hac ciuili societate ad erudiendam uitam illorum communem, ad constituenda regna, ad unienda imperia: denique ad proferendos fines humanitatis atque religionis. Iam uidetis, Equites, quæ uestra est sapientia, è quo fonte profluxerit Sigismundus Rex ad hominum uitam gubernandam atque conseruandam, quam puro, quam sancto, quamque repleto omni militiae atque sapientiae laude immortalis. Sed antequam de Sigismundo dicam, audite per quos uiros haec auita uirtus ad Sigismundum peruenerit. Lagellone è uiuis sublato Vladislauus eius filius maior natu huius autem Sigis. patruus, regnum paternum suscepit dignis. filius illo patre, ac successor, in tuendo paterno regno omnium acerrimus: qui extrema pueritia à Polonis Rex est factus: ineunte uerò adulescentia, Rex est à Hungaris absens expetitus, bello Turcico maximo atque acerrimis hostibus. Tanta opinio de illo animos omnium peruaferat, ut in illius indole salus omnium gentium repolita putaretur, ita ut & Polonis dare salutem, & Hungaros liberare periculis posse uideretur. Tanta uirtus huius Regis fuit, tantus ad uirtutem impetus, ut praeter aetatem periculosis temporibus maximis undique septus hostibus duo regna maxima Sarmatiae atque Hungariae, summa atque incredibili uirtute conseruauit. Scythas in Russiam irruentes sepe uicit, Valachos Polonis adiunxit, Ammurathem ipsum spe atque cupiditate Hungariae imminentem cum uniuersa Asia ex Hungaria uictum, fugatumque expulit atque eiecit: cui quidem Regi, ueluti Aaronem quendam sanctissimum atque fortissimum uirum Ioannem Capistranum de familia Francisci, Eugenius Quartus in societatem Turcici belli miserat: quo ille administro atque comite non solum Hungariam, sed omnes Christianorum prouincias ab aeterno interitu conseruauit. Nam quandiu uita incolumis Vladislao fuit, tandiu Turcarum genus minus potens, ac minus formidabile prouincijs nostris fuit. Illo uerò Varnensi praelio uicto, quot ille uirtuti ac rebus secundis confusus, impari militum manu cum Amurathe conflixerat, tantum Turcarum tyranni postea sunt adepti, quantum nunquam eo uiuo optare sunt ausi, in quo tamen praelio enituit illa lagellonis excellens atque inuicta in hoc Rege uirtus: cum enim inclinaret iam uictoriae, spesque in sola restaret fuga, & cum ceteri exceptis Polonis, fugerent omnes, ille ueluti Caesar alter, sui oblitus, in confertissimas hostium cohortes, opem laturus suis, cum magna hostium strage se immisit: & cum quidam ui ex praelio reuocare iuuenem conarentur, ferox monitoribus respondit, Non esse sui sanguinis uincere uelle, & fugere: o generosam mentem, & magno Rege dignam. Non ego te eo praelio perisse dicam, Vladislao, neque immaturam mortem hoc loco deslebo tuam. Viuis enim rerum gestarum gloria, & quandiu hic Sol terras adspiciet, uiues. Nam quod tibi aut puerilis aetas negauit, aut immatura mors ademit, id tu suppleuisti uirtute tibi: quam ad hanc diem, non Hungari solum, pro quibus sanguinem fudisti, neque Poloni, quorum cum patribus illo in praelio occubuisti, sed illi ipsi Turcae, gentesque omnes barbarae à te deuictae uenerantur, fatalemque tuum sanguinem ad delendum Othomannicum nomen sibi esse arbitrantur. Sed me longius prouexit Equites, recordatio huius Regis cum grato quodam desiderio coniuncta, & quod hoc intuens corpus, de illis quoque recordor, qui ex eodem sanguine erant creati, unde & hoc erat sumptum. Nunc ergo relinquam patruum Sigismundi, tanti ac tam inuicti spiritus Regem, & ad parentes ipsius iam uobis breuiter ostendendos descendam. Vos quaeso, quod adhuc fecistis, me diligenter audiat: Vladislao Varnensi praelio extincto, Casimirus frater, huius autem Sigismundi pater, Regnum suscepit fraternum, atque paternum, & quinque, & quadraginta annos in Polonia regnauit: quo in spacio res ille tantas gessit, ut, si de singulis mihi dicendum sit, abuterer tempore, & auribus uestris, Equites, ipse etiam me ignorare uiderer, si ad res magnas huius excellentis Regis Orationem nequaquam parem adhiberem, praesertim cum ad ipsum Sigismundum tota properet oratio.



oratio. Hinc tamen Casimirus quantus Rex fuerit, inde scire potest, quod contra potentissimos Reges atque summos Imperatores, non solum suæ ætatis, qua ille regnavit, sed omnis ante illum memoriæ, Poloniæ Regnum incredibili uirtute defendit. Nam cum Matthia Rege Hungariæ fortissimo atque bellicosissimo, bellum in Slesia acerrimum gessit, & Stephanum Valachiæ Palatinum, bellatorem inclytum parere Polonorum imperio coëgit, & Mahometem Turcarum tyrannum ex Valachia expulit, pacemque petere compulit, Prussiam maximo bello perdomuit: Moscouiam deuicit: Scythiam sæpè repressit: pacem, ocium ac tranquillitatem, armis atque legibus in suo regno diligenter custodiuit: quibus ille rebus cum esset apud omnes clarissimus, facile obtinuit, ut externis etiam auxilijs regnum Poloniæ muniret, quod sciret regna, nisi finitimorum opibus ac beneuolentia iuuarentur, firma non esse. Itaque quod armis atque bello assequi non potuit, ut pax illi tum Germanis de Prussia esset, id uxore ex Germanis ducta est assequutus. Nam de domo Austriæ clarissima, atque totius Germaniæ potentissima, eaque imperiali, uxorem duxit Elisabetam, huius istius Sigismundi matrem: filiam autem Alberti Ducis, qui idem Romanis, Hungaris, atque Bohemis Rex fuit \* cuius nuptiæ, cum essent plenæ dignitatis, plenæ concordiæ, ac regiæ cuiusdam maiestatis, ita tamen fecunditate atque prole beatæ fuerunt, ut uix e ueteri Regum memoria ullius nuptiæ cum his Casimiri conferri queant: nati enim sunt inde filij sex, omnes patri superstites: quorum serie quadam mirabili atque diuina, Vuladislau natu maior, in Hungaria regnauit uiuo patre: Ioannes Albertus autem in Polonia patri successit: illi Alexander, huic uero Sigismundus hic Rex: restabant duo, quod illis credo meliora regna hisce terrenis debebantur, Casimirus, & Fridericus, quorum alter in Ditos relatus est: alter uero urbis Romanæ Cardinalis fuit: filias quoque septem numero, ex hoc eodem matrimonio susceptas, omnes Germanis principibus in matrimonium dedit, atque ita genere ac sanguine suo cunctam Germaniam Casimirus compleuit, ut pauci sint ex omnibus Germanis principibus, qui consanguinei non sint Polonis. Fœlix Casimirus hac ista Deo grata, ac tam illustri apud omnes gentes sobole, ex quo tot ac tanti orbis terræ conseruatores prodierunt: qui fœlicior, ne in suscipiendis liberis, an diligentior in educandis fuerit, non facile dixerim. Nam ut filias prætermittam, quæ summa pudicitia, & digna illo loco ac genere cura à matre sanctissima atque diligentissima fœmina educabantur: filij certè ea disciplina fuerunt instituti, ut non Regis filij, sed priuati cuiusdam uideretur esse. Nullus in ijs educandis regius sumptus, luxus nullus, sed summa moderatio in uictu, amictu, atque cultu adhibita fuit. Norat siquidem ille sapientissimus Rex atque idem pater optimus, fundamentum esse omnis reliquæ uitæ cum priuatæ, tum publicæ institutionem ipsam, educationemque puerilem. Hinc enim petuntur primùm rudimenta illa ad laudem, & ad gloriam disposita, nempe quid honestum, quid turpe, quid iustum, quid iniustum, quid expetendum, quid fugiendum sit, quid Deo, quid parentibus, quid amicis, quid ciuibus, quid legibus, quid ipsi denique Reipublicæ debeas, quæ nisi tu ineunte ætate, in angusta ac sæuera uita cognoueris, inutilis homo, perniciosus Rex tuus futurus sis, necesse est. Quid enim per Deos immortales ab eo expectes, qui sine ullis honestis præceptis ex puellarum coetu emersus, à cantu, à tibia, à luxu, à tripudijs, à uino, à somno, à stupro, ad summum imperium accesserit? Iactabit se, mihi crede, illius intemperantia in illa copia insolentius, neque quomodo profit, sed quomodo oblit rebus communibus cogitabit. Nam cum uoluptas ipsa per se uirtuti sit inimica, tum uero si ad illam potestas aliqua maior, aut imperium accedat, in furorem agitur, de statuque omni mentem exturbat humanam. Ex hac taliratione illæ humani generis pestes prodire partim crudeles, partim uero effœminati tyranni. Hinc enim Babilonis atque Phalaris illi ueteres: hinc Neronis isti recentiores ac crudeles tyranni: hinc etiam effœminati Sardanapali sunt orti: quorum uitam si inspicias, facile reperies ineuntem ætatem illorum, non parsimoniæ, neque disciplinæ radicibus, sed ipsius uoluptatis atque licentiæ illecebris nixam fuisse. Horum exemplis admonitus Casimirus Rex, nihil prius habebat, quam ut illam primam filiorum suorum ætatem certis legibus pudoris, uerecundiæ, modestiæ, atque ipsius Religionis adstringeret, certò sibi persuadens, taleis filios suos in regnando futuros, qualis illorum educatio præcederet, & meritò quidem: institutio enim puerilis Regum ipsorum, primùm proculdubio medium atque postremum illis in regnando est. Hinc enim omnis ornatus uitæ, Regibus est petendus: hinc contra fortunæ tela præsidium sumendum: hinc consilium, hinc autoritas ac grauitas petenda: denique id, quod caput est, quid sit Regem esse, quid deceat illum, quod officium Regis, qui uultus, incessus, uictus, habitus: hæc sola recta institutio Regi demonstrat. Non capit hæc, mihi credite, angusta ac nulla bona institutione erecta mens, sed ua-



sed uacillat ac titubat in omni Regio officio ac munere. Qui enim Rex hæc puer non didicit, is uitam miseram, desertam, contemptam, infamem, ac obtreccionibus expositam agat necesse est. His ergo malis atque his incommodis omnibus ab initio Calimirus statuit occurrere, præpolterè se facturum ratus, si Regnum ipsum filiis post se relinqueret: filios autem ipsos, quibus illud seruaret, negligeret: quare ne uideretur (ut dicitur) plus curare calceum, quam pedem: summa ope requisit, cui nam instituendos filios suos traderet. Erat illis temporibus uir doctus, & bonus Ioannes Longus, Olugos à Polonis uocitatus: cuius uita probata, ac inculpati mores, cum illius commendarent doctrinam, facile Casimiro fuit persuasum, qui hunc filiis suis Doctorem accersierit: ut ex eius uiri præceptis atque institutis, ueluti ex fonte quodam, atque totius honestatis radice fluere illa regia disciplina, quam docti homines summam esse rerum omnium uoluerunt: quæ mentem, linguam ac rationem futurorum Regum, ad Reipublicæ gubernationem cum summa laude dirigeret: sic Casimirus non aliquem externum, aut alienigenam, ac ignotæ uirtutis hominem, filiis suis præceptorem delegerat, sed Sarmatam ac Polonum, eundemque spectatæ doctrinæ ac integerrimæ uitæ uirum. Ita ille non in externa institutione, neque in peregrina adolescere mentem liberorum suorum uoluit, sed in Polona atque domestica: nec iniuria. Vt enim semina, si in peregrinam mandentur terram, amittunt uim suam, sæpeque in diuersum genus abeunt: sic puerorum ingenia institutione degenerant à patria uirtute, ut ex duro Scythia mollis fiat Arabs, ex Latino Græcus, ex Polono Italus. Quare Casimirus, cum se sciret genuisse Reges, non Italos, non Græcos, neque Indos, sed solis Polonis: cauît diligenter, ne quis primam illam indolem, nisi Polonus fingeret. Adhibuit itaque Ioannem Longum, ut Polona institutione, Polonus ipse bonos Reges Polonis eo diligentius efficeret, quanto in illorum institutione salutem non solum Regni, sed suam etiam inclusam esse uideret. Hoc ergo munere Longus non minus difficili, quam operoso suscepto, statim ab initio amouit e conspectu illius teneræ ætatis pestem ac perniciem iuuentutis libidines omnes, & illarum authores. Non erant auditi in Longi ludo uersus impudici, non cantus, neque symphonia turpis, quæ aculeis nequitie incendunt ad uitium iuuenum mentis, nunquam ibi sunt uisi turpiloqui, nunquam ebriosi, nunquam mimi, nunquam amore ac uino, & mendacio corrupti histriones: denique nunquam illa dijs irata, quam Itali appellant, mascara in ludo illo fuit: nihilque earum rerum omnium, quarum imitatione atque consuetudine in uitium labitur iuuenilis ætas, talisque sit, quales sunt ij, quorum conuictu lætatur: cum claudo enim (ut dicitur) claudus eris. Quare aures illorum Regum ab auditu oculos à conspectu talium flagitiorum diligenter fidelis magister continebat. Libri apud illum à Regibus illis pro masearis tractabantur: uiri boni ac moderati, pro histrionibus cum Regibus illis uersabantur: parsimonia uitæ, morum repræhensio, malorum irrisio, uirgæ medius fidius ipse, atque plagæ, administræ illius institutionis erant, atque comites: memini quæ me audire de nostris senibus, Casimirum dicere solitum, nullum se acroama audire suauit, quam eiulantem, ac uirga cæsum ab illo Magistro filium: ô Regem Sparta dignum, qui in illis lachrymis, ac in illius uitæ angustiis fundamenta bene ac sapienter regnandi filiis suis reposita esse arbitrabatur. Itaque cum magnarum rerum cupiditate, monitore Ioanne Longo, incenderetur assidue præclara illa ad uirtutem indoles, uidetis quos fructus maturitate sua postea tulerit. Quid enim aliud causæ putatis esse, quod omnes uicinæ gentes, atque nationes, ad Calimiri domum, quasi ad Philosophi scholam concurrerent, unde non solum Reges regnandi, sed etiam magistratos bene uiuendi peterent? Nulla fuit alia, Equites, nisi ipsius institutionis opinio. Hac enim impulsæ sunt Hungari, ut ab illo Vuladislauo Regem sibi peterent: hæc eadem Bohemi adducti Ioannem Albertum experierunt, ita Alexandrum Lithuanus, ita Sigismundus Slesij: ô foelicem tali prole Casimirum: ô ter, quaterque beatam Poloniam, quæ tantæ indolis primum, deinde uirtutis parens atque alitrix extitit: quæ quanta fuerit, testes sunt omnes gentes atque terrarum oræ ultimæ, quæ ab hac ista uirtute, aut fertatæ, aut deuictæ, aut cum Poloniæ Regno sunt coniunctæ. Nec mirum nacta enim fuit hæc uirtus naturam Imperio aptam: ad quam cum accessisset usus, confirmatioque doctrinæ, ad tantam laudem, dignitatemque peruenit: & cum omnes isti optimi atque omni laude dignissimi fratres florerent ingenij gloria: sic tamen inter hos Sigismundus excelluit, ut tantum ipse uinceret omnium testimonio fratres, quantum illi uincebant reliquos omnes. Nam quæ uestra opinio, quanta etiam spes omnium de hoc isto iuuenē fuerit, testes sunt comitia illa Casimiro mortuo Pitrokouia habita, ubi cum de Rege delibendo deliberaretis, hunc natu minimum, fratribus maioribus Ioanne Alberto, ac ipsi Alexandro, anteferre ad Imperium uoluistis: & nisi partim Elisabeth mater, partim ue-



rò Sigismundi ipsius continentia, fratri maiori concedentis, obstitisset, antetulissetis. Vos hoc loco appello huius Regni robur atque firmamentum Thencisci, quæ iudicia de hoc isto Rege tum fecistis? quanta contentione animorum atque armorum uestrorum hunc Regem sufficere patri uoluistis? Quid tanto motu rerum spectastis aliud, nisi speciem quandam atque opinionem excellentis uirtutis, quæ cum ipsa summa esset in Sigismundi fratribus, in hoc tamen ita excelleret, ut quantum ætate superaretur à fratribus, tantum ille splendore uirtutis ac nominis sui, fratres ipsos superaret? quod autem ille tum se non extulerit, & quod à presenti iam Regno ac oblato abstinerit, nonne hanc abstinentiæ illius laudem cuius Regno anteponendam putabimus? nisi enim infedisset in huius uiri mente constans ac æquabilis ratio quædam uitæ, nunquam ille, mihi credite, abstinuisset ab eo, quod illi tum summa uoluntate ac incredibili uestra conspiratione datum, oblatumque fuit. Nam non uolitare cupiditate gloriæ, non inflammari ambitione ad rapienda Regna, præsertim cum Rex esse possis, hoc omnium difficilimum opus est, Equites: hoc solius sapientis, ac huius hominis est proprium: qui tamen hoc ipsum, quod fratribus ante se concesserat, quam cumulatè postea à uobis sit adeptus, res ipsa docuit. Mortuo enim Ioanne Alberto, deinde Alexandro fratribus, uniuersi hunc ex Slesia ad Regnum paternum uocauistis, in summo ipsius Regni discrimine, summoque periculo: ita in eo solo restare spem Regni, atque salutis uestre tum putastis: quo quidem Regno suscepto, ita illud unum & quadraginta annos administrauit, ut omnibus opibus florentissimum uobis post se reliquerit. In quo quidem Regno, qualem se Regem ille gesserit, quibusue artibus illud administrarit, res ipsa iam poscere uidetur, ut dicam: fuit enim hoc secundum è tribus, quæ de hoc ipso Rege dicenda ab initio proposuimus. Utinam, Equites, ea in nobis esset orationis facultas, qua, ut par est, dicendo explicare possemus, qui nam huius Regis in regnando mores, quæ artes, qui modus fuerit. Nunc uerò cum uirtuti Sigismundi Regis non tantum mea, quæ nulla est, sed nullius omnino possit par oratio inueniri: date mihi hanc ueniam, ut non tam orationem à me ipsam, quam rerum ipsarum, quas is gessit, commemorationem expectetis: quarum recordatione ac memoria, & hoc mœstum illius funus celebremus, & alijs præscribamus, quales Reges in regnando esse conueniat. Ego enim sic existimo, in summo Rege quatuor has res inesse oportere, sapientiam, iustitiam, fortitudinem, atque clementiam. Quis igitur hoc homine sapientior Rex unquam fuit? qui mox suscepto Regno, non unam aliquam partem Regni, sed omnes illius partes animo complexus est: quæ cum laborare uiderentur, præsentem medicinam omnibus summo cum præsidio attulit. Nam cum Poloniae Regnum maximis bellis, quæ pater ac fratres ante illum gesserant, exinanitum, ac omni consilio, & auxilio destitutum accepisset, ineundam sibi ante omnia rationem putauit, quo & auxilijs iuuare, & consilijs firmare, & opibus reficere Regnum posset. Multa illi ad ea expedienda, quæ animo conceperat, obstabant inopia primum ærarij assidujs bellis exhausti: deinde desertum ab amicis Regnum. Nullo enim tempore Poloniae Regnum maiori motu rerum fuit, quam eo, quo à Sigismundo est susceptum: hinc enim influebat tota in Russiam Scythia: hinc bello affecta imminebat Valachia: hinc Asia, Turca duce, minabatur nobis tota: cum Germanis etiam non satis certa nobis propter Prussiam pax fuit. Hic Sigismundus solus in medio relictus, ac magnis undique periculis circumuentus, ostendit patriæ illud speratum lumen animi, ingenij, consilijque sui. Omneis enim finitimos partim societate sibi adiunxit, partim fœdere reconciliauit, partim uerò bello deuicit. Nam Valachiam, insperata uictoria de Ioanne Alberto elatam, fregit ac domuit. Scythiam quoque multis prælijs secundis deuictam, ad extremum tandem munificentia, liberalitateque sua in fide habuit: perfecitque ut Scythæ genus hominum ferum ac indomitum, liberalitatem ipsius potius, quam arma experirentur: quem illi honorem, ante Sigismundum, nulli Regum, ne illi quidem Alexandro domitori Asiæ habuerunt: cum Turcarum etiam tyranno, cum ab omnibus derelictus, solus periculosissimum bellum gereret, fœdus ad extremum fecit, magis ex suorum tempore, quam ut id utile rebus communibus arbitraretur: de quo quidem fœdere dicam alio loco, Equites: & ita dicam, ut hoc ipsum fœdus, quod nonnulli repræhendunt, magna necessitate factum fuisse ostendam. Nunc dico, in his fœderibus atque bellis Sigismundum aliud spectasse nihil, quam pacem, & ocium suorum: ut uidelicet Polonia tot iactata casibus, tot afflictæ cladibus, tot denique oppressa malis, requiesceret aliquando, & se ex diuturno labore pace ac quiete reficeret: quæ eò miseriarum iam uenerat, ut neque priuatis, neque publicis opibus, posset contra uim hostium subsistere. Ita enim lagello Germanico bello, & Vuladislaus Turcico, & Casimirus Prutenico atque Hungarico, & Ioannes Albertus Valachico Poloniam attriue-



attriuerant, ut in media uictoria uicta esse propemodum ipsa Polonia uideretur. Quare cum spes restituendi Regni nusquam, nisi in pace, Sigismundo restaret: propterea hanc ipsam pacem omnibus bellis, foederibus, societatibus atque affinitatibus quaesuit. Nam sorores, quas habebat, in Germaniam nuptum dedit: qua affinitate ille Germaniam cum Polonia non solum coniunxit, sed etiam Germanorum opibus illam contra omnem uim munuit: nobilissimis enim ac potentissimis ex ea gente illos collocauit: qua sane re perfecit, ut illi primo omnium Poloniae Regum pax cum Germanis firma esset. Nam quod is cum Prutenis bellum gessit, priuatum illud bellum Prutenorum fuit, nulla publica ipsius Germaniae auctoritatem susceptum: & ne quid forte, quod ad pacem spectaret, praetermittere uideretur, cum iam Scythas liberalitate, Valachos deditioe, Moschos uictoria, Germanos affinitate sibi ac suis obligatos haberet: restabant Hungari, quos etsi illis temporibus Vladislaus frater cum Polonis coniungebat, tamen Sigismundus longius prospiciens animo, Hungaros in perpetuum Polonis uolebat deuinctos esse. Itaque cum Scepusia domus princeps in Hungaria esset, Stephanusque Transyluaniae Palatinus, rerum post Regem primus in Hungaria potiretur, eius filiam Barbaram in matrimonium duxit, consentiente Senatu, ac approbantibus bonis omnibus. Lata hoc matrimonio Polonia fuit, non tam quod societatem illi nouam attulerat, quum quod talem Reginam ex Hungaria acceperat, quae ob sanctissimos mores, castissimam uitam, ac ob admirabilem pudoris atque uerecundiae famam Hester fuit uulgo appellata. Sed haec uoluptas huius laetitiae non diuturna Polonis fuit: nam Barbara anno quarto, postquam in Poloniam uenerat, uita est functa magno cum mœrore ipsius Regis, dolore autem omnium uestrum incredibili: quae tamen ipsa moriens, reliquit uobis pignus initae societatis cum Hungaris: filiam enim ex ea Hedwigim Sigismundus suscepit: qua Ioachimo Marchioni Brandenburgensi in matrimonium data, pacem Polonis cum Marchia fecit. Ita ille hisce artibus in omnes partes intentus, pace parta, Poloniam assiduis bellis afflictam exinanitam atque proiectam erexit, refecit, ac plane denuo constituit. Quanta haec fuerit illius sapientia, ex alijs quoque potestis suspicari, Equites. Alij enim pace bella quaerunt: hic uero nihil bellis, nisi pacem quaesuit. Alij Regna suscipiunt: ut finitimos bello uexent: hic Regnum absque finitimorum beneuolentia infirmum esse duxit. Alij foedera ineunt, ut ad euertendam pacem spacium habeant: hic omnia foedera, quae cum Turcis, cum Scythis, cum Moscis, cum Valachis habuit, pace terminauit. Quis hunc Regem non ad euertendos homines, sed ad seruandos, non ad bello inter se committendos, sed ad pace coniungendos, natum fuisse neget? cum enim pacem omni Regno suo compararet, non tantum suis, sed etiam alijs gentibus atque nationibus pacis author fuit: & quod inter omnes constat, pacem mutua Christianis prouincijs stabiliorem nunquam fuisse, quam Sigismundo Rege fuerit: sic ille non tantum quod sibi soli utile esset, spectabat: sed complectebatur ad suam, & ad communem omnium salutem, omnes finitimos Reges atque nationes. Pacis enim author omnibus fuit: ad pacem inuitabat, hortabatur, ac monebat omnes. Valuissetque utinam illius diuina uox atque sententia apud Ferdinandum ac Ioannem Reges: staret nunc, mihi credite, Hungaria neque Turcis per illam ad nos, ac ad omnes pateret uia. Verum cum illi Reges belli, quam pacis, essent cupidiores, Sigismundumque non audirent, ab Hungaria ambo exciderunt: cuius motu atque casu ea quoque dudum ante habebant, cum magno communium rerum detrimento, partim affligerunt, partim amiserunt: & merito quidem: pace enim de medio sublata, quid utriusque salue esse potuit? Pax enim est parens atque fons omnium rerum bonarum Equites: sine hac nihil hominibus iucundum in uita, nihil stabile potest esse: quam qui oderunt, feri & indomiti ac crudeles tyranni sunt habiti. Contra uero, qui huius patroni atque auctores fuerunt soli homines, soli sapientes, ac generis humani conseruatores sunt dicti: & iure quidem: pace enim uiuunt leges, excoluntur mores, tractantur artes: uictus postremo ipse, ad uitam degendam necessarius, ipsius pacis est fructus: quo etiam fit, ut difficiliter sit pacificum Regem esse, quam bellicosum. Quanto enim quisque ratione magis \* deficitur, tanta est ferocior, & ad bellandum procliuor: at pacis author, atque cu- \* deficit

flos nemo potest esse, nisi idem uir sapiens fuerit. Eadem enim partes sunt pacis, quae sunt ipsius sapientis. Nam pacis hic finis est, ut in ea conuenienter naturae ac legibus uiuatur: qui finis idem profectò est, & ipsius sapientis. Hoc enim solum ille curat, ne quid à natura ac legibus aberret. Quare nihil tam cum sapientia pugnat, ut uideris, quam odium, discordia, ac bellum. Hinc enim existunt Regnorum mutationes, hominumque ipsorum ac legum interitus: quae conseruare ac constabilire est ipsius sapientis. Quod in Hungaria ne esset tanquam ex aliqua specula denunciabat Sigismundus



Ferdinando atque Ioanni tempestatem futuram: quam cum illi non prospicerent animo, demonstrantemque Sigismundum non audirent, repente illa tempestas inuoluit ac corripuit omnia. Hungariamque sine legibus, iudicijs, sine Rege, sine fide exposuit direptionibus, & incendijs. At Sigismundus interea cum conscientia consiliorum suorum niteretur, nunquam facere, agere, ac moliri omnia destitit, quò si minus pacem inter illos Reges conciliaret, Regnum tamen suum ab illorum contentione abduceret. Qua in re tanta sapientia, tantaque moderatione fuit, ut in summa illorum contentione utrique charus esset, utrique socius, atque amicus: cum quibus ut pacem, & amicitiam firmaret, alteri, hoc est, Ioanni filiam suam Elisabetham, è secunda uxore, hac ista grauissima atque clarissima Bona Sfortia, de qua dicam alio loco, in matrimonium dedit: alterius uero filiam huic Augusto Regi nostro, filio autem suo charissimo atque unico, quem nobis ex eadem Regina reliquit, collocauerat: quæ nuper magno omnium cum dolore, ac mœrore decessit. Ita ille, non arma tantum, opesque omnes suas, sed etiam sanguinem ipsum, genusque suum uniuersum in pacis rationes conferebat: sanguineque suo quam plurimas gentes atque nationes sibi, regnoque suo obstrictas esse uolebat, & cum bellicosissimis nationibus, uictoriosissimisque populis præesset, tamen hanc tantam copiam, non bellorum opes ac neruos, sed pacis instrumenta esse putabat. Quæ pax, inquam, in Regno constituta, quanta bona effecerit, quas artes excitauerit, quas opes huic Regno tam priuatim, quam publicè pepererit, attendite Equites: mentesque uestras paulisper ab hoc mœrore uestro ad res uestras abducite, quarum status, ante Sigismundum, qui fuerit: hæc uestra præfens testatur copia: quam si conferre uoueritis cum opibus illis uestris prioribus, inopia summa atque egestas illæ uidebuntur esse præ hisce, quæ nunc sunt. An uos illas opes putabitis esse equite Polono dignas? quæ tam modicæ fuerunt, ac penè nullæ, ut legibus etiam uestris cautum fuerit, ne triginta marcas dos Equitis filia superaret. Non moderationis, mihi credite, sed postremæ inopiæ hæc ista lex fuit, cuius cum nos (ita me Diu ament) subpuderet, legem hanc dotalem tulimus, ut id, quod inopia fiebat, lege fieri putaretur: cum interim benè se illis res haberet, qui locupletes uideri uolebant, si illorum sanctius ærarium ipsas triginta marcas haberet. Neque uero hæc inopia tantum in ordine Equestri fuit, sed ipsi etiam medijs fidijs Senatores, ne plus centum marcis dotis nomine filia nubenti darent, lege, hoc est, egestate prohibebantur. Sed quid ego dotem huius inopiæ signum fuisse commemoro? cum capita occisorum Equitum tanquam pecudum, non ipsius interfectoris capite ac sanguine, sed præcio ac centum marcis, contra omnia diuina sic humana iura, soluerentur: ut non multa, non poena, non supplicio, sed tam uili ære capita uestra æstimarentur, cædesque expiarentur. Ex hac tanta, ac tam infami, tamque impia æstimatione apparet, egestas illi Regni quanta fuerit: quæ tanta fuisse uidetur, ut animam quis pro capite facilius daret, quam hanc pecuniam solueret: quam utique illis temporibus grandem fuisse constat, quæ nunc auctore Sigismundo nulla est. Quid uero illa macula atque labes nominis ac generis uestri, parumne indicat, quam inopia à pecunia fuerit hoc Regnum? Nam si quis fur pecuniam furto à quopiam uestrum abstulerit, capite plectitur atque suspendio: si quispiam autem eum cuius hæc pecunia fuerit, occiderit, pecunia occisi caput soluit: o commemorandas leges, & dignas, quæ in hac Republica uersentur, quibus nos, tanquam pecudes, præcio ac mercede sicarijs, & interfectoris addicti sumus: quam nos non legem, sed perniciem atque pestem uestram, primo quoque tempore de medio tollite, Equites, si salui esse, & boni uiri haberi uultis, de quo quidem ipso erit fortasse nobis apud uos aliud dicendi locus. Nunc uos iam perspicitis, quanta hæc inopia fuerit, cui omnes leges diuinæ ac humanæ in Polonia cesserant. Quid? in priuatis ne tantum reuerentia? hæc tanta inopia fuit? imò uero multo etiam maior in publicis: Recordamini enim p. Deos immortales, illas angustias ærarij amissa uectigalia, bona, uillas, urbes, atque prouincias regias pecunia obligatas priuatis hominibus: tum demum statuetis, quantum Sigismundo Regi debeatis, qui hæc omnia redemit, recuperauit, ac libera Reipublicæ restituit: quarum rerum inopia erat factum, ut homines historici literis mandarent, Polono Rege miserius esse nihil, & ita profecto res est, si tempora illa respicias, quibus illi scripserunt. An uobis tum Regnum hoc diues fuisse uidebatur, cum subsidia belli ac ornamenta pacis mendicato penè Reges uestri quærerent? cum pignoribus, obligationibus, ac mutationibus, non solum bella administraret, sed etiam domi uiuerent: cum ita exinanitum erat ærarium, diminuta uectigalia, omnes uillæ, possessiones, salinæ, prouinciæ pignori oppositæ, ac à regio usu auersæ, ut Rex ipse neruis prorsus careret, quibus Rempub. gereret? Quis unquam non dico Rex, sed priuatus homo aliquid sepositum ad usus necessarios non habuit?

soli ex



foli ex omnibus Regis uestri sunt inuenti sine ullo sanctiore arario. Nihil fingo, Equites: memoria in medio est res ipsa. Legite priuilegia bonorum obligatorum, facile reperietis eò inopia redactos fuisse illos superiores Reges, ut, si non dico bellum aliquod ab illis esset gerendum, aut filia elocanda, sed equus ipse emendus, non prius haberent, quam aliquid adderent ad priuilegiū summam. Quare cum maximus nodus in Reipublica sit inopia rei pecuniariae, saepe fiebat, ut pernicioſa consilia Regis nostri inirent auferendorum ē templis uasorum, ac nouorum imperandorum uobis tributorum, res etiam ipsas ad summam Reipublicae pertinentes, inchoatas atque affectas, cum magno ipsius Reipublicae detrimento intermittebant. Difficile enim est efficere aliquid mag-  
*pecunia utili-*  
*ta.*  
 nis, cum egeas; quod pecuniae nerui sint omnium benegerendarum rerum. Ex his tantis, tam diuturnis, tam postremis difficultatibus, angustijsque, quibus omnes res nostra priuatae atque publicae premebantur, Sigismundus Rex summa sapientia atque incredibili celeritate hoc Regnum expediuit: comparatis enim pecunijs, undique collectis Ioannis Boneri opera, uiri praecleari atque industrii, salinas primum, deinde praefecturas, postremo uillas, urbes, possessiones omnes redemit: aequae grandi persoluto, uectigalia constituit: fructus prouinciarum auxit: ararium collapsum antea atque effusum, ingenti pecunia cumulatam atque refertum: uobis rei quae uestrae publice reliquit. Quid uero hoc eodem Principe atque Duce, res uestrae priuatae, ex illa Reipublicae nocte à Sigismundo productae, quanta luce, & quo splendore nunc fulgeant, quis poterit, ut par est, dicere? Agri mediusfidius ipsi, syluae item, ac nemora, ruraque ac coloniae uestrae, quae in pacis sinu à Sigismundo collocatae, medio (ut sic dicam) oculi gremio nunc continentur: gestire mihi uidentur, atque huic auctori, parenti, ac conseruatori suo gratias agere, quae situ antea squallebant omnia: nunc uero hac noua luce opum & copiae ab hoc illustrata, fulgent, mouentur, seseque ad summam utilitatem uestram, rei quae publicae dignitatem efferunt. Eos enim fructus iam uobis subministrant, ut hos nullum bellum, quamuis atrox atque diuturnum, exhaurire possit. Mandate hoc memoriae, Equites: spero multa uos, liberosque uestros, ac maiora indies bona uisuros, in hisque semper ita existimabitis, sine Sigismundo Rege nihil horum uos fuisse uisuros. Nam ante illum quid sperare potuimus, in illis praesertim tantis angustijs? cum mentes, animique uestri debilitarentur inopia, ipsaque egestas nobis ad omnia, quae concupieramus, magna atque praecleara obſtaret, quae nunc sublata de medio atque remota, res nostras secundas ornauit, aduersus praesidium attulit bello subsidia: paci uero ornamenta suppeditauit, auctae iam sunt uestrae dotes, quarum modus non in lege, ut antea, sed in uoluntate uestra pendet: uiluit aurum, cuius usus nimis iam fastidium uobis parit argentum etiam ipsum, non priuatorum hominum uidetur esse, sed illorum Regum superiorum. Nihil de aere ipso loquar, quod auro, argentoque uestro obrutum, uix iam comparet. Ita Sigismundus, quasi alter ex Hierosolymis Salomon, non copiam auri atque argenti, sed utilitatem Polonis attulit, & quod in primis laudatur in Salomone Rege, quod ille diuturna pace aurum atque argentum lapide uilius Hierosolymis reddiderat, hac certe laude Sigismundus non solum illi par, sed etiam superior fuit. Salomonem enim illa copia dementauerat, ac à Deo suo patrio auerterat: hic uero in uberimis copijs, religiosissimus: in summis uero opibus temperatissimus ad extremum fuit, nihilque ad ultimum spiritum curauit magis, quam ut ipsius Regnum in pace uigeret ingenijs, ualeret doctrinis, ac omni humanitatis, & Religionis laude floreret. Quando, Equites, hoc Regnum, quando uberius ingenijs, aut cultius unquam doctrinis fuit? Nunquam, Equites: omnia se simul hoc Rege in Polonia profuderunt pax, opes, literae. Rarum fuit antea ac penè inauditum in Polonia Graecarum literarum nomen, quae ita erant hominibus nostris incognitae, ut id quod quis non intelligeret, Graecum esse diceret. Iam uero Latina ipsa oratio, quam absona fuerit atque barbara, Biga, & Baraleus sunt testes, boni quidem illi uiri, sed tamen inepti magistri ac rustici. Conferte nunc cum his ea, quae & ipsi didicistis, & in quibus liberi exercentur uestri: non barbariam, sed Graeciam, non Sarmatiam, sed Italiam dicetis factam esse Poloniam. Vt iam non Musae Graecae, neque Latinae, sed urbes mediusfidius ipsae, Roma atque Athenae, honore, praemio, ac fauore Sigismundi inuitatae commigrasse in Poloniam uideantur. Ita mens, sonus ac subtilitas utriusque orationis non externa, sed uernacula: non peregrina, sed domestica, in ore nostrorum hominum uersari mihi uidetur. Circumspicite, Equites, quam undique circumferantur uersus optimi: audite quibus laudibus solute ac iunctae orationis suauissimi huius Regis à Polonis celebretur memoria. Nihil dico de me, cuius oratio, quantulacunque est, aut si quae omnino est, huius Regis beneficio creuit. Voluimus quidem & nos de hoc Rege aliquid dignum ex hoc loco uestris afferre auri-



bus: sed tamen id assequi, tarditate, ut par fuit, non potuimus: studio tamen certè, & uoluntate proximi illis sumus, qui literas suas, arteisq; optimas huic Regi acceptas ferunt: & qui hunc quasi quendam mortalem Deum, alto cœlo deinitum, mirantur: ac harum ipsarum literarum opera: quas illius beneficio didicerunt, cupiunt eum esse immortalem. Viues ergo, ô diuine Rex, laudibus, carminibusq; nostris: nosq; e cœlo benignius adspicies, tuoq; numine ac munere hæc bona propria nobis uelis esse, quæ hinc abiens reliquisti. Commouit lachrymas, fletusq; interpellauit orationem meam.

\* Concilium

Sed tamen quod institueram dicere, par hic pacis artibus Salomoni Regi fuit: constantia uerò recti propositi, longè illi superior: quod ut æquabiliter in omni uita tueretur, diffusus ingenio, quæsiuit in suo Regno socios tantarum rerum tuendarum optimos ac probatissimos. Habuit enim ex delectis uiris summa authoritate Senatum, ita ut hoc constet, in Polonia simili splendore \* consilium nullius Regis unquam fuisse: tria autem præcipue in diligendis Senatoribus spectare solebat: genus primò ipsum, quod maior authoritas apud homines, nescio quomodo spectatæ nobilitatis sit, quam incognitæ: deinde sapientia præstantes: postremò, sententia & lingua liberos. Quod si quando in his legendis remissior fuit, in his magistratibus mandandis certè fuit, quibus summa non continetur Regni, & in quibus homines non gerunt Rempublicam, sed gerere discunt. In summis autem Regni magistratibus quàm diligens fuerit, ut non repetam uetera, testes sunt hæc lumina Regni. Recensete uiros hos, & illorum familias, non uillos laudemus, sed ut in illis diligendis iudicium ac sapientiam Sigismundi incredibilem admiremur, adest Princeps Regni Tharnouia domus: quid ex hac eadem domo maius? quid rebus gestis clarius? quid Dijs, hominibusq; charius hoc isto Ioanne Tharnouio Castellano Cracouiensi hoc in Regno unquam fuit: cuius tot extant uictoria, quot sunt huius Regni inimici: tot trophæa, quot deuictæ prouinciæ: tot triumphi, quot ab illo sub iugum missi hostes: quo homine Sigismundus Rex custode peritissimò, Imperatore acerrimo ac felicissimo, periculosissimis temporibus, maximisq; hostibus, hoc Regnum defendit, Scythiamq; Valachiam, ac Moscouiam deuicit: omnesq; hostes uestros hoc Duce, aut parere uobis, aut certè cedere coëgit. Prætermitto Turciam ipsam, quam in Hungaria Ludouico Regi infestam, ac inimicam, ne capta Alba Græca, omnia simul euerteret, hoc eodem Ioanne Tharnouio Duce prohibuit atq; represit. Quid uerò hic, qui hunc ordinem consequitur, Petrus Cmita, lumen atque ornamentum huius Regni? non splendore Vuiscnicensis familiæ, non sapientia, non authoritate, non iustitia, non rebus gestis à Sigismundo impetravit, ut ad hunc unum summum magistratus huius Regni deferret, Palatinumq; Cracouiensem, Marschalcatum. (utamur enim uerbis nostris) præfecturas item magnas ac illustres illi mandaret? Quid hic Ioannes Lathalicius Pofnaniensis Palatinus? homo quidem Equestri loco ortus, tanta tamen uirtute, tantaq; sententiæ libertate præditus, ut ipse suis subnixus opibus in Sigismundi Senatum ascenderit? Quid uos? decus huius Regni atque præsidium Thencisci: quæ ornamenta? Quæ insignia summæ atque excellentissimæ uirtutis uestre à Sigismundo non estis adepti? Vidistis enim Andream ex uestro ortum loco, paruum quidem illum corpore, sed ingenio ac eloquentia summum Castellanum Cracouiensem. Vidistis etiam Ioannem fratrem Palatinum Sendomiriensem nuper defunctum. Sed quid ego mortuos commemoro? cùm tuipse, Ioannes Sendomiriensis Palatine, coram hic præfens adsis, qui cùm ob amplissimam, & haud scio, an maximam in hoc Regno familiæ tuæ dignitatem, tum uerò ob prudentiam sapientissimo sene dignam, à Sigismundo dignus es habitus loco isto, & ordine. Iam uerò quomodo, te, Stanislae Laski, præteream? cuius genus, & industria, spiritusq; illi Senatorij, domi ac foris cogniti, apud Sigismundum tibi sunt suffragati, ut Siradiensis Palatinus esses. Verecundius de te dicerem, Nicolae Brudzoui, si meo nunc iudicio uterer, non alieno. Quanto enim tua erga me beneuolentia maior est, tantò ego minùs possem de tuo genere, uirtute, ac doctrina dicere. Nunc uerò quoniam Senatum Sigismundi, non priuatos amicos commemoro, dico Sigismundum in te fuisse secutum, ut Lanciciensis illi Palatinus esses, cùm genus ipsum, uirtutemq; egregiam, tum uerò uel in primis literas, studiaq; doctrinæ, quibus instructus atque paratus, uocatu Sigismundi in illius Senatum ueneras, ut essetis cum hoc Petro Firlegio Russiæ Palatino, quasi quædam in Sigismundi Senatu duo sydera, splendentia omni Philosophiæ laude atque doctrinæ. Vestra quidem, Senatores, succrescit laudi hic Ioannes Coscielecius, in Nouuladislauensi Palatinus clarissima atque munificentissima ortus familia, cuius maiores tantum inopia publica, de qua paulò antè dixi, commouebantur, ut pergrandem pecuniam, qua obligata bona Regia habebant, Regibus remitterent, † Mariburgoq; ac alijs amplissimis pos-

† Mariburgoq;



mis possessionibus ultrò Casimiro Regi concederent: cùm numum nullum ex illa infinita obligatione acciperent: tanta fides Coscieleciæ gentis erga uestros Reges fuit, ut in summa sua copia inopes arbitrarentur esse, uestro egeno Rege. Sed quid ago? aut quò progredior? Incidi in numerum uestri, Senatores clarissimi, in quo difficile est ex uobis non aliquem, nefas quenquam præterire. Sed dabitis mihi profectò hanc ueniam: & quòd in ipso cursu orationis tam multos prætereo: quosdam autem attingo, partim id tempori, ac auribus uestris seruiens tacio, partim uerò, quòd me uox, lingua, latera prius in dicendo deficient, quàm ut par est, explicem, quid in unoquoque uestrum deligendo Sigismundus fuerit secutus. Quanta tamen sit authoritas omnium uestrum, cum summa beneuolentia Equitum Polonorum coniuncta, cùm ex his, de quibus iam diximus, sciri potest, tum uerò uel maximè ex hoc isto Andrea Gorcano Comite Polnantiensi Castellano, ac superioris Poloniae præfecto: qui adolescens ac penè puer ita commendatione excellentis uirtutis Sigismundo Regi charus fuit, ut dignus ab illo, & summis honoribus haberetur, & qui patri Lucae clarissimo uiro in amplissima præfectura, ordinequæ succederet. Cuius ea est authoritas apud omnes, ea dignitas, is uitæ splendor, ut nullius opes in hoc Regno maiores unquam fuerint: in quo quidem homine illud, quod Platoni illi Philosophorum Deo difficile uidebatur, ut summa opes cum summa uirtute in eodem homine possent esse: ita utrumque cum summa laude excelluit, ut nihil in Polonia illo sit ditius, nihil etiam melius. Nam bonarum rerum, & literarum, ac ipsius doctrinæ ita studiosus est, ut aliud cupere uideatur nihil: opes etiam ipsius non libidinum, neque cupiditatum sunt instrumenta, sed humanitatis, uirtutis, atque dignitatis singularis. Hoc homine, Equites, quoniam uehementer nituntur res uestre, salutem illi ac incolumitatem, quod facitis, uelle & optare debetis. Ex his tot & tantis, ac talibus uiris apparet, qualis Rex iste fuerit, & haud scio, an aliud signum boni sit Regis, quàm ipse Senatus, apud eum Regem præsertim, qui non sua, sed conseruandorum hominum causa se factum esse Regem nouit. Quemadmodum enim est in ipsis artibus, in quibus, quales ipsi artifices sint, instrumenta illorum declarant: sic etiam, cùm ars artium omnium scientia sit administrandi Regni, nusquam ratio ipsius Regis magis apparet, quàm in ipso Senatu, qui instrumentum quoddam bene gerendæ ciuitatis suo Regi est: qui si nequam, si iniustus, si hellus, si rapax ac sceleratus fuerit: certò scito consimilem quoque illi esse Regem. Quid ita? quia mens ipsa infœlix, non iam Regis, sed Tyranni, cum spe atque cupiditate omnia suorum ciuium deuorarit, nihil agit, nihil aliud dies atque noctes molitur, quàm ut ne quis illi omnino ad ea obstat, quæ concupiuit. Quare Tyrannus omnis ueluti quædam immanis bellua, in formam humanam insuta, antequam sternat ciues, uastat leges, ac solus deuoret omnia, Senatum omnem tollit funditus, si quem habet: aut curat, nè quis in Senatu illius sit genere, sententia atque lingua liber. Ita tyrannus aut Senatu caret, aut si quem habet, ex obscurissimis quibusque, atque nequissimis, linguaquæ ac mente seruis, collectum Senatum habet: si tamen Senatus dicendus est cœtus ille infœlix, ex terribis quibusque hominibus ideò conflatus, ut cum his tyrannus scortetur, poterit, leges mutet, Rempublicam uexet, ac quorum assentatione, quasi cœstro quodam, plenus perturbatione atque pœnitentiâ, agatur in furem, atque in amentiam: ut ita uiuat sine fide, sine pace, sine certo fœdere, ac inconcursu plorantium atque tempestate querelarum perpetuò uersetur, plenus turbarum atque tumultus. Cogitate hoc loco per Deos immortales, Equites, & uestros illos ueteres tyrannos, & hos etiam aliorum nouos: ut hæc, quæ dico, magis ex aliorum contentione, quàm ex oratione mea intelligere possitis: quàm æquus Sigismundi Senatus fuerit, quàm iustus, sobrius, continens atque sanctus: ut facile appareat, hunc Regem, non suæ cupiditatis gratia, sed uestre salutis causa, Senatum ex his uiris delectum habuisse. Quem ille ordinem tanta cura coluit, ut ab initio suscepti Regni plenum Senatum semper habuerit optimorum Pontificum ac fortissimorum uiro-  
 rum, quod sine isto adiumento atque præsidio, neque ipsum se, neque Regnum suum putaret esse diuturnum. Quam etiam ob rem tanta ueneratione Senatus apud illum fuit, ut Pontifices, Dominos suos: Senatores uerò sincere dilectos in literis appellaret, o mentem non mortali aliquo Regno, sed ipsa immortalitate dignam. Cùm enim penes solum Regni summa esset, tamen & Regni socios Senatores, & Pontifices dominos habere uolebat, ut Regnum cum socijs certius administraret, & dominos sua sponte sibi præponens in summa potestate non insolesceret: & cùm solus omnia in Regno posset, nihil tamen seorsim ab Senatu præter Regium nomen haberet: quod tamen ipsum summa moderatione ipsius Senatus temperabat, à cuius authoritate nunquã dissensit: nunquam ille, suadente Senatu pacem bellū gessit nunquam



contra, Senatu ad bellum hortante, ille pacem fecit. Ita in consilio ipsius partes nullae, dissensio nulla fuerunt: sed mirificus illo gubernante atque providente ad communem salutem consensus. Non senatus illi Reipublicae clauum in summis tempestatibus gubernanti e manibus praeripiebat: non ille uicissim Senatus quasi nautarum remigationem impendebat. Sed cum in Senatu alij uenientem tempestatem denunciarent, alij pericula Reipublicae tanquam nauis ostenderent, alij uelis atque remis incumberent: ille tanquam sapiens nauclerus ad gubernacula Reipublicae immotus sedebat, singula quae momenta temporum, locorum, hominum ac periculorum expendens, eo quo spes salutis ostendebatur, consilia suorum, cursumque Regni dirigebat. Haec ratio Senatus haec illius optimi atque sapientissimi Regis fuit in hac Republica providentia: ut mirum iam uideri non debeat, si una ex omnibus prouincijs atque terris, in tanto rerum omnium motu, Polonia salua atque integra steterit. Non casu aliquo, mihi credite, id est, factum, neque fato. Rationi enim homines subiecti sunt, non casibus, consilijs, non fati, apud quos si quid non recte neque ordine geritur, scito ibi non fatum neque casum, sed rationem rectam defuisse, quae cum a consilijs nostris abest, res nostrae cadunt, stare non possunt. Quare, si uos, Regnumque uestrum sapientia Regis uestri, fide uero, & authoritate Senatus ad hanc diem stetit: illos, qui iam conciderunt, resque suas amiserunt: stultitia, non casu, amentia, non fato perisse dicemus. An tu si quam in nauim ita moratam conscenderes, in qua aut nauis nauclero remoto, aut nauclerus ipse reiecto clauo, coeli que ac syderum, uentorumque ratione posthabita, uellet ipse remigare, salutem ne tu ullam ibi sperares? aut si quid naufragij accideret, fato cuidam potius, quam illis, qui permutatis officijs nauim euerterunt, naufragium illud tribueres? Ad eum modum, Equites, omnes prouinciae, quas aut ipsi uidistis, aut de quibus ab alijs audiistis, perierunt, dum Rex pro Senatu ipse sibi esset, aut dum Senatus officium Regis obire uellet: prouidere enim ac monere officium est boni Senatus: Regis uero, gubernare ac seruare. Quae ratio administrandi Regni atque moderatio, cum semper constans, & quabilis in Senatu Sigismundi fuerit mirum non est, si soli prope modum ex omnibus gentibus ad hanc diem integri sumus, & si hac ista felicitatis parte Polonia, ceteras omnes prouincias antecellat, quarum nulla illi hac ista parte est par: non Italia, quae uarijs seditionibus Regum cum plebe libertatem amisit: non Gallia, quae saepius fusa atque caesa, Regem suum captiuum uidit: non Germania, quae nunc studio nouarum rerum, de libertate omni periclitatur, non Hungaria, misera atque afflictata: quam discors a Rege Senatus, puer uero Rex funditus euertit, non iam omnes ora atque exterarum gentes ac nationes se hac parte uobiscum conferant: quas omnes, aut bellum euertit, aut seditio afflixit. Sola Polonia Dei summo beneficio, atque huius optimi Regis sapientia, ac consilio consentientis Senatus cunctis nunc floret opibus, uiuit suis legibus, moribus etiam ac institutis antiquis ueterem suam retinet dignitatem, nec propter aliam causam (ut iam dixi) nisi quod in ea, & sapiens ipse regnabat Rex, & Reges ipsi (hoc est, Senatores) erant sapientes: qui cum omnia diligenter prospicerent animo, Rege in ipsa puppi Reipublicae sedente, ac clauum dirigente, nihil fortuna, neque casus in rebus nostris ualuit: quae si quid in rebus humanis ualent, ibi certe ualent, ubi non recto consilio, sed praecipiti temeritate aguntur ac feruntur omnia. Quare soli ex omnibus nunquam accusarent hoc Rege fortunam, Poloni nunquam de casu sunt questi. Omnia enim secundum Deum, & illius prouidentiam in Sigismundi ac illius Senatus sapientia, tam domi, quam foris, tam pace, quam bello erant nobis reposita. Subegimus hoc Rege gentes antea inimicissimas nobis atque inuictas: nonnullas nobis adiunximus: eaque omnia incolumi Regno, saluis legibus, ac integra libertate, hoc Duce gessimus: domi etiam illo authore atque principe conuenientissime in summa beneuolentia publice uiuimus: subsidia belli ac ornamenta pacis parua ab illo, relictataque habemus, ut quocumque oculi nostri inciderint, nihil desiderent ex rebus omnibus, quae ad uitam tuto ac tranquille degendam pertineant. Est enim pax a Sigismundo constituta nobis: sunt opes, uigent literae, est fortis atque sapiens Senatus. Restat etiam hic Augustus filius spes unica Regni, atque tanta laudis atque gloriae paterna heres: qui ut ea tueatur, quae illi pater amplissima reliquit, hanc istam sapientiam patris assidue intuebitur: res ipsius gestas, consilia item, atque rationes omnes administrandi Regni sibi proponet: quae nullam rem esse declarant, in munere Regio positam, quae sapientia Sigismundi Regis non comprehendatur. Verum haec ista sapientia, quam summam fuisse in Sigismundo Rege multis argumentis perspicitis, & si per se ipsa summa sit, (est enim oculus quidam mentis, quo a magnis atque excellentibus uiris causae rerum expetendarum, fugiendarumque cernuntur) tamen haec ista sapientia, nisi habeat iustitiam in admini-



administrando Regno adiunctam, infirmata est, rebus etiam humanis non multum sanè proficua. Neque enim satis est, ut causam uideas, qua stent, cadantque Regni res, nisi etiam causis illis, aut retentis, aut remotis, æquabiliter, iuste ac legitime in ipsa Republica uersere, utque in primis cures, ut in tanta uarietate, rerumque humanarum conuersione, quam minimi motus in Republica existant: quod si qui acciderint, ut sine detrimento communi accidant: quod cum sine maximarum rerum usu uario atque diuturno teneri non possit, quis hac ista laude Sigismundo excellentior Rex fuit? qui cum beneficio longissimæ ætatis (unum enim & octuagesimum annum agens, decessit) tum etiam prudentia singulari atque diuina ad eam iustitiæ laudem peruenerat, ut in sua Republica nihil earum rerum esset omnium, è quibus discordiæ, seditiones ac bella ciuilia existunt, quæ tum sunt, cum uirtus exæquatur uitio: cum boni præmio, mali uero sua carent pœna: denique cum non pro dignitate ac meritis cuiusque, sed pro regnantis libidine, alij plus, alij minus utuntur rebus communibus. Ex hac enim inæqualitate ac intemperantia quadam oriuntur in Republica morbi illi insanabiles, quasi in corpore sano atque integro. Hinc enim existunt discordiæ, seditiones, ac bella ciuilia, cum ipsarum legum atque hominum interitu: & merito quidem. Quid enim in ea Republica salui aut diurni futurum speres, ubi uitium præcurret uirtuti, ubi algent boni, lætantur improbi: ubi dignitas cedit pecuniæ, uirtus generi, ingenium socordiæ atque negligentia? Postremo ubi indignissimus quisque amatur, colitur, ornatur, ac ad amplissima quæque promouetur, summa cum desperatione honorum? Ruant necesse est in tali Republica, ac intereant omnia, quamuis illa magna sint atque præclara. Non agam pluribus, Equites: neque exemplis utar Græcorum ac Latinorum, & ipsorum etiam Barbarorum, qui Respublicas suas potentes ac florentes amiserunt, dum in illis nullus habetur uirtuti honos, nulla pœna uitio. Ex ipso enim Sigismundo omnium istarum rerum exempla sumi possunt: qui cum sapientia illa magnæ atque incredibilitatem ipsam uideret pestem ac perniciem esse ciuitatis, ad eum finem dirigebat omnia, ut neminem eius Reipublicæ, cuius hic Rex fuit, pœniteret: qua cum æquabiliter illo Rege uterentur omnes, non metuebat, ne qui uir bonus atque fortis, contemptus ab illo neglectus, aut res nouas in Regno moliretur, aut seditionem, bellumue ciuile spectaret: quod ibi necessario fit, (ut iam diximus) ubi non æqualiter, neque iuste uiuitur: quare ut remoueret à suo Regna omnia hæc mala atque incommoda, Rempublicam ipsam omnibus ex æquo utendam, ac fruendam proposuerat: ita tamen, ut ratione, & boni ad illam admissi, & mali inde pulsi esse uiderentur. Neque enim in Polonia improbitas atque indignitas desperatione frangebatur unquam magis, quam Sigismundo Rege: contra uero, uirtus, probitas atque dignitas hunc locum honoris, & gratiæ apud Sigismundum habuit, ut cum genus ipsum illustre in claris uiris adamasset, tamen ipsa uirtute sæpe posteritis clarum duxit genus: gradumque ad honores amplissimos in sua Republica uirtutem uolebat esse, non genus. Dabis mihi hoc loco hanc ueniam, Nicolæ Vuolsci, ut tuo potissimum exemplo me uera dicere probem: cum enim Equestri ortus esses patre, Sigismundoque non generis, neque opum, sed uirtutis commendatione esses cognitus: hunc tibi honorem ille habuit, ut te, & gynecio clarissimæ atque pudicissimæ huius Reginæ uxoris suæ præficeret: & ad te Sandomiriensem Castellatum cum multis prouincijs deferret. Hoc ille diuino facto suo docuit, quam iustus Rex esset, cum tantum tuæ excellenti uirtuti, fidei, ac integritati tribueret, ut, quo genere ortus esses, quærendum sibi non putaret. Quid tu, Martine Sborouuski? parumne es tum expertus, quam iustus hic Rex erga te fuerit, cum tuæ spectatissimæ uirtutis ductior aliquando conditio esset? cum enim uirtute, constantia, ac magnitudine animi inuidiam, calumniamque superares, & salutem Reipublicæ, libertatemque communem, tuæ oblitus, maximo animo defenderes: tantum apud Sigismundum ad extremum dignitate ualuisse, ut tua nimia (ut quidam putabant) in causa communi libertas, tibi ad hunc honoris, & dignitatis gradum non obstaret, quem nunc in Republica tenes: quin uero etiam hæc ista bona, & animi, & ingenij tui in Calisiensi hoc illo Castellano tibi sunt apud Sigismundum suffragata. Sed quid ego hos commemoro? cum externi homines ipsi, atque aliunde orti, tantum apud illum uirtute ualerent, ut illis non in Regno tantum ipso, sed etiam in Sigismundi senatu locus esset. Adest enim Seuerinus Bonerus, uir Vuilemburgo quidem profectus, ita tamen ob uirtutem, ingenium, industriamque Sigismundo Regi probatus, ut nihil illi obstaret ad honores huius Regni externi genus. Cum enim fides ac industria ipsius in omnibus officijs ac muneribus Regni amplissimis fuisset cognita, illum Sigismundus, & salinatore fecit, & præfecturas mandauit, ac in senatū introduxit, in quo ille maiestatem Reip. uestre cū his leuaret, qui in hoc regno

ē uobis



ē uobis sunt orti: & tamen apud Sigismundum caruit inuidia propterea Bonerus, quod  
 alienigena esset, ac Germanus, non ciues neque Polonus: cum illo enim Sigismundus  
 ob uirtutem ipsius prestantem ac singularem communicauit hoc Regnum, in quo nunc  
 ille omnibus opibus fortunæ, ingenij, ac dignitatis summa uestra uoluntate floret. Ad  
 hunc modum Sigismundus premijs in Republica propositis, optimi cuiusque uirtutem  
 ad ipsam Rempublicam tuendam excitabat: qua sane ratione tantum profecit, ut nul-  
 lum tempus in hac Republica ferocius fuerit uirtutum omnium. Pro se enim quisque  
 tam pace, quam bello nitebatur, ut sub optimo Rege bonus ipse ciuis esset: & ne quis,  
 amplissimis premijs uirtuti propositis, ipse sibi ad laudem deesset. Quare tanto studio  
 ad uirtutem, & ad gloriam exarserant omnes, ut summi, medijs ac infimi, ad summa con-  
 tenderent. Testis enim hic est, Ioannes Tharnouius, qui etsi genere clarissimo sit ortus,  
 tamen ad res maximas, pro salute huius Regni gerendas, honoribus amplissimis ab hoc  
 Rege inuitatus, tantum uirtute profecit, ut non solum nostros Imperatores omnes, sed  
 etiam illos ueteres externos Scipiones, Marios, ac Maximos, bellica laude adæquaret.  
 Quid uero hic Nicolaus Sieniauwski Belsensis Palatinus: qui premijs à Sigismundo ex-  
 citatus cum Alexandro ac Procopio fratribus, sic rem militarem in Russia hoc Rege ad-  
 ministrabat, ut eorum opera Russia illa afflictæ, ac anniuersario hoste penè deleta, re-  
 quiescat nunc, ac nouis colonijs solitudines suas compleat atque instauret: ita ut post  
 hominum memoriam cultior Russia nunquam fuerit, quam est nunc Sieniauiorum, &  
 aliorum fortium uirorum opera, quorum uirtute ad hanc rem Russia stetit: quæ cum as-  
 siduis hostibus esset exposita, fortissimorum uirorum præsidio eam Sigismundus mu-  
 niendam sibi putabat: eiusque prouinciæ magistratus his potissimum mandabat, quo-  
 rum animo ac uirtute confidebat: ueluti nuper paulò anti quàm esset mortuus Podol-  
 iæ Palatinatum ad Ioannem Mielecium detulit uirum fortem, ac genere, ingenio, opi-  
 busque prestantem. Prætereo alios multos fortes ac claros uiros, quorum uirtutem Si-  
 gismundus ad res maximas iustitia sua excitauit, beneficijs auxit, premijs uero confir-  
 mauit. Est hæc diuina summi illius uiri ac iustissimæ laus, qui cum amplissimo ac copio-  
 sissimo Regno potiretur, illius omnes copias atque opes, non suæ priuata libidinis, ne-  
 que compendij sui putauit esse, sed eius Reipublicæ, cuius Rex fuit. Quare quicquid  
 positum erat, aut in honoribus Reipublicæ, aut in uectigalibus ipsius Regis, earum re-  
 rum omnium dispensatorem ille se esse putabat, non possessorem neque dominum. Quod  
 etiam fiebat, ut hæc communicaret omnia cum uiris fortibus, ac de Republica benè me-  
 ritis, ita ut cuiusque dignitas ac meritum postulabat: summas opes Regum esse ratus co-  
 piam bonorum uirorum atque fortium, quorum uirtus ibi faceret semper, ubi nullus  
 ei haberetur honos. Quare cum Sigismundus gratus esset erga optimi cuiusque uir-  
 tutem, commouit premijs propositis studia hominum, non solum summorum, sed e-  
 tiam mediocrium atque infimorum. Pro se enim quisque hoc Rege excellere in Polo-  
 nia studebat: nemo erat, qui aliquid non afferret in medium, quo Regi suo operam ac  
 industriam probaret. Artifices ipsi medijsfidius, ac omne genus mechanicum, com-  
 motis studijs, artes suas diligentius hoc Rege coluerunt, cum uiderent operas quoque  
 suas placere Regi. Itaque tanta copia optimorum opificum atque artificum hoc Re-  
 ge fuit: ut Phidias illi ueteres atque Polycleti, & Apelles reuixisse in Polonia uideren-  
 tur: qui pingendi, fingendi, ac dolandi arte, illorum ueterum artificum gloriam adæ-  
 quarent: quorum cum multa extent in hoc Regno opera pulchra atque uisenda, tamen  
 huius unius arcis opus uincit, ac superat omnia, quam ille præstantissimorum artificum  
 opera à fundamentis extruxit, ac Cracouiæ hoc isto præsidio muniuit tanto sumptu  
 ac opere: ut non hominum, sed Deorum immortalium sedes arx ista esse uideatur. Quid  
 uero Basilica huic templo adiuncta, paruūne accessione sui, huic ædi Venceslai de-  
 corem, dignitatemque attulit: in qua & pictorum operæ, & sculptorum ac fabrorum  
 singularia, & magnifica uisuntur: quam Basilicam ille, & Religioni summi Dei con-  
 secrauit, & omnibus ornamentis (ut uidetis) illustrauit, corporique suo tabernacu-  
 lum hanc esse uoluit: in qua illud, quasi quodam regio itinere defessum, non minùs  
 longo, quam molesto, postremum requiesceret, ac supremam Mundi diem expecta-  
 ret. Quanta hæc Sigismundi iustitia fuit, quam potens, quam magnifica, quam cla-  
 ra apud Deum, quam nota, & probata apud homines: qui distribuendis æqualiter  
 premijs, ac muneribus Regni, mutua pace, ac beneuolentia suos tenuit: & ad uirtu-  
 tem bonos uiros cupiditate rerum optimarum incendit, ac in contrariò genere ho-  
 minum hoc ipso modo firmabat rationes bonorum. Nihil enim apud illum contem-  
 ptius, nihil neglectius, nihil uilius improbis fuit, ut ex hac ista ratione, boni præmia  
 suæ uirtuti seruari à bono Rege scirent: mali uero nihil præter contemptum ferrent,  
 atque poenam.



atque poenam. Ita illi honores omnes solis bonis ac fortibus uiris debere se putabat: quibus cum improbis etiam communicatis boni in officio dolore redderentur remissiores: improbi uero nihilo illis ipsis honoribus fierent meliores. Quare cum præmium, & poenam æquabiliter dispartiret, seseque ipse sanctissimè gereret: uirtutes præmijs, uitia contra poenis affectit: cuius rei etsi multa extent exempla, tamen haud scio, an aliud sit clarius illo, & ad sanctiendum cum in remilitari, tum in omni uita fidem accommodatius, cum Raduankouium centurionem ob Ornetæ Prussico bello prodicionem infamia publico iudicio notauit: militesque nostros huius calamitate ac ignominia docuit, ut pugnare potius, quam fugere: mori, quam fallere uellent. Hisce artibus Sigismundus cum suos ciues benè uiuere, ac iustè agere docuisset, facile illam quoque iustitiæ partem, quæ legibus traditur, absoluit: cuius hæc summa apud Sigismundum fuit, ut conuenienter in hac societate nostra uiueremus: ad hunc ille finem omnes leges suas retulit, quibus pax inter nos cum summa beneuolentia constaret: quas leges si inspicias, tanquam in aliquo speculo omnes sensus Sigismundi ac rationes expressas uidebis. Nullam in his tyrannicam mentem, nullam utilitatem ipsius propriam reperiēs. Vestrae libertatis, Equites, uestræ dignitatis, uestræ Maiestatis sunt illæ leges, quæ in Polonia sola regnant, ac ex æquo uobis, & Sigismundo Regi uestro imperant. Neque enim solutus est Rex legibus apud uos: non quod illi utile, id iustum uobis: non quod lubet, id illi licet; Romanæ seruitutis sunt ista carmina, quæ laudat nemo, nisi seruus sit, aut Italus: qui quidem, ut certius seruiret, scholas etiam sibi (si Dñs placet) condidit: Doctoresque legum fecit, à quibus nil nisi seruire disceret, qui Doctores, inquam, legum istarum seruilium transcenss Alpibus, uenerunt etiam cum talibus præceptis ad uos: quos hic passim iam uagari uidetis, cum hoc isto Dñs irato supercilio, ac pessimo libertatis uestræ exemplo: quos uos, id quod facitis, contemnere debetis, Equites: & tanquam contagionem quandam hanc istam Neronianam scholam fugere, regnoque uestro pellere: ne istæ immundæ pecudes inficiant puros iustitiæ uestræ fonteis, è quibus Sigismundus hauriebat leges uestras, quibus communiter uobiscum uiueret, quarum legum ille lingua, non Rex: interpres, non author: patronus, non Dominus fuit: quas etiam ferebat, authore Senatu, uolentibus ac iubentibus uobis. In qua sanè ratione cum summa moderatione æquitate animi fuisset, omnes illos ueteres Solonas, Licurgos, atque Cretas Legumlatores uicisse mihi uidetur: nam illi seorsim à populo leges ferebant: hic uero nullam absque Senatus authoritate, ac scito uestro communi, legem tulit. Illorum leges libidini populari sæpè seruebant: Sigismundi uero nulli rei seruiunt, nisi utilitati communi ac uestræ libertati. Illorum legum nimia licentia tyrannidem in ciuitatibus pariebat: nostra uero legum disciplina, nulli rei magis, quam tyrannidi, est aduersa. Quid ita? quia apud leges nostras rerum, & criminum, non personarum, neque dignitatum, ratio est. Non quærebatur in Sigismundi iudicio, Archiepiscopus ne, an Palatinus: Episcopus, an Castellanus: nobilis, an ignobilis: peregrinus, an ciuis reus esset: sed remota dignitate omni reorum ipsorum, de re ipsa iudicium fiebat: in quo nocentes poena legitima afficiebantur: innocentes uero ex lege absoluebantur. Iam, quanta ipsius Sigismundi Maiestas in iudicijs publicis fuerit, quæ animi æquitas, qui modus, recordamini, Equites, & illam personam illius Regis in iudicio præsentis uobiscum cogitate: in qua expressa facies Reipublicæ uestræ cernebatur: status erectus, ac celsus, lati ac patentes humeri, facies rotunda, rubentes genæ, oculi grandes, ac stabiles: minax supercilium, nasus ipse gryphus ac aquilinus, summo Rege dignus: ut non Casimiri Regis, sed Iouis filius uideretur iudicio præsidere: sic omnia ad Imperium erant in illo Rege nata, uultus, intuitus, uox, latera, silentium postremò ipsum. In iudicio nunquam audiebatur, nisi cum oportebat: minùs etiam nonnunquā, quam oportebat. Nutu plura, uerbis pauca conficiebat: tantaque moderatione linguæ ac continentia sermone fuit, ut illius, in summo Imperio, nemo unquam uerbum ullum asperius audierit. Quare cum tanta iustitia, ac tanta moderatione in controuersijs dñdicandis fuisset, æquos, placatosque reos à se dimittebat, non solùm eos, secundum quos iudicabat, sed etiam eos, quos contra statuebat: & cum gratiæ causa in iudicio nihil faceret, grata tamen erant omnia, quæ faciebat. Ita faueritati illius, res maximè distans, miscebatur comitas, sed ita tamen, ut neque comitas impediretur faueritate, neque faueritas comitate leuior fieret. Hac fama admirabili uirtutum incredibilium, cum solus ille Rex, solus iustus, solus sapiens, non domi tantùm, sed etiam foris uideretur: tanta ueneratione propter summam iustitiam apud omnes gentes fuit, ut iustitiæ illius fama impulsu Bohemi primùm: deinde Hungari, Ludouico Rege apud Mohacium à Turcis intercepto, huic ultro duo maxima Regna offerrent, quæ ille tamen non accepit, cum reprehensio-



prehensione multorum, eorum præsertim, qui non perspiciunt, ac multò etiam minùs intelligunt, quantum ipsius Regni sit opus. Quod cum alta sapientia Sigismundus cognitum, perspectumque haberet, Regna illa remisit Hungaris, ac Bohemis: ipse Sarmatia contentus fuit, sufficere sibi hanc materiam ratus, in qua omnem uim ingenij, ac uirtutis suæ ostenderet: tanta fuit opinio ipsius excellentis iusticiæ apud omnes, tanta etiam illius moderatio. Quid uerò illud, cum Ioannes, & Ferdinandus Reges, summis inimicitijs incensi, arbitrum hunc de Hungariæ regno cœperunt: parumne ex eo liquet, quanta exultatione hic Rex apud omnes fuerit: quam sanctissimam esse Reges illi putabant, ita ut arbitrio illius, non solum Regna ipsa, de quibus ambigebant, sed etiam dignitatem suam regiam committerent, id iustissimum fore rati, quod à Sigismundo probatum, decretumque fuisset. Præterea alia infinita domi, & foris ipsius excellentis uirtutis, atque iustitiæ documenta, quæ ille uiuus constituit, ad memoriam Regni sui sempiternam. Et quoniam præcipua pars iusticiæ est pietas ipsa, parum ne hac quoque iusticiæ parte excelluit: cum Religionem illam patriam atque auitam, cæremonias item omnes sanctissimas, tanta ueneratione coleret, ut nihil illis melius, nihil religiosius esset, ne in monasterijs ipsis quidem, non in his, quæ nunc sunt, sed in illis, quæ olim fuerunt: fide enim in Deum erat summa, hominem peccatorem se confitebatur esse palam: nunquam spem ueniæ, nisi in solo Christo habebat: benignus in omnes, pius, clemens, ac munificus fuit: in Ecclesia uerò, ne quid nouaretur, neue ipsius Religionis ulla in re fieret commutatio, tanto studio curauit, ut in minimis etiam rebus, quæ uix censeas, diligentissimus fuerit. Vos hoc loco appello sanctissimi Sacerdotes, qui cœlesti nunc pro illo sacrificium facitis: ecquis uestrum diligentior omnibus Religionibus atque cæremonijs conseruandis hoc Rege fuit? Quoties ille uos admonuit, si quid à uobis non ritè factum, aut si quid de statuto sacrificio fuerat à uobis prætermisum? Candelam ipsam ceream medijs fidijs, ut maiora prætermittam, non suo loco stantem aduertebat: aut si ea sacro deesset, uos admonebat. Neque uerò id ille faciebat curiosus in uestro munere: sed quod minimis hisce rebus, aut sublatis, aut intermissis, Religionem ipsam intermitteri, ac sensim tolli putabat: de qua ne ulla diminutio fieret, non solum præmijs, sed etiam poenis in seditiosos editis prouidit. Gedanenses enim ciues res nouas atque perniciosas non in Rempublicam tantum, sed etiam in Religionem molientes, supplicio affecit: summa tamen moderatione ac æquitate: paucorum enim poena contentus fuit, ad salutem reliquorum. Ita ille cum fundamentum omnis Reipublicæ religionem ipsam sciret esse, & cum sibi multorum exemplis ac literis suaderet, mutata Religione, mutari Regna: summa Religione ipse fuit, & ut cæteri quoque essent, curauit: ad quam colendam ac retinendam, ut expeditior ipse esset, multis exercitationibus se comparabat: summa enim abstinencia ieiunabat: dies festos celebrabat: nunquam publicè quicquam agebat, priusquam sacrificasset, sacroque interfuisset. Verbum Dei diligenter in concionibus audiebat, ac iuxta illud uiuebat: sobrius in omni uita Rex fuit: nunquam ebrius est uisus: nunquam uino aut amore insolens ac intemperans. Ad hunc modum ille cum summa moderatione uictus fuisset, paratus semper erat ad regium illud opus atque munus, in quo exercendo carebat furore illo, qui ex intemperantia cibi atque uini ducitur: quo remoto, summa fuit humanitate ac incredibili Religione ad ultimum usque spiritum, ita ut etiam animam ipsam agens, hunc istum Vitum Monachum de Dominici familia, sacrificantem diligenter audiret, ad singula uerba passionis Christi Dei nostri suspirando, ingemiscendo, ac flebiliter precando, quò Deus ipse peccatorum ipsius immemor: beneficio autem Christi in illum, & in omnes memor, clemens ac propicius, illum ad illas beatorum sedes reciperet, ad quas Iesus Christus Dominus, & Deus noster ante illum præcesserat: ô fidem ueram, & dignam, cui isti ignes luceant, qui quidem signa sunt atque notæ illius ignis intimi, quo fides ipsius ardebat in Deum: charitas autem ipsa sese effundebat in proximum. Hoc ergo isto diuino igne atque recondito semel in baptismo suscepto, cum ille arderet in omni uita, nullaque perfidia illum uiolaret: rectè hæc ista lumina atque ignes, incensæque faces præferuntur nunc illi mortuo, quod fidem Deo seruaret integram, charitatem autem proximo ad ultimum spiritum, quem cum iam reddiderit Deo ex hac turba, & colluione, tanquam ex hospitio, non tanquam ex domo, in illud animorum concilium, cœtumque profectus est, ubi nunc cum fidei Abraham, Isaac, atque Iacob accumbit: colloquitur cum Dauid: uiuit cum Iosia iustissimo atque religiosissimo Rege: auos suos, fratres, ac parentes, Reges uestros recognoscit: hunc totum iam complectitur cœlum: hunc obuijs ulnis excipiunt omnes beatorum animæ, ac illius conspectu lætantur, ab Aquilonisque partibus aduenisse gaudent Regem iustitia ac pietate insignem, socium fœlicitatis suæ, atque im-

morta-



mortalitatis participem: quo nemo uir melior apud nos natus est, nemo pietate præstantior: nunc ille uos ex alto intuens, Equites, à Deo Optimo Maximo precatur, ut uos felices ac saluos uelit esse, uestrumque hoc Regnum conseruet, quod ille summa sapientia, ac singulari iusticia uiuus rexit, ac omnibus legibus, præsidijque ornauit, atque instruxit: summaque in illo tuendo, conseruandoque animi magnitudine, fortitudineque fuit: de qua ego breuiter dicam: fuit enim hoc tertium, quod in summo Rege inesse oportere diximus. Neque enim satis est, sapientem ac iustum domi esse Regem, nisi etiam is regnum saluum præstet, & ab omni externa ui defendat. Qualis utique Sigismundus fuerit, constat: qui quo die Rex à uobis est factus, motus domestici in illum, deinde externi cum maximo nouarum rerum metu exceperunt. Recordamini enim, Equites, qui motus ille in Lithuania, qui timor fuerit, cum Michael Glinski homo eius gentis potentissimus atque seditiosissimus, mortuo Alexandro Rege, principatum Lithuaniae peteret, ad quam illi rem cum & animus non deesset & copia, tamē is Sigismundi primum nomine, deinde conspectu fractus, debilitatusque arma posuit, pacemque supplex petijt, ad postremò in illius fide fuit. Mansisset autem utinam in sententia: nunquam tantis claudibus, tantoque hominum interitu Lithuaniam cum Moschouia commisisset: cum enim Michael Glinski moliri multa occulte in Lithuania nunquam desisset, à Ioanneque Zabresinskio Marsalco Lithuaniae, appetiti principatus reus fierit: non cogitabat, quomodo se regi purgaret, de quo arguebatur: sed quomodo accusatorem suum primo quoque tempore e uita tolleret. Itaque oblitus clementiae regiae, quamprimò statim Sigismundi in Lithuaniam aduentu, incredibilem erat expertus: iustitiae etiam huius ipsius Regis immemor, in qua etiam nocenti perfugium esse poterat: nullaque ratione harum rerum omnium habita, multa nocte Ioannem Zabresinskium aggreditur, & quiescentem iam, ac nihil tale cogitantē inuasit, ac domi suae hominē nobilissimum occidit, magnū crimen, scelus ingens, uis non ferenda, cuius ille magnitudine perterritus, ut scelus scelere cumularet, ad Basilium Moschum profugit, illumque ad inferendum bellum patriae sollicitare coepit: facileque sua sponte ad id iam parato Basilio persuasit, ut cū Maximiliano Caesare foedus faceret, ab eoque futuri belli subsidium contra Sigismundum peteret. Nihil propius est factum, quam ut Maximilianus immemor tum nominis ac generis sui, omnibus suis copijs ad inferendum bellum Sigismundo Basilium iuaret: quod tanto apparatu rerum omnium à Basilio erat gestum, ut neque maiori contentione, neque maioribus copijs inter Lithuanos, & Moschos unquam certatum fuisset: Hic Sigismundus, & si eodem tempore alijs quoque bellis Scythicis, Valachicis, atque Turcicis distractus esset, tantum animi magnitudine in bello Moschico suscipiendo fuit, ut nullum aliud bellum gerere uideretur: non terruit illum Maximiliani Caesaris insperatum cum Moscho foedus, non copiae ab illo suppeditatae gerendi belli, non ipsius Basilij exercitus ante hanc diem inuictus. Incredibili enim celeritate exercitu ex Lithuania collecto, militibus etiam ex Polonia accersitis, magno animo aduersus hostem contendit, ac Borysthene amne superato, cum hoste acerrimè conflixit, quem memorabili pugna deuicit, non in praesens tantum sed etiam in posterum: nam eo praelio uidentur omnes uires concidisse Moschorum, quae antè hac graues Lithuaniae ac inuictae uidebantur esse: & quae ante illam cladem tantae fuerunt, ut Moschi praese catores mortales omnes contemnerent, quib. deuictis, tanta gratulatio omnium est subsecuta, ut etiam Romae à Leone Decimo supplicatio Sigismundi nomine decerneretur, singulari genere uerborum & numero dierum. Cū enim in Leonis senatu Nicolaus Vuolski legatus, hic Sendomiriensis Castellanus, exposuisset & genus hostium & uictoriae modum, res digna patribus illis est uisa, publica ipsius urbis Romae gratulatione, ac supplicatione singulari. Supplicatum itaque fuit, totaque urbe dies festi, atque ludi eius uictoriae nomine fuerant instituti, dolente ac moerente Maximiliano Caesare, qui captiuos etiam ipsos, per hunc istum Nicolaum Vuolski Leoni missos, intercepti, in Moschouiamque contra ius gentium remisit. His uictorijs atque triumphis initia regni sui Sigismundus consecrauit, docuitque se eum Regem esse, qui & domi regnum leuibus tenere & foris armis tueri posset. Neque uerò hoc bello tantum illius animi uis extitit incredibilis, sed multis etiā alijs bellis grauib. ac difficilib. Nam cum uix à Moschico bello respirasset, Scythiam magnis copijs, Russiam prouinciam ferro atque igne uastantem incredibili uirtute ad Vuisniouiciu superauit: illaque pugna, primus Regum omnium, Scythas docuit, pacem bello meliorem esse. Quid autē Valachia ipsa, Turcicis exercitibus contra Sigismundum munita atque instructa, cum huic regno periculosissime immineret, nonne ad Obertinum postremò ab hoc Rege deuicta, poenas temeritatis suae dedit, uestroque imperio, hoc isto Ioanne Tharnouio duce, parere est coacta? Iam uerò Moschouia, cum iterum fractas illas uires suas ac desperatas repeteret,



bellumq; maximum pararet, non ab hoc Sigismundo iterum deuicta bello maximo funditus corruit. Ad quod bellum gerendum Sigismundus, hunc istum Tarnouium Imperatorem, ad conseruandum hoc Regnum natum, miserat: qui capto atque euerso Starodobo, ingenti hominum strage, Moschos in perpetuum deuicisse iam uideretur. Præterea alia bella uaria atque infinita, quæ Sigismundus gessit, non libidine regnandi, neq; studio gloriæ incensus, sed amore Religionis Christianæ conseruandæ. Cum enim Polonia Regnum Aquilonem uersus ultimum sit Regnorum omnium, gens ista regiones finitimas habet inimicissimas, partim Christiano, partim uerò Romano nomini. Quare Sigismundus cum his assidue bellum gessit, non ut finitimarum rerum potiretur, sed ut Religionem Christianam contra Scythas atque Turcas: Romanæ uerò sedis nomen contra Moschos atque Vualachos tueretur: quod hæ gentes huic sedi, hoc isto dissidio Græcorum cum Latinis, sint omnium inimicissimæ. Solus ergo Christianorum Regum omnium Sigismundus non pro augendo, sed pro retinendo Regno: non pro sua libidine, sed pro Christiana Religione bellum cum tota Asia gessit, cuius Asiæ opes cum magnis ac insperatis uictorijs crescere indies uideret, sequæ præ cæteris periculis illis proximum esse sciret, Christianos autem Principes mutuis bellis dissidere uideret, prouidentum sibi, Regnoq; suo putauit. Quapropter summa ope est conatus Christianos principes in mutuam gratiam reducere, illorum concordia ac conspiratione suas opes atque rationes contra Turcarum tyrannum firmare, ut minùs potens, minùsq; formidabilis tyrannus ille uobis esset. Quapropter & Maximilianum Cæsarem reconciliata iam gratia Viennam adierat: cuius etiam hortatu Vuladislaus frater Hungariæ Rex, cum Ludouico filio, eò quoque uenerat, quo in conuentu summorum Regum ille ostendit, docuit, monuit, Turcarum opes tantas esse, ut ab uno Christiano Rege superari non possint, in concordia ac mutua pace spem esse, sine qua nihil esset Christianis salui. Itaque Sigismundo auctore atque Duce, iacta erant Viennæ fundamenta communis auxilij: quæ tamen sorte quadam rebus nostris aduersa non diu manserunt. Nam & Maxim. & Vuladislaus uita functi, ambo spem Sigismundi fefellerunt. Non cessauit tamen Sigismundus agere, & facere omnia, quò potentia Turcarum occurreret. Quare auxilia undique contrahebat: cum finitimis fœdus & amicitias iungebat, neque uerò his solis contentus fuit, sed etiam cum sciret Neapolim atque omnem illam oram Apuliæ, societate Turcici belli cum Polonia coniungi: amicitiam Italiæ expetiuit, hancq; Bonam Reginam ex Sfortia familia clarissima atque totius Italiæ nobilissima, Ducem Bari in matrimonium accepit: ut hoc ceu quodam illustri ac sancto pignore, socium se belli ac periculorum omnium Italis profiteretur esse. Verùm cum hac ista spe finitimorum ac externorum auxiliorum frustra penderet, solusq; sapius cum summo rerum suarum discrimine cum Turcarum Ducibus conflingeret, de Regnoq; suo iam planè dimicaret, fœdus ad extremum cum Solimanno fecit. Quid uerò illi aliud faciendum fuit? solus erat: opem ferebat nemo, spes ipsa restabat nusquam: Regnum porro suum uidebat omnibus Turcicis bellis ac periculis esse propositum. Quid tandem quæso est, quod quis Sigismundum huius ipsius fœderis nomine repræhendat? cum uideat unum e duobus illi fuisse necesse, ut aut Regnum suum in postremum discrimen adduceret, aut fœdus cum Turca faceret, quod tamen ille non fœdus potius, quàm inducias, sibi purabat datas esse patandi belli. Nouerat enim ille à Turcarum tyranno non fide, neque Religione: sed occasione atque tempore fœdera ponderari. Quare etsi ille fœdus illud sanctissimum esse ducebat, tamen quod nihil huic hosti crederet, inter fœdus illud, rationes suas summo studio futuro bello parabat, ut si quando illi necessario cum Turca belligerandum esset, eò paratior, instructiorq; in aciem contra illum prodiret. Meminerat, sapius se conflixisse cum hoste summo cum periculo. Ludouicum etiam Regem, nepotem ex fratre suum, uiderat uitam, & Regnum profudisse, cum incertorum auxiliorum spe bellum Turcicum mallet, quàm fœdus: cuius consilia nunquam probabat Sigismundus, summoq; studio à bello illum reuocabat, ostentabat illi Rhodum atque Cœum nobilissimas insulas consimili spe perisse: docebat Carolum Cæsarem impeditum esse bello Gallico atque Italico, Ferdinandum autem Rusticano: Germaniam etiam totam, Religionis controuersia dissidentem, commemorabat: nusquam spem superesse: præstare fœdus facere, quàm bellum incertum gerere, cuius fidelissimis consilijs cum Ludouicus non obediret, uitam simul cum Regno amisit. Qua in re Sigismundus, quàm sapiens Rex atque fortis fuerit, ostendit, qui Rempubicam tanquam in alto nauim pro ratione tempestatum, & locorum, & temporum dirigendam esse ducebat, ut quid tempus Reipublicæ poscat, aut quid ueret in primis sapienti Regi sit prouidendum. Interea tamen Sigismundus quoad uixit: cum bellis mutuis Christianorum arderet res, ille non quieuit,



quieuit, sed assiduus bellis pacem Regno suo quaesivit. Nunquam quenkum bello la-  
cessiuit, nunquam nisi lacesitus bellum gessit, propterea etiam (credo) uictor semper ex-  
stitit: singularisque illa huic uni concessa erat gloria, quod hic solus Regum omnium in  
Polonia nunquam uictus fuit, nisi forte quis illam acceptam calamitatem apud Socali-  
um bello Scythico huic adnumeret: quae, temeritate Ducum, absente Rege bello con-  
misso, a Scythiis accepta fuit, quam tamen calamitatem ille postea infinita hostium caede  
compenfauit: sic ille, cum nihil temere, nihil abiecte, neque demisse, sed summo consilio,  
magno, & inuicto animo cuncta gereret, facile fuit inuictus. Res etiam nostras, cum ar-  
mis uix posset, foedere a Solimanno uindicauit, quas ille aut perpetua pace cum hoc ho-  
ste sanciuuit, aut si belligerandum nobis erit, paratiores, instructioresque aduersus Turca-  
rum opes reddidit.

Reliquum est, ut de clementia ipsius pauca dicamus, sine qua & sapientia nihil pro-  
dest Regibus, & iustitia etiam obest, & fortitudo ipsa nocentior sit suis, quam alienis, ni-  
si ipsius clementiae moderatione temperetur. Haec enim ferocem animum Regis, ferum, &  
indomitum contra Regni hostes emollit, suis mansuetumque ac benignum reddit: ut hac i-  
psa uirtute Rex hostem ab amico, peregrinum a ciue, innocentem a reo secernat: reis etiam i-  
psum, fragilitatis ac imprudentiae in hac eadem uirtute apud Regem perfugium est, haec ista  
uirtus in consilijs, in iudicijs, in bellis Regum uersetur necesse est, si Reges non Tyranni  
illi uolunt perhiberi, hic enim Regiae Celsitudinis ornatus est: haec illorum commedatio est  
summa: haec sola atque unica ad immortalitatem illis restat uia, denique ex hac ipsa excellenti  
& plane Regia uirtute nascitur suauissima Regum ipsorum memoria: gratumque ac iucun-  
dum illorum uersatur apud suos desiderium. Vnde enim sunt uestrae istae lachrymae?  
unde haec est misericordia, quam nunc uos praestatis mortuo? eblandita credo haec sunt  
a uobis spe ulla commodorum uestrorum, & non potius expressa uestigia mororis ue-  
stri, recordatione illius optimi atque clementissimi uiri, qui benignus in bonos, mitis in  
reos, indulgens in omnes fuit: nunquam ille arrisit uitio, nunquam detraxit uirtuti, nun-  
quam blandiens parti se dedit alicui: sed cum rem ipsam sequeretur, hoc unum propo-  
situm illi fuit, ne qua in re aberraret a uero: tanta aequitate ac clementia, ut rerum ipsarum  
ac criminum magnitudinem, cum rerum infirmitate conferret: uirtutem etiam ipsam at-  
que innocentiam, ne approbatione insolesceret, aut dissimulatione, aut leui repraehen-  
sione, temperabat. Iam uero ipsas parteis magnis saepe odijs incensas, summa grauitate  
ac aequabili erga utranque uoluntate audiebat. Possem hoc loco magnas inimicitias  
clarissimorum uirorum commemorare ex Reipublicae causa susceptas, nisi & uos me-  
minisse scirem, & ipse praeterire hanc ignominiam uellem, ne commemorando nota-  
re uidear auctores ipsos. Dabo hoc ergo illorum auctoritati: ab hisque uobiscum una  
petam, ut communis salutis causa remittant animos, aequosque ac placatos retineant  
huius illustis exemplo Regis: qui, cum Rex esset, possetque delinquentem coercere, a-  
quus tamen utrique fuit, monereque ac hortari, interdum etiam rogare ad pacem suos  
maluit, quam lege, ui aut minis impellere: ferebat enim aequo animo omnes, in liberaque  
Repub. non solum animum, sed etiam odium liberum esse debere duxit. Hanc libertatem  
ille liberorum populorum cum summam esse sciret, ut uidelicet, & amoris, & odij par sit  
apud ciues ratio, ipse quoque odia multorum in Repub. pertulit, si tamen odium est dicen-  
da libera expositulatio subditi cum Rege. Cum enim benignitas ipsius atque clementia ni-  
mia quibusdam, aut etiam nonnullis in rebus remissior uideretur, repraehendi se palam  
in Senatu patiebatur: sententias in se dictas patienter ferebat, & eas aequissimo animo re-  
fellebat, aut illis cedebat, & secundum illas, quod admittebat, corripiebat. Iam uero in comi-  
tijs ipsis, nullius Regis in Polonia aures uobis ac uestris legatis benignius unquam pa-  
tebant. Attente perorantes uestros legatos audiebat: postulata uestra clementer acci-  
piebat: stultitiam multorum saepe ac intemperantiam perferebat. Nunquam ille aspero  
uerbo, aut immodestius \* misso excanduit: nunquam iracundia exiluit: quam ille cum  
omnibus uirtutibus continentiae, grauitatis, iustitiae ac humanitatis, a se remouisset, \* Emisso  
facilis in rebus cognoscendis, in hominibus audiendis, admittendisque fuit. Quanto enim  
motu, quanta contentione illa ad Leopolum Valachico bello pro uestra libertate cum  
hoc Rege egistis? cum quaedam non legitime fieri, quaedam etiam negligi ab illo uobis  
uidentur: quae tum grauitas, quae animi aequitas, qui modus, quae patientia huius Regis,  
quae uestra libertas actionis tum fuit? & tamen cum iuste fortasse nonnullis irasci posset,  
neminem uestrum ne asperiori quidem uerbo propterea appellauit, ita, ut etiam illius i-  
psius actionis auctores atque Duces, maximis affecerit propterea praemijs, ueluti hos du-  
os fortissimos ac coniunctissimos fratres, Petrum ac Martinum Sborouios, quorum  
in Republica singularem fidem, obseruantiam uero erga se summam cum esset exper-



tus, utrumque honore Senatorio affecit, quorum exemplo ille ad tuendam Rempubli-  
cam, causamque communem agendam, multos fortes viros ac industrios ex ordine ue-  
stro excitauit, ueluti hos duos summa spe ac uirtute in causa communi cognitos, Petrum  
Boratinski Ruthenum, & hunc Stanislaum Podlodouuski ex Sendomiriensi munici-  
pio Equitem, qui cum in comitijs nuper Pitrakouiae habitis, quae postrema Sigismun-  
do fuerunt, grauiorem causam Reipublicae suscepissent, quam ut utriusque aras pati  
uideretur: sic tamen a Sigismundo auditi sunt, ut etiam Stanislaum Podlodouuski de li-  
bertate uestra liberius differenter, lachrymans audiret, & cum hic Sigismundum in Po-  
lonia non Imperatorem, sed Regem esse diceret, legibusque illum certis regnare oportere,  
summa cum libertate orationis differeret: annuit ille: ipsoque uultu ac intuitu signifi-  
cavit, se quoque non Imperatorem uelle esse, sed Regem. O' uirum omnium literis, ser-  
monibus ac monumentis celebrandum, & dignum, qui non dico homines, sed Deos i-  
psos regeret, non illius tum maiestatis auertit illi a dicente Podlodouio oculos: non au-  
res illi clausit Regiae potestatis conscientia. Imò uerò uidit, audiuit, ac summo studio  
audienda sibi ea putauit, quae liberè de Republica a Podlodouio dicebantur. Dixisses  
haec in Neronis Senatu Podlodouus: aut alicuius Regis Italiae aures hac ista libertatis uo-  
ce appetisses? Postremum illo in loco (mihi crede) constitisses, ac ultima uox tibi illa fuisset,  
quae tamen ipsa grata Sigismundo fuit, iucunda nobis, gloriosa uerò nunc est ipsi tibi.  
Summa haec est clementiae laus, Equites, Sigismundi Regis, & haud scio, an omni-  
um maxima, in libera Republica liberas uelle uersari hominum uoces, liberas senten-  
tias: denique liberas expostulationes, monitiones ac repraehensiones ferre. Quae qui  
Rex non fert, aut in Republica non probat, non Rex, sed immanis est tyrannus, qui ut  
homines liberos in ciuitate non fert: ita neque linguas liberas ferre potest, nec iniuria: Ty-  
rannus enim ipse uiuit cum omnium inuidia, iniuste ac impie, sine fide, sine amore, sine  
ullo beneuolentiae uinculo, ut merito fidat nulli, credat nemini, nulli Religioni, nulli le-  
gi pareat. At Sigismundus contra, omnium, qui unquam fuerunt, Rex mitissimus at-  
que clementissimus cum meminisset liberi populi Regem se esse, certa Religione ac cer-  
ta fide regnantem uobiscum non ut cum seruis, sed cum liberis, non cum iudicis, sed  
cum socijs atque amicis, summa beneuolentia in hac Republica uiuendum sibi esse duxit:  
ut ex aequo & audiret suos, & audiretur a suis. Quare ita ille uobiscum uiuit, ut non  
tantum aures illius, sed ipsius etiam uitae priuatae recessus nobis paterent. Aperta sta-  
bant illius cubicula, patebant atria, peruia erant nobis illius penetralia, nunquam exclu-  
debamur, nisi cum erat necesse. Admittebamur, adstabamus, audiebamur: liberè queri-  
moniae de aliorum iniurijs apud eum nobis erant, ac qualibet de re facilis aditus, ac pe-  
ne assidius cum illo conuictus nobis fuit, ut non solum mens, sed oculi etiam nostri li-  
berè in uita ac in omnibus cubiculis ipsius uersarentur: in quibus nullos mores tyrannicos,  
nullas contra libertatem nostram machinationes, nullum Regni dedecus, nullam turpitudinem,  
nullam denique intemperantiam cernebamus. Omnia erant in illius integerrima uita,  
honestas: in cubiculis uerò, decora, ac cum summa Regia dignitate, atque uestra libertate  
coniuncta. iam uerò quoties progrediebatur e thalamo, in publicumque se ac in turbam dabat,  
quanta tum, Dijs immortales, oris illius dignitas: quae maiestas: qui hominis illius habitus:  
qui incessus: qui comitatus fuit: quam aptus: quam concinnus: quam grauis:  
quam cultus: quamque summo Rege dignus: quibus rebus cum in animos hominum fluere-  
t, ac mentes omnium hac tanta maiestate occuparet: non timuit uenena, non insidias,  
non conspirationes ullas uerebatur, propterea etiam carebat praegustatoribus,  
quibus tamen ipsis interdum ad speciem utebatur magis, quam ad aliquam necessitatem.  
Senatorum turmis ac Equitum incedentis latus claudebatur, non doryphoris hisce,  
neque seruis mercenarijs: indignum enim bono Rege putabat esse, metum,  
in suo Regno praese ferri armis, ac in coetu suorum hostem uereri,  
ac propterea ab armatis seruari. Tyrannorum sunt ista praesidia, Equites,  
& male cogitantium hominum de rebus communibus. Fide Sigismundus ac beneuolentia uestra  
satis se munitum putabat esse: neminem etiam e suis metuebat, cum aequaliter omnes  
diligere, omnibusque ex aequo se amabilem praerberet. Tantumque hac ista fiducia  
uestri profecit, ut quiete primum ac tranquille uitam uobiscum degeret: deinde studijs  
uestris incredibiles huic Regno felicitates atque opes afferret. Quae enim fide ac uoluntate  
erga hunc Regem uos fueritis, testantur multa atque praeciara facinora, huic Regi  
uirtute uestra parta, qui cum talem se Regem gereret in omni officio suo ac munere,  
ut ad summam nihil a uobis in eo desideraretur, merito tales uos quoque erga illum  
gessistis, ut ob summa atque amplissima illius in uos ac Rempublicam uestram beneficia,  
patrem patriae una uoce hunc appellaretis: qui honos post conditam Poloniam



niam huic soli à uobis est habitus: & cum eum, quem natura mortalem genuerat, uos immortalem esse cuperetis, hunc Sigismundum Augustum filium, pignus esse uoluistis fidei ac uoluntatis uestræ erga Sigismundum sempiternum. Nam cum hic Augustus admodum puer esset, soloque illo omnes patris spes niterentur, & cum id uobis per leges liberum esset, hunc uos honorem patri habuistis, ut hunc alium ipsius, tum autem puerum, nec tum ad Imperium ætate maturum, magna tamen spe præditum: Regem uiro patre omnibus uestris suffragiis salutaretis, hancque incredibilem uoluptatem patri de filio caretis, ut is uestro beneficio filium successorem sibi paratum uideret, cui nomen lagellaræ gentis ac familiæ amplissimæ dignitatem, Regnumque patrum atque auitum traderet. Magna hæc uestra erga Sigismundum uoluntas, summum etiam studium uestrum fuit. Hanc mentem ut retineatis, mortuoque illi conseruetis, uestræ fidei, uestræ constantiæ est, Equites: tum uerò, ut parem animi uoluntatem retineatis in ipsius progeniem totam, quam reliquit, uos ille orat atque obtestatur. Aspicite, Equites, hanc lugubrem turbam, hæc fletu deformata corpora, hic filius ipsius charissimus, Rex uester est: hæc uerò illius es fidissima ac sanctissima coniunx: illæ autem mœstæ ac dolentes tres filiæ. Hunc cœtum atque sobolem clarissimam Regis uestri colite, Equites, ac summa ueneratione, summaque obseruantia habeatis. Tu etiam, Sigismunde Auguste, suscipe hunc ordinem, cuius uirtute pater tuus fuit inuictus. Vides in quæ pericula Regnum tuum incidit: quos hostes habeas, quos etiam metuas considera. Circumstant te undique pericula: aut auxilijs destitutos nos uides esse: nusquam in finitimis, nusquam in alienis præsidijs spes esse, undique circumfusa premit te Asia, hinc ex Hungaria imminet tibi Turcia, hinc Scythia, hinc bellum renouat Moschouia. Germania postremò ipsa referta genere ac sanguine tuo, non satis tuta tibi denunciat. Vides quam in medio relictus sis solus, ut secundum Deum, spes tibi nusquam restet, nisi in hoc ordine ac in paterno imitationis exemplo: quod sit tibi proposueris, & si dies atque noctes in eo recognoscendo fueris, inuenies profectò, quomodo hæc, quæ tibi amplissima Pater reliquit, conserues. Nihil enim tibi poterit accidere noui, quod in regnando pater tuus non uiderit, aut non fuerit expertus: tu modò sapientiæ ipsius ingrediare uestigijs, ad exemplumque paternum mentem tuam in rebus optimis exerceas, Senatui pareas, iusticiam colas, æquus omnibus, addictus nulli fias, Religionem Christi comiter conserues, rem militarem augeas, benignius in omnes: pius ac clemens in tuos fias, & breuiter ipsidem itineribus ad uirtutem eas, quibus pater tuus peruenit. Sustines eius rei non mediocre spem. Est in te præstans utroque genere natura, est etiam quod adolescentia tua fert, usus rerum magnarum, omnium ora atque oculos uides esse in te unum conuersos, cum te intuemur, tum de Sigismundo patre tuo, tum de maioribus cogitamus. Veniunt enim nobis in mentem, ueniunt, te intuentibus, lagellones illi ueteres: Vuladislai item, Casimiri atque patrui tui, clari uiri: quorum uirtute, dignitate atque existimatione, apud omnes gentes fuimus illustres: qui si quis mortuis sensus est, memoriam nominis sui, dignitatem huius Regni, ac omnium nostrum salutem tibi commendant: à te petunt, ut suscipias causam nostram, utque hanc Rempublicam, & pro illorum dignitate, & pro tua gloria, ac pro nostra salute administres. Idem moriens tibi mandat pater, atque hoc in loco iacens à te postulat. Adest enim profectò, adest illa uis hinc, coram qua hoc mortale uigebat corpus, & qua hoc isto corpore ad nostram salutem usa est: hæc inquam uis diuina atque immortalis patris tui, hinc coram adstans, te intuetur tuam, fidem implorat, hæc abs te petit, ut ea omnia, quæ in templis, quæ in foro, quæ in Regno hinc decedens reliquit tibi pater, uirtute, fide atque constantia tua conserues ac defendas: utque memor sis, te Poloniæ Regem esse, in tua persona huius Reipublicæ faciem expressam esse: utque ob id non publica tantum, sed etiam tua priuata (si tamen quid tui priuati hoc in Regno est) ut ea, inquam, omnia ad summam ac amplissimam Regiam dignitatem tuam referas. Quod sit tui qua in re tribaueris, aut ab officio tuo deflexeris, cadet hoc Regnum, stare diu non poterit. Tua enim sapientia illud nitatur, tua iustitia stet, tua uirtute defendatur, denique tua clementia floreat, necesse est: hoc magnopere abs te flagitat pater, hoc nos speramus, hocque debitum munus abs te expectamus. Vos etiam Patres conscripti, quos diuina sors quadam huic Regi fecit supersites, manete in hac custodia Reipublicæ, in qua uos ille uiuus collocauit, uigilate, multæ sunt insidiæ nobis, multæ inimiciæ, hostes infiniti: pericula uerò tanta, quanta post conditum hoc Regnum non fuerunt. Nusquam salutis spes ostenditur, nisi in uestra concordia. Erigite uos, per Deos immortales, ac odia, si quæ nobis insunt, Reipublicæ causa ponite, ut commune officium Senatorium, communi animo ac uoluntate defendatis. Quid enim salui in hoc Regno fore putabitis, distracto in partes Senatu, uariatis uestris sententijs, B-



quitibus postremò ipsis, uestris inimicitijs diuisis atque incensis? Iam uerò metus externi hostis ac imminenti periculi, uos in mutua pace atque beneuolentia contineat: quæ res semper apud optimos ac præstantissimos ciues plurimùm potuit, ut, quo die Magistratum inirent, eodem in gratiam redirent, turpe sibi fore rati, cum in Republ. eadem societate coniungerentur, non eadem eos fide coniungi: quæ ibi esse nequit, ubi concordia est nulla. Fecerunt hoc illi ueteres sine Deo homines Græci, Scipiones, Lepidi, Metelli. Vos qui certo ac uero Deo uiuitis, non facietis: præsertim cum finem legis uestræ, charitatem sciatis esse: quam si ex ordine uestro tollitis, & Rempub. amittetis, & uos ipsi peribitis. Non est enim, quod quis speret rectis consilijs ibi locum esse, ubi charitas est nulla, & ubi in locum huius successit odium & iracundia. Ira enim uiri, Apostolo teste, iusticiam Dei non operatur. Quid dicam odium ipsum? quod cum inueterauerit, animi lumen extinguit, densasq; menti tenebras offundit. Veniant uobis in mentem, Patres conscripti, quanta odia illa Græcorum, quanta Romanorum, quanta etiam hæc ista recentia Hungarorum fuerunt: quibus odijs potentissimæ nationes ac florentissima Imperia corruerunt: Senatorum (mihi credite) culpa illa fuit. Dum enim se quisque in Republica ostentat, dum potentiam suam iactat, dum operam uenditat, postremò dum se magnum uult uideri, calamitate communi, & Senatus, & plebs una perit. Ne hoc sinat Deus Optimus Maximus in cuius cura sumus, ut hoc inclytum Regnum, hic inuictus populus, uestras discordias publico luat interit. Quare uincite per Deos immortales animos\*, Patres conscripti, ac illos retinete in officio, plus apud uos ualeat malum publicum odio priuato uestro. Date hoc Reipublicæ, Patres conscripti, date nobis, date salutem communi, date uobis ipsis, coniugibus, liberisq; uestris, quorum supplicio ac interitu expiabantur, mihi credite, discordia uestra, nisi prouideris. Reſcite controuersias priuatarum rerum: sit Respublica seges & materia uestra gloriæ. Hanc exercete per Deos immortales, Patres conscripti, quæ multis circumsepta hostibus, ac magnis undique cincta periculis, uobis supplices manus tendit, uos orat atque obtestatur, ut reconciliatis uestris animis, salutem atque incolumem illam uelit esse, & certè talem, qualis Sigismundo Regi fuit. Hoc Res ipsa publica, hoc etiam Sigismundus à uobis ipse postulat: qui hunc filium suum clarissimum atque optimum respectans, uos ex alto intuetur, à uobisq; petit, per Deum ipsum, quem castè, religioſeq; in Polonia coluit, per Rempub. quam amplissimam uobis reliquit, per salutem uestram, quæ illi uita propria charior uiuendi fuit, ut cum hoc Augusto Rege, filio autem suo coniuncti inter uos fidelissima gratia, & Religionem Dei Opt. Max. & dignitatem Reipublicæ, & salutem omnium conseruetis. Non est, non est tergiuersandi locus: mouent omnia, urgent omnia atque instant. Quantum tandem huius morte hostium animos creuisse putatis? Num Moschouiam? num Scythiam? num Turciam, atque Valachiam, parum huius morte sperare cœpisse existimatis? Occasionem, mihi credite, huius morte, ad occupandam Poloniam sibi oblatam esse nationes illæ arbitrantur: quæ quidem omnes nullis uobiscum neque legibus, neque certo pacis iure sunt coniunctæ. In concordia ergo uestra, ac in mutua beneuolentia spes omnis sita est salutis communis, atque huius Reipublicæ retinendæ. Quæ nunc morte Regis sui exanimata, ac propè conuulsa sedibus suis, ad complectendum conseruatorem suum gemens ac mœsta uenit: illi gratias agit mortuo, tibiq; inprimis, summe Deus, qui hunc hominem ad genus humanum conseruandum, & ad hoc Regnum constituendum in terras miseris: cuius beneficio ad hanc diem stant res nostræ, ac cuius opera hoc Regnum floret ingenijs, ualet opibus, pace ac ocio fruatur, ac legibus optimis uiuit: huius postremò monumenta multa ac præclara eternitate ipsa consecrata assidue intuetur. Tibi nos, Sigismunde, hæc omnia debemus, tibi hæc accepta ferimus; tua munera sunt ista, tua summa beneficia. Per te nos illustrati sumus, per te exteris gentibus cogniti: te authore atque Duce, Polonum uenerabantur nomen omnes gentes, Græcæ, Latinæ, ac Barbaræ: tuis uictorijs hostes nostri debilitabantur: tuo fœdere ac societate amici nostri latabantur. Tu iudex Regum, tu pacificator gentium, tu moderator nationum ac conseruator omnium fuisti. Tu hanc Rempub. affinitatibus primò, deinde coniugijs cum exteris nationibus coniunxisti: tu author legum nostrarum, tu magister morum ac disciplina fuisti: hem nostra lux, nostrum desiderium, Sigismunde, iaces. Ad quem nunc confugiemus? à quo opem petemus? quem hostibus nostris opponemus? qua pace, quo bello, quo fœdere nitemur? o acerbam mihi, Equites memoriam harum rerum omnium: o flebiles exequias: o uitam infelicem, quæ orbata es hoc isto Rege atq; patre. Tibi enim morte huius ornamenta sunt detracta, tibi præsidia adempta, tibi solatia sublata: solus hic restat tibi dolor, mœror ac gemitus: in quo tamen ipso luctu ac mœrore nostro, Sigismunde Auguste Rex, ad te uenimus: tibi nos

penitus



penitus tradimus: tu spes nostras, patris tui morte fractas, restituas: tu salutem conserues: tu libertatem nostram legibus, atque armis defendas. Vos etiam, Equites: atque uos Patres conscripti, memoriam Regis uestri pie, inuiolateque seruabitis. Plura ne dicam tuæ me, Auguste, lachrymæ, impediunt, uestraque Equites, non solum mea: quibus mouemur, ut à Deo precemur, quo Deus huic mortuo propitius, nobis uero benignus uelit esse.

## TERTII BELLI DESCRIPTIO, QVOD MAGNVS RUTHENORVM IMPERATOR CONTRA

LIVONES GESSIT, ANNO 1558. QVO CIVITAS ET

Prouincia Torpatensis à Principe Moschoultæ

rum expugnata, uicta, & sub-

iugata est.



Trox & memorabile prælium gesserunt Liuones contra Ruthenos anno Domini 1500. sub Ordinis Teuthonici Magistro D. Vualtero à Plettemburg, excelli animi, & magnæ industriæ uiro. Nondum uana doctrina aut ulla hæresis eos à Catholicismo transuersos egerat, sed præscam, auitameque Religionem summa pietate & fide colebant. Igitur cum Teuthonicus Magister, cum Ruthenis configere statuisset, publica seruitia, & solennes Lithanias triduo seruandas indicit paulo post Natalem uirginis matris, ut communibus uotis diuinam opem, & prosperum prælij euentum obtinerent. Conscribit

deinde Magister Præfectos, & Commendatores uniuersos cum nobilibus totius Prouinciæ, quibus copias, & auxilia sua coniungunt quatuor Liuoniæ Episcopi, Rigensis, Torpatensis, Riualiensis, & Habselensis. Rigensis mille Germanos Equites adducit. Torpatensis, quingentos. Riualiensis & Habselensis, itidem quingentos simul, ita ut Magister Teuthonicus septem haberet Germanorum equitum millia, & quinque millia Curionum, qui populi sunt Liuoniæ. Hoc exercitu Magister Ruthenorum fines inuadit, arcesque & oppida quædam expugnat. Inde ipso exaltationis Crucis die ad urbem Plescouiam tendunt. Iuxta hanc sita est planities duorum milliariorum amplitudine, in quam ubi deuenire, obuiam illis procedit Ruthenorum Imperator, cum centenis millibus armatorum, qui in duodecim acies distributi erant. His adiuncta erat ingens Tartarorum manus triginta millia conficiens. Itaque Teuthonicus Magister, ubi aut turpiter fugiendum, aut ingenti cum animo aduersus tantum exercitum, barbarie & armis formidabilem, procedendum uidet, nequicquam de uictoriæ spe remittens, fortunam belli tentare statuit, & paucis suorum animos confirmat. Præclaram sanè uictoriam, inquit, omnes milites hodie nobis obuenturam de: numinis benignitate, & uestra omnium fortitudine facile mihi promitto. In causa iustissima, Dii non possunt non esse propitij. Vos tantummodo pristinae strenuitatis & constantiæ memores, exultate uos, decus, gloriam, patriam, libertatem, & Religionem, in dextris uestris portare. Alios fortasse ingens barbaræ gentis multitudo animo deiceret. Vos uero milites dum considero, & cum uestra facta æstimo, quibus parentes, patriam, aras, & focos, auitameque aduersus hæreditarios Catholicæ pietatis hostes, fidem sæpenumerò tutati estis, eandemque ad extremum uitæ, armis, & sanguine uestro uindicare cupitis, magna me spes uictoriæ tenet, animus, ætas, uirtus uestra hortantur. Hæc ubi dixit non multo post utrinque signa canuntur, Teuthonicus Magister glandes ferreas, & globos tormentarios, uelut crebra, continuaque tonitrua in Tartaros contorquet, inde maximo clamore infestis signis utrique concurrunt, gladijs, lanceis, omni que telorum genere res geritur. Tartari, & Moschouij arcubus, & sagittis assueti, densissimo, creberrimoque telorum iactu æthera obumbrant, quæ tamen uniuersa penè irrita aërem uerberant, donec ultro in terram decidunt. Ingens ibi sonitus, ad cælum attollitur, bombardarum fulmina, armorum fragor, uulneratorum gemitus, pereuntium clamor, tympanorum sonitus, equorum hinnitus, omnia & Martem, & mortem referebant. Tartari ubi prælio fusi, fugatique, succedunt duodecim Moschouiorum acies, animis, & uirtutes recentes. Teuthonici cæsis, Tartaris ubi bellum recrudescere sentiunt, quanto maiorem hostium uim prioribus succe-

EE 4 dere con-



dere conspiciunt, tantò maioribus animis in hostes irruere, & uelut ab integro noua uirtute resumpta, ingenti cum fremitu caesim, punctimq; conflagrare, uergente iam ad uesperam die, qui ex Moschouijs supererant, furtim se Pleicouiam subducunt. Prælio ita di-rempto, compertum est ex Teuthonicorum agmine unum duntaxat interemptum: Moschouiorum uerò & Tartarorum circiter centena millia trucidatos, ut duobus milliari-  
bus cadauera passim dispersa iacerent. Memorabilis hic erat triumphus & singulare uir-  
tutis, & fortitudinis exemplum, ac dignum, quod sempiterna memoria donatum, nun-  
quam aboleatur. Moschouiorum Imperator, (qui ipse in aciem non proflerat) cum sum-  
mo stupore admiratur tantum exercitum, tam exigua manu, tam turpiter caesum & pro-  
stratum, atq; illicò pacem quinquaginta annis cum Teuthonibus firmat. Qua inita, o-  
mnisq; bellico tumultu composito, legatum Magnus Moschouiae Dux ad Ordinis Ma-  
gistrum ablegat, rogans, uti unumquempiam ex ferreis illis militibus (Rutheni Teutho-  
nes ferreos uocabant) qui tantam Moschouiorum multitudinem fuderant, ad se mittat,  
se unà cum legato obsidem mittere, ferreum illum uirum non inhonoratū, in donatumq;  
ad suos reuersurum. Magister Teuthonicus haud inuitè unum e militibus cataphractū e-  
quitem Moschouiam uersus destinat, quem ubi Moschouiae Princeps aduentare accipit,  
confestim uniuerfis Ducibus, nobilibus, & Praefectis suis denunciant, uti praescripto die  
Moschouiam conueniant, nouum, uisq; dignum spectaculum eos habituros. Desti-  
nato die cataphractus in apertam planiciem iuxta aulam Principis, numerosa (ut fit) po-  
puli corona, circumstante, procedit, & hūc, illucq; obequitans, petasum e capite cuiuspiā  
circumstantis abripit, eumq; in hippodromi centrum proijcit. Illicò pleno cursu lanceam  
in petasum dirigit, eumq; dicto citius cuspede arreptum terra subleuat. Moschouius Im-  
perator eam equitis agilitatem cōspiciens, ursi in morem (solent id facere Moschouij ad-  
mirantes) barrit. Rursum cataphractus demissa paululū lancea, in oppositū parietem per-  
nicissimo cursu fertur. Ac tametsi parietem inuasurus uideretur, ille tamen protinūs in-  
tacto muro hastam reducit, & equum retrahit. Illud spectaculum denuò Principis, omni-  
umq; circumstantium admiratio subsequitur. Resumpta iterato lancea plenissimo impe-  
tu in parietem fertur, hastamq; circumuolitantibus undiq; fragmentis, confringit. Hæc  
ubi omni dexteritate expedite gessit cataphractus, uocatur ad Principem, & accepto in-  
signi munere ad Teuthonicum Magistrum remittitur.

Vbi iam quinquagesimus à pace firmata ageretur annus, uidelicet anno 1550. ut pa-  
ctæ induciæ propediē essent expiraturæ. Reuerendissimus Princeps D. Iodocus à Reck,  
Episcopus Torpatensis magnæ uirtutis, & pietatis uir, magnis impendijs, & sumptibus  
denuò quinquennales inducias à Ruthenorum Imperatore impetrat, talibus conditioni-  
bus, si templa Moschouiorum Rigæ, Riualia, & Torpati diruta, restaurarentur. Præterea  
si e provincia Torpatensi, tributa, quæ exigebat, penderentur, & alijs, si quæ essent, que-  
relis, satisfieret. Quæ omnia si præstarent, pollicetur Moschouius quindecim annorū pa-  
cem deinde concessurum. Igitur anno 1555. hac quinquennali pace iterum expirante,  
Teuthonicus Magister, & Episcopus Torpatensis Hermānus rursum legatos ad Moscho-  
uiæ Principē ablegant, pacis expetendæ causa. Quibus Moschouius Dux respondet, nul-  
lam se pacem Germanis indulturum, quandoquidem basilicas suas non reedificassent,  
nec tributum persoluissent. Cæterum intercedentibus Moschouij Ducis Consiliarijs, tri-  
ennales inducias promittit, modò spōdeant, proximo triennio eversa phana restauratur-  
os, & ex prouincia Torpatensi, singulos homines quotannis singulas marcas tributi lo-  
co persoluturos exceptis Catholicæ Religionis sacerdotibus, quos ab hac præstatione  
eximebat. Hæc si facturos se promitterent, & sigillo restaurarentur, triennalem pacem in-  
gratiam Consiliariorum ac Ducum suorum concessurū pollicetur. Subsignant legati, ma-  
ximè quoniam Episcopus Torpatensis mandarat, ut saltem quouis modo pacem refer-  
rent. Erat autem consuetudinis, ut & Moschouiae Princeps legatum ad Episcopum mit-  
teret, qui firmandæ & stabiliendæ pacis causa crucem quandam osculabatur. Legatus u-  
bi Torpatum uenit, recusat crucis osculum, nisi Episcopus & ciuitas Torpatensis idem,  
quod legati Torpatenses subsignauerant, suo quoq; sigillo communirent. Habebat id  
temporis Episcopus Torpatensis Cancellarium Lutheranis dogmatibus impensè fauen-  
tem, qui & postea anno 1558 expugnata ciuitate Torpatensi, Habseliæ in carcerem con-  
iectus, tandem ut facinorosus ignominiosa morte uitam clausit. Is Episcopo suadet, ut se-  
curè quod petebatur, subsignaret, ac postea spem Moschouiorum eluderet, Liuones eius  
esse roboris & potentiae, ut Moschouius Princeps haud facile eos bello esset appetitu-  
rus. His ita peractis, Moschouij legatus ad Principem suum reuertitur. Interea nihil eo-  
rum, quæ postulata & pacta erant, præstant Liuones. Elapso igitur triennio, bellum  
hunc in modum exoritur anno 1558. circa Epiphaniam.

Habe-



Habebat id temporis Teuthonicus Magister sex milium Germanorum vexilla, quos aduersus Regem Poloniae in aciem produxerat. Igitur anno 1557. circa ferias Michaelis ueredarium ablegat Teuthonicus Magister ad Magnum Moschouiae Ducem, sciscitatur, an legatos ad se mittere debeat pacis diuturnioris firmandae causa, an uero pace recusata bellum eligat. Respondet Moschouius, Magistrum adhuc sex militum habere vexilla, quos si seruare proponat, nihil opus esse legatis, nolle se ad inducias compelli: sin eos dimittere paratus sit, mittendos esse legatos, & de pace sancienda tractandum. Hoc responso accepto, omnes Liouoniae proceres congregantur, & quid faciendum consultant. Quidam aetate grandiores suadent retinendum esse militem, facile animaduerti, Moschouium Principem bellum meditari, quandoquidem conuentiones initas Liouones non praestitissent: nequaquam igitur dimittendum exercitum, sed totidem signa denuo conscribenda, ea in finibus Ruthenorum collocanda. Teuthonicus uero Magister cum alijs quibusdam respondent, non esse dandam Moschouio belli occasionem, dimittendos esse milites. Si quid deinde moliat, Moschouius, superesse adhuc uiros & uires, quibus illi aduersum imponat. Haec sententia praeualuit, & illico exercitu dimisso paulo post Martini ferias Teuthonicus Magister legatos cum centum Equitibus, magno cum saltu, splendore & apparatu ad Moschouium mittit, quibus Satrapam suam coniungit Episcopus Torpatensis. Vbi ad Magnum Moschouiae Principem uentum, Princeps atrium suum auro undique resplendens ingreditur, aureum solium occupat, corona Regia & sceptro insignitus. Apponitur mensa deaurata, seniores Consiliarii numero duodecim lateri sinistro assident, qui uniuersi ex recepto more, quoties consilium agitari contingit, uestes Leuiticas aureas induti: Magnus uero Dux palla choralis seu sacerdotali circumdatus. Assumit praeterea Magnus Dux duos interpretes, qui Germanicam simul & Ruthenicam linguam callebant. Interrogat Moschouius, an pacem expeterent? Asserunt illud Liouones, simulque scyphos deauratos a Torpatensi Episcopo & Ordinis Teuthonici Magistro Principi Moschouio missos offerunt. Recipit eos Moschouius, & in proximum triclinium deferri iubet. Moschouius principio recenset eorum perfidiam, qui toties pactas conuentiones elusissent, nec quicquam eorum, quae spoponderant, & sigillis confirmauerant, praestitissent. Maiorum praeterea pietatem, fidem & heroicis uirtutes refert, a qua ipsos plane degenerasse ait, cultum diuinum a maioribus acceptum abrogasse, basilicas euertisse, sacerdotes & monachos profligasse: denique nullum pristinae pietatis & uirtutis uestigium retinuisse, non illos esse Ecclesiasticos Principes, sed quouis barbaro magis profanos, qui tam in omne uitiorum, flagitiorumque genus propendeant, eoque pacem nullo pacto illis concedendam. Ad haec Teuthonici respondent: Se ex maiorum donationibus & computu bene subductis, deprehendere nullum tributum Moschouio deberi, quod autem pacem deneget, id Romano Imperatori se quaesturos. Respondet Moschouius, quas illi querelas Imperatori offerre instituant, qui mandatis eius Imperialibus, quibus praeceperat, ne templa aut monasteria demolirentur, tam procaciter & obstrepere derogassent? His ita peractis, legati discedunt ad pandochium, equos instruunt, Moschouium Principem rogant, Ducem itineris concedat, qui in Liouoniam eos reducat. Ceterum dati a Moschouio Duces, per ambages ac deuia legatos fraudulenter circumducunt, ita ut in patriam terram non reuerterentur ante principium Quadragesimae. Interea Magnus Moschouiae Dux missa ad Liouones Epistola, bellum indicit, cuius tenor hic erat:

VVILHELME LIVONVM MAGISTER, Archiepiscopo Rigenfis, Episcopo Torpatensis, ceterisque Episcopis, & uniuersi Liouones. Mitistis ad nos legatos uestros, uiros bonos, Iuanum Bockhorst, Othonem Grothuis, & Volmarium Vurangel, cum ieliquis adiunctis, ut capite coram nobis inclinato, peterent Teuthonico Magistro, Archiepiscopo Rigenfi, Episcopo Torpatensi, cunctisque Liouoniae populis, hanc a nobis gratiam fieri, ut dato ad Praefectos nostros Naugardiae & Pleskouiae mandato, pax cum Liouonibus iuxta ueterem morem sanciretur: Nos uero Praefectis nostris mandauimus, nullam uobiscum propter uestram iniustitiam uindicare. Ceterum legati uestri Iuanus Bockhorst cum suis collegis eam pacem a nobis exorarunt, ijs conditionibus: Ut Magister Teuthonicus, Archiepiscopus Rigenfis, & Episcopus Torpatensis, cunctique Liouones, quicquid iniuste contra nos moliti sunt, id restituant, & resarciant. Praeterea illico nostris negotiatoribus concedant, cum suis negociari mercatoribus, omnisque mercium generibus, utpote cerae, seui, loricarum, & armorum mutationes facere. Item ut Episcopus Torpatensis conquirit tributum omnium praeteritorum annorum, & uniuersa debita ex tota dioecesi Torpatensi, de uno quoque capite marcam Germanicam, tertio pacis firmatae anno mittendam. Atque hoc nostrum tributum deinceps singulis annis da-



annis dare debeat Episcopus sine dilatione omnibus quoque seruitium, aut ministerium præstare uolentibus, ex quacunque natione ueniant, citra ullum impedimentum liberum in nostras regiones accessum & comitatum concedant. Regi quoque Poloniae, & Magni Duci Lithuaniae, aut si alius quis in Regem Poloniae, aut Magnum Ducem Lithuaniae surrogetur, nullas suppetias, & auxilia ulla in re ferant. Quicquid præterea literarum super pace firmata confectarum, quæ multoties descriptæ sunt, & quarum nomine crucem coram omnibus uobis osculati sunt, continent, ea omnia rite, legitimeque præstetis. Insuper & præfecti nostri Magnæ Naugardiae, & Plescouiae has de pace initas literas, ad uos per nuncium suum Melardum Torpiko miserunt: Teuthonicus quoque Magister, Archiepiscopus Rigensis, Episcopus Torpatensis, ceterique Episcopi loco & uice omnium Liouonum super his literis, crucem exosculati sunt, & dextras porrexerunt: octo etiam sigillis easdem coram Melardo Torpiko communiuerunt, & per eundem Melardum nuncium ad nostros præfectos ita communitas transmiserunt, eum in finem, quod iuxta literarum tenorem omnia nos, & præfectos nostros concernentia, iuste & legitime exequi uelletis, prout in literis scriptum continetur, in hunc usque diem. Horum omnium nihil adhuc præstitistis. Interea nos ne Christianus sanguis temere effunderetur, sæpenumero per literas uos monuimus, ut hæc pacta iuxta contextum literarum de pace conscriptarum iuste & recte exequeremini. Similiter per legatum uestrum Gerhardum Flemmingk, & nuncium Valentinum, item per Melchiorem cum suis adiunctis, itemque per Henricum Vuintter uobis nunciauimus, ut à uerbis iniustis, & minime ueracibus temperaretis, utque probos & integros uos præstaretis in omnibus causis, iuxta literas pacis & crucis osculum, uestramque culpam agnosceretis, ne sanguis innoxius effunderetur. Vos uero nostram clementiam spreuistis, & literas liberi comitatus à nobis postulastis, ea solum de causa, ut res longius protelaretur. Et quoniam legem diuinam, omnemque ueritatem postposuistis, nec de crucis osculo quicquam cogitatis, nostramque gratiam & clementiam aspernamini, ea propter meditamur inuocato diuino auxilio, iustitiam nostram ergo, & uestram iniustitiam, quam in crucem Altissimi designastis, uos ulcisci, & uestram preuaricationem uindicare. Deo igitur nobis auxilium præstante, & alterutrorum sanguinem profundente, certum erit eum, non nostram ob culpam, sed uestram iniustitiam profundi. Hoc scitote, nos non minus ac uos esse Christianum principem, nec unquam gratum nobis fore spectaculum, si ullius sanguinem innocentem à nobis profundi uideamus, siue Christianus ille sit, siue gentilis. Ut autem iniustitiam uestram agnoscat, decreuimus hunc magnificam & præpotentem nostram uirtutem hac Epistola, qua bellum uobis indicimus, ad effectum deducere, quam Epistolam per hunc nostrum ministrum ad uos destinamus, iubentes, ne inuitum illum detineatis, sed liberum ad nos regressum concedatis. Datum in nostro Dominio, aula & urbe nostra Mosko, anno 1557. Mense Nouembri.

Nec multo post Epiphaniam, anno 1558. trecentena millia militum conscribit, atque in Liouoniam mittit, ut ferro & incendio uniuersam prouinciã Torpatensem hostiliter uastent.

Moschouius ingentem exercitum longo tempore sustentare potest. Neque enim militibus suis stipendia largitur, sed agros exiguo illis precio elocat, quo beneficio operam ipsorum demeretur. Conscripsi autem milites coram magno Principe comparent, & nummum, quem uocant *eyn denninck*, æstimationis unius stuferei Brabantici Principis numerant. Reuersi ex bello eundem nummum repetunt. Occisorum autem numismata retinet Princeps, atque ita cognoscit interfectorum numerum. Hic igitur tam uastus & barbarus exercitus, octauo post Epiphaniam die Torpatensem diocesin inuadit, duorumque milliarium latitudine incedentes omnia uastant, diripiunt, despoliant, depradantur ædes, & pagos, & cuncta obuia incendio, homines & pecudes gladio sustollere, iugulare, trucidare, euertere, sursum, deorsumque omnia iactare, non ætati, non sexui parcere, non gemitu, non luctu, non clamore, & ululatu pereuntium emolliri, omnia ibi cadibus, sanguine & incendio inundare, confligere, conflagrare. Pueros infra annum decimum necant, qui intra decimum & uigesimum annum constituti, Tartaris uelut mancipia uenduntur: qui uigesimum superabant, uniuersi nulla miseratione trucidantur. Greges, armenta & iumenta, quæ nec assumi, nec abduci in Moscouiam poterant, uniuersa mactantur: pagos, uicos ac domos priusquam incendio uastant, prædatoria manu despoliant, omniaque usibus suis accommoda diripiunt, ita ut ingentem frumentorum, pecorum, aliarumque rerum prædam aucherent. Quadraginta dies hanc tam immanem truculentiam barbarus ille populus exercet, uniuersam Torpatensem prouinciã misere & crudeliter fœdans, diripiens ac deuastans, paucis arcibus, & una Torpatensi ciuitate exceptis, in qua quotquot erant undique nihil præter flammam & fumum conspiciunt, luctu, clamore, & ciula-



& eiulatu campi, & syluæ reboant. At tantum aberat, ut Moschouij Liuones restituros metuerent, ut iuxta ipsam ciuitatem Torpatensem ædificia penè contrigua succenderent.

Maximè autè Moschouius exercitus in Germanos sæuebat, quos ubi deprehēdis-  
sent miserè & immaniter afflictabant. Viros brachijs truncant: mulieribus ubera abscin-  
dunt, alios in frustra dissecant, & membra trementia hūc, illucq; disseminant. Crudele pro-  
fecto, & plusquam belluinum spectaculum. Hec cadit in quenquā tantum scelus? Igitur  
Moschouijs tam inhumaniter & supra omnē modum desequentibus, & cūcta obuia de-  
populantibus, immensa nobilium, & plebeiōrum multitudo in ciuitatem Torpatensem  
cum uxoribus, liberis, & quas habebant facultatulis, ueluti ad asylum confugiunt: non ē  
uicinis duntaxat pagis, sed qui ultra decem, & uiginti miliaria degebant, quorum omni-  
um numerus exiguo temporis momento in tantam excreuit multitudinem, ut plateæ,  
cœmiteria, & pomœria undique, & ubique scaterent. Et cū ciuitas tam immensam ho-  
minum copiam ambitu suo capere non posset, ultra decem millia cum mulieribus, & li-  
beris in fossas ciuitatis confugiunt. Magna ibi calamitas & miseria conspicitur, inopes,  
nudi, & inermes sub dio passim sternuntur, cum gelu, glacie, frigore & niuibz omnia  
horrent, asperissima erat hyems, & frigus intensissimum, ut plurimi intoleranda frigoris  
asperitate, & horrore stupentes enecarentur. Alij fame, siti & inedia consumpti, uix osi-  
bus hærentes, afflictam animam exhalant: alij frigoris, & inediæ paulo patientiores, o-  
mni miseriæ genere cooperti, omnibusq; uitæ adminiculis destituti, quoad possunt,  
ægrè uitam protrahunt: sed nec tantis ærumnis ac doloribus superatis, sperato potiuntur  
effugio. Superueniens enim Moschouiorum exercitus, in ipsas fossas, ubi infelix hæc ple-  
becula duriter, & miserè latitabat, præcipites ruunt, gladijs, lanceis, sagittis, omniq; armo-  
rum genere eos inuadunt, sauciant, iugulant, confodiunt, plagis, & uulneribus opplent,  
ibi noua calamitas, luctus, clamor, ululatus, miseriæ miserijs accumulātur. Oppidani tan-  
tam hostium uim ac truculentiam conspicientes, metu, & formidine præsentanei disci-  
minis anxij, nullas res, qui foris erant suppetias ferre audent, sed intra uallum, & mœnia  
se continent. Quando igitur prodire, & cominūs cum hoste confligere formidant, tor-  
mentis, & machinis bellicis instructis, glandes, & globos tormentarios in hostes iacu-  
lantur, ita ut Moschouij tandem à ciuitate recederent. Igitur prouincia Torpatensi fun-  
ditus deuastata, in ditionem Teuthonici Magistri per territorium Leidense proficiscun-  
tur, ibidemq; uti antea fecerant, uniuersa depopulantur, ut ne tugurium quidem unū in-  
colume permaneret. Inde in ditionem Neruiensem, Teuthonici quoq; Magistri domi-  
nio subiectam, progrediuntur, itidem omnia deprædantes, & euercentes, ut res non bel-  
li, sed rapinæ potius, & latrocinij speciem haberet. Ingressus erat exercitus Liuoniam eā  
parte, qua Episcopus Torpatensis arcem habet Nyenhufen, rursumq; circa Quadragesi-  
mæ principiū per territorium Neruiense ingentibus spolijs in Rutheniā regrediuntur,  
quæ ab inuicem plusquam quadraginta miliaribus distant. Interea per uniuersam illam  
Liunionæ prouinciā grassantes, sedecim miliarij latitudinem, peragrarūt, nihil saluum,  
& incolume relinquentes. Prima hæc fuit id temporis Moschouiorum in Liunioniam ir-  
ruptio, in qua nec Teuthonicus Magister, nec Episcoporum ullus, hostilibus illorum ua-  
stationibus, rapinis, & incendijs quicquam restiterunt.

Tanta clade accepta, uniuersi Liunionæ procures circa Dominicam Oculi, in Quadra-  
gesima, in ciuitatem Vuendensem conueniunt, quid in rebus tam deploratis consilij ca-  
pitandum sit, consultant. Eodem tempore Torpati ingens ac terribilis cometa conspici-  
tur, oblongo, & formidabili radio uniuersis suspicientibus horrorem incutiens. Procures  
dum consilia inter se conferunt, principiō discordare, alij conscribendum militem sua-  
dent, & post ferias Paschales finitima quæq; Moschouiorum, ferro, & incendio depo-  
pulanda, suorumq; innoxium sanguinem pari crudelitate uindicandum, toties barba-  
rum illum tyrannum, fuscum, fugatumq; à maioribus, non tantum uirum, aut roboris il-  
li accessisse, quin & nunc uinci, superariq; possit. Alij bellicas impensas, & hostis poten-  
tiam considerantes, consulunt, sexaginta aut septuaginta dalerorum millia ad magnum  
Moschouia Ducem mittenda, pacemq; redimendam, iniustam, emptamq; pacem legi-  
timo bello, hac tempestate præferendam, pecuniā eam haud multis, magnisue stipen-  
dijs erogandis sufficere, qua non difficulter pacem sint impetraturi. Qua sententia tan-  
dem omnibus suffragijs recepta, Teuthonicus Magister illicō circa medium Quadrage-  
simæ uicinarium ad Moschouium Principem ablegat, petens quadrimestres inducias,  
& liberum accessum in Moschouiam pro firmāda pace. Moschouius petitas inducias,  
cæteraq; omnia concedit. Igitur circa octauam Paschæ diem Teuthonicus Magister  
quosdam deligit, qui legationem ad Moschouia Principem obeant. Itidem Episcopus  
Torpatensis suos legatos adornat. Et quoniam compertum habebat Moschouium  
nonnulla



nonnullis, propter cognitam eorum in rebus nouis moliendis audaciam, plus satis infestum, destinat legationi perferendæ D. Vuolfgangum Zager, Metropolitanæ Ecclesiæ Torpatensis Decanum uirum antiqua pietate, doctrina, & uirtute præstantem, qui & nouennio, publico Ecclesiæ munere perfunctus erat, priusquam D. Philippus Olmen huius historiæ spectator ad idem munus ascisceretur. Erat strenuus Catholicæ religionis uindex, & collegium cui præerat pro sua uirili penè 20. annis optimè gubernarat, ita ut nouæ factionis sectatores eum Liouoniæ Papam appellarent. Verùm quinquaginta Ruthenica ditionis miliaribus emēsis, morbo correptus, uitam morte commutat. Erat præterea duobus à Torpato miliaribus quidam equestris Ordinis uir, primæ apud Liouones nobilitatis, qui itidem cum familia & subditis in Catholica Religione perstabat. Hic Decano in legatione perferenda adiungitur. Legati postquam ad Magnum Moschouia Ducem perueniunt, pecuniam paci redimendæ destinatam adferentes, perturbatum infestumq; Ducis animum comperiunt, nec ulla pacem, ullasue inducias impetrant. Causa hæc fuit. Habebat Teutonicus Magister oppidum in Ruthenorum confinio situm, cui nomen Neruia, atq; ibi arcem. Habebat quoq; Moschouius Dux iuxta Neruiam illa oppidum, itidem Neruia appellatum, & castro insigni munitum. Hæc duo oppida adeo erant confinia, ut uno tantum fluuiolo interlabente distinguerentur. Magistri ciuitas Germanica Neruia, Moschouij Ruthenica Neruia uocabatur. Ordinis Teutonici Magister in sua Neruia præter quendam Ordinis Commendatorem, qui ciuitatis præfectum agebat, trecentos milites, & centum quinquaginta equites præsidij loco aduersum Ruthenos collocarat. Rebus Ecclesiasticis tum in templo, tum in arce Lutheranum concionatorem præfecerat. Moschouius Dux in sua Neruia tria millia Ruthenorum constituebat. Vbi quadrimestrium illarum induciarū, de quibus paulò antè dictū est, unus mensis præterisset, & legati iam cōpluribus diebus in itinere fuissent, (distat enim Moschus ciuitas à Torpato centum quinquaginta miliaria Germanica) contigit, ut commendatoris ministri è turribus prospicientes, uiderent ingentē Ruthenorum turbam in Ruthenica Neruia obambulantem. Illi confestim seu proteruia seu largiore potu stimulante, duos colubros puluere tormentario grauāt, in Ruthenos dirigunt, & ferreas glandes in mediam turbam iaculantur. Ceteri Commendatoris ministri, & milites qui in uicinis propugnaculis & turribus præsidium agebant, pactas cum Ruthenis inducias expirasse putabant, nec mora grauatis nitro, instructisq; tormētis certatim eosdē Ruthenos creberrimis globis ac telis inuadunt, ut plurimi eorum occumberent. Ruthenis religio erat uiolare inducias, eoq; nullū in hostes telum retorquent, sed confestim emissarium ad Magnum Moschouia Principem ablegant, nuntiantes quā perfidē, & iniquē Liouones pactas inducias rupissent, plurimosq; Ruthenorum nullo bello legitimè denunciato præter omnium opinionem telis & globis tormentarijs hostiliter inuasissent, & miserè traiecissent. Hoc nuncium eodem tempore quo Liouonum legati Moschum peruenierāt, ad Magnum Ducem perfertur. Legati huius tempestatis ignari ad principem accedunt de pace tractaturi. Princeps recenti suorum clade, & Liouonum scelere nunciato commotus, indignabundus exprobrat legatis, quā perfidē Neruienses inducias uiolauerint, Ruthenos contra ius & fas ex inopinato oppetiuerint, obruerint, interfecerint, impiam esse doctrinam, quam paucis ab annis susceperint, priori religione profligata, omnem illos uirtutem, si dem, constantiam, pudorem simul exuisse. Minatur insuper se tam insignem perfidiam ferro & flamma seuerè uindicaturum, frustra cum illis de pace tractari, quorum animus rapinis, libidinibus, omnibusq; flagitiorum generibus turpissimè sit delibutus. Ad suos redeant, pecuniam Magistro referant, se paulò post secuturum.

Legatis in Liouoniam reuersis, magnus Moschouia Dux ingentem exercitum cum prægrandibus bombardis & machinis Neruiam Germanicam uersus mittit, ciuitatem obsidet, armato milite & tormentis muros inuadit. Octauo obsidionis die, ignem in ciuitatem iaculantur. Ignis nutrimentum nactus, continuo inualescens, totam per urbem grassatur, ipsasq; portas comburens, hostibus ingressum patefacit. Rutheni patefacto aditu, in ciuitatem irruunt, omnia depopulantes, Oppidani cum auxiliarijs in arcem confugiunt, sed paulò post cōmeatu destituti Præfectus, seu Commendator deditionē facit, hac cōditione, ut ipsi cū omnibus Germanis militibus liberū abitum concedant. Hoc impetrato, castrū Ruthenis deditur. Commendator cū suis militibus omnibus, quas auferre sperauerant, facultatibus exuti, dimittuntur. Ciues in ius & Imperiū Magni Ducis cedunt, eiq; sacramēto se obstringunt. Expugnata Neruia, Moschouiorū exercitus arces, pagos, uicos, domos ac uillas undiq; quindecim miliarium latitudine circumiacentes diripit, & uastat. Noua ibi calamitas, noua ærumna, & lamentatio exoritur, factumq; ita, ut quotquot ibi agricolæ Teuthonico Magistro antea parebant, nunc ab eo desciscen-

tes, in



tes, in Moscouij ducis iurisdictionem, & imperium concederent. Direpto igitur, & uasto Neruiensi territorio, circa natalem Baptistæ Ruthenicus exercitus in prouinciā Torpatensem progreditur, ac tertio, post Baptistæ natalem, die primariā Episcopi Torpatensis arcem, cui nomen Nienhusijs, octodecim à Torpato milliaribus distantem, obsidet. Ruthenorum non pauciores erant octoginta millibus. His adiuncta erant aenea tormenta plurima & maxima. Priusquam huius arcis expugnationem referamus, memorabile facinus, quod olim in ea cōtigisse ferunt, interponemus, ut animus ab his bellicis tumultibus, cædibus, & incendijs paulisper respiret. Oppugnauit olim hoc castrū magnus Moscouiæ dux, Annō 1381. cui oppugnationi ipse intererat unā cum trecentis militū millibus. Ac tandē post diuinam, & pertinacem obsidionē, & crebras irruptiones, moenia, & propugnacula labefacere inceptant, obsessi cum hostium assultum diu sustinuisent, tandem solis uiribus humanis diffisi, diuini numinis clementiam, & auxilium quotidianis, ardentibusq; uotis exposcunt. Præfectus ut in bellicis rebus reliquis præstabat, ita hoc quoq; in negotio cæteris feruentior erat. Igitur quadam nocte Veneris diem proximē antecedentē, in somnis peruigilat, ante aram quandam prostrernitur, orat, ut in tam deplorato rerum statu Deus apparere dignetur, foelicemq; tam grauis obsidionis liberationem elargiri. Exortō Sole, cum Rutheni certa iam arcis expugnationem sibi promitterent, exurgit ē precibus suis præfectus, acceptoq; arcu, telum ferrea, acuminataq; cuspi de in Dei nomine in mediū Ruthenorū exercitum ē fenestra emittit. Fauent conatibus superi, uolat missile ferrum, & ipsius Moscouij principis cor transfigit. Concurrent trepidi comites, dominumq; ruentem suscipiunt. Ille manu moriens, telum trahit, ossa sed inter ferreus ad costas alto stat uulnere mucro. Rutheni magno cum ululatu Principis, & Imperatoris sui tam funestum, & luctuosum casum deplorant, arreptumq; funus in Moscouiam perferunt. Liouones hoc mirabili, memorabilique modo liberati, arcū perpetui trophæi loco in Basilica, quæ ibidem in castro extructa erat, ad altare suspendunt. Solebat in eo templo cultus diuinus quondam magna pietate, ac deuotione peragi: nunc uerō peruersis dogmatibus receptis, nullum pristinae pietatis uestigium conspiciebatur. Arcum ibidem suspensum, uidit uenerandus uir D. P. Olmen, quondam Metropolitanæ Ecclesiæ Torpatensis stipendiarius Canonicus, nunc Ecclesiastes Ressenis.

Teuthonicus Magister cognita arcis Nienhusen obsidione, duo Germanorum equitum millia adducit, & unā cum Episcopo Torpatensi, qui trecentos habebat equites (equester enim Ordo Ruthenica depopulatione opibus, fortunisque omnibus exutus erat) obsessis auxilia ferre meditatur. Vbi sex adhuc milliaribus à Ruthenico exercitu abessent, prope castrum Episcopi Torpatensis, cui nomen Kieriepe, sua tentoria figunt, ibidemq; ad dies uiginti quatuor morantes, omne tempus quieti & luxuriæ cōcedunt. Obsessi, quum præter paucos accolos, qui in arcem cōfluxerant, & sexaginta præsidarios milites, nulla haberent auxilia, diutina obsidione fatigati, nullaq; suppetiarum spe affugente, & rebus accisis deditionem faciunt, ea conditione, ut ipsi cū foemineo comitatu securi abscedant. Cæterum duo millaria progressi, in aliud Ruthenorum agmen incidunt, qui raptis uirginibus, & foeminis, illos nudos, omniq; argēto spoliatos dimittunt. Teuthonicus Magister deditionem factam intelligēs, ira simul ac dolore exacerbatus, Castrum Episcopi Torpatensis Kieriepe igne succendit. Præclarum hoc fuisset, & gloria dignū, si facinus istud in hostem designasset. Expugnata igitur arce Nyenhusen, & præsidio munita, Dux exercitus Ruthenici cum uniuerso agmine ad Teuthonicum Magistrum pergit, prælium cum eo committere constituens. Magister re intellecta, ocyus fuga arrepta, desertoq; Episcopo, ē Torpatensi prouincia penē ad uiginti quinque millaria secedit.

Rutheni equites numero triginta millia pergunt in Torpatensem prouinciā, obuios quosq; Germanos trucidant, alios plebei ordinis homines, quotquot parati erant, magno Moscouiæ Duci subijci, illi parēre, & iureiurādo obstringi, hos in gratiam recipiunt. Imperator Ruthenorum, quoniam ipse bello non intererat, præfecerat exercitui Ducem quendam Moscouium, cui nomen Petro Sisegaleider, à septem triremibus Galeaceis, quibus in mari præfuerat, & piraticam exercuerat, ita appellatus. Hic cum uniuerso exercitu, uidelicet, quatuor agminibus Ruthenorum, seu Moscouiorum, uno Tartarorū quorum erant triginta millia, & altero tormentariorum, seu sclopetariorum, qui duodecim millia constituebant, machinis quoq; & tormentis greis prægrandibus, tanto, in quā, cum exercitu, ad obsidendum Torpatum progreditur. Interea quosdam Germanos depræhendens, uiros brachijs truncat, foeminis ubera, & nares abscidit: hos tam misere & crudeliter deformatos, Torpatū præmittit, denunciat, ut ciuitatem dedant, in Moscouij principis imperium concedant, ni faciant, omnes eadē, & grauiori pœna plectendos. Ruthenicus exercitus sex milliaribus à Torpata castrametatur. Vniuersus militum numerus, ut

FF fereba-

*Sise Ruthenica lingua septē sonat:*



ferebatur, trecenta millia cōstituebat. Ciues Torpatenses & reliqui equestris Ordinis, cognita obsidione, Cathedralē Ecclesiā claudunt, præcipientes ne quisquam Missæ sacrum in ea peragat, præuaricantibus extremum supplicium interminatur. Ingens sanè & horrenda populi cecitas, dicāne an impietas in tam præsentaneo discrimine, rebus ita nutantibus hostico exercitu muris imminente, nec ulla humana ope ullam salutis spem promittente, diuina præsidia tam prophanè aspernari, ridere & execrari.

Interea dum hostes sex miliarium interuallo castrametantur, quotidie sex aut septem Ruthenorum vexilla ad urbem emicant. Cancellarius Torpatensis, cum quibusdā consiliarijs & nobilibus, Episcopum accedunt, simulāt se urbe egressuros, & cominus cum hoste cōflicturos. Illi portis emissi, deserto Episcopo, derelicta ciuitate, perfidi & profugi Rigam omni celeritate se recipiunt. Ciuium quoque bona pars, opes & merces suas Rigā & Riualiam miserant, & paulatim ex urbe secesserāt. Morbo etiam à Pascha ad Pentecosten grassante, plurimi sublati erant, ut pauci admodum, qui urbem defensarent, superessent. Hi erāt Cathedralis Ecclesiæ Canonici & sacerdotes, cum Episcopo & paucis nobilibus, & plerisque qui in Catholica religione perseverantes, intra immunitatem (ut uocant) Ecclesiæ Cathedralis habitabant: neque enim senatus, aut ciues ullum in ciuitate tolerabant, qui religionem Catholicā non abiurabat. Septima mensis Iulij Centurio quidam Groningensis cum sexaginta militibus Torpatum uenit, ab Episcopo in præsidium suscipitur, inde ex opificibus & plebeis adhuc centum alleguntur. Vndecimo Iulij Ruthenicus exercitus, Torpatum ad obsidendam urbem pergit. Tunc omnium Torpatensium animos ingens metus & formido inuadit, ut quid inceptare, quid moliri deberent, dubij, anxij & trepidi rerum, haud satis definire possent. Canonici assumpto duce Groningensi, & plerisque nobilibus, in ciuitatem ad forum descendunt, hortantur & obsecrant ciues, ut resumptis animis, uiriliter hostium impetum sustineant, se, uxores, liberos, & patriam, aduersus hæreditarium Christiani nominis hostem fortiter & fideliter tudentur, facile hostes posse propulsari, si unanimes, concordibus animis & armis, pro aris & focis dimicent. Ad hæc Consul. Si Episcopus Hermannus & Canonici Romano Pontifici renuntient, Euangelium amplectantur, uelle ipsos ciuitatem seriò & uiriliter tueri. Respondent Canonici graue hoc & exitiosum tū sibi, tum ipsis futurum, quandoquidem animaduertant post assumptam illam nouam doctrinam omnia illis aduersa fuisse, nunquam tantam à Moschouio cladem accepisse, quantam post religionis mutationem pertulerint. Tandem Satrapa pronuntiat, ut quilibet sua in fide ac religione permaneat, nunc non de fide, sed pro patria, parentibus, & liberis decertandum. Illud consilium cum omnibus probaretur, sacramentum præstant, nunquam se Ruthenis urbem dedituros, sed ad extremum usque halitum pro cōmuni omnium salute fortiter dimicatuuros. Confestim tres ciuitatis portas muro obstruunt, ænea tormenta in turribus & propugnaculis collocant, ipsi undequaque in moenibus & speculis præsidia & excubias agitare. Vndecima Iulij die quæ in feriam secundam incidit, mane ante solis exortum, speculatores uniuersum Moschouiorum & Tartarorum agmen urbem obsidere cōperiunt. Castra ante portam S. Andreæ ad Orientem fecerant, eaque uallo munierant. Densissimæ erant ea nocte tenebræ, ac tamen si sol tertia hora matutina exoriretur, tamen propter nebulam mirè spissam parum, aut nihil prospici poterant. Torpatenses obsidione cognita, æneas glandes et tormentarios globos ea parte qua strepitum audiebant, eiaculantur, sed neque in quenquam collimare, aut quid proficerent, scire dabatur. Sclopetarij seu sagittarij sexaginta quotidie bis ex urbe emicant, & leui pugna Ruthenos adoriuntur: sed quoniam rari erant, parum efficiebant. Nebulæ densitas per Lunæ, & Martis, & Mercurij diem continenter durabat, ut uix paucis passibus prospicerent, certoque pateret, obsidionem illam à Deo ex certo uindicandi proposito permissam. Mercurij die equites Torpatenses omnes, hi erant circiter sexaginta, denuò ad Ruthenos procedunt, & leui prælio configunt, multos æneis & plumbeis glandibus trañciunt. Speculatores quoque, & qui in turribus præsidium agebant, tormentarios globos in Ruthenicum agmen iaculantur, tanta uir & copia, ut uelut flammis & incendio ciuitas septa uideretur. Equites cum ad horas duas acriter cum Ruthenis dimicassent, & hostibus undique accurrentibus nimis essent impares, in urbem se recipiunt, uno duntaxat suorum amisso, equis uerò sagittis ac telis Ruthenicis grauiter uulneratis. Ferebatur tunc in urbe, aliquot Moschouiorum millia grauioribus tormentis interfecta, conspiciebantur quoque passim equi deiectis fessoribus circumquaque procurentes. Feria quinta Moschouij machinas ac tormenta sua instruunt, non tamen in moenia ipsa dirigunt, sed in altum leuant, ut globi, (quos uix duo lecti uiri eleuassent) in ædium tecta prociderent, quorum pondere parietes, tecta ac ligna collisa ac diruta, pueros, foeminas, passimque omnes inquilinos repente præter expectationem opprimebant.

Tantus



Tantus erat ea die ac nocte intus & foris bellicarum machinarum fragor ac sonitus, ut uix alterius sermonem exaudiret.

Rutheni proxima nocte quę Veneris die antecedebat, ad portam D. Andrea, fossam ingentem sub mœnibus fodiunt, & sex uasa pulueris tormentarij substituunt, ut ui pulueris eam mœniorum partem distrumperent, & subuerterent. Sequenti die circa horam nonam matutinam, denuo Rutheni terribili tormentorũ fragore oppidanos inuadunt. Fœminarum tum natura, tum presentaneo discrimine pauidæ, luctu lachrymis & eiulatu omnia complent. Quam tam miserabilem miseriam, Consules undiq; conspicientes, ad Cathedralē Ecclesiam ascendunt, deploratum ciuitatis statum Episcopo exponunt, deditiōē se facturos aiunt, quoniam tantam suorum calamitatem, luctum & ærumnā ulterius coram uidere ac sustinere nullo modo queant. Episcopus monet, ut meminerint deditiōē sempiternæ ipsis turpitudini & ignominia futuram, deinde perspectam illos habere Moschouiorum, & barbariē, & tyrannidem, fidemq; ac religionem in Deum ac Diuos blasphemam, tum ab uniuersa Ecclesia, totoq; terrarum orbe dissentaneam. Expendant, ne pecudes quidem a Christianis tam immaniter tractari, ut homines a Moschouijs. Considerent quantum truculentiam & plusquam ferinam barbariē in uirgines & fœminas Christianas exercuerint. Eadē & grauiora, fortassis ipsis imminere, si spontē tam crudelis domini iugum intollerabile subeant. In hanc sententiam cum ad perseverantiam hortaretur Episcopus, nihilosecius pertinaciter deditiōem urget Senatus, quo factum, ut ingens dissensio in urbe exoriretur. Nec multo post eodem die circa horam duodecimam legatum ad Moschoui exercitus ducem mittunt, supplices rogāt, ut ab obsidione desistat, paratos se fore, si uitam & facultates saluas ipsis promittat, Pontifici & Imperio Romano renuntiare, & præstito Sacramento in ius & Imperium magni Moschouiæ Ducis cōcedere, ac deditiōem facere. Exercitus Ruthenici Dux accepta legatione, certam pacē illis promittit, si propositas cōditiones inire uelint. Hoc responso solidē gauisus Senatus, duos ex Senatoribus ad Ducem ablegat, qui omnium nomine iusiurandum præstent. Ea fama ubi per urbem diuulgatur, ingens tumultus & seditio exoritur. Militum præfectus cū sua cohorte, & Cathedralibus Canonicis, reliquisq; Catholicis, nullo pacto ad sacramentū Moschouio Principi præstandum induci sustinent, sed nec deditiōem facere, uerū armis, uita & sanguine uitam Religionē, libertatem, & patriam uindicare parati sunt, impiamq; & nefariam Senatus defectionē grauitè redarguunt, salua esse adhuc mœnia, commeatum prælargum ac sufficientem, præsidarios tametsi non ita multos, tot tamen ac tales, qui & urbem protegere ac defensare possint, eaq; fortitudine, animiq; præstantia præditos, ut uitam prius & spiritum, quā urbem & libertatē amittere uelint. Senatus nihil a proposito declinans, & fidem, & religionem, cunctaq; uitę posithabenda arbitratur. Atq; ut culpę ac defectionis socium haberet. Episcopum cuius instantiam exploratam habebat, accedit, ipsumq; ad arcis cuiusdam & abbatia Valkena deditiōem inducit. Milites, qui centum sexaginta erāt, & quadraginta Cathedralis Ecclesiæ Cantores, & Canonici, hac defectione nequicquam a pristina constantia dimouentur, sed mutuam fidem ac tutelam inuicem stipulantur & promittunt, sanguinem prius profundere, quā patriam prodere, uitamq; religionem abiurare, statuunt. Hæc feria sexta contingebant. Postero die Moschoui exercitus Dux, cognita oppidanorum dissensione, ut urbe potiretur & obsidionē conficeret, nuntiat obsessis, neminem se coacturū ut abnegato Imperio Romano, in magni Moschouiæ Ducis ius & Imperium sese dedat. Vrbe se uel uolētibus, uel inuitis oppidanis omnino potiri uelle. Qui Moschouio Duci sese dedere ac iusiurandum præstare detrectent, illis liberum fore, ut per uniuersum Ruthenorum exercitum securē in Germaniam secedant. Qui uerō parati sint in Moschoui principis Imperium concedere, illis uitam & facultates saluas fore. Cæteris qui neutrum horum faciant, extrema minatur. Ad sequentem Lunæ diem circa septimā matutinam portas apertas fore, interea deliberent, & quid facturi sint, constituent. Milites præsidarij cum Cathedralibus nihilō seciūs armati duras subsequentes noctes peruigiles ducunt, quandoquidem & Senatum cum ciuibus & Moschouios aduersos habebant. Interea plariq; nobiles, ciues, & fœminæ Catholicismi reliquis paulo obseruantiores, ad Cathedrales concedunt, & uoluntarium exilium unā cū ipsis eligunt, atq; ita numerus secedentium excreuit in 200. armatos, & 200. fœminas ac uirgines. Die Lunę portis adaperitis, egrediuntur Catholici, quos Ruthenici exercitus Dux, per uniuersum agmen iuxta datam fidem, dimittit. Ingens ibi luctus & eiulatus exoritur, maritus ab uxore diuellitur, fratrem soror deserit, liberi a parentibus, cognati a propinquis secedunt. Alij senio, morbo, alioūe incommodo grauati tam longinquum, ignotum, plenumq; discriminis iter suscipere nequeunt, alij bonorum, facultatumq; appetentiores, Pontifici & Imperio Romano renunciant, & Moschoui principis iugum subeunt, Catholici urbe, pa-



tria, ac domo profugi, omnibus derelictis, plurimæ etiam matres prolibus onustæ Riualiam contendunt. Dum per Ruthenicum exercitū gradiuntur, Tartari quorum erant triginta millia, Liūones inuadere parant, eos in prædā sibi datos asserentes, arcus instruūt, & nouo eos, insperatoq; prælio appetere instituunt. Fœmineus cœtus præsentaneum periculum conspiciens, protinus in clamorem & eiulatum, ut fit, soluitur. Cæterū Deus mirificè eos tutatur. Clarum erat & serenū cœlum, nec à uiginti diebus pluerat, nec octiduò post pluebat. Nihilō seciūs in tanta serenitate, ingens ac formidabile tonitru in medium Tartarorum agmen quinquies immittitur, tantò fragore ac sonitu, ut terra cōmoueretur. Tartari quoq; instar pulueris huc, illucq; dispergebantur. Nec multo post Moschouij exercitus Dux lituo quē gerebat, designat, ut libere dimittant Liūones, indicat præterea per interpretem, deducendos eos securè per mediā castra & uniuersum exercitum, ingentēq; equitum cohortē ipsi adiungit, quò securius euadant. In ipso progressu pleriq; ob æstus uehementiam, & pulueris, quem equitatus ille concitabat, densitatē, languidi & emortui miserabiliter concidebant. Moschouij agminis Dux præsens huic ductui cū aliquot equitum millibus intererat, uinctumq; habebat Episcopum, quem ad abbatiam Valkenaden sem ducebat, ibidemq; carcerari mancipabat. Eò ubi uentum, dimittit Liūones. Illi paululum progressi noui discriminis, triste nuntium accipiunt. Monentur enim ab agricolis, latere à duobus miliaribus octo Tartarorum millia, quibus Liūones uniuersi prædæ ac direptioni dediti sint, uitæ quoq; ac necis potestatem in ipsos habeant. Idem secretò præmonuerant eos quidam Torpatensium, qui præstito iureiurādo in Moschouij Ducis imperium concesserant. Liūones principio conflictum meditantur, postea re penitus considerata, duos agricolas conducunt, qui eos ambitu quodam per nemorosa & palustria loca, quo Tartarorum equitatus penetrare nequibat, triduò circumducunt, inde post quintiduū Riualiam perueniunt, ubi singuli nauibus conscensis, salutem ac prosperitatem sibi inuicem precantes, quo animus, uoluntas & consiliū ferebat, contendunt.

SIMON SCHARDIUS DE VITA ET OBITU  
SIGISMUNDI AVGVSTI REGIS POLONIAE,  
qui obiit anno 1572. Kalendis Iulij.



NNO 1572. Kalendis Iulij Sigismundus Augustus Rex Poloniae, qui superiore mense ægrotare incipiens, medicis de ipsius salute desperantibus, in Lithuaniam concesserat, ibidem extremum uitæ diem claudit, ne quicquā eum proceribus regni subsequētib; ut in præsentia uiui de nouo rege deliberarent, ætatis suæ Rex potentissimus, ac in orbe Christiano celebratissimus. Natus anno 1520. Augusti die 2. minutis 38. ante tertiam horam matutinam, patre Sigismundo, & matre Bona Sphortia, Ioannis Galeati Sphortia Mediolanensium Ducis, & Isabellæ Arragoniæ filia, puer uix decimum annum agens, paterno regno, patris opera, studioq; inauguratus est, cumq; eo annos octodecim regnauit, post iuuenis factus uxorem accepit uoluntate patris Elizabetham Ferdinandi Cæsaris, & Hungarorum ac Bohemorum Regis filiam natu maximā, in qua muliere genus cum forma, forma cum comitate & mansuetudine, hæc cum probitate, probitas deniq; cum pietate certabat, ita ut nescires, quid in ea potissimum admirareris. Ea uerò bienio post nuptias celebratas, magno multorum luctu extincta, atq; Regni habenis post patris octogenarij obitum, anno quadragesimo nono, ad solum Sigismundum deuolutis, Barbaram Radziuilliam Lithuanicam inuitis Regni proceribus uxore duxit. Cæterū & ea statim post coronationem uita functa, ipse triennio in uiduitate transacto, alterā Ferdinandi Cæsaris filiam Catharinam, quæ prius Francisco prima Mantuæ duci elocata fuerat, Pontifice legibus eum saluente: matrimonio sibi iunxit. Id quod tale fuit, ut plus molestiarum, quā iucunditatis, uel uoluptatis coniugalis habuerit. Cū autē hucusq; tranquillitatis studiosissimus bella à suis auertisset, atq; pacem cum finitimis in itā firmiter coluisset, tandem intestina Liuoniensium dissensione, ex otio in bellum pertractus, de regni incremento & amplificatione cogitationes suscepit. Nam cum anno 1559. inter Archiepiscopum Rigensem Vuilhelmum ex Brandenburgica familia natum, & ordinis Teutonici Magistrum dissensione, cū ob Euangelij prædicationem in Ecclesia Rigenfi, tū ius comitiū indicendorum exorta, res eò deuenisset, ut Archiepiscopus utrumq; impediurus, post uarias uelitationes in arce Kokenhusen conclusus, fame atq; penuria; rerum omnium coactus, se Magistro unā cum cōmilitonibus dedere cogeretur, & toto penē anno, non



non ut prouinciam ac ciuitatis confors, uel præsul, uel Brandenburgicæ familiæ princeps, uinctus detineretur, sed ueluti barbaris hostis tractaretur. Sigismundus nepotis fertili cæptiuitate cognita, Letum ad ordinis Magistrum Vuendam ablegauit cum mandatis, ut quandoquidē in bello, nepos Vuilhelmus captus esset, hic indignissimo carcere liberaretur, & omne dissidiū inter Archiepisc. & ordinem Teuthonicum amanter cōponeretur. Caterū Teuthonici ordinis Magistro legatū in Poloniam re infecta dimittente, Sigismundus, qui operam suam spem moleste ferreret ordinis Magistro, omnibusq; eius auxiliarijs bellū denunciat. Cuius exarsis fuit, ut etsi ordinis Magister aliquot uexilla peditū, & equitum Germanorū, cum copulatum Episcoporum, Torpatensis, Riualienensis, & Gabselenensis, contra Polonos educeret, tamē cum se à Polonis exercitus multitudine superari uideret, pacem à Sigismundo petendam cōsuerit, eamq; hisce conditionibus impetrarit, ut ordinis Magister Archiepisc. in pristinum statum restitueret, omneq; damnum ac detrimentū eidem illatū rependeret, præterea Polono stipendia in milites erogata refunderet. Videbatur harum conditionū acceptione Liuania pacata, quantumuis Liunionibus clanculum mussitantibus, ab ordinis Magistro omnem prouinciæ thesaurū, & nullo cum fructu, aut ciuium utilitate consumptum: sed ecce Moschus suæ occasionī intentus, quod & induciarū antea cum Liunionensibus pactarū finis esset, & Liunionenses inter se alienatos sciret, Torpatensem Episcopatum Liunionæ ingenti exercitu, nimirum trecentorum milium hominum, Duce Petro Sisegaleider strenuo olim pirata inuadit, eumq; ferro & igni uastat, & per multa miliaria, omnia cæde, rapinis, foedissima barbarie & immanitate complet, pueros infra annum decimū necans, intra decimum & uigesimalium cōstitutos, Tartaris hominibus feris uendens, supra uiginti trucidans omnes, pecus omne quod in Moscouiam abduci nō posset mactans, Germanos mares deprehensos brachijs truncans, foeminas sectis uberibus diu crucians, plerasq; in frustra discindēs, & membra palpitantia hac il lac dispergēs, in summa nihil crudelitatis prætermittens non tantū in ditione Torpatensi, sed & Neruiensi, quæ Magistro Teuthonico paret, minimē etiam ditioni Rigensis Archiepiscopi parcens. Ideo Liunionici, maximē Rigenses se in tanta necessitate constitutos, cōspicientes, & tardis auxilijs Imperij, cuius superioritatē, ut uocant, hætenus coluerant, diffidentes, à Sigismundo defensionem petiēte, quam ipse potētia, fertilitate, ac commoditatē uicinæ prouinciæ perperensa Liunionensibus nō grauatim præstitit, Moschis in Liunioniam à cæde sex millium Tartarorū redeuntibus, fortiter sese opponens, & quo Liunionæ concordia prospiceret, ordinis Teuthonici autoritate in Liunionia sublata Gothardū Ketlerum ex nobili familia in Vuestphalia natum, ex Magistro Teuthonico, Ducem Curlandiæ faciēns. Verū enim uerō dū Sigismundus Liunionensibus cōtra Moschos succurrere cogitaret, factū est, ut horū arma in suos Lithuanos cōuerteret. Nam in mense Februario anni 1563. Moschus defensione Liunionensium, à Sigismundo suscepta irritatus, Lithuaniam omnibus nobilibus & præfectis hostiliter inuadit, ut sic immanitatē & plus quā beluinā crudelitatem toti orbī notiozem redderet. Ingressus itaq; Lithuaniam maximis copijs, arcem munitissimā Polotzko uicē cepit, multis millibus hominū occisis, et alijs in seruitutem abductis. Fuit hæc clades Polonis perquā grauis, cum ob alia, tum uerō arcē Polentzko amissam. Quare Sigismundus, neutiquā sibi conuiescendum putauit, quo ad suos barbara Moschi tyrāide liberaret: ideō inducjs sibi à Moscho denegatis anno subsequenti, qui erat 64. Moschos in Lithuaniam redeuntē, ad Vlium oppidū, uirtute Nicolai Raziulij profligatos, Lithuania eiecit. Interea uerō cum graue ac diuturnum bellū inter Regem Daniæ, sociosq; Lubecenses, contra Ericum Schwedicæ Regem exortum esset, atq; hunc id moliri cognouisset, ut toto mari Balthico occupato, & latronibus atq; piratos infestato, mare ipsum suæ potestatis faceret, Polonicasq; ditiones oppugnaret, ipse, quo conatus Erici infringeret, ueteremq; maris & cōmerciorū libertatem & securitatē tueretur, societatem cum Principibus Prussicæ, Pomeraniæ, & Megapolie, dictisq; confœderatis inijt. Ea q; durante, Christophorum Ducem Megalopolensem electum Coadiutorem Rigensis Archiepiscopatus, quod in suspitionem uenisset, quasi cum hostibus Regni Polonici consilia agitasset, cœpit, eumq; Vuilgē clementer exceptum, per aliquot annos in custodia habuit. His rebus ita gestis publico consensu Lithuaniam, cæterasq; regiones Poloniæ coniunxit, ac tandem inducjs cum Moschouita factis, ut exitiale bellum Schwedici cum inter sororium Ioannem Schwedicæ & Daniæ reges adhuc durans, æquis conditionibus componeretur, unā cum alijs regibus ac principibus intercessit. De alijs eius priuatis uirtutibus à nobis hic plura commemorari necesse non esse, id alijs facturis quibus ex notiores sunt quā nobis. Beneuolentiā uerō, quā illustrissimam familiam Brandenburgicam ob agnitionem amplexus est, ad omnem posteritatem prædicanda est. Siquidem ut liberationem Vuilhelmi Archiepiscopi Rigensis taceamus, & fratrem eius Albertum



primum Prusie Ducem ab Imperatore proscriptū clementissime pro-  
 adamavit ac coluit: filij præterea adolescentis Alberti Friderici patre-  
 menter suscepit, utq; propensionem erga cognatam familiam Branden-  
 burgicam ad om-  
 nem posteritatem declararet, eam totam, casu quo proximioris absq; liberis atq; legiti-  
 mis hæredibus decederent, successionis Borussiae ducatus pacem esse uoluit. Deceffit  
 nullo ex tribus uxoribus hærede relicto, ultimus Regum Polonicorum ex stirpe Jagello-  
 nea Lithuanica, quæ ab anno 1386. in hunc usq; diem, quo Sigismundum mortuum di-  
 ximus, magna cum laude res Polonicas rexit: Jagello siquidem, siue Jagula magnus Li-  
 thuanie Dux, qui cum matrimonio Hedwigis mortui Ludouici Regis Vngarorum  
 & Polonorum filie, regnoq; fide Christiana recepta Vladislaus secundus est dictus, quasi  
 qui gloria potens futurus esset, decrepita admodum ætate, ex quarta uxore Sophia Russa  
 Kiouiensium Ducis filia, duobus filijs, Vladislao tertio, & Casimiro, susceptis, post mor-  
 tem regnum ad Vladislaum filium transiit, eum, qui Vngarorum quoq; regno susce-  
 pto, & profligatis cum gloriæ aliquot Turcarum exercitibus, cum prius ad Macedonia,  
 deinde ad Thracie fines magis animosiore quam ualidiore exercitu penetrasset, apud  
 Varnam inter confortissimos hostes dimicans, certam propemodum uictoriam cum uita  
 pariter amisit. Post hunc autem sine liberis decedentem, cum Polonis undecim, Vngaris  
 quinque annis præfuisset, Casimirus natus minor frater regnum suscepit, qui Elizabetha  
 filia Alberti Romanorum, Vngarie & Bohemie Regis, & Archiducis Austrie, & Ladis-  
 lai Vngarorum & Bohemorum Regis, sorore in Regni sociam ascita, ex illa filios sex, &  
 filias septem sustulit. Ex his Vladislaum natum maximum uiuens Bohemis, Casimirum ac  
 deinde Ioannem Albertum Vngaris Reges dedit: Sed utroq; hoc dissentione partium  
 deserto Vngariam quoq; cum Bohemia Vladislaus obtinuit. Ex quo & Anna Galla, fi-  
 lia domini de Candalla Vasconis nati. Ludouicus filius, qui bimulus uiuente patre coro-  
 natus, cum ei exacta ætate mortuo in utroq; Regno successisset iuuenis admodum Tur-  
 cico bello, anno 1526. apud Mohatium miserabiliter periit & Anna filia, quæ nupta Fer-  
 dinando Cæsari eum quindecim liberis beauit: filijs quatuor, Maximiliano, Ferdinando,  
 Ioanne & Carolo: filiabus undecim, Elizabetha, Anna, Maria, Magdalena, Catharina,  
 Leonora, Margareta, Barbara, Ursula, Helena, Iohanna, de supra memoratis uero duobus  
 filijs Casimiri Regis. Casimirus quidem iuuenis castissimus & religiosissimus, in Lithua-  
 nia immaturam mortem obiit, non sine celebri sanctimonie fama. Ioannes Albertus post  
 patrem octo & amplius, deinde huc secutus Alexander quinque annos regnarunt: ille qui-  
 dem maximi animi, sed ante susceptum regnum, quam regnans felicior. Hic à Moschis  
 apud Vedrusios uictus eosdem apud Opascam, Tartaras uero Tauricos apud Ciescum  
 paucis ante mortem diebus, insignibus prælijs profligauit. Post hos natus est Sigismun-  
 dus, Sigismundi de quo loquimur pater. Hunc secutus Fridericus sacris initiatus, Archi-  
 episcopus Gnesnensis, simulq; Episcopus Cracouiensis, & Romanæ Ecclesiæ Diaconus  
 Cardinalis S. Lucie in septem Solijs. Porro filiarum Casimiri duæ immaturè mortuæ, Hed-  
 wigis Georgio Duci Bauarorum, Sophia Friderico Marchioni Brandenburgensi, Anna  
 Bugislao Pomeranorum, Barbara Georgio Saxonum, Elizabetha uero (patre mortuo)  
 Friderico Legnicensium & Bregensium ducibus matrimonio iunctæ fuere. Ceterum Io-  
 anni Alberto, & Alexandro fratribus sine sobole decedentibus, in Regno Poloniae suc-  
 cessit Sigismundus amborum frater, bellis cum potentissimis Moschis, ferocissimis Tar-  
 taris, acerrimis Valachis, & fortissimis Germanis, feliciter gestis clarissimus, qui initio in  
 matrimonium ducta Barbara Stephani Comitis Scepusiensis, ac Transyluanensium Pa-  
 latini filia, foemina sanctissima & pientissima, ex ea filiam Hedwigiam suscepit, foeminam  
 lectissimam iunctam matrimonio Ioachimo Marchioni Brandenburgensi, Electori Ro-  
 mani Imperij. Deinde uero ea defuncta ex altera Bona Sphortia, Ioannis Galeatii Sphor-  
 tie Mediolanensium Ducis, & Isabellæ Arragoniæ filia maximam natu filiam Isabellam  
 Ioanni Regi Vngarorum affini iam prius suo nuptui tradidit: reliquarum uero trium, post  
 mortem Sophia nupsit Henrico Iuniori Duci Brunswicensi, Catharina Ioanni Duci Fin-  
 landiæ, iam Schwedorum Regi potentissimo, Anna adhuc uirgo dignas suo genere nu-  
 ptias expectat. Ad extremum filius Sigismundus Augustus, cum eo quo diximus modo  
 regnasset, sine liberis decedens, obitu suo non tantum exteris compluribus,

Regni uacantis ambiendi occasionem præbuit, sed & inter Re-  
 gni procures diuersa studia, grauesq; contentiones  
 excitauit, quibusdam hunc, alijs al-  
 terum Regem eligi po-  
 stulantibus.



IOANNIS LASICII HISTORIA DE  
INGRESSU POLONORVM IN VALACHIAM,  
CVM BOGDANO VOIVODA, (CUI SVCCCESSIT  
Iuonia) & cæde Turcarum: ducibus Mielezkio  
& Siuiauvskio: AN. M. D. LXXII

ILLEVSTRIBVS ET MAGNIFICIS VIRIS, DN.

NICOLAO MIELECZKO, VOIVODAE PODOLIAE, GRO-  
densi, & Nicol. Sieniauvski, Sienensi præfecto, atq; copiarum regni  
in Russia primario ductori,

IOANNES LASICIUS S.



ISI nos certa merces laborum, Christianorum causa susceptorum, in cælis maneret: nihil vobis, illustres viri, cæterisq; isthic pacis publicæ conseruatoribus, foret infelicius. Tanta sunt uestra in Rempub. Christianam merita, melater an iam remunerata. Hæc uerò est illa maxima charitas, de qua sic inquit noster Seruator: Maiorem hæc charitatem nemo habet, quàm si animam suam ponat pro amicis suis: hoc illud quod Sirachus faciendum suadet, ne fratris & amici causa pecuniæ parcamus, hoc quod Paulus scribit: Charitas non quærit quæ sua sunt: & omnia sustinet. Quæ, quanta sint, quis non uidet? Testis rei huius est, inter alia, hæc quam ad uos mitto, Valachica historia: nam quid uos aliud in Valachia, tanto cum discrimine uitæ, nec absque impensis, & domesticis rebus postpositis, anno 1572. egistis, quàm ut Bogdano, gentis nostræ amantissimo, in illam reducto, tutum ab illa parte à Turcis regnum Polonicum, firmissimum Germaniæ murum, redderetis? quo beneficio quod aliud maius à uobis in Rempub. proficisci potuit? Itaq; ne dubitare, nenier aliquando illud tempus, cum, ut omnium Christo fidèntium uirtutes, ita uestra quoq; hæc de populo Dei merita, magnis præmijs afficerentur. Nec ego ualde miror, optatis, conatibusque uestris fortunam non respicisse: cum nemo sit hominum, cui semper secunda sint omnia. In magnis (ait Poëta) & uoluisse sat est. Satis uos patriæ, satis amico dedistis afflicto. Si Deo, mundi, quem creauit, admirando rectori, secus uisum: quid dolemus? uoluntati illius quis resisteret? is ut dat, ita aufert, reges, regna mutat, excitat & immittit hostes, non tamen absq; causa: sed propter impunita scelera, idololatriam, superstitionem, pauperum oppressionem, iniurias, fraudes, furta, cædes, luxus, libidines, ebrietates. Ductus est in captiuitatem populus meus, ait uates Esaias, propterea quòd non fuerit præditus scientia: tympanum, tibia & uinum in conuiujs illorum: opus autem Dei non respiciunt. Neq; uerò uos tunc solum præclaram patriæ operam nauastis: magna semper ab illo tempore, ex quo uos in Russia diuina constituit prouidentia, utriusq; uestrum, maiorumq; uestrorum, in repellenda ui barbarorum, uigilantia, industria, tortitudo enituit: si modò alij conatus adiuiissent uestros, uel si plura perficere per iram diuinam licuisset. Utinam autem nostri, tam crebris Scytharum incursionibus exciti, qui mihi nihil nisi prodromi Turcarum esse uidentur, de locis, quæ illis accessus ad nos parer, muniendis tandem aliquando cogitarent. Vidisti tu, sapientissime Mieleci, in tua illa cum Comite Tarnouio & Stanislao Latafcio peregrinatione, uidisti inquam iuuenis, ut Itali Turcis, Hispani Mauris, Galli Anglis, Dani Suecis, Zelandi & Holandi quibusuis, cum bellum est, nauibus ad se aditum prohibeant: ut ijs in locis, quibus commodus est ad eos accessus, arces, præsidiaq; habeant: collapsa instaurent, dies & noctes excubent. Cuius rei documenta si nunc hac tua & ætate, & autoritate ad tuum Nèstrum atq; Nèprum, quæ ferus Scythæ incurrit, ederes: certè hoc inter tot tuos, quos in arcendis hostibus fuscipis labores, præcipuum, idemque immortalè opus esset futurum. Ni uerò id, hoste iam nobis propinquo, & incuria nostra nimium audaci factò, maturè feceritis, quis mirabitur sequutam possessionis direptionem: quæ, prohi dolor, iam magna est, ubi nulla sæpes fuit?

Cui ducendæ non dubito quin post tot calamitates, & Turcarum in

Valachiam ingressum, manus sitis celeriter admoturi.

Opto uobis Gedeonis fortitudinem, Samso-

nis uires, Dauidis felicitatem.

Barcini, Kal. Octobr.

1577.



IOANNIS LASICII HISTORIA DE  
INGRESSU POLONORVM IN VALACHIAM,  
CVM BOGDANO VOIVODA, (CUI SUCCESSIT  
Iuonia) & cæde Turcarum: ducibus Melezkio  
& Sieniavvskio: AN. M. D. IXXII



**V**ARIA esse gentis cuiusvis, ut uirtutes, ita uicia, nemo est qui ignoret. Valachorum sine ea est leuitas animi, & perfidia, ut maior esse nequeat. li. paucis ante annis, ne superiora commemorem, Alexandro principe suo eiecto, quendam Iacobum Despotem, qui Rostoni mathematica docebat, nostris quibusdam suo cum dispendio eum adiuuantibus, receperunt: quo occiso, rursus Alexandrum, postea Bogdanum admiserunt. Hoc factidito, Iuonia se subiecerunt, isto Turcis prodito, ad Petrum defecerunt, quem quis diutius his regnaturum credat? Ita illud à Salomone uerè dictum, ut omnia, propter improbitatem terræ, multos principes eius esse. Quamobrem haud mirum est, proposuisse id in concilio Lucensi, anno Christi 1429. Sigismundum Hungarorum, Romanorumque regem, (ut testis est lib. 4. Chronicorum Polonicorum noster Niechouiensis) ut gens Valachica, una cum suis Voiuodis exterminaretur: quod nemini fida foret, furto ac præda uiueret, sed Vladislaum regem Poloniae, Vitoudo duce Lithuaniae, fratre suo, praesente, respondisse: non esse æquum ut Valachi, regni Poloniae subiecti, exterminarentur: quorum si aliqui furto uiuerent, id tamen non posse de omnibus dici. Licet autem hoc tum discordia regum non fuerit factum: at nostra ætate, magnis eos cladibus affligi: tandem etiam diuino permisso, Turcarum iugo subiecti uidimus. Sic enim propheta Amosus, Dei nomine: Ecce, inquit, oculi Domini lehouæ in regnum quod peccauit: disperdamus illud & terra. Sic & apud Ieremiam Deus ait: Ego feci terram, & dedi eam illi cui mihi uisum est: dedi omnes has terras Nebuchadnefaro Babylonio seruo meo. Quis igitur miretur tot gentes, quarum fides lubrica, iam in prouerbium abierat, in Turcicam deuenisse potestatem? nam quid Deo magis exosum, bilingui, perfido, fraudulentor? Sed nos iam historiam aggrediamur, Prologium sequuti.

Valachi, qui olim Getæ & Daci, post ab colonia Italorum, quos Vulochos uocamus, Valachi cognominati, gens misti seminis, ideoque ingenij uarij & inquieti: concepto odio contra Bogdanum, suum Voiuodam, (uox ea lingua nostra exercitus ducem significat) quod Polonorum magna consuetudine sua in aula uteretur, his plurimum fidei haberet, horum beneuolentiam liberalitate demereretur, uni illorum sororem suam nuptum dedisset, ipse quoque uxorem genere Polonam ducturus esset: clam ineunt consilium de alio in locum illius sublegendo. Erat tum apud Imperatorem Turcarum Iuonia, (sic illi Ioannem appellant) filius Stephani, Voiuodæ illorum, & concubina prognatus: qui anno salutiferi partus 1561. rege Sigismundo Augusto comitia Lublini agente, Ioannis Fierlei, Voiuodæ Lublinensis, Marsalcique regni Poloniae, senatoris grauissimi, minister fuit. Is Valachis uisus est ad suscipiendum imperium satis idoneus. Ad hunc ergo de nouo principatu scribunt: quæ & quanta à Bogdano & Polonis perferant mala, significant: si citò cum aliqua Turcarum manu ueniret, prodituros se ei obuiam pollicentur: Polonosque unà cum Bogdano, & Petro fratre ipsius, uinctos uiuos in potestatem eius tradituros. Iuonia iamdudum cupidine dominandi flagrans, accepto tali nuntio, protinus colligit Cæsaris sui permissu, circiter uiginti millia Turcarum, Græcorum & Serborum. Porro Bogdanus, factus de his consilijs à quodam Valacho certior, simulque monitus ut profectus in Poloniam ad amicos, mature pararet auxilia, quibus se ab iniuria tueretur, uitaret insidias: illo ipso quo hæc accepit die, (qui fuit Dominicus præcedens bacchanalia anni 1572.) Valachia excedit: ubi primum Polonis, suis familiaribus, perfidiam, insidiasque subiectorum suorum aperit. Egresso è Valachia Bogdano, ingressus in eam est Ioannes, ipsius æmulus, magnis Turcarum copijs stipatus: cui obuiam primates profecti, Gabriel Logofet, Dinga dux exercitus, Craczonus eremita, Visternicus rarus, Lupulus Stroitz, ceterique proditores: salutatumque reuerenter, lasum, ubi sedes Voiuodarum est, deducunt. Tum uero cognouere periuri Valachi, quæ leuia fuerint priora incòmoda illis, quæ à Turcis patiebantur: nam nostri milites nihil aliud quam pabulum in usum equorum, ex agris, horreisque incolarum auferebant: at Turcæ, præter id, uxores quoque illorum, uirgines, pueros constuprabant, parentes,



parentes, propinquos flagitia prohibentes pulsabant: omniaq; alia arbitrato suo agebāt: adeo licenter, ut illos tum pluribus incommodis unus Turca affecerit, quam antea triginta Poloni: nec dissimilis eorum conditio luonia imperante, illi Israelitarum, Abimelecho rerum potente, fuerit: quæ sors communis est ijs omnibus, qui excusso dominatu à Deo accepto, alium sibi pro sua libidine, nefarie accersunt. Nam & ipse luonia, uel ob leuissimum delictum, poenam capitis infantes statuebat, uiuos excoriabat, palis infigebat, oculis priuabat, (quæ poena apud Valachos familiaris est) naso & auribus præcisiles deformes homines reddebat: breuiter, si quis illo inuito seu racemum suæ uinæ, seu quidpiã aliud, ex quo census penditur, uendidisset: hunc ille aut occidebat, aut hamo per nares illius tracto, manibusq; post tergum colligatis, tortoribus, uel, si isti non essent, Nigritis (quos Ziganos uocant) per plateas immisericorditer flagellandum obijciebat: & (quod immanius est) cæsorum cadauera, insepulta esse in foro linebat, ut canes esu illorum saturarentur, homines aspectu obedientiores redderentur. Hac tali feritate, tantum sui metū, amoremq; (si modò in metu esse potest amor) plebi incussit, ut illum postea non modò honorarint, horruerintq; uerū etiam fortiter pro eo depugnauerint. Tale in illis locis, & ad Septentrionem, uulgi hominum ingenium est, ut castigatum, promptius quam sua sponte officium faciat. Est in Russia nobilissima prosapia Casparus Paniewskius, præfecti Zidaczouienensis forma conspicua filius: huic Bogdanus suam sororem, matre id uolente, bona cum dote locauit. Ipse etiam Bogdanus, Ioannis Tarlonis, signiferi Leopoliensis, pudoris, pulchritudinisq; eximia filiam, ducturus in matrimonium erat: cui filia, matrisq; eius, uiro mortuo, rex Augustus tutores dedit Senatores illustres, Georgium Iaslo- uiecium Russia, Nicolaum Mielecium Podolia Voiuodas: qui puellam sponso, non secus quam si regia filia foret, tradituri erant. Ad hos ergo Bogdanus ubi uenit, opem illorum contra infidos Valachos implorat: suum honorem tuendum ut suscipiant, omnibus precibus rogat: idem petit & à militibus, finium regni custodibus. Hi itaq; omnes, rei indignitate commoti, & illud Sirachi consilium sequuti: Iniuriam (inquit) patientem eripe è manu iniuriam inferentis: neq; uindicando animum paruum habeas: & eritis tanquam filij altissimi: quod & Dauid, Salomon, Ieremias, homines diuini, faciendum censuerunt: operas illi suas, ad uindicandum ius amissum, obtulere: miserat & ad Augustum regem certos homines, qui idem abs eo flagitarent: sed foedus cum Turcis antiquum, auxilia ferre non fuit: tamen quod præstare potuit, fecit: misso ad Turcam nobili legationibus uiro, Andrea Taranowskio, Bogdano ut reconciliaretur, si modò offensus ab illo esset, utq; eiectionem in patrium principatum restitueret, orauit. Egresso è Valachia absque omni operæpretio legato, confestim Bogdanus cum bis mille ferè, uoluntarijs militibus è nobilitate conflatis, in patriam irrumpit: quos tracto Nestro flumine, uoluntate omnium, Nicolao Mielecio, propter prudentiam & rei bellicæ scientiam, inter omnes summo, ducendos, regendosq; committit. Is sibi laboris socium & adiutorem adiungit Nicolaum Sieniewskium, Palatini Russia filium, Striensensem præfectum, non minùs quam ipse, rei militaris scientia clarum: cui breui post, omnis oræ illius militiæ cura à rege commissa est. Horum ductu ingressi in Valachiam, rei frumentariæ paulò licentiùs studere cœperunt: qua re cognita, Mielecius furcam medijs in castris erigit, poena capitis raptoribus statuta: quod non ad hostes, sed ad suos uenissent, quibus dominum restituere conarentur expulsum. Habitus est ibidem delectus militum, septingenti, bello gerendo parum idonei, domum reuerti iussi, mille trecenti relict: pauci numero, sed animi, corporisq; uiribus præstantes. Postero die iter ingressi per syluam faginam (quæ quondam ab incolis callidè succisa, nostris perniciofa fuit) ad Prutum amnem peruenere: unde misso Pilawskio centurione cum Bogdani famulis, ut Chocimo tormenta bellica adueherent: ad Stepanowczum (qui locus ad eundem fluuium est) processere: ubi facti de uicinis hostibus certiores: uisum imperatoribus est, quò ad illos suis cum centurijs proficiscerentur insignis fortitudinis audaciæq; uiri, Stanislaus Lanczcoronskius Scalensis, Michaël Iaslo- uiecicus Chmielnicensis, præfecti: Nicolaus Herburtus, Stanislaus Volskius, Crussiel- niczkius, Temrucus Pietichorensis cum suis, & triginta Croatis. Hos Valachi conspicati, quorum ductor Dambroua, Pruto celeriter traiecto, terga dedere: ibant ergo nostri secundum unam ripam, hostes ex aduerso secundum alteram: eius animi, ut sex milia uirorum quadringentos Polonos non fuerint adoriri ausi. Nostri, nulla re memorabili patrata, in castra reuersi, ire rursus ad excubias agendas iussi sunt: profecti, incidit in Turcicos & Valachicos excubitores: qui multis in locis ignes excitant, ut hac ratione, quamuis mille capita non superarent, plures esse uiderentur. His nostri cœlo iam albente uisis, etsi impares, tamen se tenere non potuerunt, quin sublato clamore in illos irruerent: ac Turce armis protinus correptis, cōclamant & ipsi: Volschianosq; atq; Croatas, qui eos in-  
uascerant



uaferant priores, abs se propellunt: sed posteaquam Herburtus, Lanczcoronskius, Iaslo-  
uiecus, Crusielnizkius cum tympanis excessere, illico pedibus salutē quaesierunt: nostris  
fugientes, ueluti pecora cadētibz, uigintiquatuor uiui capti: nostri omnes salui. Croatae  
solum unius, cui effrenatus equus erat, Turca fugiens, caput acinace abstulit. Hic cum  
quidam Temrukianus Scythia, Volskij cohortem repulsam esse ab hoste uidisset, inscijs  
omnibus, ad imperatorem cum nuncio caesorū Polonorum aduolat: cui praeij loco, ca-  
tenae iniectae, quod uano rumore animos militū frangeret. Subiecti questionibus captiui,  
in proximo esse magnas suorum copias confessi sunt. Quapropter centuriones, suos quisq;  
protinus instruunt ac ordinant: imperatorem de uictoria, & hoste ultra montem abdito,  
edocent, maioraq; auxilia rogant. Voiuoda, interrogato iuvene an nobili genere ortus  
esset: eoq; id aiente, Lesciniumq; dici, & Herburti famulum esse, respondet: Ergo (inquit)  
ea quae refers, uera sunt: nam nihil magis nobili, quam ut semper uera & cōperta dicat, cu-  
ra est: accipe, ingenue adolescens, hoc leti nuntij praeium, quo seruus Scythia minime di-  
gnus fuit. Lescinio muneribus affecto, & suorum animis recreatis, praeiussisq; ad illos qui  
opē implorabant, Ioanne lordano & Cosielskio: ipse item eos Voiuoda cū reliqua manu  
sequitur: ubi conuenerunt, primum Deo, auctori salutis omnium, cadis uerō hostiū: post  
iis etiam, pro opera primo aggressu bene nauata, gratias egit. Interim Pilawskius cū tor-  
mentis uenit: quae Iacobi lordani fidei tradita sunt. Progressi omnes ad Iasum, animadu-  
erunt, magna Turcarum, Valachorumq; agmina tumulos Stepanowcios insedissee: adhuc,  
Valachos conspectis nostris, acies suas ostentare. Hic Mielecius, quid hostes auderent, pe-  
riclitaturus: Herburtum, Iaslouiezkium, Temrucum, eos ad praeludium pugnae elicere iu-  
bet. Verum ij, animaduersis insidijs, (posuerat enim dux in occulto Czeremisios prestan-  
tes iaculatores) prodire in aciem noluere. Mielecius quoq;, consideratis hostium uiribus,  
nec ignarus aliud resistendi, aliud cedendi tempus esse: regredi potius quam temere cum  
paucis in Valachiam progredi, consilium capit: quare iubet per speciem quari uada Pru-  
thi, quasi Iasum iter flexurus, cum (opinor) relictus Chocimum uersus esset in animo: cur  
enim infinitis hostibus exiguum suorum numerum, nulla habens certa auxilia, oppone-  
ret? Dies Iouis prima à Paschate fuit, cum conuersi Chocimum, sequētes se propē magnis  
agminibus habuerunt hostes. Quorum audaciam minimē ferendam esse Voiuoda existi-  
mans, monet Herburtū, Lanczcoronskium, & aliquot alios, ut illos suis à ceruicibus reij-  
cerent: quod hi propter loci iniquitatē, & quia sol ad occasum uergebat, facere tum detre-  
ctarunt, operam suam loco aequiore, temporeq; magis opportuno ipsi polliciti. Proin no-  
stri procedebant ulterius, hoste in cassum ē decliui loco tela tormentis in eos iacente, do-  
nec inter Pruth & alium fluuiolū peruenerunt. Nocte sub armis uigilanter transacta, cer-  
nunt prima luce hostes id unum conari, quod ipsos circumuenirent, et in angustias redige-  
rent. Sed Herburtus sua cum centuria, quae semper extremum agmen claudebat, multitu-  
dinem hostium falcata aggressus, in aquas compellit. Quibus actis effudit se quidam ē  
suorum grege Turca hastatus, more militari aliquem ē nostris ad monomachiam prouocās.  
Vix huc elatus, aduolat à latere cum uenabulo Stanislaus Vistempus, exigui quidē cor-  
poris, sed (ut tales sunt) pectoris impauidi: quo uenabulo Turcam uno ictu trāsuerberat.  
Accurrūt Turcae subsidio prouocatori animā agentī: nostri item Vistempo triumphanti.  
Fit mediocre certamen: in quo Zebro, Polonus centuriae Lanczcoronskianae, occubuit.  
Turcae tali uiro amisso, ibant quieti die illo, qui Veneris fuit: illis ideo sacer, uel quod Ma-  
hometes creatus ab illis hoc ipso die rex foret: uel quia, ut à Christianis superstitione di-  
uersi sunt, ita etiam aliud colendi Dei tempus, aliumq; modum habēt. Nos enim ad orien-  
tem solem, patriae orientalis, ē qua Adam eiectus est, memores: illi, ad meridiem conuersi,  
Deum hac die adorant. Postera luce, nostros Chocimum tendentes magna phalanx Tur-  
carum insequuta est: ubi rursus alius Stanislaum Ciolcū, armis, habituq;, qui luteus erat,  
inter ceteros fulgentem, ad singularem pugnam euocat. His auditis, currit ad Voiuodam  
Ciolcus, ac ut ipsum in sui honorem, tāto cum uiro hasta certare permittat, etiā atq; etiam  
orat, obsecrat. Cui is: Ego uerō (inquit) non sinam ut quisquam uestrum, qui diuitiores ha-  
bemini, tali barbarico certamine, periculo se exponat. E' re magis uestra futurum, si iun-  
ctis animis, dextrisq; hostem, ubi necesse erit, aggrediamini. Dolenter hac Ciolcus tulit.  
Hoste in prouocatione persistente, & lingua Slauonica, ueste, pennisq; nitentem prouo-  
cante, obsecrat prouocatus, ut, si hoc sibi non liceret, saltem quispiam suorum famulorum  
cum barbaro in arenam descenderet: ne impune Christianis insultare uideretur. Data fa-  
cultate, statim contra illum cum hasta prouit Paulus Chauzowskius: nec id segnius Tur-  
ca fecit: sed uterque cursu irritō. Tum Paulus, manu promptus iuuenis, districtum su-  
bito ensē fronti hostis infigit: adhuc uulneratum, ferrum haerens extrahentem, bra-  
chij corripit. Visa longiuscula luctatione, decurrunt ad commilitonem Stanislaus  
Vifga,



Vilga, & Stanislaus Niegozkius: hic, Baworowski, ille Herburti minister. Turca manibus Pauli elapsus, recipit se ad suos: qui subito, lethali cognito uulnere, complures adorti illos tres, egregie se à ui magna defendentes, undiq; petunt. Laborantib. subueniunt suis cum turmis Herburtus & Volskius: fit cædes magno strepitu, sospitat Christus prælum Christianis, barbari in fugâ uertuntur: quos ij cædentes acriter persequuntur. Exclamant imperatores, sine persequendi facto, pedem referrent, & ad signa redirent: clamitât & centuriones, inhibentq; frustra: adeo iam animi uictorum incaluerât, ut reuocari ab incepto non potuerint. Quod cernentes alij centuriones, non multis in castris relictis, pugnantibus animos suo aduentu addidêre. Tum uerò omnes simul multo feruentius hosti numero instare, cæsim punctim ferire, donec illos ad ipsa statua Valachica compulerût. Proiecti calore pugnandi ultra tubicines & tympana tribas, animaduertunt se nimium procul à suis abscessisse: quapropter coacti in unum, ad eos redeunt. Res mira, nec alij q̃ Deo, suorum pilos numeratos habenti, adscribenda, quod eousq; pugnando progressi, nec circumdati ab hostibus essent, nec in cōflictu acerrimo plures unico, qui fuit Volski, ceciderint. Reuersos palam obiurgabat imperator Mielecius, tacite laudabat fortitudinem: q̃ præter suum iussum, rem summi periculi pauci tentassent. Nos uerò, respondent, collegæ tui permissu id fecimus: quidni enim, Deo conatus secundante nostros, hostem fugientem persequeremur? Loco quodam cœnoso superato, qui haud procul Chocimo aberat, Turcæ nostros ea cum uociferatione assequuntur, ut uiuos deuoraturi uiderentur. Stanislaus uerò Czureli centuria maximè petebatur: ad quos conuertente se Czurelo, procurrat cum malo acuto Mielecij minister Radeckzius, bellandi cum Turcis gnarus: quem capiti unius ubi impigisset, eximere non quiuit: huc imitatus Czurelo, cum centum suis equitibus, tantum hostium numerum aggressus est, ut nostri inter illos dispersi, non iam apparerent: at imperator extemplo mandauit Ossowski, ut cum suorum equitum manu perturbatis succurreret. Cæterum Turcæ, uisis pluribus nostrum ad se, tanquam irritatis feris, currentibus eue stigio retrocesserunt: ut enim Scythas, ita etiam Turcas, fortitudo statim deficit ubi quis illis uiriliter resistit, imbellem si uideant, magno eum impetu inuadunt. Sex tantum e Czurelianis desiderati: at uerò Turcæ atq; Valachi concisi, contritiq; passim iacebāt. Tendentes nostros Nestrum uersus, Turcæ suo incurfu nouissimos penè attingebāt. Molestè id ferebat respectans animosus Herburtus: nihil tamen iniussu sui ducis tentare ausus. Tringinta Czeremissij ab tergo constituti, glandibus tormentorum incurstantes repellebant. Fuit ibidem quidā palustris locus, nostris transeundus: ad quem hostes celeriter cōcurrerunt, aditu eos prohibitori: uerū iussu uicarij imperatoris, exonerata contra illos à Stephano Garnissio, Herburti sub centurione, 12. minora tormenta, unum maius ab ipsomet Cioico, cōturbatos ultra montem reiecerunt. Exantlatis tot aduersis, tandē ad Chocimensem arcem, concubia nocte uenerunt: quam arcem Dobrossolouius Polonus, paruo presidio tenebat, & fide bona (cuius gens nostra natura seruās est) Bogdano tamdiu seruabat: ubi Turcæ nostros, ita securiores, & ordinis negligentes, facile oppressissent, ni Temrucus centurio, tamdiu illos sustinisset, dum singuli suis sub signis consisterent. Godzissewskius prior e centuria Goraiskij hostes sensit, deinde alij: q̃ celeriter à Sienawskio ordinati, productis ante aciem tormentis, hostem opperiebantur: nec res, tametsi copijs nostri multo forent inferiores, certamini moram fecit. Vetuerat autē Mielecius, ne quid ipse Bogdanus attentaret: sed contentus ijs quæ alij pro eo subirent, in castris, ubi erant præstantiores, maneret. Ibi prima contentio inter nostrum exiguum peditatū, & Valachos de sepe quadam orta. Dehinc Turcæ nostros inuadere, premereq;. Rogante Ciemerinskio auxilia, Temrucus & Herburtus, à Sienawskio ferre iussi, respondent, minimè cōmitti debere uelites loricatedos, uenabilis utentes, cum Turcis hastatis & scutatis (nam facile ab illis dispergerentur) sed hastatos cum hastatis, ut sit pugna equior: se uerò presto fore, ut hostem alia ex parte inuadant. Tali excusatione usus successit Sienawskij mandatu, Iacobus Iordanus: cuius centuria hastata ex imberbibus constabat, sed quib. erant animi Herculei, in hac quatuor fratres ipsius germani fuere. Hi omnes, diuina ope implorata, eo impetu in hostem incurrunt, ut nullius hasta ab aduersario aberrauerit: pugnantibus subueniunt à latere Herburtus & Sigismundus Rozenus: sed protinus resilierunt faucij Turcæ: quos hi uerberando, usq; ad ipsorum castra uarijs tramitibus fugarunt. Callidè autē, dum fugerēt, arma, pileos, cæteraq; impedimenta abijciebant, dummodo se insequentes ad ea colligenda pertraherent: sed quia de uita & gloria certamen fuit, spreta hæc omnia à uictore. Porro Garnissus, ubi illos plus satis excurrissē uidit, alta inclamauit uoce, ut seruato ordine retrocederent. Fecit hoc unum Lanczcoronskio Herburtus: redigunt paucos in ordinem à cæde retractos, & reducunt: Iordanianis nihilominus, uarijs in sylua locis, hostem dispalatum persequentibus. Inest enim nostris quidam pugnandi ardor, ut cessare nesciant antè quàm uel uincantur



uincantur uel uincant: ferrum nihil ducunt, modò ad illum qui ferit, perueniant, & cædendo cupiditatem expleant suam. Postquàm Turcæ nostros longè digressos, & omnibus destitutos auxilijs uident: de integro circiter sexcenti integri, quadraginta defessos aggreduuntur, & magno concursu multi paucos premunt: opportunè autem tunc ad illos forte fortuna delati fuere, Rozenus & Io. Radeczkius, generosi pugnatore. Tum Herburtus paucis socios cohortatur, ne ipsorum animi multitudine hostium labescerent: quos, Deo freti, non secus quàm prius disiecturi forent, modò honesti & famæ memores, quæ bona fortes sequitur, dimicarent uiriliter. Quibus dictis, secq̃ sequi iussis, incitat equum in hostes appropinquantes. Inuadunt in eos, etiã reliqui. Instauratur acris pugna, si quæ unquam alia. Qua crudescēte, auulsum ab alijs Herburtum permulti impetunt. Et ipse quidem singulari fato patriæ seruatus est: uerùm socij eius quatuor, Dobruçzkius, Golinskius, Vodziraczkius, Conarskius, interempti sunt. Vagabatur aliquandiu inter hostes Herburtus, pro Valacho ab illis propter uestem habitus: ita oculi illorum diuinitus obcæcati erant, ut, cuius conspectum toties fugissent, eum nequaquam agnoscerent. Sic ne in bello quidem, diuina homines probos destituit prouidentia. Verùm enim uerò ne illinc quoq̃ sine damno dato discederet nactus opportunum tempus & locum cōmodum, uni ē Turcis graue infligit uulnus, secq̃ subito fugæ mandat: fossam quandam mirè latam & profundam equo adacto transilit. Tollitur clamor Turcicè: Gaur, gaur, uur, uur. Valachi cè autem: Ocide, ocide, hoc est, Occide Ethnicum. Ad quæ uerba prosiliunt duo Turcæ: quorum unus à dextro latere ipsum ita sarissa petit, ut ex ephippio penè iam excuteret: alter, ab sinistro, momento eodem, (admirandam Dei prouidentiam) conatus transuerberare, in equum subleuat. Accepto tali beneficio, equo addit calcar. Fugienti, capite humerisq̃ gladio protectis, obuius fit Slesinskius, armiger Lanczkoronskij: hunc agnitū, sibi ut opituletur, si quid possit, orat. Facit hoc non impigrè armiger. Sed Turcæ, uiso præsentis auxilio, destitit cursu. Auxiliator benignè remuneratus, & magnā apud omnes, quod tantum uirum seruasset, inijt grātiā. Famuli mœsti, uiso reduce hero, maiore in modum refocillati sunt, perijisse illum iam opinati. In tam impari pugna, præter hos quos commemorauimus, haud plures uel octo, uel decem interiēre, qui erant Lanczkoronskij & Ioannis Iordani: quos inter nobilior fuit Stanislaus Gofdzikouuskius, Iordani collega, quo cum sui famuli occumbere, quam illo deserto, uitæ suæ fuga consulere maluerunt. Vulnerati non pauci. Cæteri ictus hostium incurrentium armis auercentes, incolumes ad castra reuēre. Venientes Cofielskius centurio, Turcas esse opinatus, hastis excipere uoluit, nī sermo Polonos esse prodidisset. Non desiere Turcæ in Cofielskianam centuriam, quæ primam aciem tuebatur, impressionem facere, donec eos Iacobus Iordanus, tormentis & pedatui præfectus, abegit. Fuit autem unus ex illis, præ cæteris audacior, magni (ut uidebatur) inter suos nominis: nam, quo cunq̃ iter intendebat, semper illum turmatim cæteri sequebantur, is identidem nostros ad pugnam lacessebat, nīmiū gestientem Młodeczkius, Kofielskij socius, globo petit tormentario: labētemq̃ ex equo hisce uerbis alloquitur: Itāne uerò hīc iam iaces bacchanal? Fuit enim pennis struthio cameli, & exuuijs leopardinis, instar personæ, cū Bacchi festum agitur, perbellè ornatus: hunc affecclæ correptum ad suos cursim deferunt. Post hæc Mielecius, rebus hostium bene consideratis, monitusq̃ à Pencoslauuskiō, Iac. Iordani uicario, castra illinc aliō mouit, ab hostibus ita infestata, ut castridem Gabrielis Remboskij, afsidui sectatoris Mielecij, glans ferrea attigerit. Tum autem Cofielskius, & mandatu ducis, & successu hortante priore, castra ad ortus hostilia, complures in eis interfecit: insuper tormenta aliquot parua, & signum militare rubrum, illis eripuit: tam audaci incursum hostes haud mediocriter perturbati: frequentissimi paucis cedebant, quibus eo modo repulsis, castra locata sunt ad Chocimum. Primarij in arcem ingressi: cæteri, stationes suas foris seruabant. Hinc Bogdanus ad Iuoniam mittit Radeczkiū, nobilē Mielecij famulū, orās eum ne sibi patriū dominatū, in quem ius haberet nullum, ui eriperet: alioquin non futurum diuturnum, inique acquisitū imperiū, cogitaret, nihil esse grauius quàm de statu pristinæ dignitatis, propter uim alicuius, demigrare. Ideo expectaret ab alio paria ijs quæ faceret alteri. Deum enim hac ratione solere ulcisci omnem iniuriā. Auxit rem eam uerbis pluribus. Quibus minimè motus Iuonia, legatū custodiæ Pyriczausi tradit: dehinc, cū nulla alia ratione quenquam ē Polonis nancisci uiuū potuerit, iure gentiū uiolato, Selymo imperatori, domino suo, mittit. Perductum ad Mehmet Bassā, ait Pyrus captum in prælio esse: negat id Radeczkius, sed tamen non fit ideo liber. Fuerunt tunc temporis Constantinopoli nobiles Poloni, Andreas Taranouuskius, & Christophorus Dzierkius: hic interpret, ille nuncius regis. Si non nihil tentauēre, ne quid grauius in infontem Radeczkiū statueretur: uerū Bassā, postquàm de strage suæ gentis hominū in Valachia, intellexit, nō solum tulit hoc acerbissimè,



acerbissimè, sed etiam captiuum, more aliorum remigū, toto corpore rasum, ad trémes damnauit: multa hi tū aduersa à Turcis experti. Non prateriendū hīc esse uidetur huius Dzierści, dum Constantiaopoli disceret sermonem Turcicum, singulare in gentē Poloniam studium: multos enim captiuos, uarijs artibus, dura seruitute liberauit: saepe hostium de nobis cōsilia, praesertim interregni tēpore, Senatui aperuit: pericula hoc nomine adiit: impensis non pepercit. Huius opera Mielecius (cuius is munificentia erga se maximè sensit) usus apud Bassam primum est, in liberando Radeczkiō: qui Bassa, cum & ex alijs Czauisis, (aulicos illi, qui huc atq; illuc cum mandatis mittuntur, sic uocant) & ex Petro Bogdani fratre, qui post ibidem decessit ē uiuis, cognouisset, Radeczkiū non in prēlio, sed legatione ad luoniam fungentem, captū fuisse: diu perquisitum (iam enim trémes in pelago erant) reddi Dzierškiō iussit: uerū (ut isti mali solent) clam ei porrecto ueneno: quod ipsi mortē attulisset, nī ibidē liberator, dato maturē remedio, succurrisset. Liberatus, rediit, post in patriam cum Martino Broniewskiō, ad petendas inducias, dum in locū de mortui Augusti, alius rex substitutus esset, missō. Mielecius, uidens indies copias augeri luonianas, suas uerò magis ac magis inedia confici, (nam dies aliquot equis nostrum, nullum aliud pabulū q̃ frondes & frutices erant) adhuc memor illius oraculi, Dei uoluntatē dari populis, abrogariq; reges: quamobrem, ne cum Deo pugnare uideretur, neue quos induxit, perderet, de reditu in patriam cogitare cōp̃it. Interim laslouiecius, copiarū regni Poloniae ductor, cognito Valachiae turbulento statu, iam iam erat Nestrū traiecturus cum equitatu octingentorum ferē uirorum, nī id prudens Mielecius dissuasisset: opinor, ne magis irritatis barbaris, suos in discriminē adduceret. Ne uerò nihil ageret, mittit quosdā ē suis ad praefectum Bialogrodensem, qui hāc illi dicerent. Hi (inquit) Poloni, quos Bogdanus, neq; rege, neq; me sciente, dominatū recuperaturus auitum, ē Polonia eduxit, amici mei sunt: quibus Caesaris tui uolūtas à Bogdano alienata, & in luoniā propensa, minimè nota fuit. At uerò, ubi ita se rem habere, ex Caesarianis quotidie crescentib. copijs perceperunt: reuerti illō unde exierant, uoluerunt, sed à tuis impediti sunt: quare, si lubet, ita tuos cōpescē, ne quod nostris abijciatur impedimentum. Quod nī feceris, necesse me erit cū his paucis, quibuscum ad terminos regni nostri & tui Caesaris ueni, breui plures habiturus, meos amicos ab omni iniuria tueri atq; uindicare. Quod si factū erit, uereor ne te cōsiliū tui poeniteat. Praefectus (Sendziacū illi uocant) simulatq; hāc audiuit, continuo Turcas atq; Valachos à ripa Nestri abscedere iussit. Traiscentibus nostris angustis nauigijs quinq; diebus flumen, multi equi ex eis praecipitati, ut fluminis abrepti ac suffocati sunt. Non discesserant uerò à ripa omnes Valachi: qui extremū agmen carpere conati, & à peditatu in tergo collocato cum tormentis, & ex ipsa arce Chocimensi, iaculis repressi fuere. Nostrī, traducto Nestro, Deo in primis, deinde ductorib. suis gratias egere: hi contrā illis, quod obediētes, quod fortes in praelijs se prebuisent. Vulgō creditū, Mielecium suis uitam à Deo deprecatum esse: non rarō enim pernox supplicare Deo uisus. Quamobrem magnā hinc ille laudem suo cū collega tulit. Ibant autem omnes seruatō ordine usq; ad Cameneciam arcē, diuina manu munitā. Vbi Bogdanus, indignē patrimonio spoliatus, actis omnibus gratijs, qui se ipsius causa innumeris periculis exposuerāt, cuius quidem eorū beneuolentia, quoad uiueret, qualicunq; fortuna, memor esse uellet: diuersum ab illis iter cū aliquot Polonis suscepit. Porro relictus in arce Chocimensi Dobrossolouius, cum septuaginta iaculādī peritis peditibus, fortissimè illā à ui Turcica aliquot hebdomadas, factis interdum eruptionibus, defendit. Hunc luoniā, cum nec precibus, nec minis eō adducere posset ut arce excederet: scribit ad laslouieciū litteras, quibus illam tradi sibi petit: se tale iusiurandum daturū suis cum proceribus promittens, quale rex Augustus dari mandaret: (nondū enim mors ipsius diuulgata erat) annuit laslouiecius, quod hāc mādata abs rege accepisset. Igitur in hāc uerba iurat: Nos (inquit) Iohā Voitoda, terrarum Moldauiae & Valachiae dominus, atq; haeres: iuro per Deum omnipotentē, ac ritu feudali promitto, nos successoresq; nostros, unā cum senatu & subditis nostris, fideles, constantes, obediētes fore sereniss. Poloniae regi Sigismundo Augusto, successoribus, senatoribusq; eius, ac ipsi reipublicae. Idem Senatus iurauit. Fuerunt autē isti praecipui: Iſaias episcopus Radziouienſis, Ioannes, Golofelt Moldauiae, Bogdanus. Post hāc Dobrossolouius, ab imperatore laslouiecio uerbis regijs iussus, cum milite ex arce descendit. His ita transactis, Turcae, Valachi, Scythae, numero circiter centū millia uirū, accepto de obitu regis Augusti nuncio, (erat autē septimus Iulij dies, quo uita functus est Sigismundus Augustus) intenti in Rusſiam, non prius à Nestro secedere uoluerunt, quā ea de re Caesarem consuluisent, & precibus luoniā à proposito reuocati essent. Parci foederatis Caesar Selymūs iussit: nisi fortē talem sibi ipsi cōstituerent regem, qui ipsius hostis esset. (quo in numero & Moschum & familiam Austriacam habebat) Lectus rex Henricus, Dux Andium, Henrici 2. regis Gal-



lorum filius: ubi regnum largitione quæsitum, & 4. solùm menses administratum, patrio postposuisset: hos eosdē Scythas discessu suo, anno Christi 1574. in Russiā, mense Octobris attraxit: quo anno luonia, iniquē partī dominatus: Valachi, perfidiæ pœnas dederūt.

**LEONHARDI GORECII, EQVITIS  
POLONI, DESCRIPTIO BELLI IVONIAE,  
VOIVODAE VALACHIAE, QVOD ANNO M. D. LXXIII.  
cum Selymo II. Turcarum Imperatore gessit.**

**ILLVSTRI AC MAGNIFICO VIRO, DN. AN-  
DREAE, COMITI GORCANO, CASTELLANO MIEDIRE-  
censi, Capitaneo Gnesnensi, Valcensiq̃, Leonhardus Gorecius, Eques  
Polonus, & se, & officia sua commendat, patrono ac  
mœcenati clementiss.**



**TTVLIT** mihi, magnifice Comes, Crassonius, puer fratris Rochi, à te ex castris literas: quibus mihi & gratias agis pro oratione ad te missa, qua Gedanenses ad deponenda arma, contra principem suum insolenter suscepta, hortatus sum: & ad maiora scribenda me excitas, eaq̃ in parte operam mihi tuam polliceris. Agnosco, illustris Comes, præstantem ac eximiam uoluntatem tuam, ad iuuantos uiros doctos promptam & alacrem: qui personā patris tui, olim in Repub. nostra florentissimi, & opibus, autoritate, acumine, iudicio facile principis, non solùm nomine, sed re ipsa repræsentas. Quare, ut me gratū esse tuæ huius beneuolentiæ declarem: hanc meam historiam Valachicam, in qua scribenda Barthol. Pa-procium sequutus sum, ad te mitto: quam non dubito quin sis eodem animo quo tibi offertur, accepturus: mihiq̃ commentaria rerum gestarū, non solùm de hoc Gedanensi bello, sed & quæcunq̃ de rebus maiorum nostrorum habes, suppeditaturus. Quibus ego habitis, & istud Gedanense bellum absolua, & historiam meam ad hæc tempora in quibus uersamur, pertraham: ubi se mihi præclarus locus mentionem honorificam Stephani, regis nostri potentiss. faciendi offeret: qui mihi & omni conformatione membrorum, & magnitudine rerum gestarū, illos priscos Reges Poloniæ, Boleslaos & Casimiros, repræsentare uidetur, qui non solùm Prussos cum urbe Gedanensi, sed & uicinas gentes perdomuerunt. Singulare certè beneficium diuinū in nos Polonos extitit, quod post occasum Sigismundi Augusti, talem regem habeamus, qualem hoc regnum hac in perturbatione rerū omnium, poscebat flagitabatq̃. Cuius quæ & quantæ uirtutes sint, initium regni demonstrauit, exitus post declaraturus est: qui de se uiuentibus materiā præclaram scribendi relinquet, & apud Deum immortalem æternum præmium consequetur. Quid enim hac in uita prodest alios laudare, eos ad summa sidera euehere, si diuinum iudicium non acceperit? Sed ego regem Stephanum utrunq̃ habiturū & spero & confido: quē & consensus totius populi laudabit, (quod iam nunc faciunt principum Germaniæ ad eum missi legati.) & præclaris eximijsq̃ uirtutibus suis, habita in Christum fide, æternam immortalitatem consequetur. Cæterum Christiani monarchæ cogitent quàm longè lateq̃, uirus acerbioris suæ Mahometes propagarit ob hæc intestina eorum dissidia: quæ utinam inter eos cōquiescant, omnesq̃ simul iunctis armis, eadem huic terribili hosti nominis Christiani inferant: quibus ut Deus successus det, ex animo precor. Sed iam lege, si placet, hanc historiam, ex qua & cognosces nō tam ualidas esse Turcarum uires, ut consensu Christianorum ac concordia debellari non possint: & præclaras uirtutes Polonicorum equitum recognosces, quorum opera luonia usus Turcas ad internecionē persequutus est: à quibus minimè degenerasse tui quoq̃, tunc uisi, cum pauci cum multis ad Dantiscum 12. Augusti dimicarent, Sdrouuscusq̃, tuus insignem quendam Hællum cepisset, ex quo permulta rebellium contra regem suum cōsilia cognita sunt: ad uerò id 17. Aprilis maximè apparuit, cum duo millia nostrū, Hungarorumq̃, duodecim Gedanensium millia ita profligarunt, ut quater mille & quingenti hostes in acie ceciderint, mille uiui capti fuerint, & nostris solùm duodesexaginta cæsis: quā historiam Laficius noster, ut uerè, ita breuiter, historico stylo descripsit. Vale, illustris Comes, Gorecij tui memor. E' Saniki, 15. Octob. a. mo 1577.

**CASPAR LINDENERVS, MEDICVS ET  
philosophus Posnaniensis.**

Historiam uitæ ueteres dixere magistrā:

Historiæ quando multa docemur ope.

Tam bene quis Romam, doctas quis nosset Athenas,

Liuius æternum nī fabricasset opus?

Non multi legerent Valachū, uel gesta Polonū,

Nobile Gorecij si latuisset opus.

Hinc potes effectus bellorum, & discere causas,

Et quā Turcarum sit malè tuta fides.

**LEON.**



LEONHARDI GORECII, EQVITIS  
POLONI, DESCRIPTIO BELLI IVONIAE,  
PALATINI VALACHIAE, QVOD IS CVM SELYMO TUR-  
carum Imperatore, magno cum successu gessit ab initio, demum

à Ieremia Czarnauuieczio Valacho proditus, & à Tur-  
cis contra fidem datam ac sacramento con-

firmatam occisus.



ELLVM scripturus, quod ab initio magno cum successu Iu-  
nia regulus Valachiae, cum Selymo Turcarum Caesare gessit,  
operæpretium me facturum puto, ut de situ Valachiae, incre-  
mentis gentis, feracitate soli, moribus, & de alijs ad eam rem  
pertinentibus, ex secunda decade historiae gentis nostrae Polo-  
nicae, quam uiginti libris, usque ad exitum Sigismundi primi,  
regis Poloniae, persecuti sumus, dicam. Valachia, quae olim  
Mysia & Dacia dicta fuit, habet ab ortu Euxinum, à meridie  
Istrum, seu Danubium: ab occasu Transyluaniae, ad Boream  
Rusiae, seu Roxolanis, contermina. Tota regio in partes duas

Situs Vala-  
chie.

diuiditur, in Valachiam Transalpinam, ac Moldauiam. Transalpina quidem, ab oriente  
habet piscosum lacum, quem Hirasius amnis, ab accolis Pruthes uocatus, efficit, suis de-  
niq; aquis adauctum, ac late stagnantē relinquens, in Istrum euoluitur: ad meridiem uer-  
git terminata Danubio, atque item ab occasu Transyluaniae fines attingens, ad oppidum  
Seuerinum, ubi Traiani pontis admirabiles pilae triginta quatuor, nequaquam totas ob-  
ruente Danubio, uisuntur. Ad Septentrionem autem finitur Hoina, ignobili flumine, &  
directis terrestribus terminis ad Istrum, curuata admodum regionis fronte contra Pau-  
cem insulam, spargente sese primò in ingentes ramos profluente Istro, antiquis scriptoribus

Danubij de-  
scriptio.

notam, quam hodie Barillanam dicunt. Oritur autem Danubius in iugis Arbonae mon-  
tis Germaniae, ex aduerso Rotmilae oppidi Sueviae, in Nigra sylua apud pagum Donef-  
sing. Vbi primùm Illyricum alluit, Ister appellatus, sexaginta amnibus receptis, medio fer-  
me numero eorum nauigabili, in Pontum uastis sex fluminibus, euoluitur. Altera pars  
Valachiae, agrorum & pastionum multitudinem maior, armentisq; & militaribus equis opu-  
lentior, ab amne Moldaua, qui mediam interfecat, Moldauia dicitur. Is ortum habet pau-  
lò infra Hirasi fontes è Transyluaniae montibus, quibus antiqua Dacia ad ingentis thea-  
tri similitudinē, obuersa in occasum scena praecingitur, delapsusq; Soczauiam, quod op-  
pidum est sedes Palatinorum, praeterfluit. Atq; inde uiolentus Hoinam, Dobenisam, Ar-  
giamq; paruos, sed perennes amnes secum trahens in Oltam effunditur. Oltam uerò, qui  
antiquitus Allutus fuit, non Transyluaniae modò, cuius partem ab aduersis montibus de-  
scendens rigat, sed Moldauiae & Transalpinæ minora flumina, in orientē reflexus, ad Ni-  
copolim in Danubium rapit. Omnium uerò amplissimus Tyaras, qui ab incolis uocatur  
Nester, ad Aquilonem Moldauiam terminat. Ortus enim à Carpatho monte Sarmatiae,  
& rectà in Euxinum contendens, Rusiae & Podoliae fines tandem attingit. Qui primi lo-  
ca Valachiae tenebant, nihil potest certi ex tanta uetustate scriptorū erui, quam uarię gen-  
tes, ut Vngariam, obtinebant. Hodiernę gentis Valachiae originem quidam referunt ad  
Flaccum praesidem Romanū, à quo nomine leniter deflexo, & ipsa Valachia nuncupata

Hodierni Va-  
lachi ad quem  
stirpem suam  
referunt.

esse uidetur. Ab eo enim tempore quo Flaccus cum imperio Mysiae siue Daciae praefuit,  
quae ultra Istrum ad Scythicam gentem extenditur, Flacciam appellari constat: quam de-  
mum corrupta uoce, senlim in Valachiam abiisse perspicimus. Apud Valachos enim nō  
modò Romanae disciplinae mores certi, legesq; uigent: sed ipsa quoq; Latinae linguae uo-  
cabula permulta seruantur. Vnde Vulochorum & Valachorum nomen idem quidā esse  
uolūt, quos Vulochos, id est, Italos, etiam Germani lingua sua Vuelschen uocant, utraq;  
gens Itala: ideo cōmune nomen. Qua ratione autem eam regionem Flaccus occupauit,

Flaccus quā ra-  
tione Vala-  
chiam occu-  
pat.

Aeneas Syluius, qui post Rom. pontifex fuit, sic tradit. Tempore Traiani Imperatoris,  
Daci, seu Gothi, detrectantes Romani iugum Imperij, missus est eò Flaccus cum triginta  
millibus hominum, quibus in coloniam deductis, ibidem ararent, commeatum Romano  
exercitui, qui ibidem semper in armis contra Scythas ac Sarmatas fuit, praerberent. Vnde  
post interiecto tēporis pulsus Gothis, illa tota regio, quae Valachia à Flacco est appellata,  
Romanis cecidit: cuius sententiae haud poenitet me esse. Sed diuersum alios scripsisse uide-  
mus, qui Syluium, in laudem suorum propensum, falsa tradidisse affirmāt. Post quem qui

GG

scripsere



Aliorū de Va-  
lachia multis  
sententiis.

Moldavia  
quando à Tur-  
cis occupata.

Valachia Vn-  
garis, Polo-  
niisq; subiecta.

Lascius Despo-  
tam in Vala-  
chiam restituit.

Reguli Vala-  
chie insignes.

Dracula.

Petrus.

Mores Vala-  
chorum.

Perfidia Vala-  
chorum.

scripsere historiam, eadem quidem de gentis origine, sed diuersa ratione scribunt, qui ho-  
diernorum Valachorum stirpem ad Romanos quidem referunt, sed ad exules, qui eò re-  
legati erant. Quorum cum tantus numerus fuisset, ut non tantum contra incolas poten-  
tes fuerint, sed & Gothis inde electis, fidelem operam popularibus suis nauandam rati:  
ponte Danubio imposito, eadem loca obtinere: qui in partes duas diuisi, uti à nobis di-  
ctum est, Valachos Transalpinos, ac Moldauios: utraque pars regulos suos habuit. Nam  
Transalpina Valachia, quæ à Turcis Carabogdana minor, eò quod nigrum frumentum  
ferat, uocatur, præcipuam ciuitatem Tarnouizam habet: quæ est regia regulorum Tran-  
salpinæ Valachia, qui continuo parendi obsequio, Turcarum amicitiam tuentur, au-  
reumq; nummum myriadem, tributum nomine quotannis pendunt: eaq; uel indecora pace  
perfruntur, quod impune fidem mutare nequeant, cum in opposita Danubii ripa, Ser-  
uia, Bulgariaq; præsidia in antiquis Triballorum sedibus spectentur. Illa quoque pars  
Valachia, quam Nester à Podolia disiungit, à Turcis duce Mahomete Cæsare, qui Con-  
stantinopolim: olim Byzantium dictam, ceperat, subacta, eisdem tributum pendebat: sed  
superiori anno, luonia à Turcis per fraudem capto, ac crudeliter occiso, utraque Valachia  
Turcarum ditionis facta est. Modicum tum ab initio tributum Turcicis imperatoribus  
Palatini Moldauia pendebant: eò quod Casimirus, pater Sigismundi primi regis Polo-  
nia, occupatus bello Crucifero, Petrum iuuare contra Mahometem non potuit: cui Ma-  
hometes nomine tributum, solum duo millia nummum aureum, anno à Christi regis ortu,  
supra millesimum quadragesimum quinquagesimo quinto, imposuit. Demum in-  
teriecto tempore, Imperatoribus Turcicis Asiatico, Persico, Ismaelitico, Aegyptiaco bel-  
lo distentis, Valachi partim imperio Vngarico, partim Polonico subiecti fuere. Qui post  
in tantas vires creuere, ut nostris exercitibus aliquoties deletis, Vngarorum iugo excus-  
so, demum ad imperium Turcarum pertracti sint. Iurabant & in uerba regum Polonia,  
se cum eis pacem habituros: quibus semper uectigales fuere. Ac si maior uigilantia de-  
mortui Augusti regis fuisset, etiamnum Valachia uectigalis Polonorum esset: cuius op-  
pido Chocimo Albertus Lascius, uir consilio, manuq; promptus, aliquandiu obtento, re-  
gem Augustum obestabatur ut sibi daret auxilia: nam se Valachiam totam facile eius ad-  
iecturum imperio: per eumq; Iacobus Despotes, perq; Lassocium, Philippouium, ac cæ-  
teros (qui genus suum ad antiquos regulos Valachia eodem nomine appellatos refere-  
bat) superioribus annis in Valachiam restitutus fuit. Electoq; Alexandro, tanti motus bel-  
lorum in Valachia excitati fuere, ut à Valachis Despota crudeliter occiso, ac Vifnieuicio  
insigni bellatore capto, & in Turcicam missò, (de quo ibidem supplicium sumptum est)  
Lascius Chocimum nonnullo temporis spatio retentum, post Alexandro restituere co-  
actus fuerit. Alexandro filius Bogdanus successit, Bogdano luonia, (Ioannem ea uox si-  
gnificat) de quo hic historiam scribendam sumpsimus. Is armis Turcicis adiutus, exerci-  
tu Bogdani profligato, aliquandiu Valachis præfuit. Habuit Valachia insignes ac bello  
egregios ante hæc tempora regulos: in primis uero illum Stephanum, qui sæpissimè tot  
exercitibus Moschorum & Scytharum deletis, ex eis præclarissimas uictorias reportauit;  
omnibusq; terrori ac formidini fuit, præcipue autem Turcis, quorum numerosos exerci-  
tus profligauit, ad internecionemq; dedit: deinde Draculam, quem ut Matthias rex Vn-  
garorum in officio retineret, pro amisso Moncastro ad Turcas Czizouiam & Cechila-  
lum oppida, dono ei dedit. Ea sunt in extrema Transyluania parte, qua per saltum Mol-  
dauia iungitur. Quibus uirtute bellica ille Petrus haud inferior fuit, uiolento indomi-  
toque ingenio præditus, ob idq; Selymo Turcarum imperatori minus charus: ex quo Si-  
gismundus memorabilem uictoriam, authore Ioanne Tarnouio, uiro omnibus Impera-  
toris uirtutibus instructo, ad Obertinum reportauit. Mores, religio, sacra Valachorum,  
ad Græcas, Armeniacasq; ecclesias accedunt: apud quos sacerdotes uxores ducunt.  
Gens equitatu pollet. Nam qui uis, uel egentissimus, domi equum alit, quo prædatur ac  
militat. Scuto, hasta, galea, quemadmodum Vngari uti solent: nonnunquam lancea mis-  
sili atque arcubus rem gerunt. Equi eorum pectorosi, robustiq; non pernicitate quidem  
in cursu, sed perseverantia & uiribus maxime probantur. Proinde mos est, tenellis, cum  
castrantur, nares præscindere, ne angusta respiratione fatigentur, quando nec mediocris  
equi laus sit triduo, uel per æstiuos soles, bellicæ agitationis laborem pertulisse. Tanta  
perfidia gentis est, inconstantiaq; in regulos suos, ut facta in eosdem conspersione, leui  
de causa eos interimant, nullaq; claritudinis & stirpis ratione habita, pecuarios, uel sordi-  
dissimos quosque in locum regulorum asciscant. Regio adeo ferax, tantaq; multitudo  
bouum in illa est, ut & in Russiam, post in Germaniam quoque, si adducantur, qui inter  
alios maximi sunt. Habet copiam uini & hordei, nec tritici indiga. Malmaticum uinum  
ex Turcia, & id genus alia in Poloniam Armeni per Valachiam aduehunt: piper item  
crocum,



crocum, pretiosa aromata, peristromata, quæ sunt instrumenta luxuriæ. Atq; hæc obiter de Valachia: nos ad institutam historiam reuertamur. Bogdanus igitur, Valachia post mortem Alexandri obtenta, adeo Turcarum imperium aspernari uisus est, ut cum Augusto rege Polonis, anno millesimo, quingentesimo, septuagesimo secundo, mortuo, foedere perpetuo percusso, legatis missis impetrauerit, ut sibi ex Valachia in Russiam, quando uellet, commeare, domos magnatum uetustæ stirpis inuisere liceret, ut cuius uirgo sibi pudore, formaquæ præstans placeret, eam uxorem duceret, ac ut ex foedere belli tempore Augusto regi uiginti quatuor millia equorum armis, uirisq; instructa mitteret. Omnium de eo uulgatior fama fuit; eum bona sibi in Russia emere uoluisse, ac Valachica gente perfidissima, si quis ita casus tulisset, uel si à suis pelleretur, relicta, in Russia mansurum fuisse. Augustus Turcicam fidem suspectum habens, (quorum Turcarum si non instinctu, at saltém conuiiente Selymano, patre Selymi, Scythæ, gens bello inuicta, illam partem Russiæ quæ Nestrum attingit, sæpè ingenti clade belli affecerunt, oppida, uillas, uicos exusserunt, maximam multitudinem pecorum, pariter cū hominibus, abduxerunt) ut Bogdano in fide retento, si quando bellum contra Turcas suscipiendum foret, habita Valachia foederata, (quæ inter ditionem regum Poloniæ, ac Turcicum imperium, tanquam firmissimus murus, propugnaculumq; quoddam, est interposita) omnem barbarorum impetum facilius sustinere posset: adhæc, non ignorans, maiores suos sæpè cum Valachis religiosissimè foedus conseruasse, quibus sæpè periculosissimis ac difficillimis temporibus contra uim Turcarum auxilio fuere: id facillè Bogdano cōcedit. Bogdanus igitur, hac tali amicitia tantis regis fretus, sæpius in Russiam uenit, summorum domos obit, eos muneribus explet. Quæ cum ad aures Selymi Turcarum imperatoris, qui iā Selymano patri in imperio successerat, perlata fuissent: in primis uerò illa re offensus, quod tantum equitatum Augusto ex foedere in subsidium belli dare debuit: tacitis consilijs agit, ut abdicato imperio Valachiæ Bogdano, illud ad quempiam alium deferret, cogitans, si quādo sibi cum Polonis, gente ad arma nata, belligerandum foret, eis Bogdani arma, ac totius Valachiæ, maximo adiumento fore. Iamq; Bogdanus ingenti inuidia apud suos populares flagrabat, eo quod non solum totum se ad amicitiam Polonorum contulerat, sed eisdem militari stipendio constituto, eos apud se liberaliter fouebat, Sborouioquæ Christophoro, fratri Petri, Palatini Cracouiensis, sororem se suam in matrimonium daturum pollicetur, quoniam ante Casparo Panieuio Russo alteram dederat. Sborouius ea ex re lætus, quoniam ingens æs alienum contraxerat, ut ex eodem sese euolueret, ad Bogdanum magno comitatu, pulcherrimo habitu exornato, in Valachiam uenit: à quo post elusus, uindictam animo spirans, re infecta in Russiam, ubi amplas possessiones habebat, redit: ac si quando occasio daretur, ut Bogdanum ulcisci posset, animo intentus erat. Bogdanus igitur adornata profectione in Russiam ad Ioannem Tarlonem, cuius filiam, uirginem specie ac pudicitia insignem, in matrimonium ducere statuit, transmissio Nestro in cisis, quoniam tum glacie obduratus erat, uno atque altero ministro comitatus, longeq; à suorum agmine se iunctus, in Sborouij puerum, quem ille cum literis peregrè miserat, incidit: qui à Bogdano cuius esset percunctatus, dolenter lamentatur se literas cum farcinula amisisse, quas herus suus sibi perferendas commiserit. Quare subditis equo calcaribus, ad herum redit: ubi Bogdanum nullo comitatu septum uiderit, narrat. Ibi Sborouius cum aliquot ministris, conscensis pernicipibus equis, ad Bogdanum aduolat: cui à Secignieuio, nō impigro iuvene, secundum aurem uulnus infligitur: dehinc eum Sborouius secum abducit, & in custodiam dat: nec aliter dimittere uult, quā sibi satisfaciat pro impensis & damnis, quæ subierat cum ab ipso in Valachiam uenire iussus esset. Bogdanus tam inopinato periculo circumuentus, sex millia nummum aureum Sborouio dat: reliquam pecuniam se ad certum tempus dissoluturum pollicetur: pro quo Panieuus fidem interponit. Constat id factum Sborouij Augustum regem iniquo animo tulisse. Valachi igitur, siue fidem Bogdani suspectam habentes, siue eum in Polonia interijisse rati, Selymum sollicitabant ut ipsis alium, in locum Bogdani, daret. Erat Iuonia (quem quidam Polonum fuisse, in Masouia natum, dicunt) stirpis Valachicæ, qui se antiquis prognatum regulis Valachicæ aiebat, uir proceræ staturæ, facie decora, oculis gracilibus, quodammodoq; minacibus, toto corpore lacertosus, uiribus pollens. Is igitur post mortem Alexandri, uiuo adhuc Selymano, Palatinus Valachiæ fieri uoluit: cui ille Bogdanum, filium Alexandri, prætulit. Aliquandiu post hæc in Russia ac Turcia unā cum Ieremia Czarnieuieczio Valacho, cuius in eum hoc in bello insignis perfidia extitit, uersatus: ut sibi animos Turcarum magis atque magis conciliaret, suscepta circumcissione ac religione Mahometana, animum ad amplam, copiosamq; mercaturam exercendam adiecit. Cuius magnitudine ac splendore, non solum in purpuratorum, qui Bassæ (id est capita) uocantur, notitiam

Inchoat histo-  
riam.Consilium Se-  
lymi de abdi-  
cando imperio  
Valachiæ Bog-  
dano.Aduentus Sbo-  
rouij in Vala-  
chiam.Aduentus Bog-  
dani in Rus-  
siam.Bogdanus se  
Sborouio rede-  
mit.Origo Iuonie  
stirpis.



*Iuonia sollicitat purpuratos.* peruenit, sed & ipsius Selymi. Is igitur ex purpuratis cognito consilio Selymi de imperio Valachiae alteri demandando, eos largitionibus corrumpit, oratq; auctoritatem suam apud Selymum ita interponant, ut ipsum Voiuodam Valachiae renunciet. Ostendit fidem Bogdani esse suspectam, qui se totum ad amicitiam regis Poloniae contulerit: fieri posse ut Polonosum auxilio adiutus, post Turcarum imperium excutiat, abijciatq;. Selymus, propensa purpuratorum uoluntate cognita, nactus absentiam Bogdani, qui in Russia degens ex uulneribus nondum conualuerat, Palatinatum (id est, dominatum) Valachiae ad Iuoniam deferret, eumq; per speciem mercaturae exercendae, in Valachiam, addito ei numero equitatu, ut omnes in uerba ipsius, iussu Selymi, iurent, mittit. Dicitur ea de re Augustus rex cum Selymo exposulasse. At ille respondit, Iuoniam in Valachiam causa mercaturae exercendae profectum esse. Iuonia in Valachiam ueniens, facile ab omnibus iuramentum accipit. Est arx in Valachia Chocimum, natura loci munita, quam firmo praesidio Bogdanus firmauerat: hanc praesidiarii milites Turcis dedere nolunt, sed eam contra uim ipsorum strenue defendunt. Bogdanus de rebus domesticis turbulentis certior factus, ut se contra uim Turcarum tueretur, ac defenderet, auxilium sibi ex fœdere ab Augusto dari postulat: cui quatuor millia equorum, plus minus, dantur, ductore Nicolao Mieliecio, Palatino Podoliae uigilantissimo, sapientissimoq;, ut ipsum in Valachiam reduceret: sed incassum. Nam adeo uires Turcarum in Valachia inualuerant, ut ille totus exercitus cum Bogdano in Valachiam missus, collocato Chocimi Bogdano, in Russiam incolumis regressus sit, non tamen sine caede Turcarum: qua in expeditione, preclara uirtus cum aliorum, tum uero Nicolai Herbuti, nobilis ac egregij uiri, belloq; clari, enituit: qui uadique ab equitatu Turcico septus, eorum acie perfracta, multis occisis, ad suos nullo lethifero uulnere accepto, saluus rediit. Bogdanus uero, aliquandiu Chocimae moratus, eam arcem, quam firmissimo praesidio potest, munit: qua Dobrosolouio, stirpis Polonicae uiro egregio, commissa, ipsemet in Moscouiam fugit, illicq; degere dicitur. At Dobrosolouius, nonnullo temporis spatio Chocimensi arce retenta, eam post Iuoniae tradere, ita iubente Iaslouiocio, magistro equitum campestri, cum id Augustum uelle (cuius tum mors nondum diuulgata erat) dictaret, coactus fuit. Iam Iuonia omni turbulento statu Valachiae composito, eum pacate obtinebat, tributum solitum Selymo pendens: ex his quoque supplicium, quos sibi aduersari uidet, sumit: praesertim ex propinquis Bogdani, summo loco ortos, opibusq; florentes, crudeliter contrucidat, fortunae suae impendentis immemor, paulo insolentius uictoriam exercet. Erat Palatinus Transalpinus Valachiae, quem non mediocriter fortuna Petri fratris sollicitabat. Quare de eo anxius, Selymi purpuratos in regia prensabat, ut, quemadmodum Bogdanum Iuonia, fultus auxilio Selymi, ex Valachia eiecerat: sic Petrus adiutus auxilio eiusdem, posset Iuoniam eicere. Quare eadem uia purpuratos, qua olim Iuonia, aggreditur: & si Palatinatum Valachiae apud Selymum fratri Petro impetret, se duplo maius tributum, hoc est, centum utriginti millia nummum aureum, daturum pollicetur. Iuoniae fidem esse suspectam, qui religione Mahometana spreta, iterum Christianam susceperit, ideoq; Christianis apprimere faueat: foreq; breui ut Bogdanum secutus, post ad amicitiam Polonorum se conferat, quorum auxilio adiutus, Turcicum imperium abijciat. Purpurati, magnitudine tributum pellecti, ac hisce uerbis moti, Selymo suadent, ut missa legatione ad Iuoniam, ipsum met ad se uenire iubeat, illiq; quem eo mitteret, Valachia cedere. Quod si dicto ipsius minus pareat, id se armis consecuturum. Selymus, qui ingenti cupiditate pecuniae flagrabat, post profusum ararium in classem quae in Ionio mari a Venetis, post captam ab ipso Cyprum, in alto depressa fuit, ad id se facile pertrahi patitur. Quare legatum ad Iuoniam mittit: quem sic uerba fecisse, quae dies erat uigesima prima Februarii, cum Henrico Gallo a nostris Cracouiae diadema imponeretur, accepimus: Selymus Turcarum Caesar, Iuonia, Palatinae Valachiae, me ad te tributarium suum, cum hisce mandatis, quibus te quam primum, nulla mora interposita, satisfacere uult, mittit, ut sibi tributum, non quale olim, sed duplo maius, nimirum centum uiginti millium nummum aureum, mittas. Ni feceris, est alius qui idem se tributum ipsi sua cum posteritate daturum pollicetur. Sed Selymus, memor constantiae, uirtutis, fidei tuae, non uult tibi in imperio Valachiae molestus, si id tributum quamprimum mittes, esse. Quod si id detrectas, cede alteri, ac euestigio simul mecum ipsemet, ad dicendam causam, Constantinopolim proficiscere. Si tibi id molestum est facere, Selymus me tibi denuntiare iussit, se cum firmissimo equitatu, alium ad occupandam Valachiam missurum: cuius uoluntati si tu aduersaberis, te ad extrema quaeque adducet: tibiq; non solum de regno, sed de uita periclitandum erit. Haec legati uerba in animum Iuoniae, altius quam quisquam existimare potuit, ascenderunt. Quare dissimulata animi aegritudine, legatum suos in hospitium deducere iubet: rem esse maioris



toris deliberationis, quàm ut eadem die legato possit responderi: ac, cum ad totum Senat-  
 um pertineat, eum se extemplo conuocaturum dicit, ac ea de re, tam ardua & difficili,  
 consulturum, quidquæ omnes animi habeant, se ei statim dicturum. Deducto legato in  
 hospitium, omnia postulata Selymi animo pensat: gentem uniuersam Turcicam esse per-  
 fidissimam, quæ Christianis regibus fidem iuramento confirmatam (quamuis ipsemet  
 Christiana fide abiurata, nescio quò pacto iterum Christianus fuerit) non seruet, sed ca-  
 prata occasione eos in fraudem inductos fallat, decipiatq;. Si id tributum, tam amplum,  
 in tanta inopia regni, quod ciuilibus belli exhaustum sit, concedat, eo Selymum minimè  
 contentum fore, sed illud insequenti anno aucturum esse, taleq; demum exacturum, qua-  
 le cum uniuersa gente non possit dissoluere: nec se iam tutum fore, exorto alio qui hæc  
 imperata sit facturum. Quare uniuerso Senatu ad se conuocato, in hunc modum ad eum  
 uerba fecit: Si unquam de re ardua ac difficili uobis consulendum, deliberandumq; fuit,  
 hoc certè tempore est. Nam Selymus incredibili avaritia æstuans, nescio cuius instinctu,  
 non contentus eo tributo quod ei pendere soliti sumus, duplo maius à nobis extorquet.  
 Si concesseritis, mea nihil refert: utpote cum non mihi, domino, sed uobis, liberisque ue-  
 stris pendendum sit. Quòd si id negamus, extemplo uim, bellum, direptionem oppido-  
 rum, incendia, rapinas denuntiatur. In hac igitur inopia regni nostri, quod est uniuersum  
 ciuilibus bellis exhaustum, quomodo ei illud dissoluere poterimus? Proinde quid o-  
 mnes animi habeatis, exponite. Ego quidem illud animo prouideo, si tam amplum ac  
 immensum tributum Selymo iam concesseritis, minimè eum fore contentum, sed singu-  
 lis annis maius exacturum, donec opes nostræ planè exhauriantur. Præstat igitur uitam  
 pariter cum uxoribus, paruisq; natis amittere, quàm tantum dedecus pati. Nec fortuna  
 mea adeò angor: cum sciam illud uobis esse pendendum, non mihi. Quare si hanc inde-  
 coram, flagitiosamq; seruitutem non uultis pati, omnes absque ulla cunctatione dicite.  
 Ego certè diligenter prouidebo atque curabo, ut huic Ethnicæ cani, non solum hoc no-  
 uum, tamq; amplum tributum dem, sed ne ullum planè deinceps pendam, dummodo  
 uos mihi non defueritis. Scio, collegæ charissimi, quid ego uobis debeam, quid Reipub.  
 uestræ: pro quorum salute ac incolumitate uitam meam profundere paratus sum. Hæc  
 ubi dixit, tacitus mœror, ac insolitum silentium, uniuersum Senatum cœpit: tandem tan-  
 quam graui somno expergefacti, fremunt. Seruitutem sibi à Turcis imperatoribus mul-  
 tiplicari. Iuoniam non tam luculenter quàm uerè de tributo loqui. Mori se malle, quàm  
 tantum dedecus, summa cum turpitudine coniunctum, pati. Proinde, uxores, liberos, ac  
 quicquid preciosioris suppellectilis habeant, in arcem Chocimensem, cuius munitioni fi-  
 dant, se importaturos, ac ibi omnia se collocaturos, pollicentur, seq; Iuoniæ proprijs sum-  
 ptibus militaturos, hostiq; ad Danubium, qua parte ad se delendos ueniat, unà cum illò  
 occursuros, cum eoq; ad ultimam dimicationem congressuros: quæ omnia se iureiuran-  
 do facturos confirmant. Iuonia, omnium constanti uoluntate cognita, paucisq; uerbis  
 collaudata, fidem ac iusiurandum omnes inter se dare iubet, ut simul secum iunctis ar-  
 mis, Turcas ad internecionem persequantur: se uerò etiam atque etiam diligenter curatur-  
 um, ut non solum influentes copias Turcarum, à ceruicibus Valachiæ rejiciat: sed lon-  
 gè, lateq; eorum regno euastato, honestam pacem ac quietem unà cum eis sibi compa-  
 ret. Accepto ab omnibus iuramento, legatum ad se Selymi accire iubet: cui tale respon-  
 sum audiente Senatu dat. Equidem pro ueteri fide mea, quam datam Selymo domino  
 meo conseruare solitus sum, de dando tributo libenter parèrem, ni uoluntatem meorum  
 ab eo abhorrere scirem: qui quæque acerbissima ac durissima ferre malint, quàm eam in-  
 decoram seruitutem, nulla ratione ferendam. Quare, cum id à meis nullo pacto extor-  
 quere queam, Selymum me, ne in malam partem accipiat, uehementer precari: cuius ami-  
 citiam mihi ornamento & præsidio, non detrimento esse uelim: ideoq; me ea spe Palati-  
 natù Valachiæ ab illo & petiisse, & ob meam singularem fidem in ipsum, obtinuisse. Quæ  
 spes ne me fallat, etiam atque etiam oro. Hisce dictis legatum, nulla mora interposita, e si-  
 nibus Valachiæ excedere, eumq; nullis muneribus, uti alios legatos solitus erat, orna-  
 tum, equites Valachicos ad ripam Danubij deducere iubet. Quæ res ipsi haud medio-  
 crem suspicionem attulit, Iuoniæ animum esse à Selymo alienum. Iuonia, responso dato  
 legato, ad comparandum exercitum continuò animum adiecit: ubi illicò omnes pedites  
 stipendio militari inautorati: quiq; equo stipendia merere soliti erant, ad Iuoniam conue-  
 niunt: qui iuramento se iterum atque iterum obstringunt, se contra Selymum, tam crude-  
 lem dominum, ad internecionem, supremamq; dimicationem, pugnaturus, omniaq; po-  
 tiùs, patriam, uitam, uxores, charissima pignora liberos, amissuros, quàm Palatinum  
 suum deserturos. Tributum autem se statim exacturos, in idq; collaturos, ut Iuonia equi-  
 tibus Polonicis, quorum tum maxima opinio uirtutis esset, militari stipendio in-  
 autoratis

Consultatio  
Iuonniæ.Oratio Iuoniæ  
ad Senatum.Mœror Sena-  
tus Valachiæ.Iuonia legato  
respondet.Iuonia legatū  
ex Valachiā  
excedere iubet.Iuonia exerci-  
tum comparat.



*Legatio Iuonia ad Henricum regem Poloniae.*

*Henricus Palatino respondet.*

*Velites in Valachiam proficiscuntur.*

*Ductores exercitus Kosacorum.*

*Iuonia ad uelites proficiscitur.*

autoratis, expedita opera eorum in bello contra Selymum utatur. Quo consilio Iuonia auidè arrepto, credidit illos fideles erga se fore. Itaque legatum suum Cracouiam ad Henricum & uniuersum Senatum, eum de statu rerum Valachicarum certiore faciens, mittit, in quo periculo constitutæ sint demonstrans, auxiliumque ab ipso petens: sibi enim cum Selymo acerrimum bellum fore. Reges Poloniae cum Palatinis Valachiae semper fœdus religiosissime conseruasse, ac eos contra Turcicos imperatores defendisse, semperque hos regum Poloniae clientes fuisse: ob eamque causam tanto temporis spatio regnum Poloniae saluum ac incolume stetit: alioquin, Valachia armis Turcicis occupata, statim regnum Poloniae in summo discrimine futurum. Nunc se regem maximè operè orare, non ut aliquo conducticio milite se iuuat, sed ut Camienieciae, Leopoli, passimque in reliquis oppidis, per præconem proclamare iubeat, quicumque in Valachiam ad accipiendum stipendium militare proficisci uelit, Palatinum tantum ei stipendium numeraturum, quantum ipse poscat: plus enim apud se omnium incolumitatem, quam impensas ualere. Hisce Henricus auditis, se Iuoniam nullo auxilio posse iuuare respondet, nec cuiquam, ut ad promerendum stipendium in Valachiam proficiscatur, permissurum: idque ideo quod supra centum annos antiqua fœdera regibus Poloniae cum Turcicis imperatoribus sint. Iuonia tristi nuntio ab Henrico de denegatis auxilijs perturbatus, fit à suis certior, leuem armaturam equitum Polonicorum, qui ad Borysthenem et Ponti ostia, causa prædæ acquirendæ degunt, esse: gentem tot bellis induratum, ut eis ad uincendum nihil ardui sit: iam eos domum nulla præda consecuta regredi uelle: ad eos igitur subito internuntios mittendos censent, ut ad ipsum in Valachiam ueniant, qui eis paratum stipendium, quantum uelint, dissoluturus sit, modò opera eorum contra Turcas, quos ipsi etiam oderint, utatur: uim totam belli in eo equitatu sitam esse. Iuonia consilio suorum arrepto, subito unum atque alterum internuntium ad illos ipsos equites (qui uelites optimo iure nominari possent, eò quod nusquam in loco certo consistunt, solum abacta hostili præda, huc illuc per loca hostium auia, abdita, occulta, uastamque eorum regionem euagantur) mittit, ut ad se quamprimum ueniant: esse quod cum eis de rebus eorum loqui uelit. Quod si quas occultas insidias pertimescant, eis apertè denuntiare iubet, Palatino graue bellum cum Selymo Turcarum imperatore imminere: quod cum gerendum suscepit, si stipendio militari in autorari uelint, Palatinum uelle eis, non solum in unam partem anni, aut semestris, sed & singulis diebus tantum constituere quantum ipsi poscant. Quæ cum ad aures Kosacorum (sic enim ij uelites à nostris uocantur) ab internuntijs perlata fuissent, nihil de Henrico rege cogitantes, id iter suum in Valachiam uoluntati ipsius aduersari, ex illis ipsis patentibus campis ad Palatinum in Valachiam proficiscuntur: qui de more, gloriæ ac prædæ, tam sibi quam heris suis acquirendæ causa, in illos uastissimos campos, permissu suorum herorum excurrunt, ut aliquo numero Scytharum uel Turcarum comprehenso, quid in solo eorum agatur, uel quæ consilia hostium sint, scire possint. Nam quamuis Turcæ ac Scythæ pacem cum regibus Poloniae seruare uidentur, eiusdemque uolunt cupidè uideri: tamen ingenti manu suorum coadunata, solum Podolicum ac Rufsicum effuse depopulari, magnaque damna inferre solent, nisi subito uelites eis occurrant, ac nonnulla manu suorum subnixi, numerosas eorum copias fugent. Erant autem ij præcipui ductores uelitem. Suierceuius habuit sub signis ducentos equites, uir omnibus artibus, pariter militaribus, instructus, uiribusque pollens. Barfanus ducentos duxit. Braslauiensium quoque erant ducenti. Hi sese omnes Suierceuius imperio committere, nec sine ipsius uoluntate cum hoste congregari ausi. Coslouius quoque ducentos duxit: Stufenius itidem: Iancius centum: Socolouius totidem. Qui omnes in Valachiam simul ad Palatinum omni metu deposito, profecti fuere. Postquam igitur uelites fines Valachiae attigere, de his Iuonia edoctus, extemplo, qui eos honorifice nomine suo, ac liberaliter exciperent, commeatumque ac rerum omnium copiam, quæque ad uictum necessaria essent, liberaliter suppeditarent, mittit. Cum ad secundum lapidem à castris Iuoniae uelites cum ductoribus Valachicis abessent, de eis Iuonia certior factus, ipsemet cum pulcherrimo equitatu, adiunctus sibi aliquot ex Senatu, obuiam eis proficiscitur: ut se exhibitio, animique sui in eos uoluntate declarata, illos post obsequentiores haberet, ac ad quauis pericula adeunda alacriores: ubi in conspectum eorum uenit, præ nimio gaudio, paucis uerbis salutato, singultus uel lachrymarum impediens, ne uerbum quidè proloqui potuit, sed secum ductoribus illorum acceptis, eos sese in castra comitari iubet: ut militari conuiuio exceptis, post cum eis de periculis imminentibus suis, de belloque sibi Selymi ingruente, liberiùs loqui possit, reliquis se sequi iussis. Vbi in castra uentum est, bombardarum maiorum artifices ingentem boatum edere iubet, sic ut cœlum sonitu resonare, terra strepere uisa fuerit. Postquam satis concentui datum fuit, tot pedites è numero suorum, quot equites



equites uelut erant, egredi iubet, ut singulorum equis acceptis, quod satis pabuli esset, darent, eosque curarent. Hisce ita imperatis, Kosacos non certe militari prandio, sed magnifico ac copioso conuiuio excipit. Ductores illorum, suosque procures, secum in tabernaculum, quod in patenti campo erectum erat, ducit, eosque secum epulari, ubi & Senatus erat, cogit. Reliquos Kosacos in aliqua tabernacula ductos simili ratione tractare iubet. Postquam epulae remotae fuere, iubet aliquot argenteas patinas nummis aureis onustas afferri, ac ex eis tantum ductoribus Kosacorum, eorumque ministris apponi, quantum satis esset: diciturque, id eis eo nomine se largiri, ut longinquitate itineris fatigati, in balneis lauent, corporaque curent. Illi pariter pudore ac quadam admiratione defixi, se accepturos negant. Sed ui coacti, ac precibus non solum luoniae, sed & procerum Valachicorum fracti, accepere, gratiasque actis pro tanta in se munificentia luoniae, omnes assurgentes, in conspectu eius steterunt. Ille dextra eis ad laeuam partem castrorum suorum, quae in proximo erant, ut ibi stationem haberent, innuit. Deinde mittit eis sex grandia uasa uini generosissimi, sexcentosque taleros, ut illud in memoriam nominis sui exhauriant. Nam alioquin illi militi aqua solum in illis uastis solitudinibus perpetuus potus est. Ad haec parochos ipsidem, ne quid omnino tam ipsis quam ipsorum iumentis desit, addit. Appropinquante luce, ipsemet ad ductores uelut uenit: quos, ut in tabernaculum suum ueniant una cum comitatu suo, orat: esse quod ad eos de summa rei referat, & quid eos facere uelit, omnibus exponat. Qui ubi alacres uenire, talem orationem ad eos lingua Polonica habuisse dicitur. Si de uestra fide, uirtute, constantia, fortissimi equites, certo mihi non persuasisset, nunquam hoc difficili ac periculoso tempore, uos procul a patria uestra euocassem. Sed cum haec omnium constanti ore celebrata fuisset, uos huc euocauit, ut mihi operam uestram & industriam, in hoc bello gerendo contra Selymum, infensissimum hostem, praebeat: pro qua nauata si uobis certum stipendium militare constituerem uelim: non mediocriter pertimesco ne meritis uestris minus dignum praemium detur: sed, quicunque successus nostri contra hunc teterrimum hostem erunt, omnia uobis, milites, a me largi suppeditabuntur, commeatus, pecunia, equis pabulum, ac id genus alia ad eam rem pertinentia. Ego uos, pristinae uirtutis memores, ita uos gesturos esse hoc in bello arbitror, prout de uobis omnium opinio est, ac eam in animo meo excitastis. Vobis autem summas, perpetuasque gratias, & ago, & habeo, quod ad me, hominem Christianum, ipsi etiam Christiani ueneritis: quorum uoluntatis erga me, semper gratum ac memorem me fore polliceor. Qui etsi pro magnitudine periculi mei pauci estis: tamen non minus mihi gratus est conspectus uester, quam si duodecim millia mihi in auxilium aliunde missa fuissent. Quare, quaecumque stipendium uolueritis, id me uobis dissolutum recipio. Nec uos uires Turcarum ita animo pensare uelim, quasi a nobis uinci non possint. Fateor eos hactenus miro successu ufos fuisse, qui a sordidissimo initio orti, in tantam amplitudinem peruenire: sed quae ab eorum perfidia, non uirtute, profecta, summo cum scelere coniuncta sit. Fateor item Deum immortalem consuesse, quod grauius homines ex commutatione rerum doleant, quos pro scelere eorum ulcisci uelit, his secundiores interdum res & diuturniorem impunitatem concedere. Sic Turcae si hactenus felici successu ufi sunt, id ita uolente ac permittente Deo factum est, ut quanto altius ascenderunt, tanto grauius corruant. Plura loqui me uis lachrymarum non patitur. Qui sit animus erga uos meus, uos optime & perspicere, & intelligere posse uideo. Quemcunque casum fortuna inuexerit, hunc uobiscum communem ducam. Haec proloquuto Suierceuius pauca pro omnibus militari ac rudi sermone sic respondisse, dicitur: Non stipendium tuum, luonia, ut ad te ueniremus, nos pellexit: quod nos semper pro minimo duximus: sed potius uirtus nostra singularis, ut contra hunc foedissimum ac acerrimum Christianorum hostem pro incolumitate tua dimicemus. Stipendium non curamus: qualis tandem fortuna nostra futura est, exitus belli declarabit: satis a te remunerati uidebimur, si hoste tuo intra fines regni hisce nostris dextris represso, honestam pacem cum eo habueris. Tu però quid postea nobis praestare debebis, fortuna nostra id te docebit. Nec uires Turcarum horremus: quorum successus quales tandem adhuc erunt, eos diuinae prouidentiae iam committendos censemus: nos in hostem intenti erimus, ut eum a iugulis tuorum auertere possimus. Oratione Suierceuij luonia confirmatus, ductores Kosacorum secum prandere iubet, quibus epulum data: altera mensam Logafetus, Veremias magister equitum, cum reliquis Senatoribus occupat. Haec acta sunt uigesima die Martij. Caeterum Selymus audito responso luoniae, simul ira, indignationeque accensus, (quam legatus amarulentis uerbis, eo quod nulla munera a luonia acceperat, auxit) sine mora Palatino Transalpine Valachiae triginta millia Turcarum, duo Vngarorum mittit, ut coadunata suorum manu, luoniam capiat, eoque ad se misso, ipse totam Moldauiam occupet, in eaque Petrum fratrem

luonia uelut  
tractat.

luonia ad se  
Kosacos accit.

Oratio luoniae  
ad Kosacos.

Suierceuius  
pro omnibus  
luoniae respon  
dit.

indignatio Se  
lymi in luonia



*Exercitus Palatini Transalpinæ Valachie contra Iuoniam.*

*Iuonia fit de hostibus certior.*

*Capiuntur speculatores.*

*Iuonia de statu hostium cognoscit.*

*Stratagemæ Iuoniæ.*

*Prima cædes hostium.*

*Fuga Palatini cum fratre Petro.*

*Castra capiuntur.*

*Iuonia Palatini ditionem uisitat.*

fratrem suum, Palatinum constituat. Is mandato Selymi alacriter suscepto, suisque ad arma conuocatis, simul cum Turcis ac Vngaris flumen Moldauam tranat. Erant ferè omnium centum duo millia fortissimorum uirorum. Quinò solum Iuoniam è Valachia ejicere poterant, sed & quemque fortissimum regem bello laceßere ac uincere. Hinc nocturno, diurnoque itinere fatigati, ut tam sua quam equorum corpora reficerent, nil de Iuoniæ inopinato aduentu suspicati, in loca herbida, quæ supra flumen latè patent, equos effusè euagari patiuntur. Interea speculatores ad Iuoniam prandentem ueniunt: flumen Moldauam maximam uim hostium tranasse, quibus Turcæ simul cum Vngaris intermixti sint: nec eorum certum numerum sciri posse, sed supra centum millia esse suspicari: nunc omnes equis in pascua læta missis, se quieti dedisse. Quos si Iuonia cum parata suorum manu aggrediatur, facile ad unum deleri, uincique posse. Hæc tanta alacritate animi à Iuonia audita fuere, ut Suierceuium cum suis cõfestim præcurrere, datis ei sex millibus Valachorum, qui linguæ Turcicæ gnari, omnia certius cognoscerent, iusserit: ipsemet uerò cum suis, quoniam paulò onustiores armis erant, subsequitur. Suierceuius omnes orat, ut, si læta ex hoste uictoria potiri uelint, quanto silentio possint, ad hostium castra nullo clamore dissono, aut tumultu edito perueniant. Hisce ita inter se compositis, in speculatores Moldauorum, qui supra castra suorum stationes, ne quis impetus in quietos fieret, agebant, incidit. Erant uerò hi quadringenti: qui omnes à Kosacis circumuenti capiuntur. Quos primò benignè, demum minaciter alloquuntur, quid cõsilij hostes habeant, ubi sint, quid agant: si indigna nolint pati, ut exponant, cogunt. Illi suppliciter & ingenuè, præsentis periculi metu perterriti, fagentur, Valachos Transalpinos pariter cū Turcis, quibus intermixti Vngari sint, non tam longinquitate ac difficultate itineris fatigatos, quieti se dedisse, ac corpora curare, quam ut Iuoniam uegetiores inopinatum aggrediatur. Quos si iam securos ac omni cura dissolutos inuadat, eum facile compotem uictoriæ futurum. Valachorum Transalpinorum non esse ampliùs septuaginta millia, Turcarum triginta, Vngarorum tria. Hisce Kosaci cognitis, subitò ad Ioannem nuntios mittunt, in quo statu res hostium sint, eum certiorè faciunt: ut cum suis maturè (in manu enim uictoriam esse) appropere. Ipsi uerò non procul ab hostium castris, duabus horis stationes, uigiliisque taciti agunt, ne usquam hostis commoueatur, aut quicquam incipiat. Quæ ubi celeriter ad Iuoniam perlata fuissent, statim ipsemet adest, Suierceuiumque suos disponere, ac quamprimum cum hoste confligere iubet. Ipse uerò, quoniam multitudine abundabat, sua acie in longitudinem extensa, tribus ex partibus hostium castra, omni presidio nudata, aggreditur. Suierceuius parte ab altera cum suis citatissimè ad hostem, antequàm Iuonia accessisset, peruenit: ibique sublato clamore, castra hostium inuadit. Hostes, ignoto & horribili sonitu repente excitati, neque fugere, neque arma capere, neque omnino facere, aut prouidere quidquam poterant. Ita cunctos strepitu, clamore, & nullo subueniente, Kosacis instatibus, tumultu, terrore, formidine, quasi uecordia ceperat. Ecce tibi in tanta strage hostium subitò Iuonia cum suis adest: qui & ipse stratos ac perturbatos egregiè cædit. Fugæ nusquàm locus est. Nam Moldaui procul equos à se in pascua abegerant, nec quomodo fugerent habebant: omnes nudi, inermesque hosti, ad primos successus uictoriæ exultanti, iugulum præbent. Fit totis castris planctus, gemitusque. Ex tanto numero hostium nemo, præter Palatinum Transalpinæ Valachiæ, unum cum Petro fratre, quem in Valachiam fretus tantis copiis deducebat, fugit. Hi igitur, cõscens equis, qui in tanto periculo uix eis oblatis erant, pernicipibus, per lacum qui ex Danubio oritur, tranant, peruenereque ad arcem Brailouiensem ad præfectum Selymi: reliqui omnes ad unum cæsi, alitibusque obiecti. Tum spectaculum fuit horribile, in campis patentibus omnes uiri afflicti: ac multi uulneribus acceptis, neque fugere posse, neque quietem pati, niti modò, & statim concidere. Postremò, omnia quæ uisus erat, constrata telis, armis, cadaueribus: & humus infecta sanguine. In castris multum opulentiæ repertum fuit: quæ Iuoniæ omnis cefsit: quam ille militibus, in primis uerò Kosacis dat, quæ plurimùm ditati fuere. Iuonia in iisdem castris quatrimum moratus, ut suorum corpora cæde hostium defatigata, uiribusque exhausta reficeret, cadauer Palatini ac fratris Petri summa cura requirit. Quo haud reperto, rectè exercitum in regionem Palatini Valachiæ Transalpinæ inducit: castella, oppidaque, & natura, & uiris parum munita, adgreditur: quosque obuios nulla fœminei sexus ratione habita, necare, puberes interficere, uillas & uicos pariter cum oppidis igne succendere imperat. Triste ac miserum ibi spectaculum fuit, cum illam partem Valachiæ Transalpinæ omnes fumantem, ac flamma relucentem aspiciebant. Trahebantur senes ad cædem, rapiebantur parui pueri ad necem, matronæ pariter cum uirginibus stuprabantur: quæque crudelissima & acerbissima perpetrabantur. Iuonia uniuersos laudat, atque agit gratias: hortatur ad cætera quæ leuia sunt, parem animum pro uictoria gerant: satis iam pugnatum: reliquos labores pro præda fore. Hac tali populatione uictor exercitus ad



tus ad Transyluaniam, siue Sedmigrodensem regionem peruenit: uisaq; Brailouienſi arce, iter ad inferiorem Danubij ripam deſlexit. Ibi cognoscit Palatinum Transalpinæ Valachia: unâ cum Petro fratre eſſe in arce: itaq; protinus aduerſum illud oppidum ſuos ducit. Eſt ciuitas Brailouienſis ſupra Danubium ſita: quæ arcem percommodâ habet, & natura loci & firmo præſidio bene munitam. Ibi luonia non procul ab oppido Brailouia, arceq; nactus locum percommodum communiendis caſtris, ſic ut ex arce tormentis muralibus nulla ratione infeſtari poſſet, abierat. Hinc ſcribit literas ad præfectum arcis, eaſq; duobus captiuis Moldauis perferendas committit: quibus illum orat ut Palatinum Transalpinæ Valachia:, perennem hoſtem ſuum, unâ cum Petro fratre, qui ob nullû iplius maleficiû bellum ipli intulerint, ac poſt inſolenter tentatum prælium ad eum ex acie fugerint, extemplo ſibi tradat: alioquin ſe exercitum ab oppido non remoturum, donec ui ad actus eos dedat. Ad has literas ſic præfectus arcis, per quatuor Turcici ſanguinis, (quorû duo oppidani erant, duo ex arce domeſtici) reſpondet, ac ſimul luonia decem globos grandes tormentarios, totidē minores cum duabus ſagittis mittit. Audiō te (inquit) miniſtrum eſſe Selymi: ideo rationem tui habeo: eos minimē apud me eſſe, quos petis, nego: ſed cū ad aures meas perlatum fuiſſet, te ingentem multitudinē exercitus Cæſaris cecidiſſe, qui mandatis iplius parentes, in Valachiam Petrum fratrem Palatini Transalpinæ Valachia: deducebant: edico tibi, niſi hinc obſidionem quamprimum ſolueris, huiusmodi ferculis cū tuis paſcēris: quibus unâ cum exercitu tuo ſatiatus, poſt ructabis. Hoc tale reſponſum tantam luonia indignationem mouit, ut illis iplis internuntijs quatuor comprehenſis, naribusq; eorum ſimul cum labijs ac auribus præciſis, pedes ſingulorum ſurſum uerſos longiſſimę trabi ferreis clauis affigere iuſſerit, eoſq; terram capitibus attingentes ante oppidum ſclopentarios ferre, abijcereq; imperarit. Horrendum id omnibus ſpectaculum fuit: quo luonia præfecto arcis demonſtrare uoluit, eum ſimilem exitum unâ cum profugis manere. Hoc tali triſti exemplo edito, nulla mora interpoſita, pedites ſcalis in eū uſum paratis, ad motis, mœnia urbis clamore ſublato conſcendere iubet. Nec cōſilium euentus moratus eſt. Nam pedites tanta celeritate ſeſe ſub mœnia oppidi inſinuauēre, ut priuſquā oppidani ſeſe ad reſiſtendum opponerent, euaderent in murum: quo diruto, totus exercitus in oppidum irrupit. Ibi ingens cædes Turcarum facta fuit, nemini parum: ubi ex ceſſorum cadaueribus ſanguis inſtar riuus in Danubiū profluxit: parui pueri ab uberibus matrum abrepti, uagientes occiſi. Quatriduum ibi in cædibus perſeueratum eſt: in locis abditiſ ac occultis latitantes homines quaſiti, ex latebrisq; ad cædem tracti: tota urbs direpta, ac per iram incenſa, nullo hominum, ac ne canum quidem inter incēdia, ruinasq; relictis. Plurimum ibi auri, argenti, pecunię ſignata, unionum, margaritarum, repertum eſt: quæ omnia prædæ militum ceſſere. Erat ea ciuitas in illis locis omnium opulentiffima, eò quod poſt occupatam à Turcis Græciam, multum diutę in pace uixit: qua partâ, nullo motu belli cōquaſata, ſupremam dum cladem adiit. Nam à uictore hoſte ne una quidem domus integra relictâ fuit: omnia euerſa ac ſolo adequata fuēre, præter arcem, quæ omni præſidio urbis nudata, ſola relictâ fuit. Ad quam capiendâ luonia ſuos admouere uoluit, niâ præſidio, quo arx ualidē firmata fuit, clades poenitētia ſubeunda foret. Interea luonia in direptione urbis occupato, ſpeculatores adſunt, qui iplum certiorē faciunt, quindecim millia Turcarum magnis itineribus in ſubſidium arci Brailouienſi uenire. Quibus ille cognitiſ, ac nihil tanta multitudine hoſtium territus, conſeſſim Suerceuium cum Koſacis, additiſ ei octo millibus equitum Valachicorū, contra illos mittit. Ad quos ubi is prælophere aduolaſſet, nullo illis ſpatio ad recolligēdas uires dato, cum eis alacriter prælium init. Omnes occiſi ac perempti, præter mille equites, quos fuga ſubtraxit. Quibus Suerceuius inſecutiſ, multos pallat & cædit. Qui cædi ſupererant, fuga ad arcem Feinenſem, quæ ditionis Turcarum erat, delati ſunt. Erant in proximo, nō procul ab illa ipſa arce, Turcarum copię, quibus agmina Scytharū intermixta erant. Subito Suerceuius ad luoniam cum læto uictorię nuntio mittit, certiffimam ex hoſte uictoriā pollicens, modò omiſſa oppugnatione arcis Brailouienſis, cū omnibus copijs abſq; mora adſit. Ille, tam læto nuntio accepto, arce Brailouienſi neglectâ, cuius expugnationem & ſibi difficilem, & periculofam eſſe ſcēbat, ad Suerceuium celeriter uenit. Quo cum cōſilijs communicatiſ, ſimul illas ipſas copias aggreſſi delent, & ad internecionem dant. Hinc ad oppidum Teinenſe exercitus admotus. Quò facile, ſine ullo oppugnationis labore, & expugnato & capto, omnes oppidanos, pariter cum ſceminis, crudeliter, ne uno quidem ex tanta multitudine relictis, necat. Hoſce luonia ſuccellus Suerceuius cum ſuis Koſacis adiuuabat. Nam primus ſemper cum Turcis haſtatiſ prælium inibat: in primâ fronte equites cum tormentis manuatiſ locabat: quorum horrendo ſonitu, crebrisq; ictibus globorum, ſemper Turcarum acie non mediocriter turbabat. A dextro cornu eis ſagittarios opponebat: qui grandis

Caſtra luonia  
ad Brailouiam

Reſponſum  
præfecti arcis.

luonia indignationem  
mouit internuntios.

Nouum genus  
crudelitatis.

Celeritas pedites.

Capitur oppidum, ac cædes ingens.

Funditus deletur urbs.

Victoria Suerceui.

Alia copia  
Turcarum.

luonia ad  
Suerceuium  
uenit.

Oppidum à  
luonia capitur.

ding



*Stratagema  
Suierceuij.*

*Iuonia exerci-  
tum quiete refi-  
cit.*

*Iuonia oratio  
ad Kosacos.*

*Suierceuius  
Iuonia respon-  
det.*

*Committitur  
pugna.*

*Victoria ueli-  
tum.*

*Opulentia du-  
cis.*

*Selymi terror.*

*Proponit se de  
origine Sara-  
cenorū ac Tur-  
carum dictu-  
rum.*

dine sagittarum immissa Turcicas acies uulnerabant. A leua parte erant locati, qui erectis breuioribus lanceis, in omnem occasionem intenti, Turcas eis asfo diebant. Quos Suierceuius ab his cōturbatos, cædi Valachorum obijciebat. Interea sexcenti Kosaci oppidum Bialogrodense uersus, quod est ditionis Turcarum, citato agmine proficiscuntur: quo direpto ac succenso, dimidiata pars ipsius fœdo incendio inflagrauit. Plurimum ibi prædæ non ignobilis repertum fuit: qua militi obiecta, multum ea ditatus fuit. Iuonia uerò cæde Turcarum fatigatus, læta quiete, non procul ab arce Teinicensi, quam nudum in paten- tibus campis reliquerat, per octiduum suos reficiebat. Vbi iterum repente fit certior, Turcarum simul cū Scythiis aliquot agmina, ab oppido Bialogrodensi proficisci, qui in proxi- mo Iuoniam cum exercitu adesse ignorantes, dispalati huc illuc, reperto uado tranabant. Quos procul Kosaci cōspicati, orant Iuoniam ut ipsis potestatem illos inuadendi, pallan- diq; det. Ad quos sic Iuoniam uerba fecisse, ut author est Bartholomæus Paprocius, intel- leximus. Vestra incredibilis, Poloni fortissimi, uirtus facit, hicq; ardor pugnandi, ij uestri successus, ut uobis nolim quicquam à me denegatum esse. Ite Deo comite, proficiscimini foelices: hostiumq; exercitus, ut usu edocti estis, cædite. Tibi autem, Suierceui, hic totus exercitus curæ sit: quos ita contra hostem instrues, prout occasio rerum gerendarum po- stulabit. Hæc ubi dixit, Suierceuius tria millia Valachorum, ut eorū opera cōtra hostem utatur, addit. Quibus ille acceptis, ei gratias agit, quod de se tantam opinionem habeat: quam ne fallat, se etiam atq; etiam diligenter curaturum. Acceptos igitur Valachos cum Kosacis non miscet, sed ab agmine suorum remotos, ex eis nouam aciem quandam post terga Kosacorum instruit. Suos uerò illos ducentos mille Kosacos, in tria agmina dispo- nit. Quadringentos in prima fronte scutis rotundis rectos locat, ac hastatis Turcis obij- cit. Ipsemet sibi dextrum cornu cum sagittarijs quadringentis sumit. In leuo totidem cum lanceis missilibus locat. Turci eorum paucitatem cōspicati, eamq; præ se contemnentes, prælio sese expediunt. Qua uisa re Suierceuius equites, quos in prima acie collocauerat, tormenta in eos displodere iubet. Quibus turbatis nimbo sagittarum, in eorū agema suis immisis ex læuo latere, eos hastis urgere iubet. Sic illi ancipiti prælio distēti, (nam in uni- cum tantum agmen coadunati erant) egregiè à Kosacis ceduntur: quibus, qua ui possunt, Turcæ simul conglobati resistunt. Ab initio ferè horam anceps prælium stetit: donec Va- lachi, post uelites à Suierceuius dispositi, intenti in pugnā, uegetes animo ac corporibus, haud secus quā diu retentæ feræ concitati, cum ingenti clamore ad uelites aduolāt: qui maxima ui in agema Turcarum turbatum incurrunt, eosq; omnibus ex partibus, quibus pedites intermixti erant, aggrediuntur. Pedites nunc equis crura succidunt, nunc ilia suf- fodiunt: qui in fugā dissipati, omnes ferè terga uertunt, à uelitibusq; cæduntur. Ex qui- bus solum tres desiderati, ex Valachicis centum: sic Polonis paruo tum insignis uictoria stetit. Iuonia ex longinquo tam inclytæ uictoriæ spectator fuit. Hostium castra cum impe- dimentis & capta, & direpta fuere: plurimum ibi prædæ inuentum: quæ uirum militi di- stributa. Capti erant hostium ducenti: qui omnes ad Iuoniam tanquam pecudes adducti fuere. Quos is inter pedites sclopetarios pellere iubet: qui omnes ad unum, falcebus ma- ioribus, quibus fœnum secari solet, in frustra cōciduntur. Dux illius uicti exercitus, in po- testatem Polonorum uenit: homo tantæ opulentiae, ut sexies se liberari atq; redimere, mo- dō ne Palatino uiuus traderetur, uoluerit, bis auro in altera statera posito, ter argento, se- mel margaritis. Fuit egregiæ ac proceræ staturæ, ad promerendamq; gratiam habilis. Sed apud Polonos plus fides quam Iuoniæ dederant, ualuit. Nam ante ex tot spolijs Turca- rum, auro & argento satiati, omnes pollicitationes eius flocci pendētes, eum uiuum in po- testatem Iuoniæ tradunt. Quo cum ille per aliquot dies colloquium de rebus Turcicis ha- buit: posthac eum peditibus membratim dissecandum obijcit. Hinc ad Vslam oppidum suū copias mouit: ubi tot prælijs fracti exercitus uires refocillauit. Interea Selymus, Con- stantinopoli tot Iuoniæ uictorijs perturbatus, ac territus ne planè Valachia exueretur, ac è Græcia (quod illi, opinor, contigisset, ni defectio Czarnieuiēcij ad Turcas obstitisset) pel- leretur: cum suis Deo more suo supplicat. Nam Turcæ peculiarem religionem, à Muame- de, seu Mahomete, hinc ab anno Christi millesimo supra uigesimum, quam Mahometes Saracenis anno Christi sexcentesimo uigesimo tertio obtruserat, acceptam habent. Ne uerò quis Saracenos & Turcas eiusdem stirpis aut originis esse existimet, nonnulla mihi de origine utriusq; gentis esse dicenda uidentur. Saraceni longè sunt uetustiores Turcis. Ii sedes suas, regnante tum Lechone apud Polonos, in ea parte Arabiæ, quæ Petrea dici- tur, habuere, uocabanturq; ab incolatu loci Arabes: stipendiumq; sub Heraclio, tum bel- lum cum Costrea rege Persarum gerente, merebant. A quo stipendio militari exautorati, ut ignominiam nomini suo inuistam ulciscerentur, Mahometo se adiungunt: qui Meccæ, in urbe opulenta, in tanto dissidio Christianorū de religione, adiutus à Sergio, monacho factionis



factionis Nestorianæ, à Christianis diuersa docere cœpit. Arabes enim uana opinione du-  
 ctī, se unicos mortalium esse à Sara, uxore Abraham, genitos, regniq; cœlestis legitimos hæ-  
 redes, opinati sunt: quorum opinioni Muamedes assentiendo, eos ad se pellexit. Vtq; mi-  
 litarem disciplinam inter eos constitueret, multitudini decem duces, ex nobilioribus, po-  
 tentioribus, ac sibi affinitate iunctis, præfecit, eamq; in cohortes ac centurias distribuit: cu-  
 ius uiribus adiutus, Meccam, urbem in Arabia opulētā, demum aliquot oppida capit,  
 ditionisq; suæ facit. Hinc faciliē tota Arabia potitus, uenerabilem se tot populis præstitit.  
 Post cuius mortem, apud Saracenos, pontifices ad Caliphum, seu Mustacenum, in Persi-  
 de potentes fuere. Hinc Africa potiti, pariter cum magna parte Hispaniæ, sæpe Siciliam,  
 quondā populi Romani, uictoris tot gentium, Prouinciā, Italiā, Galliā, infestarunt.  
 Quorum audaciā Carolus Magnus armis uix repressit. Post, anno Christi nongentesi-  
 mo supra octogesimū primum, uel paulo plus, minusq; Scytharū multitudo, qui præ-  
 ceteris ad orientem uergunt, circaq; Tanaim sedes suas habent, domo profecta, sine du-  
 ce, sine legibus, uagi, dispalatiq; ex raptu, prædaq; aliquādiu uiixerunt: donec Persas, qui  
 tum Saracenis subiecti erant, bello adorti, eorum urbem magnā & opulētā, Turcem  
 nominatā, occuparunt: à qua se post eodem nomine Turcas, seu Turcos, dici uoluerūt.  
 De Turcarum origine alios diuersa tradidisse uideo: quos aiunt ex Caucaſi portis egres-  
 sos, primū finitimas gentes, & in his Armenios, inuasisse: inde minorem Asiā, abhinc  
 anno Christi 844. ab eis occupatā fuisse. Quæq; ipsi de se memorant, nō omnino diuer-  
 sa à superioribus esse uidentur, quorum hæc sententia est. Gentis authores suæ, ex Caspijs  
 montibus ac finitimis pulsos, in Persidem et minorem Asiā descendisse: nec prius apud  
 eos regiam familiā cœpisse, quā sint à Scythia profecti, cum antea sine duce, sine legibus  
 uiuerent. Inde (ut sunt humanarum rerū uices) ex cuiusdam Othomani successu, celebrari  
 unam familiā contigisse: ex qua reges, demum Cæsares creare consueuerint, & hodie  
 creent: idq; ita accidisse memorant, ut tres numero fratres, in amplā & regiam fortuna à pa-  
 tre relictī, cum uicissim imperitare cœpissent, siue pudore impediēte, siue metu, quū pa-  
 rum tutum esset non cedere ætati: duo minores natū, Aleus & Othomanus, regno maio-  
 ri fratri relicto, domo uterq; cum manu sua profecti, hic Cappadociā, Galatiā & Bithy-  
 niā occuparūt: ille Carmaniā, Lycaoniā, & eas terras quæ Tauro adiacent. Et hæc Tur-  
 ci de se memorant: quibus perbellē se Scythas esse fatentur. Cælius Curio, qui Saraceni-  
 cam historiā scripsit, de origine gentis, eorumq; regibus prorsus diuersa tradit: qui uult  
 Turcas originem stirpis ab Hunnis sumere, nec apud eos tum primū Othomanū re-  
 gnasse, sed longē antē, ante Trangolipicem Mucaletum. Etenim Saraceni, in aliquot fa-  
 ctiones principum, qui tum totā Persidem pariter cum Africa obtinebāt, diuisi, inter se  
 domestica bella gerebant, seseq; ciuili ferro confodiebāt: orto igitur bello inter Mu-  
 humetum, qui tum in Perside regnabat, & Babyloniu Calysam, Muhumetes ad se Trangolipi-  
 cem, qui à Caucaſi montis angustijs cum Turcica multitudine egressus, circa fines Persa-  
 rum uagabundus degebat, accersit. A quo adiutus, Calysam faciliē uincit, superatq;. Tur-  
 cæ igitur ex Perside cum duce suo regredi uolentes, transitumq; sibi tutum per pontem  
 qui Araxi flumini impositus erat, concedi à Muhumeto postulātes, (quos ille apud se reti-  
 nere cupiuit, ut opera eorum contra Indos uteretur) id se facturum detrectat. Illi, simul ira,  
 indignationeq; accensī, (quorum solū tria millia erant) ueritq; grauius periculū, in Cur-  
 bantidem solitudinem sese subtrahunt, indeq; crebris excursionibus agros Saracenorum  
 depopulantur. Quorum ferociā Muhumetes reprimendam ratus, triginta millia Sara-  
 cenorum cum certis ducibus ad eos delendos mittit. Sed Turcæ, audito aduentu eorum  
 ad se, in densiores solitudines sese subducunt, ut captata occasione Saracenos opprimere  
 possint. Nec consilium euentus moratus est. Nam exercitus Muhumetis, Turcas metu  
 cessisse ratus, nullis stationibus habitis, ab eis per insidias contrucidatur. Hac tam insigni  
 clade suorum Muhumetes irritatus, comparata ingenti manu suorum, ipsemet cōtra Tur-  
 cas, quorum iam exercitus ex colluie tot gentium creuerat, proficiscitur. Quibuscū non  
 meliori euentu collatis signis acriter dimicat. Nam Turcæ, assueti Saracenos uincere, Mu-  
 humeto occiso, qui equo lapso ceruices, cum suos ad acriter præliū ineundum adhorta-  
 retur, fregerat, ex Saracenis faciliē uictoria potiuntur. Cuius admiratione Saraceni defixi,  
 illum ipsū ducem Turcarum, Trangolipicem, regem apud se creant: qui, accepta pariter  
 cum suis religione Mahometana, unā cum Saracenis in unum corpus Reipub. coaluit.  
 Trangolipix igitur à Saracenis in Perside rex factus, omnes magistratus, dignitatesq; à  
 Persis in suos transfert, indigenisq; Persis, quorum reliquiæ adhuc supererant, oppressis,  
 inter suos ac Saracenos uniuersā Persidē diuidit. Quoq; finitimis terribilior esset, à suis  
 nouo nomine Sultanus (quod nomē lingua Latīna summū Imperatorē sonat) appellatur.  
 Qui post per manus posteritati suæ regnum tradidit. Ac ne qua inter Saracenos ac suos

*Opinio Arabū  
de sua stirpe.*

*Potentia Sara-  
cenorum.*

*Asia à Turcis  
occupatur an-  
no Christi  
844.*

*Sententia Cu-  
rionis de origi-  
ne Turcarum.*

*Trangolipix  
primus rex  
Turcarum.*

*Origo nomi-  
nis Sultani.*

HH discordia



discordia esset, omnes Turcas, à ciuitate quæ in Perside diues opum fuit, appellat. Turcæ, tanta potentia aucti, illos ipsos Saracenos qui in Africa potentes erant, adorti, cum eis societate ineunt, simulq; armis iunctis, Constantinopolitanis imperatoribus, reliquoq; Romano imperio, terrori, formidiniq; quod ad Germanos trāslatum fuit, fuere. Durauit potentia Sultanorum Turcarum usq; ad bellū Scythicum, seu Tartaricū, quod Scythæ Turcis illis qui Persidē obtinebant, anno Christi 1240. intulerunt. Quibus deletis, (quo etiam tempore uniuersa Polonia, uiuo rege Pudico, ab iisdē Scythis magnam cladē acceperat) uix ex tam numerosa multitudine pauci eorū relictī fuere: qui infima plebe sibi ascita, nil secum præter arcum ac pharetram gestantes, latrocinari cœperunt, nec ullo rege usi sunt. Nihilominus nomē Sultanorum mansit penes illos Saracenos qui in Africa erant: qui se antiquo nomine Saraceno quàm Turcico appellare maluerūt. Turcæ igitur latrocinis assueti, angustias montiū insident, ex eisq; finitimos agros, & Romani imperij urbes crebris incursionibus uexant. Non tamen uiribus Scytharū, quibus finitimi erant, pares esse poterant: quos illi ad finitima Græciæ pellebant: & quàm infirmī cōtra Scythas erant, tam fortes contra Græcos existerant: adeo ut tandem etiam cum Græcis Cæsaribus ad aperta bella degenerint: quorum copiis sæpē deletis, Romanas prouincias depopulabantur, ad Sangariumq; amnem usq; populatione peruenerunt. Hinc à mari Pontico atq; à Galatia ad Lycium atq; Carium mare, & Eurymedontem fluuiū, omnia ditionis suæ fecere: ueterisq; nominis sui memores, quod fortassis in gente non abolitum fuit, Turcas se appellant. Quoniam uerò se commodē sine ducibus uiuere non posse uident, sex potissimū numero suo legunt: inter quos omnes prouincias, quas breui temporis spatio consecuti sunt, partiūtur, eorumq; imperio se subiiciūt. Caramanum Alisurium: cui Phrygiā mediterraneam, Philadelphiam usq; & prope Antiochiam ad Mæandrum fluuiū sitam, (à cuius nomine post illa tota regio Caramania appellata est) concedunt. Saraconem: cui quicquid est Smyrnam usq; ad interiorem Ionæ oram, dant. Sasanum: cui Magnesium, Prienen, Ephesum largiuntur. Calanū, eiusq; filium Cerasum: cui Lydiā, Aetoliā, Mysiam quæ est ad Hellepontū sita, impertiuntur. Armarij filios: quibus eas terras quæ à fluuio Sangario ad Paphlagoniam usq; extenduntur, fruendas permittūt. Atmanum, seu Othomanum: quem omnibus regionibus quæ circa Olympum sunt, præficiunt. A quo Othomani. Othomani hodierni Turcici Cæsares hinc ab Christi regis ortu 1301. originem sumunt: à quo tam Italici quàm Germanici scriptores historiam suam inchoant. Atq; hæc quidem regnare cœpit anno Christi 1301. origo Turcarū, eorumq; regum successus mihi uerior, ut Cælius tradit, esse uidetur, quàm quod primò ad Othomanum referatur: siquidē illi longē antē Turcicis Sultanis, quemadmodum ex superioribus liquere puto, hinc ferē à sexcētesimo anno usi sunt. Othomanus igitur præ illis reliquis, inter quos Turcicum imperium diuisum fuit, longē gloria rerū gestarum superior fuit: quibus non multò post bello illato, eisdem iugum imposuit. Nec hic successus ipsius solū contra Turcicos imperatores fuit, sed & contra Christianos: inter quos cū discordia glisceret, Bythiniam & omnes circa Pontum prouincias, decē annorum spatio (tandiu enim rex fuit) ditionis suæ fecit. Filius huius Orchanes, paternæ uirtutis æmulus, bellum per manus acceptum strenuē est executus: miraq; fœlicitate Mysiam, Lycaoniam, Phrygiā, Cariam, subegit: armaq; sua in Hellepontum usq; ad Euxini litto- ra promouit. Post hunc alij qui regnarunt, celeri cursu uictoriæ, usi mira fœlicitate, tot pulos usq; ad Baiazethem subegerunt: cuius Tamberlanes, Scytharum rex obscuro loco ortus, imperium adeo labefactauerat, ut eodem capto, caueq; incluso, eum in ludibrium per totam Asiam secum duceret: cui si quādo equus conscendendus erat, tergo ipsius pro scabello usus fuit. Post Amurathes exercitum in Europam deportauit. Mahometes uerò secundus, Constantinopolim, toties armis Saracenorum oppugnatam, (quæ olim Byzantium dicta fuit) occupato regno Trapezuntis, nomineq; Cæsaris occidentalis assumpto, Græciam omnem, Thraciam & Mysiam, seu Valachiam, cū Illyrici parte, & ad Istrum late omnia per Pontum occupauit. Tam insolenter Mahometes ac crudeliter, capta Constantinopoli, uictoriam exercuit, ut omnibus Christianis gladio dissecis, Constantinum eius urbis Cæsarem interfecerit, eiusq; caput ludibrii causa pilo affixum in castris circumferri iusserit. Post scuitia sua in nobilitatem conuersa, omnes inter cōiuiā per ludibrium contucidauit. Magna iam tum potentia, post imperium occidentis à Turcis occupatum, Cæsarium Turcarum fuit: quam duo potentissimi reges non mediocriter infringebant: quorum alter Asimbeus, quem Vsancaßanum, quasi heroa magnum, Persæ appellabant, fuit: qui in Parthia & Perside regnabat: cuius regnum ibidē initium à Mutare sumpsit: quem Iozedus, filius Muabix, qui post Mahometem Saracenis præfuit, præfecit. Sed Mutaris regnum in Perside apud Saracenos propemodum extinctum fuit: quod post longam seriem annorum à quodam Sopho, qui in Perside Ardenolim oppidum tenuit, ab anno Christi



Christi 1480. qui Mahometana religionis erat, renouatum fuit. De Sophi pietate ac sanctitate, tanta opinio apud vulgum fuit, ut magno numero mortalium ad se pertracto, ab eo tempore in Perside reges qui Sophini appellatur, regnent, ibique stirps Saracénica, quæ à Turcis extincta erat, renouata fuit: acerrimaque bella usque hæcenus cum Turcis imperatoribus gerunt: quorum vires non mediocriter, si quando bella eis hic in Europa cum Christianis gerenda sint, distinctur. Alter, Sultanus in Aegypto: quorum Sultanorum nomen ab illis Turcarum regibus, qui idem nomen à primo rege Trangolipice sumpserunt, desumptum est. Obtinebant nonnullo tempore Aegyptum Hierosolymitani reges, quæ eis à Saladino hinc ab anno Christi 1105. qui stirpis Turcicæ fuit, erepta erat. Qui incolarum molliem pertæsus, Calyfacem (fuit id nomen pontificis summi apud Saracenos) una cum uniuersa stirpe deletis, siue à nepote ipsius, nouum genus militie ibidem instituit. Nam cum populos, qui magis ad septentrionem uergunt, australibus ad belli usum aptiores esse uideret, subito cum populis quibusdam circa Meotum & Pontum sedes habentibus, qui ueteribus Zigi, à nostris Circassi appellantur, fœdus iniit: à quibus emptis pueris, adolescentulis, eos in Aegyptum perducit: quos ab ineunte ætate in militari disciplina erudit: armorumque usum edocuit, adeo hic in Aegypto ordo creuit, ut penes eos solos armorum usus, ac belli potestas, omniumque dignitas, fuerit: qui Mamaluchi, id est, serui, sunt appellati. Post Saladini stirpe in Aegypto, anno à nato Iesu Christo 1400. extincta, ad eos Mamaluchos regnum Aegypti translatus est: qui è numero suo, rege creato, terribiles ac formidolosi Turcis imperatoribus fuere. Atque eo tempore in oriente tria regna solum potentissima, certis limitibus terminata fuere, Sophianorum, qui in Perside, Media, Mesopotamia atque Assyria regnabant: Sultanorum Aegypti, qui à Cyrenæis Africa, per oram maritimam Ifficium linum, qui Ciliciam à Syria dilungit, & inuorsus hinc ad Euphratem & desertæ Arabie terminos, illinc aduerso usque ad arenarum solitudines, Ima, dextraque per Arabicum sinum ad Erythreæ angustias extendebatur. Turcarum Cesarum, quicquid Euphrate, & Amano monte, Cilicioque mari ac Euxino continetur, erat: hisce addere Græciam omnem, Thraciam & Mysiam, quæ Valachia uocatur, cum Illyrici parte, & ad Istrum late omnia per Pontum, usque ad Theodosiam, Thraciæ Chersonnesi emporium. Sic ea concordia Christianorum regum fuisse, ut omnibus ex partibus Turcas aggressi essent, facile eos non solum è Græcia, sed & ex Asia ultra Caucasum montem, unde primo egressi fuerant, pellere potuissent: cum & Scanderbechus, Epirotarum regulus, contra eos feliciter belligerabat: quorum tum supra trecenta millia ad internecionem dedit, ipseque Amurathos sub moenibus Croiæ Turcarum imperator expirare coactus fuit. Sed illi successus Scanderbechi, contra Mahometem non profuerunt. Post cuius mortem, ab eo capta Epiro, exercitus Persarum regum deletis, Turcicæ vires à Sultanis Aegyptiacis haud sustineri poterant. Nam Selymus, Baiazethis filius, glorie & imperii audax, bello Campsoni Sultano Aegypti alato, eum interemit. Post cuius interitum Tomumbeum à Mamaluchis constitutum, non solum regno, sed & uita, omnibus Mamaluchis deletis, spoliavit. Hinc ferro in promiscuam multitudinem conuerso, uniuersum nomen Sultanorum funditus sustulit, uniuersa Aegypto potitus, illaque parte Mesopotamiæ in qua Hierosolyma fuit, quæ tunc deserta, inculca erat, nec à Iudeis, ueteribus incolis, qui tum toto orbe extorres, in admissi sceleris poena, nec sedem, nec patriam habebant, habitabatur. Huius filius Solymanus, memor uirtutis paternæ, Rhodum imperio suo memoria patrum adiunxit: Vngariæque bello, illato, cum ante Vuladislauis, patris Sigismundi, qui tum & rex Vngariæ & Poloniæ fuit, ab Amurathe, omni exercitu ipsius profligato, interemptus fuerit, cum Ludouico, nepote Sigismundi primi, regis Poloniæ, collatis signis, fortiter dimicauit: in qua pugna tristi, Ludouicus, omnium cum acerbo desiderio, interijt, suique in animis omnium triste desiderium reliquit. Hinc per speciem ferendi opem Isabella, ac Ioanni filiolo, in cunis uagienti, contra Ferdinandum tum regem Vngariæ, Budam cum adiacentibus locis occupauit, Selymoque filio amplum ac florens imperium, Caroli Caesaris in Africa sepius classe in alto, Venetorumque depressa, reliquit. Qui Venetis erepta Cypro, supremam cladem Iuonig, perfidia Czarnie uicem adiutus, attulit. Vnde quicuis facile iudicare potest, impiam Turcicam gentem, à tenui principio ortam, ad tantam amplitudinem imperii nulla alia re, solum per scelus ac per fraudem, Christianorum discordia subnixam, occupato regno Aegypti, omnibusque prouincijs quæ Sultanorum erant, peruenisse: quod Alexandri Magni, Romanorumque potentia comparari potest, ne dicam anteferri. Quod non tam facile unius gentis uiribus infringi potest, solum consensu omnium Christianorum: qui in tanta eorum discordia nunquam, opinor, futurus est: imò inter eos magis discordiam gliscere uidemus, quæ eos ad ciuile ferrum, domesticumque sanguinem effundendum adducit. Sed nos ceptam historiam continuemus, ad Iuoniamque, unde digressi sumus, reuertamur.

Sophianorum  
regnum in Per  
siae, an. Chri-  
sti 1480.

Secundus rex  
Sultanus Tur-  
carum hostis.

Saladinus re-  
gnum Aegypti  
occupauit, an-  
no Christi  
1105.

Stirps Saladi-  
ni in Aegypto  
extincta, anno  
Christi 1400

Regni Sophi-  
anorum  
Sultanorum  
Turcarum Ce-  
sarum.

Selymi bellum  
contra Cam-  
psonem.

Successus Soly-  
mani.

Selymi impe-  
rium.

Redit ad histo-  
riam.



Iuonia post tot ex Turcis parras uictorias, ad se Ieremiam Czarnieuięciũ Barcabalum, praeſectum arcis Chocimensis (eo enim nomine praeſecti arcũ lingua Valachica appellantur) accerſit, ſicq; uerba feciſſe in conſpectu omnium dicitur: Cum optatis noſtris fortuna, Czarnieuięci, ſucceſſibusq; quibus contra Turcas, crudeliſſimos hoſtes, haecenus uſi ſumus, reſpondeat: eſt quod gratis animis id proſequamur, ipſiq; Deo Opt. Max. perpetuas ac ſempiternas gratias & agamus, & habeamus, quod res noſtras contra hoſce teterrimos hoſtes ſecundat, nobisq; ex eis tot, tantarumq; uictoriarum author eſt. Nunc quid aliud reſtat, niſi ut exercitum tot laboribus fatigatum domum remittam, proficiſciq; patiãr, ut, cum ad noſtras aures de aduentu Turcarum peruenerit, illico ad primum ſignum, quod claſſico dabitur, recreati adſint. Tu uero, cuius fides erga me conſtans fuiſt, hunc exercitum a me (erant autem Valachorum tredecim millia, armis, uirisq; inſtructa, qui cuiq; ualidiſſimo hoſti opponi poterãt) cape: quocum ad Danubiũ ripã proficiſcere, tranſituq; ſi eum Turcẽ tentare uelint, arce. Eſt ibi in proximo ex altera parte ſuper Danubium, oppidũ Oblãciẽſe, Turcarum ditionis: in quod tu intentus eris, (ne alibi uado Turcã reperto, Danubium tranſciant) meq; de eorum aduentu quamprimũ certioreĩ facies.

Poſtquam hæc Iuonia dixit, multis tum hæc uerba lachrymas excuſſerunt. Denũ oſculo Czarnieuięciũ excipit, ut eum maiore obſequio ſibi deuinciret, obſequenſioremq; redderet. Ille poplite flexo, fidem, operamq; ei ſuã pollicetur. Iuonia cõmiſſo exercitu Czarnieuięcio, alijs nonnullo temporis ſpatio uacationem militiã concedit, eosq; domos reuiſere iubet, ut reſectis corporibus labore fatigatis, & obſonijs acceptis, quamprimũ ſignũ daretur, omnes equis, armisq; inſtructi, ad perſequendum hoſtem conuenirent. Czarnieuięcius, accepto exercitu, ita ut iuſſus erat, Danubium uerſus proficiſcitur, ſtationes intentiſſimẽ agit, ne quis Turcarũ Danubium tranſciant. Adfuit eorum infinitus numerus, qui non auſi Danubium tranare erant. Quo uiſo, Baſſa certos internuntios ad Czarnieuięciũ mittunt: eiſq; triginta millia nummũ aureũ Vngaricorum dant, ut quoquo modo animo Czarnieuięciũ tentato, ad ipſos colloquẽdi gratia occultus ueniat. Ille, magnitudine pecuniã illectus, fidem dat ſe uenturum, pecuniãq; miſſã accipit. Hinc occulte, ſuis inſcijs, in colloquium cum Petro Palatiniã de Valachiã Tranſalpinã, qui trans Danubium cum magnis Turcarum copijs erat, uenit. Coram quo Petrus, in quo & quanto periculo Iuoniã res cõſtitutã ſint, commemorat. Oſtendit quã in eum Selymus animo offenſo, exacerbatoq; ſit, quod ipſius tributarius tantos exercitus deleuerit: cum Selymo aliter non poſſe ſatisfacere, ſolũ pœna capitis: nec ampliũ dominatum Valachiã obtinere poſſe: ſe certo certiũs genti illi imperaturum. Proinde (inquit) ſi ſapis, cum adhuc integra res ſunt, animum Selymi nouo ac recenti aliquo beneficio tibi concilia. Omne bellum ſumĩ facile, cãterũ a gerrimẽ deſinere: non in eiũdem poteſtate initium eiũs ac finem eſſe: incipere cuiũs, etiam ignauo, licetẽ: nõ deponi niſi cum uictores uelint. Habere illum magnam opportunitatem & copiam ſocietatis, atq; amicitia ſecum coniungendã, quã bello potior ſit. Et quamuis Iuoniã opibus confideret, tamen nõ debere incerta pro certis ponere. Nunc accepiſti triginta millia nummũ aureũ: poſt plura accipies. Proinde ſi tibi conſulere uis, ne flores res tuas cum Iuoniã perditis miſceas: uerũ liberẽ Turcas omnes per Danubium tranſire permittas. Se enim cum ingenti exercitu ad occupandã Valachiã a Selymo, capiendũq; Iuoniã mitti. Vbi, cõſecuto Palatinatu Valachiã, tu quãq; ſumma adẽpturus unã cum tuis es. Opus igitur eſſe ut aduentum Turcarum coram Iuoniã tantisper occultet, & a Danubio abſcedat, dum per ipſum uniuerſo exercitu traiecto poſt Iuoniã facile capere, ipſiusq; uniuerſum exercitũ opprimere, cladesq; acceptas ſuperiores una hora ulciſci poſſint. His tot, talibuſq; precibus & blanditijs, lachrymas addit, oratq; Czarnieuięciũ, ut quamprimũ agmine ſuorum a Danubio remoto, tutõ cũ Turcis flumen uorticofum tranſire poſſit. Czarnieuięcius, Petri promiſſis inſcatus ac inſatuatus, accipit conditionem, quamq; iureiurando fidem cõfirmatã Iuonię dederat, eã frangit. Hinc ab ea parte Danubiũ ubi ſtationes diligenter ſuorum agebat, agmine ſeducto, liberum per flumen tranſitum Turcis permittit. Erãt Turcarum tum ducenta millia, qui cum tormentis muralibus, omniq; apparatu oppugnandarum arcium, Danubium tranauẽre. Tranſmiſſo Danubio, iubent ut Czarnieuięcius Iuoniã ea de re certioreĩ faciat. Hic celeriter ad Iuoniã ueniens, narrat qua ratione Turcã, multitudine ſuorum ſubnixi, Danubium tranſierint, quibus ille nulla ratione obſiſtere potuerit: quare Iuoniã bene rebus ſuis conſuleret, ſi quamprimũ cum exercitu adẽſſet, eorũq; conatibus primis obuiã iret, ſuasq; infirmas copias iuuaret. Non ſine lætitiã hæc Iuoniã audiuit. Quare plenus bonę ſpei, Czarnieuięciũ quis & quantus hoſtium numerus ſit, percunctatur. Sunt (inquit) decem: nec ampliũ duodecim millia. Sed antequam tu cum copijs aderis, in horas numerus eorum augebitur, & ad quindecim millia excreſcet. Erat

Iuonia



luonia una cum suis Kosacis ad arcem Teinicensem, quam expugnare uoluit. Desinunt conuocato Senatu, qui tum cogi potuit, omnes, quid sibi faciendum esset, consulit, an arcem prius expugnare deberet, uel hosti tot cruentis praeliis irritato occurrere, eiusque copias in fugam conuertere. Ibi omnium una ac eadem sententia erat, ut prius hostilem exercitum dispalaret, deleteretque: quo deleta, post arces expugnaret. Quorum consilium ille secutus, habita peditum ratione, quarta demum die, ad castra hostium, quae a suis duodecim milliaribus aberant, cum cantu cornicinum, tubicinumque peruenit. Nona die lunij, eiusdem anni, castra ab hoste ad tertium lapidem luonia ponit: ibi uelites simul conueniunt, de summa rei consultaturi. Se quidem paratis animis contra acerrimum hostem, tot praeliis irritatum, proficisci: uerum se neminem habere qui linguae hostium gnarus esset, luoniam uero quo consilio fretum, totam rationem belli certis hominibus credidisse, imprimis uero Czar nieuicio, cui nos omnino fidere nolumus. Quare in tam rebus nostris dubijs ac plenis periculi, ut ipsimet cum luonia colloquamur, necesse est. Igitur ad eum citato gressu ueniunt, factaque potestate dicendi, sic Suierceuius pro omnibus uerba fecisse dicitur: Illustri Palatine, nos hactenus fidem tuam secuti, tecum contra hunc crudelissimum hostem, socia arma iunximus: in quibus ferendis quae & quanta opera nostra extitit, optime nosti. Huc iterum a te contra eumeducti, ad internationem cum eo dimicare parati sumus: nec illi iter in Valachiam patet, solum per stragem cadauerum nostrum: solum nobis necessario providendum ac cogitandum est, ne temere in praelium ruentes, nullo consilio hostium cognito, quantus eorum numerus sit, quis castrorum tractus, in insidias praecipitati, ab eis instar belluarum maciemur. Quare quod tibi consilium belligerandi cum eis sit, effare, proloquereque. Luonia oratione Suierceuij commotus, alta suspiria ex intimis praecordiis ducens, paucis ac breuibus respondet. Et uirtus mihi uestra, equites fortissimi, uita mea mihi chariores, nota, perspectaque est, (cuius spectator fui) & totius belli omnia consilia nota. Non igitur obiectos uos temere caedi hostium uelim, sed consilijs eorum prius exploratis, nos cum eis dimicare uelim. In proximo Czarnieuicius cum exercitu meo est: qui in hostem intentus, omnia consilia eorum cognita habet. Nec ego tantam rem cuius commisi, sed huic, cuius mihi fides semper in dubijs ac difficillimis rebus perspecta est: quem comitem tot peregrinationum mearum, propemodumque exilij habui. Ipsemet modo ad me retulit, Turcarum non esse amplius quam quindecim millia. Qui etiam si triginta essent, eos nos diuino auxilio freti ad satietatem caedemus. Haec ubi respondit, ut in eo loco sese cum uniuerso exercitu contineret, luoniam Suierceuius orat: se cum suis aduersum hostem profecturum, ut aliquem ex castris ipsorum capere possit, certioraque de consilio hostium explorare, cognoscereque. Luonia prompto, alacrique animo concedit: cui Veremiam cum sex millibus Valachorum, magistrum equitum adiungit. Qui simul profecti, in speculatores Turcicos, quorum agmen sex millium fortissimorum equitum erat, incidunt. Subito cum eis prelio inito, eos pallant, in fugamque conuertunt: e quorum numero unum capiunt: qui tot, tantisque uulneribus affectus, cum sese subito moriturum praesentit, simulanter narrat paucos Turcas esse in armis. Sed uelites, ficta eum narrare animaduertentes, nec contemnendum numerum esse hostium conijcentes, qui in tantam multitudinem speculatorum inciderint: subito de hisce luoniam certiores faciunt, ut rebus suis consulat, quidque fidendum Czarnieuicio sit, etiam atque etiam cogitet, uideatque. Qui nil aliud respondisse dicitur, solum illud: lam non est ut perturbemur, aut horrescamus. Ego scio cui fidam: breui numerum hostium ipsi cognoscemus. Ego enim eo animo huc processi, ut patriam meam contra hanc crudelitatem hostium, ad ultimum exitum uitae tuear, defendamque. Atque ita communis castris suorum ad lacum qui ex Danubio profluit, ut opportunam aquationem haberet, iubet equos trecentes adducere, ut uelites eis cum Valachis consensu, qui superiore nocte Turcas pallauerant, omnes simul contra hostem proficiscantur. Erat prope hostium castra collis arduus ac sublimis: quo conscenso cum socijs, luonia hostium castra contemplari uoluit. Sed ea nulla ratione conspici potuit, eo quod in decliui loco posita erat; nec a quocquam e longinquo loco conspici, nisi quis ad ea prope accederet, poterant: solum in diuersis locis quatuor inter se disiunctis, speculatores hostium animaduertit: qui, conspectum Valachorum declinantes, sese in quendam tumulum per diuersos tramites, qui non procul a suorum castris erant, abdunt. Luonia, prope hostem adesse suspicatus, totum exercitum suum, (erat autem triginta millium) quoniam multitudine abundabat, in triginta turmas, per interualla disponit. Ante singulas turmas tormenta muralia mirae magnitudinis collocat. Erant autem octoginta, quae ex sese globos igniferos euomebant. Pedites simili ratione ab equitibus semotos, quorum magnus numerus erat, disponit: qui luoniam apud se retentum, ad equites haud patiuntur progredi, non mediocriter de uita ipsius, ne a primoribus deceptus, uiuus in potestatem Turcarum ueniret, pertimescentes: solum ad Ko-

Consultatio  
Kosacorum

Responsum  
luoniae.

luonia Suierceuium contra hostes mittit.

luonia responsum.

Profectio luoniae contra hostem.

luonia hostium castra contempletur.

Stratagemae luoniae.



facos Polonos eum interdum eum commeari patiuntur. Nam pedites, gens rustica, singu-  
 lari fide ac animo in luoniam fuere: quorum arma, falces, arcus, gladij reflexi, Turcicorum  
 similes, ac fustes erant. Instructa acie, firmissimisq; subsidijs firmata, luonia, antequam si-  
 gna canerentur, iterum collem arduum, ut ex proximo loco castra hostium contempla-  
 retur, conscendit: quorum multitudine præter spem ac opinionem uisa, cognoscit, se esse  
 à Czarnieuiocio in fraudem inductum: quare eum ad se accire iubet, qui respondet: sibi  
 iam facultatem ad ipsum ueniendi non dari, se statim cum Turcis certamen pro incolu-  
 mitate ipsius initurum. Habuit autem Czarnieuiocius fortissimorum equitum, quibus  
 præfuit, tredecim millia, optimè armis instructa. Cum igitur signa canerentur, Turcæq;  
 acie suorum optimè disposita, prælio sese expedirent, ibi proditor Czarnieuiocius, primus  
 prælium init. Cumq; illi dimicandum, congregiendumq; cum hoste esset, uti cum Tur-  
 cis constituerat, iubet suos uexillum demittere, & pileos hastis ensibusq; impositos, ele-  
 uare, ac capita flectere. Ibi Turcæ, animaduersa uoluntaria deditioe, in sublime hastis  
 suis erectis, eos ad se transire iubent. Hac tali defectione Czarnieuiocij, exercitus luoniae  
 consternatus, omnes retrocedentes, properè ad luoniam accurrunt: rem esse perditam  
 narrant. Quorum ille uocibus minimè consternatus, (uterat in rebus dubijs, subitisq; in-  
 trepido animo) eos id pro nihilo ducere, ac contra Turcas sese expedire iubet. Sed Tur-  
 cæ, postquam turmas Valachicas trepidare uident, agema suorum contra eos motient:  
 ante se illos ipsos Valachos propellunt, ac tergiuersantes cadunt. Quibus luonia uisis,  
 ira percitus, in eos uim tormentorum exonerare iubet. Sic illi partim à suis, partim à Tur-  
 cis in medio caeli fuere. Turcæ uerò proditorum terga secuti, eisq; tecti, per stragem cada-  
 uerum ad exercitum luoniae, sanguine eis iter, qui instar riuus ex caesis Valachis fluebat, in-  
 tercludente, peruenere. Quos Kosaci, more solito, à lateribus aggressi dissipant, non me-  
 diocriterq; turbant. Adsunt alij Valachi, animo, armis, uigore, ac uiribus corporis, Turcis  
 longè superiores: qui sibi aditu patefacto, Turcas egregie cadunt. Hinc clamor permi-  
 stus hortatione, lætitia, gemitu oritur: item strepitus armorum ad cælum ferri, sagittæ utrin-  
 que uolare coeperunt. Non sustinere uim Valachicam Turcæ: subito terga, seu timore  
 perculsi, seu data opera, dant: ac quingentos passus, ut Valachos ad locum insidiarum  
 pertraherent, ubi uim tormentorum in abditis locis condiderant, retrocedunt. Sensit eum  
 dolus Suierceuius hostium. Quare sublato clamore, monet turmas tam Polonicas quam  
 Valachicas, ut pedem referant. His illi adhortationibus concitati, imminenti se periculo  
 manu armata subtrahunt. In hos Turcæ recentes impetum faciunt: sed Valachi eos egre-  
 gie sustinent, nullaquæ memorabili clade accepta, ad castra suorum incolumes reuertun-  
 tur. Luonia ex suorum successu lætus, tam Valachorum quam Polonorum, iuxta tormen-  
 ta aciem disponit: ubi singuli impletis pharetris pluribus sagittis, lanceis alijs acceptis, in-  
 tenti in hostem erant. Turcæ recentibus uiribus feroces facti, subito in Valachos irruunt.  
 Quibuscum fortiter congressi, nullius imminenti periculi ratione habita, dispositis tor-  
 mentis in Valachos, eorum aciem non mediocriter turbant. Quorum conatibus Valachi  
 obuiam euntes, fit atrox pugna, eademq; propemodum par. Cadebant præcipites tam  
 Turcæ quam Valachi ex equis: iam uires uiris, iam ferro sua uis deerat. Tantus pulvis è  
 tormentis, è quibus crebri, uiolentiq; globi emittebantur, excitatus fuit, ut ipsius densitas  
 solem obscurauerit: nec ulla uox hominū in tanta multitudine exaudiri potuit, nec quis-  
 quam à quoquam uideri: nec magistri tormentorum, in quam partem eis globi emitten-  
 di essent, scire. Nec in tam aspero negotio luonia territus, suisq; succurrendum ratus, sub-  
 lata uoce proclamat, ut retrò post tormenta cedant, uexillaq; sequantur. Turcæ quoq; re-  
 tro cessere. Oppidani Oblacienses, tantam atrocitatem pugnae ex oppido spectantes, cer-  
 nentesq; copias Turcarum à Valachis prægrauari, fugam parant. Est id oppidum trans  
 Danubium, ditionis Turcarū: ex quo effusa multitudo, in remotiora Turciæ fugit. Post-  
 quam quasi ex composito, ab utraque parte ab armis discessum fuit, repente ingentibus  
 procellis fusus imber: quo uniuersa agmina tam Valachorum quam Turcarum perfusa  
 fuere: illeq; totus pulvis, ingenti boatu tormentorum, et pedibus dimicantium excitatus,  
 in terrā delapsus, discussus fuit: sed maximo detrimento Valachica tormenta affecit, quæ  
 eis magno adiumento contra omnem uim Turcicam fuere. Nam ea coelesti aqua persuf-  
 sa, globos emittere nequibant. Hodiernorum tam muralium, tam eorum quibus, tam  
 equites quam pedites utuntur, apud ueteres nullus usus fuit. Non ita pridem hæc sunt,  
 usus coepit an. circiter annum millesimum, trecentesium, supra septuagesimum sextum, inuenta. Quæ  
 Christi 1378. accepta primò Veneti à Germanis, hisce in eo bello usi sunt quod contra Genuenses ad  
 Germanus in- Clodiam fossam gessere. Primi tormenti inuentor fuit quidam Germanus, cuius nomen  
 uentor primi à scriptoribus non proditur: cui casu in mentem uenit tale quid in perniciem hominum  
 tormenti. inuenire. Fertur enim seruasse domi in mortario puluerem sulphureum, cuiusdam medi-



cina causa faciendæ, illumq; texisse lapide: ac inde contigisse, ut cum ignem propè ex si-  
 lice excuteret, scintilla nitro inciderit, subitoq; flamma concepta, eadem eruperit, atque la-  
 pidem in altum tulerit. Quam ille rem penitus considerans, postea ferrea facta fistula, &  
 puluere confectio, machinam reperit: in quam immisso prius puluere, demum globo  
 igne admoto, ex eo sonitum terribilem, eundemq; uolentum edidit. Huius usus est a- Bombardæ  
utilitas.  
 pud omnes gentes: formæ sunt uariæ, ad expugnandasq; urbes aptissimæ, ut in eis o-  
 mnis uis peditum, omnis equestris splendor, omnis denique bellica uirtus constet. Cum  
 uolentia pulueris, globus excutitur, quicquid obuium offendit, quassat, dissipat, frangit,  
 contundit: adeo ut nullus locus sit, quamuis natura munitus, qui non facile expugnetur.  
 Is igitur machinæ huiusmodi repertor, pro mercede (ut opinor) accepit ut nomen eius si-  
 lentio perpetuo premeretur, ne omni tempore à cunctis mortalibus, diris deuoueretur:  
 dignus scilicet qui prior ipse uice Salmonæ, fulmine flagrasset: (Salmonæ enim, Acol- Nota de Sal-  
monæ.  
 filius, cum Iouem uellet in fulminibus iaciendis æmulari, ab eo de cælo tactus, detru-  
 ditur) quando hæc fulmini, odore, luce, sonitu, impetu simillima est. Sed nos ad institutam  
 historiam reuertamur. Irritatis tam Valachicis quam Turcicis animis certamine, etiam  
 acrius concursus est. Nam Turcæ, eductis suorum uiginti millibus in aciem, in læuam  
 partem, ubi tormenta Valachica disposita erant, profiliunt. Ibi Valachi in eos tor-  
 menta displodere nequeunt. Nam iam à cælesti aqua corrupta fuerant. Nihilominus mu-  
 tuo sese cohortantes, in Turcas magnum impetum faciunt, cum eisq; ad ultimam defa-  
 tigationem dimicant. Subito adsunt Scythæ, cum recentibus copijs Turcarum: qui, cum  
 sese nullo à tormentis detrimento affici uident, ex inferiore loco per diuersos tramites in  
 quibus latitabant, egrediuntur. Ibi dissono clamore perterrefaciunt Valachos, & à tor-  
 mentis remouent, in fugamq; conuertunt: qui per Valachicos patentes campos dispala-  
 ti, instar pecudum à Turcis caduntur. Nec iam plures ad hoc usque tempus, quam du- Redit ad histo-  
riam.  
 centi quinquaginta uelites, seu Kosaci, supererant. Sic mutata fortuna belli, unius perf-  
 dia Czarnieueci: quæ non multo post supremam cladem Iuoniæ attulit. Nam Iuonia  
 accurrens, ad reliquum peditatum, & illos ducentos quinquaginta uelites (quos Turcæ  
 fatigati cæde Valachorum, aggredi non ausi erant) conuersa oratione sic dixisse fertur:  
 Video, fortissimi uiri, nos unius Czarnieueci perfidia in extremum periculum addu- Pugna Vala-  
chorum cum  
Turcis.  
 ctos esse: sed ubicunque corpora uestra ferro hostili interfecta iacuerint, ibi & meum in- Victoria Tur-  
carum.  
 ter uestra erit: anima cælum petat. Ad quem ita Suerceuius: Hæc præsens mors, Iuo-  
 nia, uti fortes uiros decet, nos minimè mouet, modò summa ui innixi, hosce canes, hostes  
 nomini Christiano insensissimos, ad satietatem, antequam nobis intereundum erit, ceda-  
 mus. Hæc effatus, subito uelites ex equis descendunt, seseq; cum peditibus coniungunt:  
 quibuscum simul conglobati, sexaginta tormenta muralia Turcis subtrahere: solus Iuo- Kosaci sese  
cum peditibus  
coniungunt.  
 nia uno arrepto, quod uix duo decim equi trahere poterant (tantæ uires illi fuere) illud tra-  
 hit. Quo Poloni uiso, illud ipsi ademere, leuiori dato. Hinc compositis pedestribus co-  
 pijs, quorum adhuc erant uiginti millia, Iuonia retrocedit. Quoniam uero tormenta eis  
 maximo impedimento erant, ea abiiciunt: sed ita ut Turcis post nulli usui fuerint. Nam Iuonia retroce-  
dit.  
 maxima ui pulueris in ea imposita, cum ea Turcæ disploderent, omnia disrupta fuere.  
 Interea Iuonia, qui iam & animo & corpore deficiebat, cum omnibus pedestribus copijs,  
 & nonnullis tormentis, uestigia cæsi exercitus sequitur: nec plus una die, ob ingentem  
 stragem cumulumq; cadaverum, quæ passim cæsa in uis inssepulta iacebant, mille passus  
 progredi poterant. Qui cum uniuerso peditatu in locum ubi antè uilla incensa fuerat, Iuonia castra  
munit.  
 quædamq; recentia rudera extabant, cum uenisset, castra sua ibi communis, eaq; fossa, ne  
 subito à Turcis occupari possint, cingit. Ea in parte (sed satis obsistere difficile erat) consi-  
 lium Iuoniæ dignum repræhensione fuit, quod ibi suos uallo cinxisset, ubi nulla com-  
 moda aquatio fuit. Nam siti homines enecti moriebantur, seseq; Turcis non multo post de-  
 didere. Sole iam iam occidente, eadem die decima mensis Iunij, Turcæ à fuga Valacho-  
 rum, quos persequabantur, reuersi, subito castra Iuoniæ circumdant, atq; coarctant: quo-  
 rum tanta multitudo fuisse dicitur, ut oculis terminari nequirit. Quibus circumdatis, ne-  
 minem ex exercitu Iuoniæ egredi patiuntur: utq; spem omnem ei commeatus præcede-  
 rent, uillas castris Iuoniæ proximas, in quibus ampla prædia erant, tota nocte incen-  
 dit. graui consumunt: idque ideo, nequis obsessorum effugeret: neue extra ual-  
 lum obscura nocte egressi, ipsos inuaderent. Appropinquante luce, (quæ fuit un- Turcæ castra  
Iuoniæ infe-  
stant.  
 decima Iunij) Turcæ in castra Iuoniæ multitudinem globorum & machinis murali-  
 bus emittunt: sed illa nullo detrimento affecta fuere, eo quod alto aggere obualla-  
 ta erant, unde sese Valachi, pariter cum Polonis, contra Turcas egregie defende-  
 bant, in eisq; ingentem stragem toto triduo faciebant. Turcæ, difficilem expugnatio-  
 nem castrorum Iuoniæ animo cernentes, per internuntios cum eo colloquia ferunt,



Colloquium  
Turcarum  
cum Iuonia.

Iuoniae respon-  
sum.

Oratio Iuoniae  
ad suos.

Polonorum  
responsum.

Valachorum  
responsum.

Iuoniae uerba  
luctuosa.

Iuonia legatis  
respondet.

Prima condi-  
tio.

Secunda.

Tertia.

Oratio Iuoniae  
ad purpura-  
tos.

Novissima ora-  
tio ad Polo-  
nos.

ut ille omni cunctatione omiſſa ſeſe dedat: ſpem ei maiorem debere eſſe in miſericordia Turcarum, quàm in ſuis ullis uiribus: præſertim cùm omni ope, auxilioq; deſtitutus, poſt ſe dedere cogatur. Quare ſpontanea hac deditioe præoccuparet animos ipſorum, nec in tam anceps periculum & ſuas copias, & Turcicas inſiceret. Ad ea ſic reſpondet Iuonia: Video ac animo cerno, in quam aduerſam neceſſitatem adductus ſim: ſed, cùm penes me firmiſſimas copias pedefires habeam, poſſim certè non ſine ueſtra clade cadere. Quare, cum fortunæ hoc tempore cedendum, ac neceſſitati arbitrer, non renuo deditio- nem: ſolùm ductores ueſtri me à uobis conſeruatum iri, ac quaſcunq; uobis conditiones propoſuero, uos eas integras conſeruatuſ uirent: nec id ſemel, ſed quiuis ſepties. Hiſce dictis, internuntios extra munimenta caſtrorum excedere iubet: quibus ſe quamprimùm reſponſum daturum pollicetur. Hiſce ita compoſitis, omnes ad ſe Polonos, pariterq; Valachos conuocat, ad quos ſic uerba feciſſe memoratur: Hodierna dies hæc triftis ac miſera à nobis, fortiſſimi uiri, aut deditioem extorquet, aut hic inter hæc ſepta enectos mori iubet. Quare utrum conſultius rebus noſtris ſit, an ſeſe huic truci hoſti dedere, uel por- tis caſtrorum patefactis in indubitata morte ruere, ac non ſine cade hoſtium glorioſe cadere: in medium conſulte. Mors certè ſola finem omnium malorum afferet, quæ corpus à cruciatu, oculos ab indignis rebus auertet, noſq; diuino conſpectu frui efficiet. Plura loqui uolentem ac cupientem uis lachrymarum orta præpediuit. Ad quæ ſic Poloni: Mors nobis, Iuonia, nunquam acerbior ac atrox, & eſt, & erit. Quare, ſi ita animo deſtinasti, hunc crudelem hoſtem inuadamus, potiusq; glorioſe cadamus, quàm ab ea capti, per ludibrium, per dedecus, per uarios cruciatus, non ſine contumelia uitam finiamus: præſertim cùm nulli Chriſtianorum fidem datam conſeruet. At contra Valachi, quorum tantus animus in mortem non fuit. Deditioem quidem non ab ſe abnuere, ſi pro certo Iuonia ſciret, Turcisq; fidere, quod ipſum incolumem conſeruaturi eſſent, poſſet. Si de fide eorum dubitaret, ſe cum Polonis ad ultimam internecionem, fidei ſemel ipſi datæ memores, contra Turcas malle dimicare, quàm per fraudem illorum omnibus eſſet pereundum. Iuonia huc illuc animo fluctuans, quid ſibi faciendum eſſet, animi dubius, in diuerſum curis trahebatur. Mouebatur indigna calamitate ſuorum, eò quod multi ſiti enecti, indies magis atque magis moriebantur, ac breui poſt omnibus pereundum erat: ſerò culpans conſilium ſuum, quod in tam iniquo loco caſtra poſuiſſet. Quare ſummo cum gemitu, & lachrymis ſanguinolentis ita exclamat: Malo me hoſti dedere, quodq; aduerſa ſors attulerit, pati, quàm ut mea cauſa tot millia hominum ſiti pereant. Percun- ctabor nihilominus legatos ad me miſſos, an in hæc conditiones quas eis propoſuero, iurare uelint: Si iurauerint, tum me eis dedam. Quare legatos Turcarum, qui extra mu- nimenta caſtrorum reſponſum expectabant, acciri iubet, eosq; ita aſſatur: Ite, ueſtrisq; imperatoribus hæc nunciate. Quamuis firmiſſimas copias, quas ipſi cernitis, habeam: quorum fideli ſubſidio ſubnixus, hæc ueſtras uires ſuſtinere poſſim: tamen neceſſitati hoc tempore cedendum arbitror: Quare ſi omnes imperatores & præfecti ueſtri, ſinguli ſepties, in hæc conditiones mihi iurabunt: tum primùm me dedam. Primò, ut uniuerſum equitatum Polonicum, ſingulari fide ac uirtute præditum, unà cum ſuis equis ac impe- dimentis, à quauis gente magnificandum, qui ad poſtulata mea uenire, ſine ullo impe- dimento ſaluum reuerti patiantur, liberumq; eis tranſitum per Neſtrum flumen dent. Se- cundò, ut me ad Selymum, Turcarum imperatorem, dominum meum, uiuum ac incolu- men deducant. De Valachis nihil dico: quos æquum eſt, cùm Caſaris deditiſ ſint, con- ſeruare: quos ſi uos uiolaueritis, uel trucidaueritis, ingens detrimentum Caſari, uel ei quem ille poſt Valachia præficiet, eſtis allaturi. Hæc legati ubi purpuratis, & arcium præfectis expoſuiſſent, omnes pedibus in conditiones eas eunt: ſeptiesq; ſinguli omnia poſtulata iuramento militari, etiam ſuorum militum nomine, confirmant. Tandem ipſe- met ad purpuratos Turcarum, omni metu depoſito, impendentisq; periculi neſcius, e ca- ſtris egreditur, coramq; ſic pro equitatu Polonico uerba facit: Cùm ita Deo Opt. Max. uſum ſit, ut poteſtatis ueſtræ factus ſim: uos ego per fidem ueſtram, quam mihi ſacramen- to militari ſanxiſtis, oro ac obteſtor, ut equitatum Polonicum, liberè in equis ad ſuos cum omnibus impedimentis reuerti patiamini. Digni etenim ſunt ij uiri, ut eos omnes mor- tales colant, ſuſpiciant, magnificiant. Si quod ueſtrum odium eſt in eos, illud in me con- uertite: quod ego pro eis ferre, ſuſtinereq; paratus ſum. Demum ſuis pauliſper à ca- ſtris remotis, ad Polonos, quos educebat, illa uerba nouiſſima dixiſſe fertur: Nunc gra- uis ac acerbior fortuna, uiri fortiſſimi, me à uobis diſiungit: quare hanc dextram uobis ſin- gulis porrigo, teſtorq; quoad uſque ſpiritus meus hoc in mortali corpore ſuper- erit, nomen ueſtrum grata animi memoria me proſequuturum. Non ſine lachrymis hæc Poloni audiuerunt: cuius dextram cum flebili ululatu amplexi exoſculabantur.

Qui



Qui cum iam ad tertium teli ictum à castris abfuissent, Valachos quoque pariratione è castris educit: quibus non sine lachrymis ualedicit. Recordatus auri ac unionū, quos penes se habebat, iterū ad Polonos reuersus, gladio accinctus utrinque acuto, omnia eis largitur, tandemque flens sic inquit: O si mihi iam ad manus uestre copiae quam priores ille duplo maiores essent, uel saltem ea integre: efficerem profecto, Deo adiuuante, ne quis istorum canum ad occasum solis in hac regione, quam mihi Deus propter magnitudinē scelerum meorum adimit, superstes foret. Sed frustra uos, uiri fortissimi, uolubilitate uerborū inani detineo: id ferre cogor, quicquid mihi Deus imponet. Vos ita à me discedere uelim, & opto, ut uos Deus Opt. Max. incolumes ad patrios lares deducat. Me quoque si Deus è manibus cruentis horum teterrimorum hostium conseruabit, meque Turcici Bassæ, uti polliciti sunt, uiuum & incolumem Selymo sistent, iureiurando mihi pro re certa polliceor, me post beneficio Selymi, cuius sensus omnes calleo, Valachiam iterum habiturum. Vos interim oro, ut dulcissima recordatione semper memoriam mei colatis. Quicquid opum & diuitiarum mihi post erit, id in uos conferam, uestræque stirpis Polonicæ homines ad summos gradus honoris, quoniam fides, fortitudo, constantia uestra, in rebus dubijs est mihi perspecta ac cognita, eueham. Hæc effatus, quicquid residui unionum aureorum habuit, id Polonis largitur, inquit: Nolo ut id in manus horum immanissimorum hostium perueniat. Prinde considerans fortitudinem uestram, & fidelem operam, quam mihi adhuc nauastis, et cum affectum sanè mirum, quo me prosequuti estis: omnia uobis dono: animi grati beneuolentiam erga uos, ac omnem gentē uestram, penes me relinquo: quā semper ad extremum spiritum retinebo: cuius rei testē Deum, huius uniuersitatis creatorē, inuoco: cui uos commendo. Huiusmodi precatio ac obtestatio luonia, omnibus Polonis lachrymas excussit: cui gratias egere. Qui armis à se abiectis, more supplicis, ad castra Turcarum, sumpto secum Polono Osmolio, peruenit: quibuscū integras quatuor horas colloquium habet. Ibi Bassa Capuctus, fortassis oratione eius offensus, inimemor fidei sacramento militari confirmatæ, quam luonia dederat, stricto gladio, uentrē, faciemque eius discidit. Ita uulneratum lanczari corripuit, & semiuuo caput amputant: deinde truncum, pedibus duorum camelorum alligatum, discerpendum obiciunt: quod belluæ in diuersum concitatae discerpunt. Caput hastæ infixum: cadauer discerptum, in frustaque minutissima concisum: cuius ossibus inter se partitis, cruore cadaueris recentis gladios perungebant, sanguinemque equis suis bibendū porrigebant, Deo supplicantes quò in ipsis quoque idem uirilis animus, & eadem belligerandi ratio esset. Eum exitum luonia, uir memorabilis, habuit: qui perfidia Turcarum tam crudeliter ac nefarie, omnium cū tristi desiderio, è medio sublatus fuit. Quod ei, reor, non accidisset, si in religione Christiana constantior fuisset, & imperata fecisset. Dolendus ipsius casus, in exemplū est, documentumque inconstantiae rerum humanarum. Nam sicut antè secunda fortuna rebus supra uota fluentibus, in ostentationem fragilitatis humanæ, destruens quæ cumulauerat, exitum miserabilem, horrendam ruinam, fœdamque mortem luoniae adiecit. Turcæ miserabiliter luonia occiso, subito in Valachos, quos luonia è castris eduxerat, impetū faciunt, eosque instar pecudum crudeliter interficiunt. Poloni uelites, uisa perfidia Turcarum, nec sibi tutum reditū in Poloniam esse cernentes, in castra iterū, ex quibus excefferant, regredi uolebāt. Sed ea à Turcis occupata iam erant. Demum, sese mutuò cohortati, in agmina densa Turcarum, pleni animi, speique summa ui incurrunt: quibus disruptis, disiectisque, omnes fortiter occubere: pauci grauius uulnerati: qui post Turcis admirationi fuere, quod paucissimi in numerosos prouissent, pugnarentque uiriliter: quodque, lethaliter sauci, per media castra ambularent, nec ob id mortui essent. Illi autē præcipui capti è Polonis fuerunt: Suterceuius, cuius præcipua uirtus, industriaque singularis in eo bello extitit: Coslouius, Sadorscius, lancius, Zalescius, Copiscius, Rescouius, Socolouius, Libisouius, Cifouius, Sucinius, Bogscius: qui omnes post ab heris suis grandi ære redempti fuere. Sollicitabāt autem eos Turcæ, ut religione Mahometi amplexa, in uerba eorum iurarent: pollicētes, fore ut amplissimis bonis à Selymo acceptis apud eos uitam tranquillam, beatamque ducerent. Sed illi omnibus Turcarum pollicitationibus spretis, maluerunt apud suos uitam inopem agere, quam in opulentia ac omnium rerum affluentia, cum animæ iactura, apud Turcās: magnæ admirationis uirtus eorum fuit: qui Turcæ, quamuis in suorum laudem propensi sunt, tamen uulgo sermonibus iactitarūt, in toto regno Poloniae, uiribus, industria, belligerandi promptitudine, eis minime pares esse. Illi, hisce auditis, Imò nos omnium (inquiunt) sumus infirmi: qui ob inopiam apud nostros nullo loco habito, in hæc oras uenimus, uel ut honestè patriam defendentes, mortem oppeteremus, uel præda nacti, ea onusti, ad nostros reuerteremur. Quibus ut crederent, haud id in animum suum inducere poterant.

Valachi à luonia educuntur.

luonia uerba ad Polonos.

Miserabilis exitus luoniae.

Exemplū inconstantiae rerum humanarum.

Extremus conatus uelitem.

Capti Polonorum præcipui

Constantia Polonorum.

Turcæ captiuos Polonos laudant.

Captiui uirtutem suam eleuant.

Post



Selymus to-  
tā Moldauiam  
occupat.

Pocucensis  
ora situs.

Mors Selymi  
anno Christi  
1574.

Post Selymum  
regnat Sultā  
nus Amuratha

Scythae Russiā  
uastant.

Post tam ignobilem cādem luonia, Selymus totam Moldauiam occupat: omnes fe-  
se stirpis Valachicæ, tam summos quā infirmos, crudeliter ē medio tollit. Totāq; Vala-  
chia occupata, arcibusq; ipsius firmo præsidio munitis, alia multitudine alibi in colonias  
deducta, in Russiam intentus est. Quæ sibi unā cum uniuersa Polonia, à tam potenti, per-  
fido & immanissimo hoste caueat. Nam optimè, sollerti animo Turcæ cernunt, occupata  
à se Valachia, ac deinde Pocucensi ora, (quæ est regio inter Hirastum & Tyram, ultra Ca-  
menecium uersus Haliciam, Podolie emporium, in ulteriores Polonicæ ditionis ripa, con-  
tra Zuthannam Tyra impositum) pro qua Poloni cum Valachis ad internecionem pu-  
gnabant, bello illato, omnia in Podolia ipsorum aperta fore libidini, quæ se in Poloniam  
quoq; extendere possit. Nam id est Turcicis imperatoribus in more positum, ut, si finiti-  
mi alicui genti sint, aucupata occasione, ac iniectis factionibus inter principes illius gen-  
tis, eam post facile bello aggressum uincant, eiq; perpetuum iugum imponant: ut memo-  
ria patrum Grecis fecere, nostra Ungaris, non ita pridem Valachis. Polonia est eis undēq;  
præsidio tot gentium nudata: quæ hactenus uiros eorum, Scythicasq; in tanto dissidio  
Christianorum, qui sese cū applausu Mahometi, ciuili ferro confodiunt, sustinuit. De qua  
occupanda, non medio cris ea cura stimulat, ut per illam uniuersæ Germaniæ bellum in-  
ferre possint: cum ipsis ad Germaniam uastandam difficilis aditus, per Austriam, ob mu-  
nitiones Viennenses, pateat. Non diu post captam Valachiam Selymus superstes fuit: qui  
ferè 4. anno post quā à patre Solymano regnare coepisset, fatalem horam anno Christi  
1574. quindecima die Decembris, obiit: in cuius locum filius, stirpis maximus, Sulta-  
nus Amuratha, tanto silentio à Baisis occupadum imperium accitus successit, ut prius ad  
Constantinopolim ueniret antequam adesse ab omnibus suspicaretur. Qui imperium  
patris à se de quinque statum, duarumq; matrum, (quarum una grauidæ erat) & multorum  
procerum, secutus morem ueterum Turcarum Casarem, inchoans, omnibus terrori ac  
formidini studet esse. Hic, ut lanczaros frementes placaret, quod ipsis inscijs à Baisis ac-  
citus imperium inuasisset, hæc eis postulata conceisit. Largitus est singulis à summo ad  
minimum septuaginta quinque taleros: stipendium illorum auxilios ipsorum, ubi ado-  
lescerent, lanczaris ascribendos statuit. Numerum lanczarorum duobus millibus maio-  
rem fecit: ita ut iam sint sedecim millia. Postremo, in prælio mutilatos, immunes à bello fe-  
cit, & omnem uictum ad uitam transigendam eis dari iussit. His ita compositis, memor  
cladis quā luonia cum Polonis Kosaci, ditionibus Turcicis intulerat, ut aliquando Po-  
lonos ulcisceretur, immisisit mense Octobri, anni 1575. centum & undecim millibus Scy-  
tharum Præcopiensium, regiones Russicas quāquā uersus, ad quadraginta milliaria per-  
uastauit. Ducentas domos equestris ordinis, ac pagos permultos, flamma iniecta in inimi-  
tes hostes exusserunt: senes ē plebe, puerulosq; plorantes cōtrucidarunt. Nobiles tamen  
haud plures triginta uel in prælijs occiderunt, uel pariter cum uxoribus, liberisq; in Vala-  
chiam, miseris modis colligatos abduxerunt: multi greges bouum, ouiumq; multa equo-  
rum armenta, ab illis abacta sunt. Lasis crura succidebant: uiuis coria ad uincendos homi-  
nes detrahebant. In traiectu Nestri fluminis, magnus captiuorum planctus auditus est,  
quod se iam planē in acerbissimi hostis potestatem uenisse uiderent. Quos nostri libera-  
turi fuissent, ni confisi uanis promissis Petri Palatini Valachiæ, qui se Scythijs reditum in  
patriam, per Valachiam permissurum negabat, nostrisq; id sanctē promittebat, ad Kio-  
uiam, quā hostis uenerat, eādem sperantes rediturum, conuersi, paulò tardius ad Nestrum  
concurrissent. Multi quidem tum Scythæ occisi: plures tamen Russi abacti ab illis sunt:  
qui passim grassante tam numeroso hoste, conuenire ad Mieliecium Palatinum Podolie,  
haud potuerunt. Interemptus quidam Scythæ à Iacobo Niczabitouio, cum septingentis,  
quos ducebat: cuius frons uiginti quatuor digitos lata fuit: manus & pedes, adeoq; to-  
tum corpus stupendæ magnitudinis: humi iacens cadauer, umbilicum uiri stantis attin-  
gebat. Dum uerò isti prædam in Valachia cum Palatino partiuntur, Kosaci, Borysthenis  
accolæ, milites generosissimi, ductore Bogdano Rosinskio, in Scythiam irruunt, flam-  
ma & cædibus omnia complent, foeminarum ubera abscindunt, alias excæ-  
cant, liberos illarum collidunt, ueteres captiuos liberant. Sed iam

placet historiæ finem imponere. Ex qua id inter alia di-  
scimus, Turcas uinci à Christianis posse, si sint

fideles & impauidi milites, firma auxi-

lia: ac (quod primum est) si sit

fortis & gnarus militiæ

imperator.

EXEMPLAR



EXEMPLAR QVARVNDAM LITE-  
RARVM SVPER DISCESSV CHRISTIANIS-  
SIMI AC SERENISSIMI HENRICI III. GALLIA-  
rum ac Poloniae Regis: itemq; Illustrissimi Senatus  
Poloniae ad eundem  
Regem.

INCERTO AVTHORE.

ORATIO DANZAE AD SENATVM REGNI  
Poloniae Cracouiae congregatum habita.



**H**ENRICVS Christianissimus & Serenissimus Franciae & Po-  
loniae Rex, Dominus meus clementissimus, me die 18. huiusce  
mensis Iunii, hora nona pomeridiana, aut circiter ad se uocauit,  
qui primum agnouit me fideliter, & diligenter Christianissi-  
mis Regibus, aui, patri, & duobus ipsius fratribus inseruisse,  
eademq; se à me obsequia certè expectare significauit. Et cum  
ille de suo discessu mentionem fecisset, ingenuè fateor, me ma-  
gnitudine periculi uehemèter perculsum, perturbatumq; esse.  
Postea honorificè multa de Regno Poloniae loquutus, tan-  
dem testatus est, cū ordines Regni Poloniae eum Regem agno-  
uissent, satis scire, illos se, uxores, liberos, fortunascq; omnes unā cum Regno fidei ipsius  
commisisse, eam ob causam, se probi, digniq; Regis officio nunquam defuturum, affir-  
mabatq; se nec eos nunc deferere, nec unquam deserturum. Ad hæc, referebat, se amplis-  
simū Regni Poloniae Senatum, qui tunc hic aderat, de obitu Christianissimi Regis ipsius  
fratris certiore reddidisse, & quanto desiderio Regni Franciae ordines eius in patriam  
reditum expeterent, declarasse. Præterea, reginam ipsius Serenitatis dominā matrem iam  
sæpius & scripsisse, quòd si maturè in Regnum non rediret, eam tot hostium uiribus, qui-  
bus urgebatur, diutius resistere non posse, ab eoq; summis uiribus contendere, ut patriæ  
in tanto periculo consuleret sua præsentia, cum ipso absente id effici posse non speraret,  
dictum Regni Poloniae Senatum, illam quidem profectionem probasse. Verum reliquos  
Regni Senatores prius conueniendos esse respondisse. Cum uerò Regni Franciae nego-  
gotia eam moram non paterentur, sibi uel uitæ periculo patriæ necessitati esse subuenien-  
dum, statum Regni Franciae perturbatissimum, afflictissimumq; esse narrabat, cū Pro-  
uinciae omnes in armis essent, bellumq; nunc illic maioribus uiribus, maiorq; animorum  
exacerbatione, quàm antea unquam, gereretur. Ad hæc, aduersarios ingenti classe litus  
Gallicum infestare, & Principem Condem cum sex millibus Germanorum equitum in  
Franciam proficisci, maioresq; copias per Germaniam, uicinaq; loca cogi, quæ illum es-  
sent subsequituræ, eam ob rem se non posse, nec etiam uelle patriam in tanto periculo dese-  
rere, pro qua sanguinem fundere illi esset iucundissimum: scire eum, sibi moriendum esse,  
honestam uerò mortem nūquam fugiendam, sed potius optandam. Hæc, cum fortissimi  
Principis, magniq; animi officia sint, non dubium est, quin is uerus, sincerusq; amor, quò  
Reuerendissimæ, Illustrissimæq; dominationes uestre sint amplexæ, & confirmabitur,  
& augebitur, cum illæ eum in pace moderatissimum, æquissimumq; in bello uerò con-  
stantissimum, acerrimumq; defensorem essent habituræ: Interim uerò nobis Francis tri-  
stissimum & quauis morte grauius. Et cum Reges Christianissimi hætenus, quacunque  
ire uoluerint armis, & uera uirtute sibi iter aperuerunt. Nunc uidere hunc Regē nostrum  
ea qua est ætate, uagum & in peregrina terra errantem omnibus supplicem esse: nec iam  
sua culpa, sed nostra causa, & uero in patriam amore. Et quoniam ipsius Serenitas facile  
prouidebat, Dominationes uestras Reuerendissimas & Illustrissimas inopinatum istum  
suū discessum molestissimè laturas, ille mihi sæpius iniunxit, ut graues, æquissimasq; cau-  
sas, quæ illum tot, tantisq; periculis se exponere cogant, Dominationibus uestris Reue-  
rendissimis & Illustrissimis declararē. Quibus intellectis sperabat, ea sibi nihil de ipsarum  
in illum beneuolentia remissuras esse: sed constanter in data fide perseveraturas. Hæc au-  
tem ut ille consequeretur facilius, significauit mihi, se ad quosdam Regni istius Senato-  
res literas dedisse, & à me petebat, ut ipsis redderem, eosq; suis uerbis diligenter rogarem,  
ne illi hoc suo discessu offenderentur, sed iustissima, necessariaq; causa perspecta, illum ha-  
berent



berent excusatum etiam apud ceteros Regni Senatores & Proceres excusarent, illum omnia ipsis Clementiss. Principis officia polliceri, & cū ipsius Serenitas literas illas in suo cubiculo esse putaret, uni soli cubiculario qui tunc adfuit, iniunxit, ut mihi illas daret: qui respondit, nullas ibi literas esse, tunc ille promisit, se curaturum, ut mihi altera die traderetur, & quoniam heri amplissimus Senatus à me seriò petijt, ut si ipsius Serenitas mihi alia mandata, uel priuatim, uel publicè quibusdam deferenda demandasset, illa ego apertè declararem. Ego sanctè iuro & adfirmo, ipsius Serenitatem nihil mihi iniunxisse, cuiquam dicendum, proponendum, & promittendum, quàm ea, quæ exposui, uidelicet, ut eius discessum apud omnes declarata uera causa excusarem: eos, quibus scribebat, hortari, ut in ueteri in eum fide & beneuolentia perseverarent, ab ijsq; obnixè peterem, ut eum quoq; apud ceteros Regni Senatores proceres excusarent, & omnibus Clementiss. & Optimi Regis officia promitterent: ut autem ipsius Serenitas propensissimum suum in hoc Regnum studium, sollicitudinemq; testaretur, mihi quoq; demandabat, ut Dominationibus uestris Reuerendiss. & Illustriss. significarem, sibi consultum uideri, ut in primis idonei legati ad ipsius Serenitatem eligerentur, qui magnis itineribus in Franciam contenderent: hac enim ratione fore, ut omnes facilius in officio uestris prudentissimis consilijs & auctoritate continerentur. Nam ubi illi intellexerint, ipsius Serenitatem mortuo Rege fratre pro motibus Regni Franciæ sedandis, paceq; sua præsentia conficienda à Regni illius ordinibus supplicibus precibus, magna contentione euocari, & eam ob causam militum Regni Poloniæ Senatum legatos misisse, ut eorum consilijs & intercessione pax æquissimis conditionibus facilius constituatur, sperandum est, quòd interim omnes Regni Poloniæ legatis decerneretur, sunt expectaturi, & certè legatorum præsentia ad Francorū animos flectendos, & negotia publica ad optatum finem perducenda, profutura. Ego Carolus Danzeus, à Danzj, Christianiss. & Sereniss. Franciæ & Poloniæ Regis Consiliarius hæc, quæ hoc scripto nomine ipsius Serenitatis declarauī, & confessus sum, uera esse testor & affirmo. Cracouiæ 22. Iunij, anno 1574. Carolus Danzeus manu propria subscripsi.

LITERAE SENATVS REGNI POLONIAE ad Imperatorem Romanum.

**S**Acra Cæsarea Maiestas Domine, D. Clementiss. faciendum putauimus, ut Sacram Cæs. Maiest. uestram pro ratione uicinitatis & officij nostri certiore faceremus de ijs, quæ proximè præteritis diebus apud nos acciderunt. Quanquam ea minimè ignota sunt S. C. Maiest. uestre, quin imò certò scimus, Sereniss. Regem nostrum ditiones S. Maiest. uestre intrasse non satis pro Regia dignitate, paucis duntaxat comitum. Qua ex re S. C. M. uestra facile intelligere potest, Sereniss. Regem nostrum præter scitum & opinionem nostram è Regno discessisse: nam C. M. V. non ignorat, qua fide & obseruantia nos Principes nostros prosequi soleamus, neq; hūc Sereniss. Regem nostrum debito honore priuaremus, si cum scitu & consilio nostro eam protectionem instituisset. Subsecuti sunt & officiales Regni, & insequendo Plezinam ultra oppidum Domini Premniz ditionis Maiest. Vestre processerūt: sed ab instituto suo nulla ratione reuocari passus est. Reliquit quidem sua Maiest. literas ad nos, quibus hoc Regnum nobis commendat, & causas explicat, quam ob rem nos coelauerit de protectione sua: nimirum, ut Sereniss. matrem, patriam, & Regnum illud florentiss. ab interitu uindicaret. Sanè ut primum de morte Christianissimi Regis Galliarum, fama apud nos increbuit, & successionem ad Sereniss. Regem nostrum deuolutam esse, ne in eo quidem, quod illi naturaliter & hæreditatiuè obtigit, Sereniss. Regi nostro obesse uoluimus: nam & de periculis omnibus, de salute & comodis Regni illius non minus quàm de nobis ipsis cogitationem susceperamus, comunicatisq; consilijs de rebus omnibus statueramus prouidendum, adeò ut nullum Sereniss. Rex noster fidelium subditorum officium in nobis desideraret. Sed eius rei culpa hæret non tam penes excelsum, & uerè regalem ipsius animum, sed penes eos, qui eum priuato consilio ad hoc factum impulerunt. Ex quibus omnibus Sacra C. M. V. pro sua prudentia iudicare poterit, discessum hunc Sereniss. Regis nostri his temporibus accidisse, quibus maximè ab hostibus Christiani nominis ex minima occasione metuenda sit omnis periculi suspitio in hoc Regno potissimum, quod est quasi pro aliquo præsidio Christianis Prouincijs collocatum, quæ quidem pluribus uerbis S. C. M. Vestre scribimus, primum ad remouendam prætermissi officij erga Sereniss. Regem nostrum culpam, ne quis in eo nos deliquisse arbitraretur, deinde uerò ut S. C. M. V. ad eam fœderum & pactorum communionem, quæ M. V. cum Regno Poloniæ intercedit, inui-



tatemus, rogantes, ut quemadmodum sancte, & inuiolatè hætenus ea coluit, ita & nunc ea obseruare non desinat. Porro negocium hoc omne S. C. Maiestati V. ita commendamus, ut nulli magis unquam commendare possimus. Nam ut nollemus inuitum quenquam nobis imperare, ita non libenter uideremus, nos tales existimari, qui nesciamus officio nostro uti, & uoluntates Principum moderari. Non deest nobis animus pro dignitate, & libertate nostra quauis consilia habere: sed Polonorum semper fuit Reges, & Principes suos colere, reuereri & honestis potiùs, quàm externis studijs, & officijs eos prosequi. Quod reliquum est, nos, studiaq; nostra S. C. Maiestati uestræ commendamus. Data Cracouiæ 21 Iunii, 1574. Eiusdem S. C. Maiestati uestræ addictiss. Seruitores, Senatus Regni Poloniae, Cracouiæ congregatus.

REVERENDISSIMIS, ILLVSTRIBVS ET MAGNIFICIS  
Dominis, Senatoribus, Nobilibus, & generosis Equitibus Regni  
nostri Poloniae, & magni Ducatus Lithuaniae, Henricus  
Dei gratia Poloniae Rex, magnus Dux  
Lithuaniae &c.

**R**euerendissimi, Illustres, & magnifici Domini, Senatores syncerè nobis dilecti, uosq; generosi, & nobilissimi Equites, dici non potest, quanto cum doloris sensu in animum nostrum induxerimus, ut nō expectatis inclyti huius Regni Comitiss, in Franciæ Regnum, quod nobis nuper legibus, iureq; hereditario obuenit, properandum statuerimus. Siquidem in merita uestra erga nos, in charitatem, & beneuolentiam, qua nos complectamini, intuentes, non potuimus sanè sine lachrymis ac firmo dolore de hac nostra in Franciam profectioe cogitare. Multa ante oculos obuersabantur, quæ commemorare longum esset, idq; planè uinceret recordatio beneficiorum uestrorum, ita ut omninò nobis certum & constitutum esset, Franciæ Regnum administratione Sanctæ Reginæ matronæ concessa, & demandata, hinc non modò comitia expectare, uerùm etiam si ita nobis uideretur, integram ferè ætatem degere. Testis mihi Deus est, testes quoque non pauci ex Senatoribus, cum quibus simul atque de morte Christianissimi Regis fratris mei indicatum uobis est, copiosè de hac re egimus, atque ex illorum sententia sub huius Regni nostri sigillo ad Serenissimam matrem meam mandatum amplissimum, quod Regentiam Galli uocant, misimus, priuatis etiam nostris literis Illustrem Principem Alanconium, Henricum Nauarræ Regem, & omnes Galliæ Principes ac proceres sedulo monuimus, ut nostri desiderium æquo animo ferrent, nec aduentum nostrum frustra expectarent. Ita profectò res se habent, mutandi uerò huius consilij, aut potiùs sententiæ nostræ, quæ penitus infederat animo, hæc fuit causa, quæ uobis, hoc est, prudentibus ac sapientibus uiris spero probabitur. Hesternæ die sub noctem ferè allatæ sunt nobis literæ à Serenissima Regina matre, & multis Galliæ proceribus, & primarijs uiris, in quibus scriptum erat, necessarium omninò esse, ut quàm primùm dispositis equis ad celeritatem istuc aduolaremus, in summo esse discrimine res Gallicas, actum prorsus aliter uideri de uetustissimo, nobilissimoq; totius Europæ Regno, nec ullam aliam rationem esse tuendi, & conseruandi nobis illius Imperij, quàm si intra dies uiginti ad summum Lutetiæ Parisiorum, uel saltem in finibus Regni nos sisteremus. Multa erant alia diligenter perscripta in illis literis, ex quibus non modò periti rerum Gallicarum, sed etiam exteri non ignari rerum humanarum facile possent intelligere, ilicò & sine cunctatione nobis discedendum esse. Quamobrem lætis illis literis, apud me necessariò constitui, quanta possem maxima celeritate in Galliam proficisci. Cum autem si de profectioe mea cognitum esset, multa imminere uidebantur, quæ celeritatem, in qua omnia posita essent, retardarent, faciendum nobis putauimus, ut tacitè proficisceremur. Itineris Gallici ratio nobis non est ignota, nec ignorantur studia, & mores illarum gentium, per quas nobis transeundum est. Itaque nihil opportunius, nihil securius uisum, quàm ut omnes de profectioe nostra coelaremus, & subita ac festina abitione discessus nostri famam anteuertemus. Habetis paucis rationem consilij nostri. Reliquum est, sic uobis persuadeatis, nihil quicquam hoc facto de pristino nostro erga uos, totumq; hoc nostræ Poloniae Regnum amore decessisse. Vos quoque nobis illam summam, qua hætenus nos prosecuti estis, beneuolentiam, & obseruantiam integram conseruabitis. Nullam certè nos uestri tuendi, ornandi, & augendi huius Regni nostri occasionem labi, aut diffluere permittemus. Dignitatem nostram,



& Poloniæ Regni tantisper dum absumus (aberimus autem, quàm minimum potamus) fidei, integritati, prudentiæ, & sapientiæ uestræ commendamus. Cupimus insuper & hortamur uos, ut primo quoque tempore egregios uiros ex omnibus ordinibus lectos, ad nos in Galliam mittatis, cum quibus seriò, & diligenter de omnibus, quæ ad utilitatem, & ornamentum huius nostri Regni pertinent, tractabimus. Iterum atque iterum salutem, concordiam, incolumitatem Regni nostri, & existimationem nostram uobis quàm obnixè fieri potest commendamus. Benè ualete. Cracouiæ 18 Iunij, 1574. Henricus Rex manu propria subscrip.

REVERENDISSIMO IN CHRISTO PATRI DOMINO  
Episcopo Ciuanienti, syncerè nobis dilectio  
Henricus Galliarum, & Poloniæ Rex.

**R**everendissime Domine syncerè nobis dilecte, pro mutatione rerum, & temporum mutanda quoque esse consilia, Paternitas uestra non ignorat. Quod ipsum uiri prudentes fecere semper, & nobis nunc quoque necessariò faciendum est. Constitueram quidem superioribus diebus quemadmodum uestra Paternitas de me bis intellexit, apud uos manere, saltem donec Comitia indicta, coacta, & peracta fuissent. Nunc uerò, cum ex literis Serenissimæ Reginæ matris meæ, quas hodie sub tempus cœnæ accepi, intelligam Regnum Galliarum in eo esse statu, ut de toto illo amplissimo & nobilissimo Regno nostro planè actum sit, nisi quàm primùm incredibili celeritate illuc peruenirò, calare discessum meum æquum est propter multas causas, quas Paternitas uestra cognosceret à nobili & generoso uiro D. Danzeo Consiliario nostro, cui ut fidem adhibeat in omnibus rogo. Ego nihil magis cupio, quàm utrumque Regnum retinere: neque enim id nouum est, neque legibus uestris aduersatur, & erit Poloniæ genti perhonorificum & tutissimum, cum habere Regem, qui Galliarum simul imperet. Verum, de toto isto negotio, quod grauissimum esse puto, mihi magnopere curæ est, ut debet esse cum Paternitate uestra copiosè ex animi mei sententia dictus D. Danzeus communicabit. Puto me à uobis amari plurimum, quemadmodum quoque uicissim nihil est certè, quod non uestra causa uelim. Noui ingenium tuum, noui fidem, & integritatem. Hoc tandem peto, & à Prudentia tua, ingenio & dexteritate illud expecto, quò contendat, & efficiat Paternitas uestra, ut inclyti Senatus Poloniæ, & alterius quoque ordinis studia erga nos eadem maneant, quæ hactenus fuere. Incumbe quæso totis uiribus in eam curam, & sollicitudinem nihil nobis gratius quicquam posset accidere. Faciam autem, ut tu nec immemorem amasse, nec ingratum Principem dilexisse uideare. Benè ualeat Paternitas tua, syncerè nobis dilecta. Regnum nostrum uobis commendamus. Datæ Cracouię, 18 die Iunij, anno 1574. sub nocte. Henricus manu propria subscrip.

ILLVSTRIBVS AC MAGNIFICIS DOMINIS, DOMINO  
Palatino Cracouiensi, & Domino Zberouuio Marefc. Curia syn-  
cerè nobis dilectis, & Reuerendo D. Vuolki Vicecancellario  
nostro, Henricus Dei gratia Galliarum, & Poloniæ Rex, Magnus Dux Lithuaniæ, &c.

**M**agnifici Domini syncerè nobis dilecti. Cogimur in Galliam nunc proficisci continuato dierum, noctiumque itinere. Nam ex literis Sereniss. Reginæ Matris nostræ, quas hodie sub tempus cœnæ accepimus, intelleximus, Regnum Galliarum in eo statu esse, ut nisi incredibili celeritate illuc perueniramus, Regnum nostrum omninò pereat. Quo quidem nuncio ualdè commoti sumus: nec enim quicquam minùs expectabamus, & motus Gallicos, aut leues esse arbitrabamur, aut eiusmodi, qui me absente, autoritate Serenissimæ Reginæ Matris meæ sedari possent. Sed postquam aliter esse uideo, nolo nunc ipse deesse. Itaque nunc maxima celeritate in Franciam proficiscor: necessariò me id facturum homines prudentes, qui Gallica norunt, statuent. Discessum meum calare operæ precium fuit propter eas causas, quas Magni-



Magnificentiae uestrae à nobili, & generoso uiro D. Danzæo Consiliario nostro intelligent. Ego uos, totamque familiam uestram amaui semper, & quantum animo licuit, libenter ornaui, à uobis nunc omnia beneuolentiae ac syncerae amicitiae officia expectans. Illud oro in primis, ut authoritate Vestra, quantum fieri poterit, omnia contendatis, ut in clyti Senatus studia eadem erga me absentem maneant, quae hactenus fuere. Verum de hac tota re, alijsque grauissimis multis rebus dictus Dominus Danzæus meo nomine uobiscum aget copiose, cui ut fidem habeatis, uehementer rogo. Data Cracouia, die 18 Iunii, 1574. Henricus Rex manu propria.

ILLVSTRI ET MAGNIFICO DOMINO A' TIENSZIN  
Castellano Vucinicensi Subcamerario nostro, Henricus Dei  
gratia Galliarum, & Poloniae Rex, &c.

**I**llustris, & Magnifice Domine, syncerè nobis dilecte. Non spontè quidem, sed coactè, & cogente rerum omnium necessitate in Franciam nunc maxima celeritate proficiscimur. Ex literis enim Serenissimae Reginae Matris nostrae, quas hodie sub tempus coenae accepimus, intelleximus, eo statu esse res Gallicas, ut nisi expeditis equis illuc aduolauero, omnino de illo Regno non actum sit. Id quoque scriptum est ad me ab omnibus Galliae Proceribus ac Primarijs uiris. Quamobrem cunctandum mihi minime putauì, ne mihi ipsi in tanto momento deesse uidear. Discessum uerò nostrum tacitum esse, operae premium fuit propter incommoda itineris. Nouit enim Synceritas uestra, ingenia Germanorum, & quanto odio prosequantur Catholicos homines. Quid autem nunc à Synceritate uestra expe tam, & expectem, nobilis & generosus uir Danzæus Consiliarius meus exponet uobis: cui ut fidem habeatis, uehementer rogo. Hoc unum tantum addam, hac posteriore Epistolae parte, te eum esse, què ego summo opere amaui, quem plurimi feci, & cuius uicissim amicitiam, & beneuolentiam erga me sempiternam esse cupio. Bene ualeat illustris Synceritas uestra. Data Cracouia, die 18 Iunii, anno 1574. Rex manu propria.

ILLVSTRI ET MAGNIFICO DOMINO RADLVVIEL  
Duci in Olira, Mareschalco. Curiae Lithuaniae, syncerè nobis  
dilecto, Henricus Dei gratia Galliarum, &  
Poloniae Rex.

**I**llustris & Magnifice Domine, syncerè nobis dilecte. Hac ad te scribens, necessario itinere in Galliam ingredi cogor. Intellexi enim ex literis Serenissimae Matris meae, scriptis, in eo statu esse res Gallicas, ut nisi intra 15 dies ad fines Franciae appulero, actum esse uideatur de toto illo Regno. Id quoque scripserunt ad nos omnes procères, & Primarij uiri, fidem meam implorantes. Quamobrem cunctandum, & procrastinandum minime putauì. Sed discessum meum dissimulandum existimaui, ut securius transseam per Germaniam. Nouit enim ingenia Germanorum, & quanto odio Catholicos homines prosequantur. Quid uerò nunc à Synceritate uestra expectem, & expe tam, nobilis & generosus uir Dominus Danzæus Consiliarius noster exponet meo nomine copiose, qui has literas Synceritati uestrae reddet: cui ut fidem adhibeat, omnino cupio. Bene ualeat Synceritas V. & me, ut hactenus fecit, diligat. Data Cracouiae, die 18 Iunii, 1575. Henricus Rex manu propria.

LITERAE AD SACRAM MAIESTATEM REGIAM A'  
Senatoribus Regni Poloniae scriptae, cum quibus Cubicularius  
Maiestatis suae, Viennam XX Iunii, Cracouia in expeditis  
equis delectatus est.

**S**erenissime Rex, & Domine, Domine clementissime. Obsequia nostra cum testificatione fidelissima subiectionis nostrae Sacrae Maiestati uestrae commendamus. Itane meriti sumus de Sacra Maiestate uestra, ut praeter spem omnem, & expectationem nostram, hinc discedere nobis inscijs, Sacrae Maiestati uestrae placuerit? Graues impulerunt causae, S. M. V. & induxerunt ad hoc tam graue, & periculosum  
II 2 iter:



iter. Sed grauius illud existimamus esse, quod Sacra Maiestas uestra inconsultis nobis, hoc fecerit, quasi fidem fidelium subditorum suorum dubium faciens, neq; res suas concedens illis, qui se, salutem, facultatesq; suas omnes, fidei sacra Maiestati uestre concrediderunt. Non deerat animus, non defuit facultas, nulla nobis ad aras usq; (quod dicitur) S. M. V. sequentibus. Sed neq; S. M. V. bene apud se examinauit, quā est aggressa, neq; committere debuit, ut ultro se tot periculis obijceret. Precamur S. M. V. omnia foeliciter ex animi sententia euenire: sed ita tamen, ut prius illi Deus mentem inspiraret, ad nos, Regnumq; suum reuertendi. Vbi salua & incolumis Viennam S. M. V. per uenerit: rogamus Sacram Maiestatem uestram, ne ulterius procedat, ne se maioribus discriminiibus exponat, ne cum periculo suo maiores, & excellentiores hominum gradus appetat. Hic enim honos, in quo Maiestatem uestram Deus Max. collocauit, eo est excellentior, quo processit non à fortuna, sed à diuina uoluntate, & proborum, & de Maiestate uestra bene meritorum iudicio. Consideret Maiestas uestra, Regnum se reliquisse planè periculis omnibus expositum, nullis foederum, & pactionum renouationibus confirmatum. Nisi Dominus custodierit, actum est de nobis, nulla nobis diligentia, nulla prudentia proderit. Nihil enim sine Sacra Maiestatis uestre praesentia stabile & firmum statuere possumus. Petimus igitur à S. M. V. ut Maiestas uestra memor sit fidei suae ac iuramenti Regno huic praestiti, memor expectationis suae, quam semel de Maiestate uestra conceptam eo usq; retineremus: memor ad extremum salutis, & incolumitatis nostrae, quam Deus Max. Maiestatis uestre fidei commisit, & potestati. Nos si deseret Maiestas uestra, ut indicabit Dominus iniuriam populi sui, neq; formidabit Maiestatis uestre actiones, nostris malis, & periculis fortè grauat. Hoc si impetrabimus à Maiestate uestra, dabimus operam, ut in reducenda Maiestate uestra omne studium, officium, & operam nostram Sacra Maiestati uestre comprobemus. Deum rogamus, ut Sacram Maiestatem uestram Sacram & incolumen aspiciamus. Datum Cracouiae, die 20. Mensis Iulij, Anno 1574.

Sacra Maiestatis Vestrae  
subditi & Consiliarij,

Senatores Regni Poloniae  
Cracouiae congregati.

EXEMPLVM LITERARVM A SACRA CAESAREA  
Maiestate ad Senatores Regni Poloniae datarum.

**M**aximilianus Reuerendissimis, &c. Accepimus Dominum, & uestras literas die 21 Mensis Iulij iam elapsi datas, quarum ipsdem, pro solita uestra erga nos beneuolentia de Serenissimi Principis Domini Henrici Regis Franciae, & Poloniae, Magni Ducis Lithuaniae, consanguinei, & fratris nostri charissimi istinc discessu nobis significanda duxistis. Cognouimus Dominationes itaq; uestras, & uos cælare non possumus, eundem Serenissimum Regem uestrum hisce diebus instituti itineris sui ratione ita ducente, huc uenisse, tanta quidem celeritate, ut non modo planè nobis inscijs, ditiones nostras intraret, sed parum etiam absuerit, quin aduentus sui nuncium anteuertaret. Nos uero Serenitatem suam eo pacto huc delatam, ita excepimus, ut ex mutua uicinitate, quae cum Poloniae Regno nobis intercedit, dignum & fraternae, arctissimaeq; necessitudini, qua Serenissimis & Christianissimis Franciae Regibus iuncti fuimus, conuenire existimauimus. Sicq; Serenitas sua iter suum quam citissime peragendi desiderio hinc festinans, nudius tertius in Galliam perrexit. Porro uelim Dominationes uestras, & uos uobis in mentem reuocetis, antiqua foedera, & pacta, quae ab antecessoribus nostris accepta cum inclyto Poloniae Regno nobis intercedunt. Dominationibus V. & uobis sic persuasum cupimus, nos, qui haecenus nihil magis curae, uel etiam in nobis habuimus, quam ut huiusmodi foedera, atq; pacta, firma, inuiolataq; conseruarentur: adeoque omnibus, quae huc pertinere uisa sunt, nunquam defuimus, nec in posterum hac in parte fore dissimiles. Quod ut de uobis pollicemur, ita nihil diffidimus, quin, qua estis erga nos, Regna, Dominiacq; nostra praecleara, integerrimaq; uoluntate, uestrum uicissim in ipsdem foederibus sanctè obseruandis, officium haud uspiam desiderari passuri sitis. De cætero, D. V. & uos, quibus mutuae beneuolentiae, & bonae uicinitatis studia deferimus, rectè ualere cupimus. Datum Viennae,

1. Mensis Iulij, An. 1574.

EXEM.



**EXEMPLAR LITERARVM AD HENRICVM ANDE-**  
**gauensem à Senatu, & Ordinibus Regni Polonię.**

**SACRA CHRISTIANISSIMA, ET SERENISSIMA MAIESTAS**

*Regia, Domine nobis clementissime.*

**S**tudia, obseruantiam nostram S. Regiæ Maiestati uestre commendamus, à Deo, quæ Max. S. Maiestati uestre precamur optimam salutem, felicissimos rerum successus, ut S. Maiestas uestra diu sana & incolumis sit, & longissimè ac foelicissimè populis à Deo suæ fidei & gubernationi concreditis, imperet cum summa laude sua, & eorum, quibus præest, foelicitate. Quæ fuerit uniuersi Regni Poloniæ erga Maiestatem uestram propensio, cum Rex à nobis electus, & ex remotissimis orbis partibus in Poloniam excitus esses, non est opus longioribus uerbis Maiestati uestre commemorare. Siquidem in memoria tua esse existimamus inter clarissimos Principes, & Mo-  
 narchas, te omnibus à nobis competitoribus prælatum, in Poloniam Gallijs honorifice exceptum, sacro deinceps diademate coronatum, & ita à nobis habitum, ut tibi libentissimè uitam, salutem, iura, libertates, & charissimam quæq; in patria nostra pignora concedere, & in potestatem tuam tradere non uolitauerimus. Et sperabamus quidem, nos Imperij tui moderatione post interregni tempus illud luctuosum & difficile, quasi sole post obscurissimas tenebras elucente, Regnum Poloniæ splendorem suum recuperare posse, fecissetq; utinam Deus Max. ut expectationi de te nostræ exitus respondisset, nec ea foelicitas, quæ ex Imperio tuo conceperamus, interfecta fuisset tristi Reipub. nostræ casu & perturbatione. Discessisti à nobis, Sereniss. Rex, patriæ nostræ, imò quoq; uero tuæ, corpus integrum tuo hinc discessu reliquisti mancum, ita ut quasi per te capite dimi-  
 nuto, patria nostra sine Rege suo uitam ducat ægram, & non mediocri dolore sese consti-  
 ciat. Auget etiam dolorem nostrum, quòd consilium discessus tui, & te ipsum, uitam, di-  
 gnitatem, Maiestatemq; tuam his concredidisti, qui priuata magis apud nos obseruan-  
 tia, quam ulla fide publica se tibi esse obstrictos, agnoscere debuerunt. Nos tibi fidem nostram, nos obseruantiam, nos cultum, nos in prosperis & aduersis constantiam, sacra-  
 mento oblato, obstrinximus. Nobis propterea, te, tuæq; consilia, tuas res concedere de-  
 buisti. Nos enim pro tua dignitate, pro gloria, pro salute, pro acquirendo non modò pa-  
 terno Regno, quod à Deo, Naturaq; datum, amittere nullo modo potuisti: sed etiam pro  
 alio quouis Imperio consequendo, fidem, studium, operam, uitam deniq; deuouissemus,  
 te, tuamq; fortunam comitando. Legis annales nostros, fidem Poloniæ erga Reges suos  
 deseruere nunquā. Polonorum nomen contra Principes suos sinistra machinatione con-  
 taminatum non esse. Reuocandum est illud in animum tibi, quàm primū de obitu Chri-  
 stianissimi Regis Caroli IX. fratris tui desideratissimi, fama in Polonia peruulgata fuit,  
 tuæq; fraterna uiscera morte ipsius non mediocriter commota uidissemus, tute scis, non  
 magis te, quàm Senatum, & uniuersam Poloniam acerbissimo casu mortis illius pertur-  
 batam extitisse, quasi Rex noster mortuus esset, ita mortem illius indoluit Polonia. Quid  
 actum est? quod erat officij tui, rem ad Senatum tibi tunc assistentem, retulisti, delibera-  
 tum est, dictæ sunt sententiæ, dies luctus publici per uniuersum Poloniæ Regnū consti-  
 tutus & indictus est. Summa totius deliberationis erat, quid tibi faciendum, quomodo  
 Gallia tumultuanti succurrendum: qua ratione Regnū ad te naturali successione deuo-  
 lutum, retinendum. Hæc omnia, quæ erant grauissima, nec ab una parte Reipub. sed ab  
 omnibus ordinibus constitui & finiri poterant, in maiora Regni comitia, te consulente,  
 te annuente, te applaudente, reiecta sunt. In hac expectatione Comitiorum quid actum  
 sit, proh dolor, commemorare quid ampliùs opus est? Rege caremus in Polonia, at quo-  
 modo? neque hoc sine dolore reticere potest: ita à nobis discessisti, ut uix impressum a-  
 bitum discessus tui uidere potuerimus. Sed dolorem & orbitem nostram amplifica-  
 re nolumus. Deus Maximus, qui corda Regum gestat in manibus suis, ille iudicet hoc  
 factum tuum, ac bene uertat hoc non modò Gallia, quæ te à nobis euocauit: sed patriæ  
 quoq;, quæ tuam fidem secuta, nunc de statu & foelicitate sua laborare cogitur. Cuius  
 quidem saluti prospectū esse uolentes, quò nos patriæ amor, quò necessitas ipsa, quò pe-  
 riculorum metus, & consueta consiliorum ratio uocabat, Vuarschaniam conuenimus o-  
 mnes, ut orbitati patriæ, paci, & securitati publicæ consuleremus. Et caput quidem deli-  
 berationis nostræ hoc fuit unū, ut Regem haberemus in Polonia, cuius autoritate pax  
 interna, & externa tranquillitas retineretur. Omnes te hinc Regem oprabamus, require-  
 bamus: sed quem intueri, quem alloqui, quo cum agere potuissemus, habuimus neminē.  
 Est certè uerum, quod scribimus, Sereniss. Rex, non defuisse nobis animos, non occasio-



nes, non commoditates, non etiam causas, ut patriam seruauerimus, liberas uoces. Id eligendum nobis Regem alium conuertere, & sprete patriæ ignominiam, periculæq; imminetia noua Regis electione detergere: sed natura, constantiaq; nostra uincit necessitatem eam, nec id quidem sine periculo, ne sequamur prius, donec te sciremus, an ad nos redire, nobis semper imperare, sceptraq; Polonia regnare uelis. Voluntatem tibi esse quidem quis dubitet? Regia uirtus & natura tua non Septentrionis fortasse modo: sed Regnorum aliorum quoq; Imperium animis cogitat: sed uoluntatem istam multis fortasse cogitationibus occupatam, aut temporum necessitate distractam, non uult Polonia magno cum suo malo experiri, te longum tempus expectando. Vis igitur Rex noster esse? Venias quamprimum in Regnum hoc, cape sceptrum semel tibi data, accipe gladium Regalem, quo nos defendas à uicinis hostibus, quorum arma iam personant in auribus, & in oculis ex Vualachia, Scythia, & Moschouia. Veniendum est autem mature, ne consiliæ machinationes hostium longa tua expectatione maturescat, & nos, Regnumq; istud perdamus. Rege diu carere non possumus propter grauissima pericula, in quibus, tamquam in lubrico, sumus, quæ talia sunt etiam, ut à nobis nequeant, nisi præsentem Rege, tolli. Propter discidium, enim tuum multis hominibus in commodis affectum est: bona Regalia à militibus occupata, superius per se promissa, & non soluta, priuatorum in publica bona inuisiones, direptiones, occupatio. Non commemoramus licentiam, iniuriam, caedes, audaciam, quorundam perditorum, quidlibet faciendi. Nec uindictam absente Rege, silente lege, conuersis omnium ad extrema pericula oculis, uix facile possunt. Ne igitur longa, irritaue tui aduentus expectatione nos suspensos reddas, & cunctatione tua Regnum maioribus periculis inuoluas, non ægrè feres, quod pro salute patriæ nostræ facimus, & tibi tempus in Poloniam ueniendi assignamus. Hoc autem est, Sereniss. Rex, quatenus adhuc humeris nostris, pondus periculi huius sustinere posses, nos arbitramur, & te ad nos commodè ex Gallia in Poloniam peruenire, nobiscumq; esse posse iudicamus: diem duodecimam mensis Maij proximè uentura, pro quo etiam tempore Comitum magna, decreta & instituta esse scito, ad quod quidem tempus assignatum, ad ea quoq; Comitum te uniuersa quoq; Polonia expectat, ut uenias in Regnum hoc, in Comitum illa, quæ sunt instituta, ut deliberationes cum Senatu, & Ordinibus Regni iuxta morem & consuetudinem præscriptarum legum absoluas, & pericula imminetia una nobiscum amoueas: tum etiam conditiones ab Oratoribus tuis in conuentu electionis receptas, & iuramento firmatas, atq; conditiones & articulos per legatos tibi oblatos, ac hos per te ipsum Parisijs, illas uero per Sereniss. Carolum olim Galliarum Regem fratrem tuum desideratissimum, sacramento roboratas, confirmes, expleas, & re ipsa præstes, ac in posterum Rempub. nostram præsens semper gubernes. Hoc ad officium tuum Regale, & sponsonem factam, fidemq; datam, pertinere, maxime intelligimus, ut non dubitemus, te non magis curaturum esse, ut huc uenias, quam ut promissa expleas. Si uero, quod à nobis utiq; longè abesse cuperemus, ad nos uenire non potueris, tardauerisq; cum nostro summo dolore tibi dictum, nunciatumq; uolumus esse, omnes non posse ampliùs, quod cum gratia tua dicere licebit, sine Rege, sine lege uiuere in Rempub. nostra, conuersisq; nostris animis ad Deum, id faciemus, quod ad incolumitatem & salutem patriæ nostræ pertinere uidemus, eamq; ab illo tempore, si non ueneris, salua tua gratia, honoreq; nostro, obedientiam, & fidem datam tibi renunciamus, & noui Regis, electionisq; conuentum indiximus, statuimus, promulgauimus, atq; id quidem ita certè, ita firmè, summa necessitate constricti, apud nos statuimus, ut nullis excusationibus, nullis modis, nullis ad extremum rationibus, ab instituto nostro nos abduci patiamur. Non debes autem æstimare, Serenissime Rex, id nos animo erga te sinistro, aut consilio præproprio facere. Abest longè à nobis ea cogitatio: sed iudicare debes in primis, Poloniam ita esse constitutam, ut barbaris hostibus ad eam solam pateat aditus, ipsaq; sola ad omnia Christiani orbis Regna, sit quasi porta, quæ nisi firmissimis claudatur præsidijs, non ipsa modò, sed multæ Christiani orbis prouinciæ, certum est, de salute sua periclitabuntur. Nos igitur hic pro omnibus quasi excubias agimus, & ut securè dormiant alij, nos insomnes oportet peragere noctes. Tale igitur Regnum, quomodo sine Rege, sine Duce, sine capite esse posse existimas? Nosti potentiam Moschouiticam. Non est incognita tibi Scythica ferocitas, quæ cum Turcica potentia mixta, his diebus uicinam nobis Vualachiam solo æquauit. Est Regnum hoc cinctum & circumuallatum hostibus Christianorum Catholicorum nomini infensis, nostro uero infensissimis, quod ueteres ex se ductos triumphos, tunc maxime uindicare cupiant, cum Remp. hanc capite è Rege suo uideant orbatam, & tanti casus nouitate tumultuantur. Occasionem igitur oppugnandi nos & Rempublicam nostram habent illi percommodam. At dices fortasse, uires nobis esse tantas, modo u-




limus, posse nos etiam defendere patriam nostram, eamq; tibi seruare saluam & incolu-  
mem, hostium insultibus ab ea pellendis. Est ita Serenissime Rex, pro patria nos nullis  
etiam extraneorum aduersis auxilijs foras terpuuallie, præclarissimis triumphis hactenq; lon-  
ge fines illius protendisse, paratos etiam esse, pro his tuendis & conseruandis, sanguinem  
nostrum effundere: sed illius optimæ uoluntatis impedimenta tuo discessu tanta sunt ef-  
fecta, quanta uix ullo unquam tempore in Polonia fuerunt. Inimicitias cum barbaris  
gentibus non unas, sed multas, & graues, pro gloria, & libertate Christiana habemus, a-  
micitias quoq; cum Christianis, uicinisq; Principibus, nullis per te Federum & Pacto-  
rum uinculis colligatis, ita retinemus, ut dubiis potius, quam certa sit eorum possessio e-  
xistimanda. Quid horum quisque molatur, quò adspiret, quid neceat, non uidemus: tu  
uerò considerare potes. Simus etiam superiores hostibus nostris, at eorum conatibus  
hinc inde irrumpentibus, quomodo sine capite, sine Rege resistemus? Quomodo ui-  
ces coniunctas contra diuersos hostes habebimus? maxime, cum Regni huius pars, cum ui-  
cinis nulla per te pactorum renouatione firmata consistat. Bellum in Polonia, publico  
etiam Edicto sancitum, sine Rege, tanquam summo belli Duce, & præscripta lege fieri  
non consueuit, neque potest. Erit ne amplius sine Rege Polonia salua? Minimè gen-  
tium, Serenissime Rex, Regem oportet habeamus, aut te, aut alium, quem nobis Deus  
& fata prospexerunt. Durum est reum necessitas, qua abducimur, ut si Rex præsens no-  
bis noster semper nollis esse, alium, qui nobis imperet, eligamus oportet, te id minime æ-  
gre ferente, imò collaudante studia nostra seruandæ patriæ cupiditate tantopere incen-  
sa. Non dubitamus autem, Serenissime Rex, si ita tibi, & Deo uidetur, ut Rex noster am-  
plius futurus esse non possis, quin nos & Regnum hoc in tua gratia; & fauore, & be-  
neuolentiâ perpetuò retineas, & in primis gratum, & memorem te studiij, & obseruan-  
tiæ nostræ erga te, præstes, quam tibi etiam omni studio, opera & diligentia comproba-  
re studebimus, ut intelligas, erga te apud nos etiam non regnantem, non destitisse studia;  
beneuolentiam, obseruantiam nostram; quinimò duratura hæc esse omnia, quandiu in  
animis residebit tuæ erga nos gratiæ, & beneuolentiæ memoria. Quod superest, com-  
mendamus nos in gratiam Maiestatis uestre, Deumq; Maximum precamur, ut S. M. V.  
clementissime seruet sanam & incolumem ad perpetuam Christiani nominis gloriam, &  
& salutem obseruandam. Datæ Vuarschauiæ ex congregatione Ordinum Poloniae Re-  
gni generali, die 18 Septembris, 1574.

Sacræ Christianiss. & Serenissimæ Maiestatis V.

Servatores addictissimi

Senatus, Equestris Ordo Regni Poloniae, & Magni Ducatus Lithuaniae.

## II 4 CLÁDES





## CLADES

DANTISCANORVM, ANNO DOMINI

M. D. LXXVII. 17. Aprilis.

IOANNE LASICIO POLONO DESCRIPTA.

in qua causâ belli à Serenissimo Rege Poloniae Stephano contra Gedanenses suscepti, referuntur.

MAGNIFICO VIRO, DN. IOANNI ZBOROVSKI,

Castellano Gnesnensi, Duci copiarum Aulico Serenissimi Regis Poloniae Ste-

phani Odolanouienſi, Kieſkenſi, Volpienſi; Praefecto, Se-

natori integerrimo, salutem, &amp; fa-

licitatem.



ITTO ad te, strenue Imperator, hanc belli abs te, angelis Dei iuvantibus, confecti, descriptionem: ut gesta tua, tuorumq; fortium militum, quæ iam literis mandari incipiunt, nunquam esse moritura, nisi cum hac universitate rerum, cognoscas: & eò maiorem inde voluptatem percipias, ad maiora tandem magis inflammeris. Quæ in descriptione, tute nosti, quale meum fuerit studium, ne quid falsi esset. Si quæ præterij, ea supplere licet alijs. Dolenda est sanè isthæc Christianorum calamitas: at quid aliud magistratus ageret, impetrata, facere nolentibus? etsi nondum hic magistratus noster, suo usus esse gladio, quem à Deo ad coercendos malos accepit, uideretur: id tantum apparuit, quemadmodum pro eo Regum illi Rex ac defensor pugnaverit: quum hostes nō contenti eo, se ut intra mœnia continerent, defenderentq;: foras etiam, Regem suum oppugnaturi prodierint. Quorum consilia quæ finem sortita sint, tu ipse uidisti, ego descripsi. Faxit igitur Deus, quandoquidem perduelles ne nunc quidem resipiscunt, ut de te, milite eodem tuo, & Rege nostro fortissimo, similia scribere liceat. Attamen magis illud à Deo precor, ut, quæ Gedanenses ob peccata affecit cæcitate, eam post hanc cladem, animis illorum adimat: ne fortè accensa magis Vncti Dei ira, funditus evertantur: quod ut Ioannes Dantiscus, ciuis illorum, supra annos XL. prædixit: ita & ego mihi uidere iam uideor. Vale, & pugna feliciter, decus amplissimæ Zborouiorum familiæ: hanc autem meam lucubratiunculam eodem animo, quo me miles, annis ab hinc 19. in Gallia complexus es, quæso te accipe. Barcini, anno M. D. LXXVII. 20. Maij.

Tuæ dignitatis obseruantissimus  
Ioannes Lasiczki.

CLADES DANTISCANORVM, ANNO

Christi M. D. LXXVII. 17. die Aprilis.

A Ioanne Lasicio descripta.



Ntequam ad funesti Gedanensium suo cum Rege belli descriptionem accedam, illud mihi præfandum esse uidetur, ipsosmet Gedanenses tanti sui mali causam fuisse: quod quidē præter hunc miserabilis pugnae euentum, ab irato proculdubio Deo profectum: ex conditionibus quoq; à clementi Rege ipsis non semel oblati apparet. Nam quum Rex Stephanus, quinto ut regnare cœpit, mense, (qui erat anni superioris September) firmandi Regni sui causa, Cracouia Marieburgum uenisset, opinatus tantò facilius, quantò Gedanum propius, omne negocium transactum iri: factum necessario est, Senatu, qui cum Rege fuit consulto, ut Gedanenses, rebelles pronunciarentur: quod à Cossobucio secretario, Andrea Sborouio curiæ Marschalco, & ab alijs duobus Senatoribus ad ipsos missis officij admoniti, nihil de sua obstinatione remitterent: quod quæ ad causæ suæ dictionem, fide bona uocati: quamuis commodè potuerint, tamen non uenerint: quæ nota infontibus grauis, nihil quidquam illorum animos permouit: nullum in illis seriò placandi Regis, contumacia offensi, studium apparuit: quin-

imo Re-



imò Regi legem imponentes, ut antea, ita post, liberari ab eo fide Cæsari Maximiliano, à paucis appellato Polonia Regi, præcipitanter data, uolebant: triginta alijs conditionibus (quarum prime, ut à quibuidam oneribus ab Augusto Rege ipsis impositis liberi essent, & portorio ipsimet fruerentur) cum illo paciscebantur: militem in Germania, in consulto Rege, & Regni Senatu, cōscribebant: portas interdū, nullum habentes hostē, claudabant: non contenti generali Regis iureiurando, legibus publicis, priuatisq; suis singulari quoq; (Regem hac ratione infidi animi arguentes) cæteri postulabant: contumeliosis, & ab omni ueritate alienis de Rege laudatissimo, & Regno, officinæ Iacobi Rothi scriptis Germaniam implebāt: Grebino, territorij sui capiti, in ipso Regis cōspectu, præsidia imponebant: urbem suam tam milite mercenario, quàm ualidis propugnaculis, magis ac magis muniabant. Quibus eorum facinoribus benignus Rex irritatus, arcē Grebiniensem, 6 die Septembris occupat, præsidia cædit, & fugat, multos pagos, quos Zulawa illorū habuit, euastat. Perciti inopinatis cladibus, damnisq; impetrāt quadridui commeatum, ut urbe tuto exireliceret. Egressi suburbium, pagumq; ditionis Episcopi Vuladislauiensis, Senatoris regni Polonia, igni comburunt: ac paulo post cœnobium, iuris eiusdem antistitis, intra sua mœnia, ac item aliud extrā, quod Oliuense uocatur, antiquis principū Pomeraniæ sepulchris clarū, euertunt: imbelles monachos, alios cōtrucidant, alios ludibrio habent: misere tamen ad Regē cum certis postulatis octo uiros: ad quē eiusmodi respōsum, primis Octobris diebus, accipiūt. Rege copias suas ex agris illorū abducturo, ipsi quoq; suos milites dimitterent, iusiurandū darent, externos iurare nolētes urbe mouerēt, supplices ueniam peterent, confirmationē iurium habituri, ad comitia regni uenirent: tum decretū ob contumaciam contra ipsos latū, & quē uocarent grauamina iniuste sibi imposita, suo modo tollerentur. Acceptis his cōditionibus, nō omnes illis probatę oblatas deinde alias, eodē modo aspernati sunt. Rursus impetrata 17 Nouembris, suis internuncijs, Constantino Ferbero, & Georgio Rosenbergio, ultrō, citroq; cōmeandi hisce legibus securitate, Calendis quoq; Decembribus ulterius propagata, ut pacata ciuitate, dimissoq; milite, ad Regē uenirent, delicti ueniā petitura: rescribunt quædā à Regis uoluntate aliena: & quoniā conditionibus non satisfecerunt, retenti sunt à Rege legati. Aliud semper, quàm par erat, & Rex iustus uolebat, respōdentibus, humilibusq; uerbis superba scribentibus: extracta res est ad comitia Toronēsia mensibus Octobri atq; Nouembri, anni 1576. Gedanensiu potissimē causa celebrata. In quibus Regia de ipsis sentētia, ab omnibus prouincijs, ordinibusq; cōprobata est: deliquisse Gedanēses, & crimen cōtra Maiestatem cōmisisse, inuenti. Quod, hoc cū responso, illi iūdē reuerterunt, quāuis Rex exercitum abducatur Sulawa suū, ipsos tamen non esse id facturos: nec ad cōmune conciliū, quū ad illud non pertineant, uenturos. Mirabantur nostri hæc ab illis scribi, quū anno 1569 Rex Augustus Lublini, aui sui Casimiri quarti, de concilijs, conuentibusq; Prutenicis illā legem, *Omnes causas notabiles, ad terras Prusiæ pertinentes, cum communi Consiliariorū earundem terrarum consilio tractabimus: ita commodē interpretatus sit, ut ostenderit, non esse certū locum hisce causis tractandis definitum: nec hinc Senatū regni, sine quo nihil magni Rex constituat, excludi: sed ex indiuiduo Polonia cum Prussia uinculo, anno 1454 opera eiusdem Regis factō, omnia communia sequi: non tamen leges harum gentium confundi: ideoq; tali iurisiurandi formula, fidem suam Regibus, & Regno Polonia, consules ciuitatum Prusiæ atq; nobiles obstringere: ego N. iuro, quod a serenissimo D. Sigismundo Regi Polonia, & suis successoribus Regibus Polonia, eiusq; Regno, fidelis ero: eiusq; Maiestatis honorem, statum Regium, & commodum Reipubl. Regni, & terrarum Prusiæ, pro uirili procurabo: suamq; Maiestatem de omnibus damnis, quæ sciuerō, certiores faciam: & ea manifestabo fideliter: sic me Deus adiuet.* Non destitēre porrō tempus terere uarijs effugijs, clām in Germania auxilia, conquerentes, Rege prudenti futura prouidente, ac quę iam acciderunt, prædicente. Ad quem ubi Rosenbergius cum Henrico Lempka Iurisconsulto, ultimum ipsorum, ad ea quæ 25 Ianuarij acceperunt respōsum, multo aliud, quàm sperabatur, Bidgostiam attulissent: statutum est, post diu tentatam, tandem etiam contemptam mitis Regis patientiam, debellare superbos, & ui cogere ad officium ciuitatem, quæ potestati à Deo institutæ nollet subijci. Nam quid aliud, bonum Regem facere oportuit? Adducam huc, quæ tum etiam illis gratificabatur. *Respōsum Sacre Maiestatis Regiæ, internuncijs ciuitatis Regiæ Gedanensis à Maiestate Regiæ ad eorum supplicationem datum.* Sacra Regia Maiestas satis abundē omnia intellexit, quæ ciuitatis Gedanensis nomine ab ipsius Maiestate petebantur. Existimat autem, ad frequentes ciuitatis suæ Gedanensis supplicationes, satis, superq; sensum esse elementia, conuuentia sua regali: ita ut amplius utendū sibi esse non putet tam diuturna procrastinatione, rerumq; & negotiorum propositorū dilatione. Verti ea in re iudicat dignitatē suam, expedireq; rebus & consilijs suis censet, ut ista tractatio iam pridem instituta, nunc tandē finem suū sortiatur, modo &

ratione



ratione infra scriptis. In primis concedit Maiestas Regia, ut pro concludendis, ultimoq; fine terminandis conditionibus, à Regia Maiestate ciuitati oblati, isto modo, quo Regia Maiestas conclusit ac determinauit, in spacio sex dierum Maiestati Regia satisfiat, pleneq; de his omnibus ciuitas Regie Maiestati respondeat. Hi uero dies per reliquos mensis Ianuarij dies anni presentis, ciuitati concessi esse censeantur. Primo quidem ducenta millia florenorum, numeri, & monetae Polonicae, Regia Maiestati ciuitas persolvere debet. Prima quidem, in spacio unius mensis: alia uero centum millia, prima die Martij, anni futuri 1578. Regia Maiestati reponet. Et nunc etiam oblationi Statuum Prussiae innitendo, duplicem accisam ciuitas iuste & integre contribuet, eamq; in thesaurum Regia Maiestatis inferet, prout id melius & utilius ipsius Maiestati fore uidebitur de quib. omnibus obligatio nem forma concepta, quae mittitur, faciat. Illa quae merè regalia sunt, quae ex priuilegijs ciuitas Gedanensis Regie Maiestati pendere debet: ea quotannis exoluantur: ista enim obligationibus aut exemptionibus ullis subijci non uult. De tormentis bellicis, una cum puluere, globisq; bene praeparatis, ad usum belli praestandis, ciuitas Regia Maiestatis uoluntati satisfaciatur: in eoq; Regia Maiestati morem gerat. De prorogatione temporis ad Palatium, aliaq; aedificia regalia in ciuitate Gedanensi extruenda, permittit Regia Maiestas ex gratia, clementiaq; sua, tempus competens ciuitati se concessuram esse. De portorio maris, negocium ad futurum Regni conuentum reijcit: ita tamen, ut Regia Maiestatis scriba peculiaris ibi adsit, iuxta priorem declarationem. Grauaamina, quae autoritate sua citra consensum Ordinum regni tollere potest, ea tollit: reliqua ad conuentum regni generalem differt, ut de illis ex sententia Ordinum decernatur. Quae tamen Regie Maiestatis de grauaminibus istis sententia sit, eam peculiari priuilegio super his conscripto declarauit. Si uero uult, aut magis cupit ciuitas, non abnuat Regia Maiestas, ut omnes articuli, & omnia grauaamina, ac omnes actus commissariales, inter quos & portorii negotium est, ita ut etiam scriba ad id non adhibeatur, ad futurum Regni conuentum reijciantur. Reliqua tamen placationis capita, ac declaratio Religionis conseruandae, stare debent loco, & tempore suo. Confirmationem iurium, & libertatum, iuxta formam praescriptam, quae mittitur, Regia Maiestas ciuitati dabit: omniaq; priuilegia, iuxta illius contenta, conseruabit, eamque authenticè nunc extradet. Si forte ciuitati placeat grauaamina omnia, articulosq; (placationis conditionibus & capitibus, tum etiam Religionis conseruatione, de quo specialibus literis cauebitur, exceptis) ad futurum regni conuentum reijcere: literas reuerfales, prioribus non abfimiles, ciuitati dabit: quibus promittet, autoritate suam apud Ordines regni interposituram esse, ut ciuitatis ratio habeatur, grauaaminaq; ipsius illegitime irrogata discernantur, & abrogentur. Ante omnia ciuitas militem dimittat, Regiam Maiestatem forma concepta deprecetur, conuentis se stare obliget: fidelitatis iuramentum praestet: omniaq; faciat, quae ad subiectionis, fidelitatisq; officium spectant, & pertinent. In quorum omnium fide sigillum nostrum apprimi iussimus. Datum Bidgostiae 25 Ianuarij, anno Christi 1577. Regni uero nostri primo. His subscriptio manus Regiae accessit. Dedit huiusmodi die eodem priuilegium de grauaminibus, eodem quo dictum est modo, abrogandis, usu Augustanae Religionis conseruando, omnibus priuilegijs legitime impetratis confirmandis, de ceteris rebus, quadraginta capitibus comprehensis. Quae omnia quo animo acceperint, moenibus consilij suis, id ex ijs liquet uerbis, quae de Gedanensibus Regia Maiestas Senatoribus absentibus undecima Februarij Bidgostiae perscripsit. In primis, inquit, declarationem conditionum à nobis oblaturum illis dedimus: grauaamina, quae ipsi soli poteramus abrogare, dato priuilegio abrogauimus. Commissionis negotium, ad futurum Regni conuentum reieciimus: ut de eo ex omnium Regni ordinum consensu decernatur. Exemplum confirmationis iurium, amplissima forma, citra omnium exceptionem, illis dedimus: ut nihil superesset, quod eorum animos obstinatos à praestanda fidelitate, ac relinquenda temeritate, retrahere posse uideretur. His ita constitutis, sex dierum spatium datum est, ut Senatui & comunitati ea omnia uidenda mitterentur. Expectati sunt ad 12 dies: quibus cunctationem hanc, certam pacem parituram esse credebamus. Ecce autem Rosenbergius cum syndico aduenit: responsum nobis attulit, in quo non modo ea, quae pacta & responso nostro conclusa fuerant, inuersa sunt: uerum etiam multa alia adiecta, quae non modo dignitatem nostram, uerum etiam iura publica perstringere uidebantur. Etenim ducenta millia florenorum, quae nos non placationis, sed debitorum regno retentorum nomine, ab illis pacti eramus, quae ipsi etiam tempore constituto soluere promiserant, in tempus postea longissimum & incertum transulerunt. Contributionem accisae abiecerunt: regalia nostra, quae nobis à ciuitate singulis annis pendi solent, in dubium uocarunt. Commissionem abrogare autoritate solummodo nostra, extra conuentum, uoluerunt: cum regno nihil se habere commune. Item alia, quae non commemoramus, scripserunt. Quid saluo conductu durante fecerint, omnibus notum est: inter-



Internuncijsq; pacis prætectu ablegatis, nihil minùs, quàm pacem in ciuitate tractarunt: hanc propugnaculis, & antemuralibus extructis munierunt: militem, qui dimitti debuit, auxerunt: eruptiones multas fecerunt: ex uillis, & domibus nobiliù prædas egerunt: uillas incenderunt: euentus ut demonstrauerit, illos nō pacificationis, sed ludificationis causam nobiscū egisse. Tacemus eorū innumera in nos & Rempub. cōmissa delicta. Iam uidemus eorū animos obcæcatos, in perniciem suā ruere. Sed nobis Deus testis est, quòd lenis & clemētis Principis officio hactenus usi sumus, atq; curauimus, ut illos ad sanam, rationiq; obsequentē mentem reduceremus. Nihil profecerunt hortationes, legationes, persuationes, cunctationes nostræ. Expectatum diu est, cū summa nostra, & Reipub. in dignitate: nihil est intermissum, quod ad quietem publicā retinendam pertineret. Quid igitur aliud restat faciendū, quàm ne nobis & Reipub. delinamus: atq; ut sequamur, & suscipiamus ea consilia, quæ ratio suadet, & iustus dolor exprimit? Hæc Rex Stephanus animi erga suos paterni. Porro quod responsum ad illorū postrema uerba, eodē tempore à tribunali Regiæ Maiestatis profectū sit, operæ precii est his addere: ut cuius notū sit, nihil Regem temerè, nihil iniquè, nihil præcipitanter egisse, quocū missis in custodiam Lenicicensem Ferbero, & Rosenbergio consiliis, post decretum contra omnes latū, remissus Lempka est. Prospiciebat animo sacra Regia Maiestas, Dominus noster clementissimus, hæc omnia quæ agerentur à Gedanensibus impetrādis toties salui conductus pro rogationibus, non aliò spectasse, quàm ut rem extraherēt ad hoc ipsū tempus, quod ad detegēda apertè nefaria sua cōsilia magis idoneū arbitrabatur. Cuius illorū instituti cū ante non parua indicia hæc essent, quod in tractationibus, à leuioribus postulatis orsi, grauiora, quoties legatos ad sacram Regiam Maiestatem remitterent, indies adderent: quibus tantū abest, ut pro patrato crimine omnium grauissimo, Regiæ Maiestati satisfacerent: ut etiam iam propè gloriando de crimine hoc admissō, magis, magisq; offenderent, quod tamen sacra Regia Maiestas patienti ac paterno animo ferebat, ac ea, quæ ad iura illorū, & libertates augendas spectarent, illis concedebat, quæ nō rebellibus, uerū benè meritis de Principe suo subditis deberentur: ut hac sua clementia eos ad officium reuocare posset: nihil tamen, ut uidet, eos hæc benignitas mouit: cū ad superiora postulata iniqua, hæc posteriora impia ac nefaria prorsus adiecerint, ita concepta, ut iam meditatum scelus prorsus detegant, & tam Regiæ Maiestati, quàm Reipub. communi regni Poloniæ, contra iurandū maiorum suorum, Diuo Casimiro Regi, eiusq; successoribus ac regno datum, ualedicant: nec publicis Regni consilijs ac ipso Regno, in cuius titulū ac ius, ut maiores ipsorū iurarunt, concessissent, quidquam commune habere, impudenter, & nefariè scribant. Iam uerò sacra Maiestas Regia nō solum iniquitate, & insolentia postulatorum in dies lædebatur: uerū etiam alio genere iniuriarum, non modò ciuitate non exonerata (iuxta formulam salui conductus, mittendorum ad Regiam Maiestatem Oratorum dati) externo milite, uerū etiam maioribus conductis copijs, & nobilium ac aliorū subditorum sacre Regiæ Maiestatis urbi uicinarum pagis ac ædibus spoliatis, direptis, ac etiam exustis. Quamobrem, cū iam apertè cōstet, obfirmatas in scelere perduellium Gedanensium mentes, humanitate sacre Regiæ Maiestatis ac alijs lenioribus rationibus ad officium reduci nō posse: alijs grauioribus sacra Regia Maiestas uti, pœnasq; meritas de illis sumere necesse habet. Itaq; decretum suum, quo illos perduellionis damnavit, iamq; publicat, & promulgat: omnem securitatem terra, mariq; illis adimit: & tanquam impijs in Principem & patriam hominibus, aqua, & igni interdicat.

Bello sic indicto, & cura illius Ioanni Zborouio, unī ex ordine Senatorio, demandata: posteaquam Gedanenses cognouissent, quàm paucos milites Rex Stephanus, Grébino capto, & Sulaua depopulata, in agro ipsorum reliquisset: quasi nondum satis tot malis, damnisq;, quæ illis rebellio attulit, afflictis: accersenda plura esse potiùs, quàm aliquid Regi concedendum, qui illis nihil, nisi Batori esset: & si fortuna faueret, opprimendos esse paucos antè quàm plures confluerent, animis obfirmatis statuerunt. Iam uerò ab illis, qui ad Regē uentitabant, uoces illæ audiebantur, posse ipsos, si modo uellēt, nullo negotio nostros obruere milites: rati idē esse, uelle quid & facere posse. Rei igitur huius auspiciato aggrediundæ diu expectabant occasionē. Visum est Pascha per commodū, (septimā Aprilis fuit) quū omnes ubiq; Christiani cultui diuino maximè incumbere solent. Consili ergo uiribus suis, & Ioannis Coloniensis, ducis sui magno præmio ex Germania euocati, experientiæ: ad hæc omnibus necessarijs ad euerrenda, diruendaq; oppida benè instructi: hoc cōsilio urbem egrediuntur crepusculo uespertino, ut oppresso milite nostro, & Derslauia, (Czceuum nos uocamus) in quam se tempore hyberno ex agro receperat, expugnata: ad Gnieuum, Nouum, Staragardum, cæteraq; Regia oppida procederent vastanda. Verū nondum urbe omnibus egressis, ea tempestas exorta est, (Deo profa-

nata au-



natae augustae diei, & Regis contemptus uindice) nūq̃ coeli tonantis sonitus, & fulminis ictus auditi, ut unius propugnaculi pars auulsa, in fossam corruerit: equus ductoris, fulgore atq̃ fragore attonitus, succubuerit: ipse sessor à satellitibus, quibus stripatus erat, suffultus: duo equites è ponte fossae imposito, in aquam profundam delapsi sint, nec sine labore alter extractus, alter aquis obrutus. Reducto itaq̃ in urbem exercitu, idem postera die, alijsq̃ deinceps ab illis tentatum. Sed hæc ipsorum aduersus summū Prussiae magistratum suscepta consilia, semper pluuiis impediabantur. Ea tamen cæcitas hominum fuit, ut adeo aperta future stragis omīna, non Deo, à cœptis eos, quæ oderit dehortanti, sed sagarum ueneficijs tribuerint: duasq̃ eam ob causam in carcerem compegerint: suspicati, à nostris conductas procellam incantamentis excitasse. Armant interim duas naues uestorias, totidemq̃ minores, duplici uia regios milites inuasuri. Tandem 16 die mensis eiusdem, sole ad Occasum uergente, aduerso flumine Vistula sed uentis iuuantibus, Czëum primum oppugnatum contendunt: parte ab altera, tam equestres, quam pedestres cohortes emittunt: de quorum lento progressu Zborouius, insignis uirtutis Imperator, à uelitis Strussij, qui tum in excubijs erant, certior factus, & quos sæpè ad pugnam prouocasset, inceniaq̃ illorum penè attigisset, nunc primum prodire miratus: procedit illis cū suis obuiam: locum pugnae commodum ad pagum Rokitki prope aquas deligit, & donec propius accederet, locaq̃ aquosa præteriret, ordinatis aciebus expectat. Substitere Dantiscani ad uillam Langnaw, quæ paulò plus unò miliari distat Derisauia, præmissa ad excubias ea exercitus sui manu, quæ maior fuit omnibus Zborouij copijs. Hic Zborouius memor circumspecta celeritate nihil in bello melius esse: intradendi securos, latosq̃ consilium capit. Sed timens oppido, ne interea ab hoste nauibus egresso occuparetur, neue bono mutato loco, incommodiore agenda res foret: prudenter illud mutat: nec tamen in oppidum redit, ueritus ciuium proditione: nam cum Gedanensibus facere uidebantur. Dispositis igitur quaquauersum uigilijs, & misso cum 60 Tartaris, qui nauibus imminerent, forti uiro Andrea Carehowicjo: noctem in equis cum suis transigit. Oriente sole, septima decima Aprilis die, hostis appropinquare uisus, nostris nonnihil multitudine illius percussis. Conspexit & Colonienis nostros, non absq̃ stupore: quod pauci, quos ad sui conspectum fugituros putabat, tantis cum copijs uenientem expectarent. Illis ergo ultra fluuiolum, & lacum editiore loco constitutis, nostris ex aduerso stantibus, neue ab illa ui hominum magna circumdarentur, cauentibus: incipit uelitatio, duabus ferme horis ab ortu Solis, grauis nostris Cosakis (quos ferentarios licet, seu uelites uocemus) Germanus eques fuit, undiq̃ armis tectus. Quibus cōfestim misit Imperator in auxilium 20 Vngaros generosissimos, & Stanislaum Iordanum manu promptum iuuenem, cum 50 equitibus. Descendebat in arenam ipse quoq̃ Colonienis, ueluti quidam suorum moderator. Ciebatur ergo prælium magna animorum alacritate, sed Germani ita cursitare, ut impetus hastatorum uitarent, idq̃ unum facerent, quò nostros illò pertraherent, ubi tormenta aenea collocata erant. Quod ubi animaduertit Zborouius, datis de uitando periculo præceptis, miscuit hastatis equites è peditatu sumptos, cū tormentis lōgioribus. Defatigatis pugna, & cursu utrisq̃, successere integri. E' nostris Zolkieuus cum turma Ioannis Zamoiski, Regni Poloniae Vicecancellarij, non minùs, quam priores alacer prodit. Vulnerati aliquot Germani: unus equo detrusus, equus alterius transfixus corruit: tam etiam duo à ferentarijs anteuenientes currentibus occisi fuerant, nostris saluis. Felix prælij principium incendit spectatores ad audenda facinora maiora: equis nostrum, ad clangorem tubarum, tympanorumq̃ sonū, adeo gestientibus, ut ab sessoribus à grè tenerentur. Quum tali pugnae præludio detinentur nostri, Colonienis misso illo pergendi ulterius ad oppidum obsidendum consilio, postquam uidit Zborouium pugnandi copiam haud impigre facturū: suis ut consuleret, sapimentum è fissis trabibus, quas secum, ut alia omnia, uehebat, facit: nihilominus tamen ferme ducentos, ad nostros in acie destinandos mittit, astute omnia: ut cuius rei bellicæ scientia, celebris in Germania sit ob defensam Magdeburgum. Igitur collocata intra illud munimentum suorū bona parte, ipse interim cum tormentis, & lectissimis quibusq̃ uiris, ab altero montium latere, nostros à tergo aggressurus, ad lacum Libisseuiensem suis fatalem, iter intendit: ratus, undiq̃ comprehensos, nisi fugerent, sua in potestate facile futuros: ubi iussus propere centurio Rausaius, respondisse fertur, lente festinandum esse: uideri enim sibi Polonos ad certamen magis, quam ad fugam esse paratiores. Erat autem ibi in excubijs Temrukus, expertæ uirtutis miles, cum 50 uelitis. Qui hostilem uim imparem esse suis uiribus sentiens, maturè sibi subueniri petijt: laborantibus missum euestigio subsidium. Zborouius, astu hostis deprehenso, quid facto opus foret (fugere enim ignominiosum esse ducebat) protinùs inquit cum suis consilium. Vrgente undique periculo, non longa consultationi mora data, placet il-

luc omnem



luc omnem equitū, peditumq; globum cōuertere, ubi ipsum caput hostium foret. Quum uerò nostri uidissent, mutatum esse ab hostibus aptum ad pugna locum, (nam & alij, qui munitione continebantur, ipsdem tramitibus ducem sequebantur) adducti sunt in spem uictoriae. Proinde extemplo disijciunt ponticulum fluuiolo impositum, ne ab uelitationi deditis, & intra saximenta latentibus, à tergo inuaderetur. Itaq; quum in illa potissimum parte, quò properè tendebat Coloniensis, omnis belli uis sita esse uideretur: nec periculū ab nauibus, uel brachiorum uento aduerso tardè tractis, oppido incumberet: Zborouius suis præcipit, ut uelitationi finem imponerent: præterea ciuium magistrum dubiæ fidei confirmat, ut, si quæ uis hostilis ingrueret, saltem aliquot horas bona fide obsidionem sustineret: cuius rei causa quinquaginta pedites Polonos cum tormentis manuarijs ei reliquisset, ipse breui, hoste, Deo adiuuante, superato, cum pluribus affuturus. Tum admonitus ab Haidonum ductoribus, quorum tres in acie cecidère, ut prælium antè iniret, quàm hostis suos ordines planè explicaret, tormenta iam disposita, terra congesta muniret: ficta oratione addit suis animos, spe iam iam Wiſtulā traſcientis mille equitum, peditumq; auxiliij: orat præterea omnes, ut alij alijs offensas condonent, poenitentia placatō Deo, suppliciter opem illius implorent, morti gloriā anteferant, hostes non numerent sed inuadant: ne uē eorum conspectu terreantur, qui breui tempore futuri sint in ipsorū potestate: quòd superbi, maledici, rebelles, contumacesq; sint: paucis antè mensibus ad Grebinum, Glowam, & alibi ab illis proſtigati: olim uerò ab ipsorum auis atq; proauis ad quinquaginta millia cæsi, capti, fugati: omnino absq; bombardis & munitionibus imbelles ac timidi: quod illico ipsimet experturi sint, modò pristina uirtutis, nominisq; sui, à campestri prælio accepti, memores pugnent uiriliter pro Christiano magistratu: Deo freti, ultore rebellionis, quem ducem habeant propitiū, quiq; paruis copijs, tam iusto quàm hoc sit bello, ingentes superare soleat. His alijsq; istiusmodi dictis, mirum in modum recreati sunt omnes, & ad impar prælium accensi. Uehinc Haidones, uelut in rabiem uersi, (erat à meridie hora ferme prima) ab dextro latere, equites à sinistro, in hostem, ubi tormenta fuere, irruunt: suos contra ipsum sclopos quinquageni exonerant: hastati sarissas, ferentarij uenabula in oppositos uibrant: alij arcus manu certa tendunt. Centuria uerò Strussij, sublato clamore terrorem Germanis à tergo incutit. Nascitur pro formidine gaudium, multis ex aduersa parte cadentibus. At ab hoste emissa ē tormentis iacula, per paucis nocuerunt, hastas non paucas confrēgerunt: quippe quòd equites incommodo loco cederent, pedites autem, conspecto ardente puluere tormentario, supini caderent, pro mortuis ab hostibus habituri: rursusq; sclopis instructis, resurgerent. Damnoſa hæc Germanis fuit carnis resurrectione. Quibus aliquatisper resistentibus, monet Haidones moribundus ductor ipsorum, ut si uincere uellent, abiectis sclopis uictoriā retardantibus, acinacibus, tecti capita securibus, rem cominūs agerent. Obsequuti monitori, manus cum hoste acriter conferunt, & adiuuantibus equitibus, ordines conturbant, ferreorum hominum poplites succidunt. Cæteri hastis & gladijs nunc pectora transuerberant, nunc capita petunt. Par gentis utriusq; uirtus & gloria: par hostium diuersarum gentium debilitas & formido. Aduolant & turmae aliquot equitum, quæ ad succurrēdum laſis, à prouido imperatore in proximo collocatæ erant, nequaquam alijs segniores. Paulò plus una hora incerto euentu dimicatum. Vrgentibus nostris ferro, equis, clamore, cadunt primores Germani, deniq; & alij, uiri proceri ac lacertosi, tormentis, in quibus illis omnis spes uictoriae fuit, & priuati, & frustrati. Dein magis ac magis instantibus nostris, terga uertunt reliqui, tanta festinatione, ac ita confertim, ut alius alium ponte detruderet. Magna pars festinè arma exuentes (miseram spem salutis) ad proximum lacum tranandum conuersi. Nimirum ea uis metus est, ut homo à quouis potius alio, quàm ab homine irato absumi malit. Quare magnus numerus in lacu demersorum uisus. Pars suo cum glorioso duce, in lacum etiam impulsus, uertit se in fugā: nostris eos ad tertium à prælio miliare (Prusiecz ruri nomen) summa contentione persequentibus, & magnas illorum strages edentibus. Non pauci montes, alij syluas Cassubicas & Pomieranicas, effuso cursu petierunt. Tunc illud euenisse uisum, quod Moses malis prædixit: Efficiet (inquit) Iehoua ut corruas ante hostes tuos, & in quos una uia exieris, eosdem septem uijs fugias: quibus in rerum omnium penuria seruietis: illi uerò imponent ceruicibus uestris iugum ferreum, usq; ad uestrum exitium. Intacti illi, equis currus trahentibus conscensis, profugerunt, qui extremum agmen claudiebant. Permulti ē montibus & syluis à regio milite extracti, ad imperatorem trepidi adducebantur. Post uictoriā atunt Haidones Zborouio, ab inclementia illos auocanti, hisce uerbis respondisse: Si nos hosti parceremus, ille uictor eodem modo quo nos nunc (quæ dicentes, hos ē captiuis detruncabant, illos mutilabant) in te sæuiſſet. Fugientes persequentium tantus erat ardor, ut ad signum inclinata die receptui datum, non nisi ducenti

Oratio Zborou  
nij ad milites.

1416.

KK

equites,



equites, bene cruentati, ad ducē oppido opem laturi redierint: alij post, cū praeda sequuti. Vbi Haidonum ductores orauit Zborouius, ut suos ad alterum hostem adoriendū conuocarent. Qui, licet non minū quam equites cādendo defessi, noctisq; prateritæ uigilia atq; diei inedia fracti forent, tamen simul omnes præeunte Zborouio, illos qui ē nauibus iam ad alteram ripam stantes, & nuncios de uictoria suorum opperientes, globos machinarum muralium aduersus oppidum incassum eiacularabantur, inuadere, aggrediq; cupiebant. At hi casu suorum, ex aduentu nostrorum, & globis tormentarijs cōtra se eiacularis, cognito: domo, ubi traiectus est, incēsa, & omni quæ in ea fuit cereuisia epota, supellectile direpta, fugere incipiūt: paululumq; prouecti, (nam uentus aduersabatur) se post insulam abdunt. Interim Mariēburgo, ad preces Zborouij, nostris subsidio uenit Stanislaus, filius Ioannis Kostke, præfecti Mariēburgensis, cum suorum globo, & quatuor tormentis telorum: cui persequendi hostem ab illa eadem ripa, datū negotium: quod bene cōceptum, nō minori fortuna peregisset, ni & nox obscura, & uentus secundus, fugientibus opem tulisset. Quam autem salui hi quoq; domum reuerterint, parum liquet: illud certū, multoties a nostris fuisse globis tormentarijs petitos. Qui cladi superfuerunt, capti mille, præter illos quos uicina nobilitas fugientes comprehendit: aliquot ita opulenti, ut uitam multis nummum aureum millibus redimere cupiant: Vidisses decem, plus minus, Germanos ab uno uinciri, uel Polono, uel Hungaro: uinxit & quædam mulier duos: (tantus pauor pectora illorū occuparat) ac quodā ē nostris uincula quærente, protulit sua sponte ē sinu captiuus: En (inquit) habes: colliga manus, uitæ parce. Occubuere in acie 4427. uiri: id ex illis qui iussu imperatoris occisos humabant, cognitū. In fuga caesorū, & aquis obrutorum, quum hæc scriberem, nondū erat collectus omnis numerus: non paruus, opinor, si modō uictus uerum fateri uellet. Tædebat iam tot cadauera, quorū lacus atq; uia plene erant, terra obruere: a feris & alitibus multa depasta. Inuenti a uespillonibus, seu duo seu tres, qui ad tertiam usq; a pugna diem, denudati uti omnes alij, morte simulata, inter occisos latuerunt: rogati uerō cur non interea temporis fuga uitæ consuluisent, responderunt, metu Haidu corū inclementium, qui sibi instare uisi semper essent, assurgere ausos non fuisse. Signa pedestria quinq; adempta, unum equestre: idq; erat maximum, & AVREA LIBERTAS, aureis literis scriptum habebat. Scilicet Rex eam illis eripere uoluit: qui se omnium iura, publica & priuata, & quā quis profiteretur religionē, incorrupte seruaturum, semel ad aram sanctæ promisit, idq; adhuc præstitit. Tormenta ænea magna septem: parua triginta, tribus uecta curribus, ablata: currus 150. relictū: armaturæ ter mille quingentæ, ē spoliatis ad ducem comportatæ, & tormenta manuarum permulta: quibus iacturæ militum compensatæ sunt. Largitus est alia quoq; dona Zborouius cuiq; fortissimo: adeo munificē, ut ipse nihil planē ē praeda sibi reliquerit, contentus sua gloria, quæ illi ex re bene gesta nata est: tamen hanc etiam abs sese amouens, soli Deo, a quo protecta manifeste uidebat uictoriam, & felicitati Regis sui, triplici iam triumpho insigni, libenter tribuat. Quis enim, nisi impius, hoc solius Dei beneficio factū esse non fateret, ut bis mille uiri, 12000. siue 14000. hostiū, prostrigarint, maioriq; ex parte ceciderint: Factus est hoc & agnouit pius Rex cū illō loci ueniens ubi pugna peracta est, hæc proferret: *Non nobis, Domine, non nobis, sed nomini tuo da gloriam.* Regij uerō milites (quod mirere) solū duodesexaginta occisi, centum, triginta uulnerati: hos inter nōnulli, dum tormentis potirentur, foedē ambusti, quod magister tormentorum, uiso extremo discrimine, dolio pulueris nitrati ignē iniecerit: quo ipse unā interijt. Horum nomina, ni pigeret, possem referre: sed breuitatis habenda est ratio. Equi 8. caesi, 65. sauci ac læsi. Reperta apud plerosq; omnes Germanos, uarij generis uincula, nostris ligandis parata, quæ ipsorummet brachia senserunt. Ita illud uere dictū a Solomone: Parari equum ad pugna diem, sed Dei esse uictoriam. Illud immanius, confectas ab illis fuisse glandes uenenatas, quæ sursum ē tormētis breuioribus (quæ duo fuere) eiecia, mortem illis adferrent, quoscunq; earum scintillæ attingerent. Fastum porro illorum, & ante uictoriam triumphum, illud arguebat, quū sui generis uicinos præmonerent, maturē migrarent aliō cū preciosa quæq; suppellectile, ne quid hostile a milite experirentur: quorum dictis quidam oppidani territi, sua Grudzadzum, alij aliō auehebant. Quinetiam in ipso procinctu, alter præbibens alteri, hic tres, quinq; ille, alius decem Polonos uinctos, uir uxori, miles amicæ, adducturum se promittebat, & pro uno capone pingui tres se captiuos daturum spondebat. Præter hæc, urbe exituri, spectatores alloquebantur, eos ipsi quoq; comitarentur ad pugnam breuem quidem, sed longæ, optimæq; prædæ: (perfecturos se ultra Derszauiam opinati) uel saltem extra urbem opperirentur reduces cum spolijs Polonicis atq; Vngaricis. (ita paucitas nostrorū despecta ab illis fuit) Stabat ergo populus in montibus belli euentum expectans. Primum, eumq; certum, irati numinis ciuitati nuntium carnifex attulisse dicitur. Non credita res diu, mutilis cursim carnificem sequentibus,



quentibus, fidē meruit: & posse abs Rege uinci superbos subiectos, ut antē Lanſcorona, Grebinum: ita Derſzauia declarauit. Conſtans fama eſt, paulo min⁹ ſexcentis mulieribus Dantiſcanis hoc prēlium uiduitatem, non paucioribus reor orbitatē attuliſſe. Cumq; Coloniēſis in urbem anhelus refugiſſet, hiſce illas cum eo uerbis expoſtulaſſe: Redde nobis, ſceleſte, uiros: redde filios, redde cognatos, quos tu non eduxiſti, ſed ſeduxiſti: uiſturos, ſi intra portas ſe continuiffent. Is Zborouio denuntiaſſe fertur, ſe de integro fortunam belli experturum, ſumptis ſecū urbis clauibus, ſi ſuperetur, uictori tradendis. Quod an credam ambigo, quum tanta ſit ciuium conſternatio, tantus mulierū et natis orborum parentum dolor atq; plāgor. Addere animos poſſunt Danica, ciuitatumq; maritimarum auxilia. Et Gedanenſes quidem ita attriti ſunt, die, menſeq; eodem, ſed anni alterius, quo Stephanus Batorius, primū ex Hungaria Cracouiam (quæ Regum ſedes eſt) ingreſſus, regnum inijt. Afflicti autem, non ob ſolam diu meditatam rebellionem, (non enim temere urbem ſuam magno ſumptu & ſtudio, muris, propugnaculisq; aliquot annos firmabant) ſed etiam propter tetra de bono Rege, regnoq; ipſius, à quo Gedanum alitur, ſcriptis prodita mendacia, & in ipſa urbe iactata in Regem conuitia: quum Regi, qualis qualis eſt, neſas ſit maledicere: crimen, de altero falſum dicere. Adeo infœlix prælum, tantum terrorem permultis incuſſit, ut clam cum ijs quæ facile auferri poſſunt, emigrent ex urbe, (metum illis aduētū in Pruſſiam fortunati, animoſiq; Regis, quotidie augente) nec ulturi ignominiam, ad tympani, aucto ſtipendio, trium dierum pulſum, dare nomen militiæ alia lege quiſquam uoluerit, quàm ne pugnatum forās educatur. ſi miſſum ad ſe à Zborouio cum literis tubicinem, quibus eos ad deponendam rebellionem, cuius poenās luiffent, inuitabat, interemerunt. Quibus Zborouius iratus, per obſcurum quendam libertate donatum captiurum, denuntiaſſe iuſſit, ſe 50. ex illuſtioribus captiuis, in ipſorum conſpectu palis infixurum, ni ſibi parricidas traderent. Ad hæc illi, ab irato ſuis peccatis Deo ſe punitos eſſe conſeſſi, tradituros ſe homicidas reſcripſerunt, & ad colloquium cum Imperatore & Ioanne Koſtka, Voiuoda Sendomiriēſi, ſe admitti petierunt.

Habuit Zborouius, Gneſnenſis Caſtellanus, non plures milites 2027. Prima equēſtris centuria, ipſiuſmet erat: altera, Andreæ Fierlei, Caſtellani Lublinenſis: tertia, Offolij Krzeſſouienſis Præſecti: quarta, Kaſanoui: quinta, Nicolai Goſtonski: ſexta, Adami Balini: ſeptima, Zebrzydoui: octaua, Leſniouolſeij: nona, Gnieuoſij. Stanislai Iordani 50. ſolū equites fuere. Ex uoluntarijs, Ioannes Zamoyſcius, Procancellarius, 37. Hieronymus Goſtonskius, 10. Stanislaus Przyienſkius, 16. ex aulicis autem regijs, Ioannes Tencinius Comes, Caſtellanus Voynicēſis, 50. equites habuit. (ſunt Caſtellani, ſecundū à Rege ordinis Senatores: Voiuoda, quos Palatinos uocamus, primi) Zloſtoui 7. Iacobus Pilchoui totidem, Malicius, 5. Bielawſkius, 4. Procopius Pieniazek, eques Maltenſis, 6. Hungari 40. quorum cognomina ignota mihi ſunt: nota uirtus & fortitudo. Hi omnes, num. 1132. haſtas prelongas, ſcuta, breues ſclopos, & gladios duplices gerebant. Huſſarorum nomen habent. Velites 215. fuerunt: quibus, præter acinaces, uenabula, arcus, lorice, arma ſunt: 100. Struſſij, Præſecti Bratiſlauiēſis: 50. Tenruki: 30. Scythæ Regij: totidem Andreæ Comitjs Gorkani, Caſtellani Miedzyrzecēſis: 5. Andreæ Karchoſki. Hos appellant Koſakos: equites celerrimi. Regios Stanislaus Gizitzki etiam tum (opinor) ducebat, miles celeberrimus. Pedites uerò Regij, generis Hungarici & Slauiſici, ſtupendæ audaciæ atq; agilitatis, 600: Haiduci patrio ſermone uocati: imperatoris, 70: Fierlei, 100: è quibus 50. oppidi deſenſio iniuncta erat. Tormenta campeſtria duo tantum: his multo minora, Haken Germanis dicta, 27. Contra, Gedanenſium cohortes pedestres ſex fuerunt. Quæ erat imperatoris, uiri cætera egregij, ni operam ſuam rebellibus nauaſſet, 600. uiros complectebatur: centurionis Kleuneri, 500: Lemka, 600: Eſſerreicheri, 600: Raufawi, 500: Verſteini, 300: Equites mercenarij, 400: ciuiles totidem. At ciuium numerus, omnibus quaſi ad certam uictoriā cupidè ruentibus, conſeſſione captiuorum, uel 8. uel 10000. ſuperabat. Vt enim diues opum, ita populosa eſt ciuitas Gedanenſis: cuius portu nullus alius in Oceano Germanico nobilior: aqua profunda, muris et aggere præalto, ita munita, ut inexpugnabilis eſſe uideatur. Si igitur 8. tantum millia oppidanorum, ad excutiendum iugum Regium egreſſorum poſuerimus, numerus omniū militū 12000. minus 100. efficit: ſi duobus plus, (nam captiui uariant) 14. ſunt millia. 12. igitur uiri unum militem Regium fugiebant. Hæc fuerūt Gedanenſium copiæ, ſanè magnæ: quibus freti, Magiſtratui, toti Pruſſiæ diuinitus dato, reſiſtere uoluerunt: nolle ſe unctum Dei oſculari, quem ille præ cæteris ſeptē competitoribus delegit, oſtenderunt. Regē prudentē, piū, clementem, quē alij omnes reuerentur & amant, ſoli infœliciter oppugnauerunt: & (quod illi moleſtiſſimū eſt) à ferendo Ruſſis cōtra Tartaros auxilio, qui eodē tempore in Ruſſiā irruerāt, auocauerūt: cuius cauſa, ut æquior eſt, ita fortuna ſuperior futura.





E, quæso, crebra Germanorum hac in clade mentione offendare, Lector: aliter enim historia scribi non potuit. Gedanenses Germani sunt: miles quoque illorum, Germanus fuit, Scotis, Vasconibus, Danis (uti accepi) admistis. Quos cum Deus victores esse noluerit, cur me id descripsisse ægrè fers? Non alius euentus expectandus illis fuit, qui Apostolici præcepti de Rege honorando, & obedientia magistratui præstanda obliti, Regem Poloniae (ad quem, successoresque eius, annis abhinc 123. unà cum cæteris Prussis, metu Cruciferorum Teuthonici ordinis, transferunt) non modò non honorauerunt, sed apertè oppugnaverunt: quàm prosperè, docuit te historia: nullo (ita me Deus amet) Germanorum odio scripta: sed ut res gesta etiam ad posteros transmitteretur. Quòd uerò Gedanenses, nunc hostes, nunc rebelles appello: sequor in eo prudentissimi Regis mei, Senatûque, nobilitate approbante, sententiam. Et sanè manifesta est rebellio, eductis copijs, cum Domino totius Prussiae bello cõtendere: qui, cum coronaretur, leges & priuilegia æquà omnium, se seruaturum, religiosa promissione testatus est, idemq; pòst Torunij in comitijs confirmavit. Negant illi quidem uerbis rebellionem esse: sed res ipsa non aliud declarat. Defensio hæc dici non potest, cum Rex iuratus uim non faceret, sed damnatos ob contumaciam, uiris, opibus, muris confisos, aduersum se ruentes reprimeret atque castigaret: à quo necessaria, non armis extorquenda, sed supplici submissione, conditionumque satis tolerabilium, missa omni diffidentia, acceptione, impetranda erant. Ita tot mala, quæ postea sentire, euirassent, tua omnia, quibus exuti sumus, quæq; nunc confRACTA iacent atque uastata, salua habuissent. Quos, cum hæc secundo, æquitatem Regiam omnibus ostensurus, in lucem ederem, Illustrissimi Principes Germaniæ, per legatos, Regi offenso, certis conditionibus, tanto studio reconciliabant, ut magna iam pacis, deditionisque spes esse uideretur: quorum conatus adiuuet Emanuel noster, Princeps & auctor pacis inter Deum & homines. Sed nec illud ignores, Lector, Io. Coloniensem, bellii huius impulsorem, pœnas iam 24. Augusti in prælio ad Laternam maritimam, unà cum suis multis, dedisse: ubi & nostri, (quæ fortuna belli est) effusa ex urbe turba, non pauci oppressi sunt. Vale, 12. Nouembr. quo die horrendus Cometa, maiorum prænuncius malorum, emicuit. Anno 1577.

IOACHIMI BIELSCII SATYRA IN QVENDAM DANTISCANVM, QVI LEVIBVS AC INEPTIS SVIS quibusdam Germanicis rhythmis multa nefaria de Rege & Regno Poloniae scribere, & per Germaniam ubiq; spargere impudenter ausus est: Anno Domini 1577.



VS TRIS tempus ad hoc actis iam poenè duobus,  
Omne mihi studium placidis incumbere Musis:

Nec quenquam satyra proscindere mens erat acri,  
Aut mea Pasquilli desigere carmina saxo.  
Primus eras, qui me candore nitere perenni  
Non sinis, inuitumq; in prælia pèsimè trudas.  
Quisquis sis, ego te Dantiscum, latro, uocabor:  
Qui sacrum morsu nomen uolare canino  
Ausus es inuicti Regis, seuumq; uocare,  
Quo non Christiadam toto Rex alter in orbe,  
Vel pietate fuit, bello uel maior & armis.  
Dignus quis furca pedibus suspensus ab alta,  
Aut nigros pascas coruos, aut sectus acuto  
Carnificum ferro, canibus sis esca cruentis:  
Ausus Teuthonicas passim tam fœda per urbes  
Plurima de nostra mendacia spargere gentes:  
Tanquam cum Turcis iam conspirauerit, & iam  
Christiadam multis fraudi sit Lachia regnis:

O execrandum scelus, exitioq; piandum,  
Dantisca plebis: quæ nedum oblita prioris  
Est fidei, & Regi proprio parere recusat:  
Verum non dubitat magnum quoq; stringere nomen,  
Atq; apud externas falsò traducere gentes.  
Tu tamen hos laudas, nec adhuc periuria demens  
Illorum celare potes, laudemq; merentur  
Hæc aliquam gentis scelerata tristia facta.  
Certè Dantisci digni sunt laude rebelles:  
Certè Dantisci iuste fecere rebelles:  
Qui sacram rupere fidem, qui nescio quali  
Pro patria, falsa pro libertate suorum,  
Pro laribus patrijs mortem perferre cruentam  
Haud ueriti, Domino sese opposuere superbi?  
Vrbs quasi sola foret Prussia hæc libera: cùm sint  
Complures aliæ, queis nedum iura priorum  
Integra seruauit regum pius ille: sed auxit  
Elbingis etiam noua, uicinisq; Torunis.  
O cecos homines: o indulgentia Diuum:  
Hæcine Dij patiantur agi? nec fulmine missos



Hos seuos trudent in Tartara fura Gigantes?  
 Qui struere trucem Enceladum, uastq; Typhoeo  
 Pelion & Pindum, magnæ quoq; molis Olympum,  
 Atq; Ossam excussere manu. Quæ barbara tellus,  
 Quæ ferat hos, & non subito confundat hiatus?  
 Et Sol sit placidus tam iusto crimine læsus,  
 Et non sacrilegi currum diuertat ab urbe?  
 Quamq; Thyesteæ crudelia fercula mense  
 Periuri esse pueri delicta minora Gedani?  
 Ad cœnam & lautæ nostros conuiuia mense  
 Inuitas? aduerunt illi non multa rogati.  
 Vos modo Dantisci ad uestras uenientibus ædes  
 Hospitibus uultum leti exhibeatis amicum.  
 Quisq; daptes secum tulerint, gustate uicissim.  
 Verum falsa uidebuntur læsumq; palatum  
 Morderi multo frustra dicetis aceto.  
 Et choreas ducent, dederint ubi cornua letos  
 Rauca sonos: quales choreas? Dantiscæ uidebis,  
 Cui magis pacem nequicquam optaueris emptam.  
 Nam præ læticia salient sic acriter illi,  
 Et dederint ut quot saltus, tot ustra sub undas  
 Voluantur Stygias capita à ceruice reuulsa.  
 Vinum uelle tuis apponere dicis adustum  
 Hospitibus, recte: potius placet ille Polonis:  
 Sed quoties bibitur, miserè tractabitur hospes,  
 Nec propria semper residet tutus in æde,  
 Custodes quos tu posuisti in limine primo.  
 Nec te Sauron itæ generosi, Cerberæ, curant,  
 Tergeminis nigram rapis ut dentibus offum,  
 Et totidem tristem latratum faucibus edas.  
 Inuenietur enim Alcides qui, Cerbere, forti  
 Comprensus dextra superas te educat in auras.  
 Musica quæ resonet, quæris, sub uallibus imis?  
 Musica (crede mihi) nostræ est gratissima genti,  
 Quæ Martem accendit, mentesq; in prælia tollit.  
 Aurea magnanimo donari munera Costhe  
 Dicis ab irato, scriptor uesane, Gedano?  
 Ferrea iam pridem (sæuet illi pectore toto)  
 Magnanimus (munus pro munere) Costha parauit.  
 Inuitum iactas ductorem. Causa fuisset  
 Si melior, poterat melior aux esse: sed illum

Numina iusta uctant aliquem sperare triumphum.  
 Esto: dogma pium Christi proficietur, eundem  
 Et nos amplexi sumus, atq; huic fidimus uni.  
 Vestibus incingi suades fulgentibus auro.  
 Non opus est monitis. mos est gestare Polonis  
 Intextas auro uestes, ostroq; superbas:  
 Sed tamen his uictor, minime potietur auarus.  
 Aspera multa prius turpis patietur oportet,  
 Antequam iratus apibus mel deuoret ursus.  
 Balnea non curat, patiens est solis & æstus  
 Sarmata uos ipsi hæc struxistis balnea uobis.  
 Nam neq; nunc primum Dantisci fercula nobis  
 Instruitis, quæ uos tandem consumitis ipsi.  
 Ferrea iam nostræ fecistis umcula genti:  
 Vos tamen hæc collo tandem suspensa tulistis:  
 Multaq; spem præter damnosa superbia uestram  
 Corpora pallentem ferro demisit ad orcum:  
 Sic ut lamentis, luctu, queruloq; ululatu  
 Cælum & inhumani resonaret regia Diis,  
 Tisiphonæq; ferro quatiens uos torua flagello,  
 Eumenides reliquas in opem defessa uocaret  
 Sanguinea incincta palla, & serpentibus atris.  
 Non ergo es ueritus tam tristi ledere morsu,  
 Iratumq; magis Regem, gentemq; Poloniam  
 Reddere iam uictæ genti: quæ summus ab alto  
 Puniet elatam fastu Rex æthere, iustis  
 Puniet (haud dubium est) pœnis, hic mœnia Troiæ  
 Neptuni fabricata manu, hic ingentia quondam  
 Pergama, Thebanamq; urbem & Carthaginis arcem  
 Eruit: hic cineri dabit, euerietq; superbam  
 Urbem Dantisci uestram, ni pectore ab imo  
 Ipsa suum doleat facinus, Regiq; Poloni  
 Proiecta ante pedes, fateatur humillima culpam.  
 Rex pius & clemens turbæ miserebitur ultro  
 Infontis: tamen auctores pro talibus ausis  
 Supremos scelerum multabit funere digno.  
 Et tu, quisquis eris, iustas dabo improbe pœnas,  
 Accipiesq; tuus æquissima præmia scriptis  
 Insulsi: & erunt hæc multis ciuibus olim,  
 Et tibi sacrilegæ exitio conuitia lingua.

F I N I S.

KK 3 SUPPLE.



III 2 VI 40

S V P P L E M E N T V M D E R E B V S G E  
S T I S I N T E R R E G E M P O L O N I A E, S T E  
P H A N V M, E T M A G N V M D V C E M M O  
s c h o u i a e : A n n o D o m i n i 1 5 7 9.  
i n A u g u s t o .



ONSTAT ex lectione historiarum, inter Polonos & Moscos, diuturna bella extitisse. Dum uel maxime Moscus Lithuaniae aliquot principatus & provincias sibi usurpare uoluit. Poloni uero Iagellonem Magnum Ducem Lithuaniae, qui Vuenceslaus dictus, in Regem assumpserunt, Regnum cum Lithuanico principatu coniunctum, & armis Polonorum defensum. Hoc uidere est locupletissime apud Cromerum Historiographum Polonum. Et licet multis praclaris uictorijs Sigismundus primus, Poloniae Rex de hoste Mosco, potitus est: tamen sub Augusto Sigismundi filio coepit Dux Moscorum, ualde esse infestus Polonis, & toti Lithuaniae. Atque praeendere coepit sibi nescio quod ius in Liuaniam, quae ante aliquot annos dedit se in fidem & clientelam Regis, Regniq; Poloniae. Quare occupato Rege Polono: & etiam oscitante, impetum fecit in Liuaniam, eam est depopulatus: arces & oppida multa occupauit. Et deinde in Februario ante annos uiginti, arcem Polosko in Lithuania, minus diligenter munitam obsedit, & per deditiorem capit. Paulo post alias arces & ditionem Polocensem, quae satis ampla est in Lithuania accepit. Sic res illi successere Mosco foeliciter: quamuis Poloni collectis copijs sepius una cum Lithuanijs, uoluerint recuperare amissa: sed haec non potuere suum sortiri effectum, ob uarios Reipub. Poloniae casus aduersos. Nimirum propter interregna, cum Sigismundus Augustus obiit, & Henricus Valesius electus: Deinde cum Henricus Valesius inde discederet, & Poloni de noua electione solliciti, Stephanum Battori, Principem Transyluaniae elegerunt. Quocirca postquam in locum Henrici Valesij, Stephanus Battori est susceptus, dedit operam, ut ea quae ad dignitatem Regni pertinerent, persequeretur. Et cum iam induciae cum Mosco propter Lithuaniae principatum aestate superiori finiendae essent: haberetq; Rex Polonus apud se Legatos Principis Moscorum: qui satis superbe pro more gentis Legationem suam obire uoluerant: existimauit e re totius Regni esse, si armis aperiret nomen, famamq; Polonicam, & repeteret possessiones a Mosco iniuste acceptas. Indicitur itaq; bellum aduersus Moscum: conscribitur undiq; a Rege Polono miles, siue Polonus, siue Germanus, siue Hungarus fuerit. Vnde factum est, ut a uere usque ad ipsam aetatem Rex tantum laboris impenderit: quod expeditione publica facta, exercitum mouerit in ipso Augusti mensis principio aduersus Moscum:

Quod quam illi fortunatum fuerit, ex Edicto Regis quod iussit fieri pro re foeliciter gesta aduersus Moscum uidere est: illud Edictum, ut est Cracouiae typis expressum, hic subiiciemus.

EDICTVM



## EDICTVM REGIVM DE SVPLI-

CATIONIBVS OB REM BENE AD

uersus Moschum gestam, Anno 1579.

30. Augusti.



TEPHANVS Dei gratia Rex Poloniae, Magnus Dux Lithuaniae, Russiae, Prussiae, Masouiae, Samogitiae, Liutoniae, Kijouiae, Volhyniae, Podlachiae, &c. Princeps Transyluaniae.

Vniuersis & singulis, Reuerendissimis, Reuerendis, Magnificis, Generosis Regni nostri Consiliarijs, Dignitarijs, Officialibus, Nobilibus, atq; alijs Ordinibus omnibus sincere & fidelibus nobis dilectis gratiam nostram Regiam. Reuerendissimi, Reuerendi, Magnifici, Generosi sincere & fideles nobis dilecti. Quod superioribus proximis omnium Reip. ordinum comitis decretum fuit, ut bellum hoc anno contra Magnum Moscorum Ducem administraremus, curae nobis pro Regio nostro munere, nostroq; in Rempub. studio esse suimus: & contractis exercitijs nostris, comparatoq; aliquo partim contributionum pecunijs, partim (quod contributionum pecuniae minime satisfacerent) alijs rationibus belli apparatu, extrema lunij die Vilna ad copias nostras recensendas lustrandasq; Suium discessimus. Quo quidem in loco, multa nos, diligensq; deliberatio tenuit, quorsum nos potissimum cum exercitijs nostris in hostem conferremus, quidq; rectissime, & quam maxima cum utilitate Reipub. nobis ante omnia, bello aggrediendum esset. Rebus uero omnibus in accuratam considerationem uocatis, ex iudicio & Senatorum nostrorum, & aliorum militarium uirosum, qui nobis aderant, eam tandem in sententiam descendimus, ut primam nostrorum armorum uim ad Polociam oppugnandam conferri oportere concluderemus: quod quidem ea arx ceruicibus Magni Ducatus nostri Lithuaniae, atq; adeo ipsi ciuitati nostrae Vilnaensi, nulla alia firmiore munitione interiecta immineret, ex qua nobis in alijs remotioribus Regni locis occupatis, oblata occasione summam non modo Lithuaniae diripiendam, sed Vilnae etiam adoriendam facultatem hostis habiturus uideretur. Faciendum praeterea necessario nobis uisum est, ut cum bellum hoc non modo rerum communis Reipub. recuperandarum causa, sed hostem quam longissime remouendi, grauiusq; coercendi gratia susceptum habeamus, expeditionibus nostris in his potissimum regionibus maxima anni parte, aut frigoribus grauissimis, aut imbribus assidujs militiae infestis, tum quoq; ob uastitatem difficillimis: propinquiorem aliquam sedem, & quasi officinam, quam ipsa Vilna esset compararemus, ex qua quidem officina, quam maxime integrum, recentemq; penitus in solum hostile ducere militem, & belli instrumenta, impedimentaq; minore cum negotio ad res cum celeritate, felicitateq; gerendas transferre possemus. Quanta enim cum difficultate ac detrimento Vilna illud facturi essemus, breui hoc itinere, quod cum exercitu nostro progressi sumus, magna nostra cum molestia cognouimus. Accessit & illud, quod hac arce qua firmiorem, maioremq; hostis nullam habet expugnata, de alijs retinendis hostem eo magis diffidere, & occupandis militem nostrum sperare doceremus. Tantum uero abfuit, ut nos eo deterreri oportere iudicarem, quod locus ille ab omni opere, bellique apparatu firmissimus esse, perhiberetur: ut hoc potius de principio nobis recentibus militum nostrorum uiribus, animisq;, quam ijs militiae diuturnitate afflictis tentandum existimauerimus. Cum igitur nihil factu potius, utiliusq; iudicatum esset, nos factis ab inuocatione opis diuinae auspicijs, Suiro primum Illustris Nicolaum Radziuil Palatinum Vilnaensem, cum aliquibus equitum, peditumq; Lithuanorum copijs, & certo Vngarorum numero, cum Generoso Gasparo Bekkiesz Polociam praemisimus itinerum claudendorum causa, ne quid a Magno Moschorum Duce praesidij accederet, quod & si maioribus in magna etiam viae difficultate itineribus peruenisset, tamen cum iam ante nostras ad hostem literas misissemus, quibus bellum ei diligenti cum explicatione causarum denunciauimus, biduo antequam nostrae illae copiae ad Polociam accessissent, equitum & peditum aliquid ab hoste in arcem immisum est: adhibita uero a Palatino Vilnensi, posteaquam propinquo ad arcem loco coesidisset, ea diligentia est, ut post nullius subsidij hostibus accessio facta sit. Nos cum exercitu nostro & tormentis impedimentisq; bellicis, in summa uirum iniquitate, quam pluuiaum assidua magnitudo, & horum agrorum natura effecit, minoribus itineribus subsequuti fuimus, interea a copijs nostris quae praecesserant, ar-



cestres, Kosińska, Krasna, & Sitchno, per excursionem celeriter occupata, & incendio deletæ sunt. Undecima Augusti die proximè Polociam cum copijs omnibus nostris movimus, & propinquo ad mœnia loco castrametati sumus, arcem, civitatemque tribus locis obsidione cinximus, eademque die locis omnibus munitiones, fossasque propius hostem agere iussimus. Postridie civitatem non mediocriter fossis & aggere, & propugnaculis, & parietibus densissimis, tum quoque præsidio firmam ea maximè de causa, quod illo loco nos à propinquiore ad arcem accessu prohiberet, incendimus, ac totam paucis horis deleuimus. Tum longius munitionibus nostris ad ipsas arcis portas promotis, omni conatu in arce expugnandam incubuimus. Ostenderat ui sua præpotens Deus, in manu sua rerum gerendarum potestatem esse, & assiduas pluuias pluribus diebus ita imminerat, ut & operæ militum maiorem in modum impedirentur, & oppugnandi ratio etiam atque etiam retardaretur, constitit tamen militi nostro maximis etiam in incommodis singularis animorum ad omnia obeunda, tollerandaque ardor, sic ut in summa pluviarum iniquitate, altissimoque luto nihil prætermitterent, quæ ad oppugnandum pertinere possent, hostibus contra omnes nostros conatus acerrimis animis, & incredibili tormentorum ui, ita dies, noctesque propugnantibus tanta peruracità, & flammis à nostris illatas extinguentibus, & vim omnem depellentibus, ut se tormentorum, telorumque nostrorum iniurijs certatim offerrent, & succumbentibus alijs alij confestim succederent, ostenderentque Moschos arcium defendendarum ui atque ardore cæteris omnibus gentibus antecellere. Respexit uerò tandem nos sua benignitate clementissimus Deus, concessitque, ut quæ prima nobis paulò serenior dies uicelima nona Augusti illuxit, ea incendium à milite nostro arce illatum sit, summa cum contentione atque discrimine, cum se miles noster in fossas dimittere, & Polottam flumen superare, denique arduum clium, cui impositum propugnaculum erat subire, & manibus materiâ ignemque inter infestissima, creberrimaque hostium tela inferre necesse haberent, quod incendium cum uehementius exarsisset, & munitionis anterioris, in quo Sclopetariorum domicilium fuit, aditum aliquem patefecisset, teneri militum nostrorum ardor non potuit, quin per ipsam flammam irrumperet, atque hostem feriret, à quo tamen cœpto cum propugnatione hostili, tum maximè flammæ ui reiectus est, paruo cum nostrorum neque amplius uiginti septem pluribus tamen uulneratis, hostium tamen ad ducentorum interitu. Dederat aliquam hostis eadem die deditionis significationem, quam non seriam fuisse animaduersum fuit, cum nouis se munitionibus flammæ altitudine nostris conspectum eripiente circumdare deinceps cognitum esset. Nulla igitur cum intermissione oppugnationis vim omnem adhibendam, nullumque hosti quiescendi, aut se firmitus muniendi spacium concedendum iudicauimus, posteroque die ignem in alias munitionis partes miles in quo equites etiâ erant, qui missis equo in pedes descenderant, intulit, quo cum iterum aliqua muri pars deleta esset, & clium in quo propugnaculum antea igne absumptum erat tenuisset, ac inde ad latus hostilium fossarum ac munitionum illa parte deleta tumultuario opere factarum fossas ac munitiones ducendo præsidarios circumferre cœpisset, atque sic in potestate hostis esset, nos & sanguini Christiano parcendum, & operam dandam rati, ut arce quam maximè integra cum tormentorum, aliorumque belli instrumentorum apparatu potiremur, quæ hostis ipse ad extremum iniecto igne dele-re posset, facta omnibus uitæ gratia permisimus, ut qui nobis militare uellent (quorum qui uelint magnus sanè est numerus) fortunas omnes suas incolumes conseruarent, atque stipendia nostra mererent, quibus redeundi in Moscouiam animus esset id nobis permittentibus, atque omnem securitatem præstantibus facerent. Palatini, Basilii Iuanouicz Mikolinski Telakowski, Demetrius Michalouicz Sczerbati Obolinski, Matrhæus Iuanouicz Rzewski, Iwan Hrehorouicz Susin, Petrus Iuanouicz Volinski, Lukian Tretiakow Rakou filius scriba, qui partim præfuere, partim in arce fuere cum se sponte dedere, ac gratiæ nostræ permittere nolent, captos in custodijs habemus, & arcem ipsam præsidio nostro immisso iam obtinemus. In qua quidem arce, qui eam defendissent, & arma tulissent, ultra sex millia fuisse compertum est. Nostri cum ingressi essent, passim magnam cadauerum insepultorum numerum repperunt, tum tormentorum ac pulueris tormentarij, globorumque tantam vim depræhenderunt, quanta in arce aliqua Christiani orbis his rebus instructissima posset reperiri. Quos quidem rei gestæ successus, ut imprimis ad Deum præpotentem referimus, ita illi summa animi pietate agimus gratias, ac sinc. & fid. uestras hortamur, ut easdem pro bene gesta re publica agant simul etiam comprecantur, ut quæ gerenda supersunt, quæque in hostem hunc deinceps etiam suscipiemus itidem clementissimè fortunare dignetur. Quod illum pro sua benignitate, & causæ quæ hæc nobis arma induit bonitate facturum confidimus. Nos quidem



quidem ad res pro communi Repub. gerendas, omne animi studium, curam, laborem, operam, sanguinem, adeoque uitam nostram cupide semper, prompteq̃ue afferemus. Datum ex arce nostra Polocenſi die ultima menſis Auguſti. Anno Domini 1579. Regni uero noſtri anno 4.

STEPHANVS REX. ſſzt.

Ex hoc Edicto uidere eſt, quam fauſta & fortunater fuerit hæc prima Regis Poloni expeditio, quæ hanc inclementiſſimè anni tempore ſuſcepta fuerat: Nam intempeſtes tanta aëris & pluuiæ continuæ uidebantur prænuntiare inſcelicem, & irritam fore illam expeditionem: At Regis ſtrenua uirtus, hæc coram impedimenta ſuperauit, præterquæ ſpem & opintonem hoſtis caſtra metatus eſt ante arcem Polosko: qua, ut ſupra dictum, capta non ſubſtitit, donec totam illam prouinciã recuperaret. Magna uis iumentorum & equorum ob pabuli defectum, & corruptam annonam propter pluuias periit: nihilominus Rex non conquieuit, donec quod uolebat, perficeret. Nam hac arce Polosko ſic feliciter capta, progreditur ulterius, & diuiſo exercitu, Polonorum, Hungarorum, Lithuanorum, alias arcēs obſidet, capitæq̃ partim ui, partim deditiõæ. Lithuani miro ſtratagemate arcem Turomla cœperunt, dum ſcilicet unam partem arcis uerſus planitiem ſitam defendit hoſtis: milites aliquot Lithuani collem noctu conſcendunt, & ingreſſi aliquot per foramen, quæ tormenta eiaculantur, clamant, impetum faciunt in Moſcos, per ſcalas alij aſcendunt: & ſic illa arce potiti. Sokol arx tertia, quæ accipiter Latine dici poteſt, fortiſſima & bene munita, obſeſſa fuit à Polonis, quibus præeſt imperator Milecius, uir ſummus, animoſus, & gloria maiorum clarus, Podolia Palatinus: hæc defendebatur à bellicoſis uiris Moſchouitis, qui tam uiriliter repugnabant, ut non ſine utriuſque gentis & Polonorum & Moſcorum clade capta ſit: ſerunt enim ad tria millia Moſcorum ibi interfecta. Atq̃ iſtud eſt feritatis & immanitatis barbaræ indicium, quod Moſcouitæ quotieſcunque Germanum militem capere poterant, tum illum dilaniatum & diſſectum, ac puluere bombardico inſarctum, ita extra arcis mœnia eiaculabantur: ut odium ſuum in gentem Germanicam re ipſa teſtarentur. Inter dedititios captus eſt præfectus militum Fedor Wuſſelouicius Seremiczius, qui erat ipſi Magno Duci Moſcorum ob ſuam fortitudinem pergratus & amabilis: cuius uiri iacturam grauiter tulit Magnus Dux. Milecius cum Polonorum exercitu, ne quid deeſſet, ad perfectum uictoriæ triumphum, caſtra mouet, & grauiter iudicat arcem unam reliquam eſſe, quæ niſi capiatur: futurum ſit, ut perpetuis incurſionibus Plocenſis agere recuperatus infeſtetur. Eſt autem arx illa Suſa, in ſumma planitiæ & paluſtri loco poſita: cuius acceſſus eſt perdifficilis ob profundas paludes. Tamen cum obſeſſi uiderunt Polonum Imperatorem nihil remittere de ſua diligentia, lapſi animis: tandem ſe dedunt, & ueniunt in poteſtatem Polonorum, certis legibus & conditionibus præſcriptis. Vbi arx illa Suſa tradita fuit, ibiq̃ magna uis tormentorum & com meatus bellici inuentus fuiſſet: de conſilio Regis arx illa deturbata & euerſa, ne & hoſti amplius eſſet utilis: neue in ea ſeruanda à Polono multum conſumeretur. Sunt poſtea ab exercitu Regio aliquot arcēs captae & euerſæ: ueluti Krafno, Siſthno, & Koſiani: id quod prudenter à Polono factum, ne tot arcibus muniendis, uires exercitus diminuire cogeretur. Itaq̃ rebus ſic perbene & laudabiliter, Dei auſpicio, peractis, Rex diſpoſuit in hybernis militem cum equites, tum pedites. Et deinde indicit Comitia Regni, ut inceptum bellum cum hoſte potenti: ad ſalutem totius Regni perficiat. Celebrata ſunt Comitia Kalendis Decembris, ubi ab omnibus Ordinibus aſſenſum eſt, ut Rex fortunã belli ſequatur, & occaſionem datam recipiendi omnia amiſſa à maioribus arripiat, ratioq̃ nerui bellici, tam tributisq̃ alio pacto Regi eſt conceſſa. Sic ſperatur quod in Februario anni iſtius;

& toto hoc anno perget Rex Polonus aduerſus Moſcum: Quod utinam fauſtūq̃ ſit, ad ſalutem & incolumitatem illius potentiſſimi Regni, quod eſt Germaniæ maceria & propugnaculum aduerſus feros hoſtes & barbaros. Amen.

EDICTVM




POLONICARVM RERVVM,  
EDICTVM REGIVM SVIRENSE  
AD MILITES.

EX QVO CAUSAE SVSCEPTI IN MAGNVM  
Moscouiæ Ducem belli cognoscentur.

EDICTVM REGIVM DE SVPLICATIONIBVS

*ob captam Polotiam.*

RERVVM POST CAPTAM POLOTIAM CON-  
tra Moscum gestarum narratio.



STEPHANVS Dei gratia Rex Poloniae, Magnus Dux Lithuaniae, Rus-  
siae, Prussiae, Masouiae, Samogitiae, Liuaniae, & Princeps Transylvaniae,  
exercitus sui cuiuscunque nationis, atque ordinis militibus. Etsi tanta & tam  
nota omnibus iniuriarum magnitudo est, quas Magnus Moscouiae Dux  
Regno nostro Poloniae, Magnaeque Lithuaniae Ducatui adhuc attulit, ut  
arma haec, in quibus hoc tempore uersamur, sera potius cunctis, quam uel  
praepropera, uel non satis iusta cuiquam uisum iri arbitremur: tamen cum studium nostrum  
satis expleri non possit, quo desideramus, ut quae suscipimus gerimusque, cum aequitate  
iustitiaeque nos suscepisse, non penitus intelligant, ad quos causa quaecumque attinere uideatur: fa-  
ciendum nobis hoc in bello existimauimus, ut exercitus nostri, cum eos non tantum ex  
Regni nostri Poloniae, Magnaeque Ducatus Lithuaniae, uerumetiam Hungariae & Germa-  
niae, aliisque nationibus exteris compositos habeamus: certius uel recentiora cognoscant,  
quae inter nos, posteaquam Regni huius nostri Principatum gerendum suscepissemus, &  
Magnum Moscorum Ducem intercessissent: quae quidem istiusmodi sunt, ut facile pa-  
teat, nihil a nobis praetermissum esse, quod ad Principis Christiani officium, ad uitandum  
Christiani sanguinis discrimen, ad constituendum ex aequitate cum eo hoste concordiam,  
pertinere posset: ab illo autem, quae suscepta, actaque sunt, omnia cum hostilibus iniuriis con-  
iuncta, & ad arcium, ciuitatum, ditionumque nostrarum circumuentionem & detrimentum,  
nostraeque nominis dedecus comparata fuisse. Nos quidem simul ac in Regnum hoc no-  
strum peruenissemus, ut ceteros Principes Christianos, partim ordinum Regni nomine,  
ita etiam Magnum Moscouiae Ducem de accessione dignitatis, potentiaeque nostrae, deque  
optima nostra cum eo etiam pacis constituenda, colendaeque uoluntate, fecimus per inter-  
nuntios nostros certiores. Et dederat uerbis, nonnullam tum significationem, mutuae  
uoluntatis atque studij sui erga nomen, sanguinemque Christianum, & literas addidit, qui-  
bus ampliori alicui legationi nostrae securitatem accommodabat, & peculiari epistola, quae  
etiamnum nostra in potestate est, confirmabat, se imperasse suis, ut dum mutuo inter nos  
per legatos res ageretur, ab omni iniuria, maleficioque in nostros se abstinerent, exposcens  
ut eadem ad nostros mandata daremus. Etsi uero tam callide haec simulare non enim pos-  
set, quin se etiam tum proderet, uerbis in nomen nostrum ualde iniuriosis, infestus illius  
erga nos animus, tamen cum eo se usque tantum iactaturam eius esse superbiam, in poste-  
rum uero illum ad mentem meliorem, & publicae pacis, & suorum salutis curam aliquam  
reuocatum iri existimarem: habita a nobis eius literarum confirmationi fides est: pro  
qua quidem fiducia, & mandata nostris dedimus, ut cum Moscis inducias diligenter con-  
seruarent, & ad ipsum Moscouiae Ducem, Legatos quam amplissimos, Magnificum Sta-  
nislaum Kryski Masouiae, Palatinum, Nicolaum Sapiha, Palatinum Minscensem, ac Theo-  
dorum Skumin, Curiae nostrae Lithuaniae Thesaurarium, misimus. Quae dum a nobis fi-  
unt, ille uiolata promissi fide (qua nos inducti, tantum abest, ut ab eo, dum nostri ad illum  
Legati proficiscerentur, hostile aliquid pertimescendum putarem, ut tuta nobis atque  
amica omnia polliceremur) subito nulla, aut renuntiatione induciarum, aut belli denuncia-  
tione adhibita, cum exercitu ipse, adeoque una filius natu maior Liuaniam inuasit, ac frau-  
de potissimum, & conspiratione adductis in potestatem subditis nostris, in libertatem, li-  
beros, coniuges, uitam, ac sanguinem Christianorum hominum crudelissime flamma, fer-  
roque grassatus est: arcibus nonnullis ditionis nostrae, dum extremis in finibus Regni nostri  
necessario uersamur, insidiosae occupatis: quo tempore, quae illius in trucidandis per acer-  
bissimos cruciatus captiuis truculentia, quae flagitiosa in uexandis honestissimis, nobi-  
lissimisque foeminis turpitudine, quam inexplabilis in hauriendo sanguine Christiano sitis,  
& in omni genere iniuriarum immanitas fuerit, commemorari satis non potest: & qui su-  
persunt



Per sunt crudelitati, & modis aliquibus se ex illa acerbitate liberarunt, satis ista testantur. Accesserant iam tum Oratores nostri ad ipsos Moscouiæ fines, cum inexpectatum de his Mosci coëptis accipiunt nuntium, quo quidem permoti, ad fines Moscouiæ subsistunt: nosq; faciunt de uiolata pace, de qua literis suis Magnus Moscouiæ Dux nobis confirmauerat, diligenter certiores. Et si uerò ab illo hæc fieri indignissimè perspiceremus, tamē adducti, studio consulendi Christiano sanguini, atq; hæc sine maiori Christianarū utrinq; prouinciarum uastitate atq; incendio ad tranquillitatem & pacem reuocandi: mandata nostris Oratoribus dedimus, ut se nihilominus ad ipsum Magnum Moscouiæ Ducē conferre pergerent, & penitius, quis illi pacis nobiscum colendæ sensus esset, explorarent: ablatas uerò à Mosco eo tempore res, contra literarum fidem, ut repeterent, & quæ subditis nostris ab illo calamitas proximè allata esset: eā modis omnibus sarciri postularent. Quid tum uerò? cum peruenissent Oratores nostri, ac Moscus agere cum illis per homines certos suos coëpisset, subito ad omnem superbiam, atq; animi impotentiam descendit. Liouoniam non modò ab omni pacificatione, uerum etiam mentione facienda exclusit: nos, dignitatemq; nostrā Regiam, ijs uerbis atq; scriptis, à quibus non modò Principem uirum, eumq; Christianum, uerum quemuis etiam cuiusuis ordinis abhorrere quā maxime decet, acerbè uiolauit, in Regnum nostrum Poloniae, Magnumq; Lithuaniae Ducatum ius sibi arrogauit, idq; uanissimis modis asseruit, dum à Prussis nunquam inter mortales cognito aut nato (quem Octauij Caesaris fratrem, generis uerò sui authorem fuisse cōtendit) orsus, ab eo se esse propaginem quartamdecimam significauit: quibus quidem generis sui uanissimis deliramentis, sibi ius perquā absurdè in uniuersum Poloniae Regnum, Magnumq; Lithuaniae Ducatum, aliasq; Prouincias uendicare instituit. Achæc omnia, cum post multas, uariasq; actiones, nostrorum Oratorum, cum Consiliarijs Magni Moscouiæ Ducis: quos eam ad rem designarat, de certa induciarum ratione conuenisset, nostriq; pro eo ac utrinq; cōuenerat, suas de eo literas perscripserunt: & Magno Moschouiae Duci tradidissent: ille suas, quas ē conuerso daret, non (ut facere par erat) ad similitudinem literarum earum, quas Oratores nostri obtulissent, ueritatemq; mutuæ inter Legatos nostros, eiusq; Consiliarios conuentionis: sed ad arbitrium, libidinemq; suam ita perscripsit, ut inducias ad Liouoniam pertinere nollet, quinimò non modò eam sibi cum Curlandiæ Ducatu, uerum etiam quicquid nobis usq; ad Prussiae fines ditionum est: (interest autem ipsius Lithuaniae pars) credi à nobis oportere significaret: quas suas literas ita perscriptas, cum in eas iusiurandum dedisset, nostris Oratoribus per uim superbè obtrusit. Qua de re cum nos Oratores nostri ante suum ē Moscouia discessum, facerēt certiores, ad Magnum Moscouiæ Ducem, ex aulicis nostris, internuntium misimus, Nobilem Petrum Haraburdam, iterata cum testificatione propensionis nostræ, colendæ cum eo pacis atque concordiae, idq; rei Christianæ consulendi causa, qua quidem in testificatione luculenter ostendimus, si commune, idemq; utriusq; nostrum iuramentum esse deberet, communem eo iuramento inter nos atq; omnes prouincias nostras pacem comprehendī oportere. Neq; enim honestati atq; rationi congruere, si iusiurandum, de pace inter duos susceptum, bellum quacūq; de prouincia inter eos ipsos consequatur, quodq; sanctissimum concordiae uinculum sit, in eo locus hostilitati relinquatur. Conuenire præterea nobis, tanquam Principibus Christianis, nos ut dictis, factisq; omnibus, ita maxime religiosæ isti iusiurandi affirmationi, constantiam adhibere. Curandum igitur esse, ut ne qua inter nos fidei, rectæq; factorum nostrorum conscientiae, uis afferatur. Quæ nostra æquitatis, optimiq; studij plena cohortatio, tantum abest ut ponderis aliquid apud Moscum habuerit, ut internuntium nostrum, posteaquā admisisset, audissetq; à se longè remouerit, & in modum captiui diu inuitum retinuerit: cumq; suos ad nos Legatos misisset, in Liouonia misis iam ad nos Legatis suis, arces nostras, ac sigillatim Vendam bis oppugnauerit: quod cum per insignem faceret iniuriam, effectum Dei præpotentis beneficio est, ut & exercitus ille, à nostris copijs, cum ad eas Suetica auxilia accessissent, deletus sit, & in potestatem nostram tormenta, aliæq; quibus nostra oppugnabat, cuncta peruenerint. Sub id ipsum tempus Legatos Moschicos ad nos Cracouiam, in ipsum Regni nostri quasi domicilium atque sedem admisimus, cum eo tam loco, permagna prope undique gentium Christianarum, frequentia hominum uersaretur, Legati externorum Regum, Principum, atque Nationum adessent: eorum in oculis, cum eos audiendi causa, ad nos in Senatum nostrum perhonorificè, ut fieri inter Principes par est, introduci curassemus, à fastu suo, nostræq; indignitatis contemptione orsi, ad explicanda, quæ haberent mandata, nulla cohortatione se passi sunt adduci: quod à Magno suo Duce præscriptum sibi esse significarent, ne quæ apud nos uerba facerent, nisi nos ante, quæ à nobis superbè atq; ad derogandum dignitati nostræ, in quodam genere habendi sibi honoris flagitarent, præstitissemus. Quod



Quod cū nobis minimè committendum iudicasset, neq; illi à fastuosa pertinacia se deduci sinerent, etsi iterum atq; iterum ab illis, ut dicerent, cōtenderetur, indictis rebus ē Senatu nostro, atq; adeo Cracouia discesserunt, atq; ita re ulla non modo nō confecta, sed ne affecta quidem diciūe ab ijs cōcepta, permilimus ut se in Moscouiam referrent. Quæ omnia, ut perspicue testantur, quale nostrum extiterit suscipiendæ cum hoste illo concordia, pacisq; studium, quod consulendi sanguini ac tranquillitati Christianæ desiderium, ita ostendunt planissimè, Magnum Moscouiæ Ducem eò potissimum incumbere, hoc agere, huc omnes sensus, conatusq; suos conferre, ut nobiscum hostilibus iniurijs perpetuò dissideat: & cū ditionibus nostris, tum nomini, amplitudiniq; nostræ modis omnibus derogatum uelit. Misit ad nos postea per nuntium suum literas, quibus à nobis postulabat, ut in ea induciarum uerba, quæ citra Oratorum nostrorum assensionem perscripta ostendimus, iusiurandum daremus, Legatis suis redeundi ad se potestas fieret, & si uisum nobis esset, Oratores ad se iterum mitteremus, qui de Liuania secum agerent. Quam autem & ab æquitate, & ab officio, dignitateq; nostra alienum sit, ad ea nos iureiurando descendere, quibus nō modo assensum nullum unquam accommodauimus, sed de quibus nos cogitationem aliquam suscipere non oportere intelligimus, quis nō perspiciat? Qui enim nos eius crudelitati Liuiam, Curlandiæ Ducatum, ditionesq; alias nostras, quæ Lithuanici iuris intermediæ inter Liuiam & Prusiæ fines sunt, permittere possimus, quæ nobis pro Regio nostro Sacramento, quod in nostra Regni inauguratione uerbis solennibus dedimus, omni fide, cura, conatu tuenda, & ab aliena potestate, uitæ etiam nostræ discrimine defendenda intelligimus? quod quidem officium nostrum, ut nobis antiquissimum, commendatissimumq; semper fuit, ita alienæ ab eo uoluntatis significationem nullam unquam dedimus, neq; de ea Oratores nostri quicquam polliceri potuerūt, atq; adeo constat, minimè pollicitos esse. Nam quæ illi in uerba cautionis suæ de inducijs perscriptæ iurarūt, ea ab omni istiusmodi concessione longè remota sunt. Quæ uerò non modò pacis inter Principes feriendæ, sed inter priuatos etiam conuentionis alicuius inuendæ ratio, quæ uis, quæ necessitudo esse possit, ubi res alterius non modò nulla consensio, uoluntasq; sed ne quidem suscepta aliqua cogitatio accedat? non utrinq; uoluntatibus ad consensionem adductis, & literis non tantum sententiarum, sed propè uerborum omnium similitudine perscriptis, negotium administratur? Quod quidē ita administrari, & solere, & oportere, hunc ipsum hostem nostrum fugere haudquaquam potest, ut non iuris, æquitatisq; memorem, at ea tantum recordantem, quæ in sancendis inducijs, & pace feriendâ, inter Serenissimos Prædecessores nostros, atq; eius maiores, adeoq; cum illo ipso, ante hac suscepta atq; usurpata fuerunt. Neq; uerò minus, quàm superiora illa & hoc iniquum est, quod Magnus Moscouiæ Dux, nos in literarum suarū uerba iurare uoluit. Quæ quidem literæ, etsi ex uoluntate atq; consensione utriusq; nostrum, ac literis Oratorum nostrorum congruenter scriptæ fuissent, tamen ut ille in cautionis suæ formulam iurasset, ita nos in nostram iurare conueniret: tantū abest, ut à nobis in eas literas iusiurandum rectè possit exigere, quæ ab ipso pro arbitrato suo perscriptæ, ab animi nostri sententia, mandatisq; nostris, & Legatorum nostrorum assensu, plurimū dissident. Quæ omnia quàm plena iniuriæ, doliq; fuerint, quis non facillimè perspiciat? cuius quidem doli studia, ex eo se etiam ostendere, quod quæ cōmunicata, gesta, actaq; inter Oratores nostros, & eos, quibus agendi cū nostris Moscouiæ Dux negotium dederat, quæq; ab ipso Duce constituta fuerant: Legati eius, cū ad nos Cracouiam uenissent, profiteri atq; explicare minimè uoluerunt. Ad has uerò omnes fraudum technas, mox armata uis, apertaq; iniuriæ accesserunt, cū non modo Liuiam assiduè direptionibus ac bello infestam habere Moscouiæ Dux non desineret, uerumetiam in sinibus Vitepscensibus, in ipsa Magni Ducatus Lithuanie ditione, propugnaculum nuper collocaret, ac per suos rei militaris Præfectos: illis etiam locis, subditos nostros trucidaret, alios crudelissimè diriperet, se denique maximis delectibus habitis, magis, magisq; contra nos armaret: qua quidem de re, cū non modò ad nos Illustris Curlandiæ Ducis, & Rigensium, simul etiam nostrorum in Liuania præsidiariorum, quotidiani nuntij ac literæ peruenirent: sed summa etiam imploratio opis, defensionisq; nostræ accederet, nullo modo debuit, potuitq; belli administratio diutius à nobis differri. Proinde iustissimis istis, grauissimisq; causis adducti, repudiandas, minimèq; iuramento nostro confirmandas Mosci literas, de inducijs ab ipso arbitrato suo perscriptas nobis esse iudicauimus: quinimò ipsas in Moscouiā ad Magnum Ducem, expositis quibus id faceremus de causis, per internuntium nostrum remisimus, ac hosti illi bellum iustum, legitimūq; indiximus, cū iam tum ille maximas cōtra nos copias ad Pleseouiam coactas haberet. Quod ad Oratores attinet, quos remitti postulauit: etsi qui neque literas, quibus fidem legationis suæ facerent, nobis reddiderint, neque ullam



ullam legationis partem explicarint, exploratorum potius, quam Oratorum loco haberi à nobis merito potuissent, tamen quod Oratoribus nostris in Moschouia significatum intellexissemus, Legatos eos ad nos missum iri, nihil illis in omni genere, & honoris habendi, & laucia conferendi ullo loco ditionum nostrarum deesse siuimus, permisimusq̃, ut quod facere obstinauerant, nullis rebus apud nos expositis, se in Moschouiam referrent. Quod uerò postulabat, ut nostros Oratores, qui de Liuania agerent, iureiurando prius in eius literas de inducijs dato, iterum ad se mitteremus: non perspicimus, quid agi de Liuania per Oratores possit, si ante iurati in eius condiciones (quod exposcit) non tantum de Liuania atque Curlandia, uerum etiam parte nostrarum Lithuaniae ditionum, quae mediae Curlandiam ac Prussiam dirimunt, decederemus. Minime igitur nobis committendum esse intelligimus, ut noua legatione, nihil aliud, quam Prouinciarum nostrarum iacturam, ac nominis nostri indignitatem aliquam incurramus. Intelligi atque adeo cerui arbitramur, quale nostrum fuerit studium, uitandi omnem Christiani sanguinis profusionem, quod nostrum pacis, tranquillitatisq̃ desiderium, pro quo quidem nos, ijs rationibus, quae supra expositae sunt: experiri pacis conciliationem cum hoste illo contendimus, atque omnia indignitatum genera, quae Maiestati nostrae Regiae ab Magnò Moschorum Duce allatae essent, libenter tranquillitati publicae atque saluti, sanguini, fortunisque hominum Christianorum condonauimus: uerum his nostris omnibus studiis ad concordiam, pacemq̃ propensis, tantum abest, ut quidquam ab eo aequi, boniq̃ consecuti simus, ut ille hoc magis effrenatae superbiae atque impotentiae animi sui indulserit, & quae ad contumeliam nostram, nostriq̃ Regni, & Magni Ducatus Lithuaniae detrimentum pertinere possent, susceperit. Cui quidem rei, ut modum aliquando finemq̃ sponte sua facturum illum desperemus, facit inueterata iam, perpetuaq̃ eius cum Serenissimis praedecessoribus nostris simili genere agendi ratio, quam quidem ex ea iniuria aestimare licebit, qua Diuum Sigismundum Augustum Serenissimum praedecessorem nostrum affecit, cum missos ad se ex ordine Senatorio splendidos Oratores Palatinum Inouladislauiensem, & Castellatum Samogitiensem contumeliose tractauit, & modis indignissimis contra gentium iura uiolauit, hominem Nobilem ex Serenissimi praedecessoris nostri aulicis spoliauit, & cum res quasdam preciosiores inspiciendi causa accepisset, superbe retinuit, mercatoribus qui una uenissent, magnam mercium uim eripuit, equos in Oratorum illorum conspectu productos ferro dissecari curauit: à qua indignitate uindicanda, cum Diuum illum antecessorem nostrum mors (quae breui subsecuta est) exclusisset, nos per Oratores nostros postulauimus, ut iniurias eas id temporis illatas, sarcire studeret, cui quidem postulationi nostrae, nullum animus eius, iniuriae pertinacissimus, reliquit omnino locum. Quid illa, quae Serenissimo antecessori nostro Henrico Regi per literas de pace utrinque retinenda promiserat: & contempta promissi fide, non ita multo post capta Pernauia, alijsq̃ Liuaniae arcibus in potestatem suam redactis uiolauit? Qua quidem fidei uanitate, maiores etiam eius erga Serenissimos praedecessores nostros prope omnes usos esse perspicimus. Neque enim obscura est plurimum, qui ista uere memoriae prodidere consensio, & maiorum istius Ducis Moschouiae literis, quae in tabulario Magni Ducatus nostri Lithuaniae seruantur, comprobari potest, quam saepe Magni Moschorum Duces Serenissimis Poloniae Regibus, pace suscepta, ac iurisiurandi Religione sancita, ad tranquillitatis fiduciam adductis, & contra barbaros, nominiq̃ Christiano infestos populos bella regentibus fidem impie fregerint, pacta omnia uiolauerint, & redintegrato bello, uel à necessaria praedecessores nostros contra Ethnicos defensione, uel pulcherrimis pro Republ. Christiana coeptis reuocarint, & oblistere suis iniurijs coegerint. Quorum maiorum in dictis, factisq̃ in constantiam, fraudem & insidias, hic Ioannes Basilij filius, hostis noster, non modo omnem in se admisit, uerum etiam auxit, idq̃ tum maxime egit, cum literis missis ad Diuum Sigismundum Augustum Serenissimum antecessorem nostrum, de securitate Oratoribus prestanda, qui ad se de pace concilianda mitterentur scriptis, subito Polotiam inuasit, occupauitq̃, consimili fraude ergo nos usus, cum posteaquam nobis fiduciam pacis attulisset, repente Liuiam armis oppugnauit, & tamen nos, Regnum nostrum Poloniae, Magnum Lithuaniae Ducatum à defensione eius prouinciae excludere instituit. Quandoquidem igitur spes nulla nos tenere amplius potest, ad mentem, fidemq̃ meliorem Magnum Moschorum Ducem se unquam recepturum esse, quinimo iniurias ueteres, recentioresq̃ nouis quotidie magis, magisque accumulet, certae pacis fiduciam nullam afferat, omnia ad nos circumueniendum, derogandumq̃ cum nomini, tum ditionibus nostris suscipiat, nos adhibitis, atq̃ adeo consumptis omnibus studiis nostris, quibus fida atq̃ aqua inter nos pax conciliari, & rei, sanguiniq̃ Christiano consuli posset, expleto iam omni officio Regis Chri-



stiani, hanc rem & Deo præpotenti, oculis hæc suis iustissimis aspicienti, & legitimæ uindicationi permittendam iudicamus. Quo nomine remissis illis insidiosis induciarum literis, bellum iustum, legitimumq; Ioanni Basilij filio, Magno Moschorum Duci denuñciauimus: quo bello multiplicem nobis, cum ab ipso Magno Moschorum Duce uerbis, literisq; tum ab eius Legatis factam contumeliam, allatasq; subditis nostris acerbissimas multis iam annis iniurias, & detrimenta omnia, quæ Regnum nostrum, Magnusq; Lithuaniae Ducatus accepit, armis propulsare & uindicare in animo habemus. Vt uero perspicuum sit omnibus, nos ad eorum, qui Magno Moschorum Duci parent, hominum Christianorum calamitatem, aut sanguinis protusionem minime ferri, declaramus nos ita armis nostris moderaturos esse, ut ne ijs (quanta maxima cura ac studio caueri poterit) quisquam uioletur, qui non aut in præsidijs, aut acie suo periculo propugnandas hostis nostri partes suscepit. Nam ut ab uno Magno Duce causas omnes, quibus in arma hæc impellimur, profectas esse intelligimus, ab uno nos honorem, dignitatemq; nostram oppugnari, ac provincias nostras illius unius libidine appeti ac sitiri perspicimus: ita in uno illo uindicare omnia, unius refrænata audacia, grassandiq; atrocitate, in posterum tranquillitati publicæ, paciæ Christianæ (si fieri ulla ratione posset) consulere desideramus. Quæ cum ita sint, spe uel potius fiducia magna sumus, & DEVM OPTIMUM MAXIMUM, quod bellum grauissimis, iustissimisq; atque adeo pernecessarijs de causis iniurimus, nobis, exercitibus nostris, ac Reipublicæ uniuersæ, quam obtinemus, bene & feliciter fortunaturum esse, & Principes Christianos, adeoq; omnes homines, qui ista accipiant, facile arbitratos nos ad bellum hoc permagnum non temere, neque ulla profundi sanguinem Christianum (cui prodesse, consulere, cauere semper studuimus) cupiditate ferri, sed ad ea hostilibus tot temporum per summam atrocitatem, crudelitatemq; exercitis iniurijs impelli, nostra dignitate, & Regni nostri, Magniq; Lithuaniae Ducatus, cæterarumq; prouinciarum nostrarum statu, & subditorum nostrorum salute, fortunis, uita, sanguine, quem hostis ille truculentissimus iam nimium diu immaniter hausit, necessario commoueri, consilio, iudicioq; omnium Regni nostri, Magniq; Lithuaniae Ducatus ordinum Duci, digniq; nos fidam, stabilemq; tranquillitatem, & publicam inter populos Christiani nominis pacem, concordiamq; spectare. Quæ quidem belli nostri causæ, quæq; animi, consilijq; nostri ratio, etsi de militum nostrorum studijs alacritate, fortitudine, fide, nobis dubitationem nullam relinquit: hortamur tamen, ut animum ad res nostro ductu in hostem hunc nostrum gerendas magnum, fortemq; adferant, existimentq; & gloriæ, & felicitatis summam in eo potissimum uersari, si pro tam iusta, honestaq; causa dimicetur: subditi nostri diuturnas, grauesq; iniurias hostiles, uel à se, uel ciuib; suis adhuc perpeffas, hoc tempore pro more, uirtute, rebusq; gestis maiorum suorum, & uindicandas, & in omne tempus sibi depellendas statuunt: extranei pro uicinorum salute, suam in discrimen uocare, fortissimeq; armis contendere pulcherrimum, necessitudini, quæ uicino ad uicinum est conuenientissimum, & delere proximi parietis incendium, suæ, suorumq; securitati utile existiment: omnes sibi tam iusto in bello summa fortium factorum studia esse adhibenda iudicent: quorum hoc maior laus atque gloria quemque consequetur, quò in grauiore hoc, maioreq; bello contra crudelem uniuersi prope generis humani hostem nobiscum uersabitur. Nos profectò cuiusque militum nostrorum uirtutem, fidem, operam, conatum in omni genere præclare factorum, ea beneuolentia, gratia, munificentia prosequemur, ut neminem gesta abs se fortiter rei poeniteat, omnes intelligant, nos cuiusque industriæ, fidei, fortitudini sua præmia, ornamentaq; libenter tribuisse. Suiri die duodecima Iulij. ANNO DOMINI,

M. D. LXXIX. REGNI uerò nostri ANNO QVARTO.

RERVVM



RERVM POST CAPTAM POLOCIAM-CONTRA  
Moschum gestarum narratio.

Apta Polotia, & iam ante in uicino arcibus tribus, Cosiana, Crasna, & Si-  
na deletis, tres omnino arces, Turoulia, Socolum, & Sussa in Polocensi di-  
tione hostiles supererant, quas hosti relinquere, neque ex belli suscepti con-  
silio, neque dignitate sua, neque rei abs se gesta fortuna Rex esse iudica-  
uit. Turoulia quatuor supra Polotiam arcem milliaribus, ad Dhunam flum-  
en, quo loco illud Turoulia amnis illabitur, sita est, sic ut duorum amni-  
um confluxu maxima parte compræhendatur, quæ in continentem patet, inter utrius-  
que præterlabentis fluuij ripas, lacum transversum, tanquam obicem, obiectum habeat.  
Quod inter Polocensem arcem, atque inter Vlam, Vitepscium, aliasque arces & ciuitates,  
alius in Dhunæ ripis sitas, quæ semper in potestate Regum Poloniæ retentæ sunt, me-  
dia Turoulia intercesset, facile à Regijs castris ad Polotiam positus, commeatum exclusit,  
qui commodè ex locis superioribus poterat importari: quæ res non mediocriter in exer-  
citu annonæ charitatem, atque adeo inopiam auxerat. Qua de causa, circumfessa primùm  
Polotia, Franciscus, Zucus à Nicolao Radiuilo Palatino Vilnensi, tentandæ certis cum  
copijs per celeritatem rei causa ad arcem Turouliam missus est. Verùm quod & præsi-  
dio firmo, & defensionis diligenter intentè locus teneretur, & pauca, minoraque belli tor-  
menta Zucus secum traxerat, effici, ex sententia nihil potuit. Socolam ab arce Polocen-  
si quinque milliaribus ea uia distantem, quæ Septentrionem uersus rectissima Plesco-  
uiam ducit, duorum itidem concurrentium fluminum, Dryssæ & Niscia, complexus  
continet: ea in arce præter uetus præsidium, quod tuendi Polotiam aditus causa firmum  
semper inerat, Theodorus Basilij F. Seremetus, & Borissus Basilij F. Seinus, Andreas Pe-  
lecus, Michaël Georgij F. Lycus Basilij Criuoborsius Palatini, clari cum propinquitat-  
e Moschouic Ducis, alij tum rebus antea gestis omnes copiarum Præfecti, cum Magno  
Moschouitica nobilitatis ac sclopetariorum numero confederant, posteaquam se ab a-  
ditu Polocensis arcis, primùm à Palatino Vilnensi obsessis itineribus, mox ipsa obsidio-  
ne Regia exclusos esse intelligerent. Accesserat huc etiam Georgius Bullahacus cum  
duobus millibus sclopetariorum, partim Dunensium, partim Voliensium, qui ad Dhu-  
næ & Volhiæ fontium paludes ob perpetuas cum Tartaris dimicationes, ceteris belli u-  
su ac iaculandi peritia facile præstant. Quod hi omnes magno discrimine nostrorum ex  
propinquo castris imminerent, dum oppugnatur Polotia, Lithuanicæ quædam copię  
primùm, Ioanne Voliminscio, deinde Christophoro Radiuilo, qui in Lithuania Regi à  
poculis est, dimicandi studio Socola usque excurrunt: sed quod hostis arce & munitionibus  
prope arcem extructis, aut propinquo tormentis suis spacio in tuto se teneret, uelatio-  
nibus tantum, nonnullis utrinque desideratis, res gesta est. Vtramque arcem Rex occu-  
pata Polotia iustis copijs oppugnandam ratus, Nicolaum Mielecium Podoliæ Palati-  
num, summum copiarum Polonicarum Præfectum, cum equitatu Polonico stipendia  
merente, cumque peditatu Polonorum, ac Germanorum cohortibus Socolam moue-  
re, Vngarorum copias Turouliam accedere iubet: ipse ut medio loco omnem in partem,  
casumque intentus esse posset, motis trans Polotiam castris, ijsque secundum flumen Dhu-  
nam metatis (quod pristinum castrorum locum, obsidioni quidem opportunum, cum  
ad cingendum maxima ex parte arcem, tum ad prompta munitionibus omnibus, ex qui-  
bus miles oppugnabat, auxilia afferendum, assidui imbres iam antè iniquissimum, &  
ualde quàm cœnosum effecerant) ad Polotiam permanet, curatque quod ad arcem Polo-  
censem, qua munitiones aut flamma conflagrant, aut tormentis uerberatæ uitium fece-  
rant, instaurandum pertineret, simul etiam arci Palatinum præfecit Nicolaum Deroho-  
staiscium, in quem iam antè, Regno primùm inito, non inani omine ius, nomenque e-  
ius Magistratus contulerat: hunc ipse in possessionem mittit, præsidium iustum imponit,  
& quibus circum locis miles finibus tuendis rectè collocetur, constituit: templi etiam,  
quod monumentum diuinæ ad uictoriam opis esset, ædificationem decernit. Interea  
dum quæ opus erant ad Socola, & Turouliæ oppugnationem expediuntur, & miles ua-  
sa colligit, uisum est Palatino Vilnensi, de Turoulia leuioribus copijs experiri, & quid  
hostibus in recenti consternatione fiducia esset tentare. Mittitur cum aliquo numero e-  
quitum expeditiorum armaturæ leuioris, quos Cosacos nominant, Constantinus Lu-  
comscius Vlenis Præfectus, quem Turoulienses præsidarij conspicati, cum pavor ma-  
iorem, quàm pro numero militum speciem copiarum obiecisset, exercitum uniuersum  
adesse rati, per auersam portam se properè omnes eiciunt, ac fuga euadunt, Palatinis suis  
desertis: qui cum arcem sibi non deserendam putarent, ac soli in ea permanerent, ad quar-



tam Septembris diem cum arce & belli apparatu ac com meatu omni Regiam in potestatem perueniunt. Arci ita occupata miles ille, qui coeperat, praesidio relinquitur. Is dum inter ligneas munitiones ac domos tarda aedificatas indiligenter ignem habet, tormentisq; maioribus gratulationis & laetitiae causa iaculatur, tenerè incendio causam praebuit: quod sublatum paucis post diebus, quam capta esset, arcem deleuit, ut non minore celeritate, quam occupauerat, Turouliam miles amiserit. Quod quidem hoc iniquiore animo à Rege acceptum est, quò praesidio hostili Sussam etiam tum obtinenti, Turouliam nostrae potestatis facta, omnem subsidij aditum & com meatus accipiendi spem, certius eripere potuisset. Interea rerum Palatinus Podoliae Socolam (à qua Dunenses cohortes fama aduentantis exercitus permoti contra imperium Praefectorum, ut est genus illud militum leue, & insolens disciplinae, iam antè in Moschouiam redierant) cum copijs progreditur, & Drissam flumen imbribus proximis admodum redundans ponte subitario opere effecto, transmittit, hoste quod facere in proclui erat, nihil repugnante, qui in aduersa ripa ociosè tantum inequitans, inani metus faciendi studio, clare ut exaudiri à nostris facile possent, subindè inter se sciscitabantur, adessent apud se Astraconorum, adessent Casanorum copiae, quas alter adesse magna itidem uoce respondebat. Flumine superato Palatinus nulla cum mora propius hostem mouet. Quà accesserat inter utrumq; flumen non ita magno ab arce interuallo sylua est, in qua maximam equitatus partem tendere iubet, peditatui imperat, ut munitiones, in quibus uersarentur, & tormenta dirigerent, fossa atq; aggere subito efficiant: quas Poloni secundum Nissam, Germani iuxta Drissam ita ad arcem perducunt, ut cum iusto iam ab ea spacio abessent, transuersae ab Nissia Dryssam, itidemq; ab Dryssia Nissam uersus promouerentur, atq; opera utriusq; nationis committerentur: ultra Nissiam amnem minorem, quā promptum hosti effugium patebat, Ioannes Zabarasius Palatinus Braflauensis consistere & curare iubetur. Munitionibus perfectis, ac tormentis, ut uisum erat, collocatis, cum iam tū in uesperum dies uergeret, qui tormenta administrant, periclitari rem globis candentibus instituunt, tribus tantum in hostiles ditiones perlatis, cum alij alijs locis periculum incendij afferrent, & ijs restinguendis hostis detineretur, tertius eo loco, quo nascens primum fumus, mox flamma ab hoste non facile potuit deprehendi, uires coepit. Ab hoc incendium ortum, cum magnam hostilium munitionum partem subito complexum esset, hosti summam defensionis desperationem attulit. Quocirca ut perditis, trepidisq; rebus, & flamma se iam longius, latiusq; fundente, pars magna hostium globo temere facto, porta, quae Meridiem uersus ad Nissam unā patebat, confertim erumpunt: quibus ex proximis munitionibus Poloni impigre occurrunt, & obsistunt. Perducitur eodem properè signo sublato Germanorum sclopetariorum cohors: sic hostis in arcem, flammamq; reijcitur, quem dum nostri magna ui premunt, se atq; signa portae, arcisq; inferunt. Dabat mox hostis intra arcem desperatis rebus magnas cum armis, tum uerbis dicendi significationes, quas cum miles Germanicus Russicè linguae nesciens, praeterea Polocensis praesidij crudelitate, qua immanissima in captiuos omnes, ac potissimum Germanos fuerant, irritati, minime acciperet, caedemq; acerrimè misceret, ille desperata salute totis uiribus contra dimicat, quaeq; supra portam custodiae erant, cataraetam è turri portae imminuentem in irrupentes deijciunt, sic nostros receptu alios, alios aditu, subsidioq; excludunt. Atrox inde utrinq; pugna fuit, aequata utrorumq; desperatione qd incendij uim, quod undiq; se circumfuderat, ac pluribus locis dimicantes inter se pari interitu uicti ac uincētis exinguebat. Ad dexteram arcis partem per munitiones ostium fuit, ad quod qui nostrorum errando perlati sunt, integri euasere. Interea foris milites, quanta ui maxima possunt cataraetam molliuntur, atq; opere magno perstringunt, patefacta uia, qui nostrorum supererant, sauci prope omnes atq; ambusti, pariter cum hoste erumpunt, inferunt se integri alij praedae ex ipsa flamma rapiendae causa. Pars magna hostium aut in munitiones, aut stationes Germanorum incidit, qui omnes per iram militarem, & linguae ignorantiam interfecti sunt, in his Borissus Seinus, Andreas Palecius, Michael Lycus, Basilus Criuoborscius Palatini cecidere. Quibus in Polonorum potestatem peruenire contigit, pleriq; omnes, cum qui aliquo aut munere, aut numero fuissent, pro se quisq; nomē ederet suum, facile apud linguae intelligentes seruati sunt, ac captiui habentur: quorum in numero Seremetus est, ut rerum gestarum fama, ita & corporis specie, uultuq; & animi, sermonisq; cultu ceteris praestantior, & Mefiadus Dunensium aliquot cohortium Praefectus, qui post militum etiam suorum discessum, cum ceteris praesidiarijs in arce permanerat. Arx ipsa cum incendio occurrere non posset, conflagrauit. Hostium ad quatuor millia caesa, quos ex lectissimo, & quidem pratoriano milite Magni Ducis fuisse, etsi ex captiuis cognitum est, tamen etiam ex ipsa corporum stratorum forma, & proceritate, animisq; perditis in

rebus



rebus adhibitis, tum prædæ ratione potuit intelligi. In qua quidem præda maior, & pecunia, & uestis præciosa, & aliorum ornamentorum numerus fuit, quam ut gregarij militis fuisse uideri posset. Captiuorum ea multitudo est, ut & penes præfectos copiarum permulti sint, & Polonorum militum propè sint nulli, qui in potestate non singulos, alij plures habeant. Sussæ oppugnatione, quam suscipere difficilem & spaciosi lacus, & palustria circum loca, & Autumnij ipsius tempestas redditura erant, temereq; militem iam antè maximis incommodis affectum nouis periculis obijcere, Regi uisum non est: cum potentissimùm arcem eam, penitus Lithuaniam uersus sitam, & ab omni suorum subsidio, & com meatu consequendi potestate exclusam, (ut uis nulla adhiberetur) spontè dedituram sese non dubitanter existimaret. Itaque præsidia tantùm militum stipendiariorum circumquaque in statuis disponit, quæ Moschos ab aditu ad Sussanos arcerent. Neque fefellit ea Regem existimatio: nam & ipse Moschouix Dux, diffidens Sussam amissa Polotia retineri posse, sexta primùm, tum iterùm decima septima Septembris die, mandata ad Petrum Theodori F. Coliceum, Palatinum Sussenlem ac præsidarios omnes dederat, ut templi imaginibus & libris, omnique apparatu sacro in terra defossis, aut quacunq; alia cura adhibita, ne in hostium potestatem peruenirent, arcem incenderent: bellica tormenta ac puluerem tormentorum omnem igne delerent: tum operam, qua euadere possent, diligenter darent, ac salutis suæ consularent. Hæc mandata cum (quò certius perferrentur) per plures nuncios Sussam misisset, nonnulli eorum in arcem perueniunt: unus à Regio milite interceptus, ad Palatinum Podoliæ cum literis perducitur. Sub id ipsum tempus, Palatinus Polocensis dat Sussa literas, quibus significat, se Polotiæ cum parte exercitus, à Rege ipsi cum mandatis relictum, ut quicquid ea in prouincia hostile superesset, modis omnibus tollere contenderet: Regem summa placabilitate, & clementia Principem, quam suæ uoluntatis significationem dedisset: cum primum Magno Moschouix Duci bellum indiceret, ea in uoluntate etiamnum permanere: eorum, qui Magno Duci parerent, hominum Christianorum cædem, & sanguinis profusionem haudquaquam expetere, quinimò illi paritum ac consultum uelle: acceptas iniurias in auctore ipso Magno ipsorum Duce uindicandas statuere, nisi uerò essent, qui istas iniurias suo discrimine propugnare uellent: quod ut illi ne suscipiant, illorum maximè referre: hortari se, arce sponte sua potius abscederent, impetrabili uenia & salute, quam uim atque oppugnationem experirentur. Palatinus Podoliæ Moschi literas ad Palatinum Sussenlem, ac præsidarios, qui dedit arcem postularent: illi salutem, & rerum, quæ cuiusq; essent auferendarum potestatem, atque in Moschouiam tutò se referendi concessionem pacti, arcem cum omni bellico apparatu, com meatuq; Palatino Polocensi, militibusq; à Palatino Podoliæ missis, sexta die Octobris dedunt. Iam antè Philo Kmita Capitaneus Orsanensis, cui aliquot turmae equitum, & peditum stipendiariorum cohortes, erant in eam rem assignatæ, coacta non mediocri finitimis in locis ex nobilitate, alijsq; incolis militum manu, in Moschi ditiones excurrit, magnamq; omnia populando uastitatem affert: ad duo millia pagorum incendit, & Smolensciæ suburbij ambustis, magnum ex eo agro hominum, magnum pecudum numerum agit: suosq; nullo detrimento accepto intra fines reducit. Idem non multò post Constantinus Ostrogia Dux, cum Michaeli Viniouecio Castellano Braslauiense, & filio Ianusio Boristhenem transgressus facit, expeditissimas quasque Tartarorum, aliorumq; turmas præmittit, has longè, lateq; populari, & terrorem, uastitatemq; in hostico circumferre iubet, ipse cum reliquis copijs Czenihouiam progreditur, castrisq; ad arcem metatis, oppugnationem suscipit, ipsaq; ciuitate incendio deleta, uim omnem arci expugnandæ adhibet, sed quod ea præsidio firmo, cui nihil ad omnem propugnandi apparatus deesset, teneretur: acerrimeq; locum Moschi defenderent, in castris paucae peditum cohortes essent, afflictæ maximis tempestatum iniurijs, missa obsidione, uicina circum loca omnia diripit, totaq; Siuerensi ditione uastata, ac populationibus ad Starodubam, Radohostiam, ac Podczpouiam usque, per leuiiores equitum turmas factis, præda ingenti acta discessit. Simili successu Mecislauensis præfectus Iaroslauam oppidum, pagosq; quàm plurimos euertit. Rex postea quam dierum quinquaginta spacio, sex arcibus captis, ad quas Sussa non ita multò post septima accessit, prouinciam omnem Polocensem mira agrorum fertilitate, magna fluminum opportunitate præditam, octauo decimo post anno, quàm esset ab hoste occupata, bello Reipubl. recuperasset, Polotiam præsidij, fines copijs firmasset, decima septima Septembris die, illo de loco discedit. Vehementi quidem studio ferebatur, ut coeptum feliciter cursum urgeret, & cum magna hostes locis omnibus consternatio, ingensq; pavor teneret, longius arma sua in hostiles ditiones proferret. Sed cum & præteriti temporis iniuriæ, (quibus miles admodum afflictus, equorum ingens numerus enectus fuerat)



& gratiores Autumni tempestates, indies ingrauescentes, isti uoluntati, & studio planè repugnarent, omni cura in comitia omnium Reipub. ordinum habenda incumbit, cumque iam ante ex castris de ea deliberatione literas ad Regni Senatores dedisset, rediens in Lithuaniam, ea ad diem uigesimalam secundam Nouembris Varsoviae habitum ire edicit, in quibus consilia de bello diutius administrando suscipiantur. Dum Vilna Rex ad comitia proficiscitur, à Moschouia per nuncium Moschicum literæ afferuntur, à duobus Legatis Nouogrodia Duce Ioanne Theodori F. Mscislauiensi, & Mikita Georgij H. Romanouicio Sacharino, ad Nicolaum Radiuillum Palatinum Vilniensem, & Eustachium Volouicium Castellatum Trocensem, Plescouia die trigesima octaua Septembris scriptæ, hoc omnino argumento Cum offensæ duorum summorum Principum eo progressæ sint, ut arma uterque sumpserit, quibus Polonia Rex Polotiam expugnârit, Magnus Moschouia Dux uindicare uicissim id factum in animo habuerit: se cum reliqua nobilitate Moschouitica ad Principis sui pedes se abiicisse, obsecrasseque ut sanguini Christiano consultum atque paritum uellet. Istis precibus Principem suum reliquisse locum, & belli expeditionem repressisse, nunc mutuo studio ipsi atque alijs Regis Poloniae Consiliarijs, apud Regem suum elaborandum esse, ut ad similem uoluntatem, & sistendi cursus sui bellici, & pacis cum Magno Moschouia Duce locis omnibus, tam Regni Poloniae, quam Magni Ducatus Lithuaniae, atque etiam Liuaniae causa suscipiendæ adducant: in primis uerò ab eo impetrent, ut in Regiam suam se referat, ac copijs suis omnibus tam in Lithuania, quam Liuania finibus imperet, se ab omni in Moschos maleficio, atque iniurijs abstineant. Hæc eadem Magnum suum Ducem diligenter facturum, rediturum ad sedes suas, suosque à ui atque iniuria, cohibiturum. Interea temporis dandam utrinque operam, ut Principes missis inter se Oratoribus rem utilem & pernecessariam pacem ac concordiam suscipiant. In extremo literarum excusant, cur Basilij Lopatinscius, quem Rex ad Magnum Moschouia Ducem ante expeditionem suam cum literis miserat, quibus se bellum illi facturum iustum, legitimumque denunciabat, adhuc in Moschouia detineatur: promittuntque simul, ut Principum se uterque ad sedes suas retulerit, se operam daturos, ut cum mandatis sui Principis de pace concilianda, ad Regem ocyus remittatur. Sub idem tempus Philo Kmitha, Orsacensis praefectus ad Regem literas mittit, quas à Palatino Smolensciano acceperat. Iis Philonem Palatinus certiotem facit, se à Magno suo Duce mandata accepisse, ne quam Regijs finibus atque ditionibus uim aut iniuriam adferat. Monere igitur, ut mutua etiam Philo praestet: neque permittat, ut sui fines transgressi, hostile aliquid in Magni Ducis Moschouia ditionibus committant. Allatis, lectisque utrisque literis Rex omnem eius deliberationem ad Comitia referendam esse iudicauit.

EDICTVM DE SVPPPLICATIONIBVS, A SERENISSIMO Poloniae Rege Stephano, Vuelicoloco ex Moschouia missum. Die 5. Mensis Septembris.

Anno Domini 1580.



STEPHANVS Dei gratia Rex Poloniae, Magnus Dux Lithuaniae, Russiae, Prussiae, Masouiae, Samogitiae, Liuaniaeque, &c. Princeps Transilvaniae, &c. Reuerendissimis, Reuerendis, Magnificis, Generosis, Nobilibus, Famatis, Archiepiscopis, Episcopis, Palatinis, Castellanis, Regni nostri Senatoribus, praeterea cuiusuis ordinis subditis nostris, syncerè fidelibus nobis dilectis, gratiam nostram Regiam, Reuerendissimi, Reuerendi, Magnifici, Generosi, Nobiles, Famati, syncerè fideles nobis dilecti. Vtrumque facimus quam libenter, ut & ea, quæ decernuntur, communibus Reipub. comitijs geramus, & de rebus à nobis gestis, syncer. & fidelitat. uestras faciamus certiores. Cum superioribus proximis Reipub. comitijs placuisset, bellum contra Magnum Moschouie Ducem susceptum continuari, nihil praetermisimus, quod posset ad illud rectè atque ordine administrandum: & in primis ad exercitus cum ueteres retinendum, tum novos conscribendum pertinere: quibus omnibus, postquam ut ad Czasniciam (quo loco nos, & Russiae contra iniurias Moschi praesidio esse posse: & ad primarias alias atque alias arces hostiles peropportunos aditus habituros intelligebamus) certo die conuenirent, edixissemus, nos Vilna profecti, eodem ad octauam Iulij mensis diem peruenimus: ac imprimis frequentiore, & Senatorum nostrorum, & hominum militarium conuentu, de bello admi-



li administratione, & quò potissimum arma in hostem inferremus, ad concilium nostrum retulimus: in quo & si varia initio dictæ sententiæ fuissent, eo tamen descensum postea est, ut Vielicolucum nobis cum exercitu ante omnia mouendum, eamque arcem omni conatu oppugnandum, concluderimus: secuti quàm maximè, cum ipsam seriem, & quasi tenorem gerendarum rerum, qui nos ex locis, anno superiore proximo expugnatis, & receptis Vielicolucum uocare & ducere uisus est: tum Russia defensione, quam uniuersam eo loci cum exercitu progressi, nos ab hostili uiuari posse intelligebamus, præterea Lucensis arcis situ, fama, ditionis, amplitudine, ubertate, qua exercitus nostri line ditionum nostrarum detrimento ali ac sustineri possent, opportunitate denique ad signa nostra penitus in hostilia loca inferendum, eoque hostem ad aliquam prælii dimicationem, eliciendum: ceteraque deinceps ex Vielicoluco facilius, promptiusque administrandum adducti. Habito igitur exercitus nostri delectu, ex agro Czafniciensi Vitepscum profecti sumus: quo in itinere, cum arces duas hostiles, Vielisium unam, in Dhunæ ripa, Vitepscio ex superiore fluminis loco oppositam, atque alteram Vsuuiatum, quæ ad amnem cognominem in Dhunam fluium illabentem, & propius Lucum uersus ferentem, sita est: exclusuras nos tormentorum, & commeatus ad exercitus nostros supportandi commoditate accepissemus, & cetero quum studium nobis esset Dhunam flumen magis, magisque ab hoste in potestatem nostram uindicandi, quò res maiore celeritate conficeretur, Magnificum Ioannem de Zamoscie Regni nostri Cancellarium, & cum ijs copijs, quas hoc in bellum nobis adduxit, & alijs additis Vielisium oppugnandi causa premissimus, qua ex arce, cum unius diei oppugnatione præsidium hostile foeliciter deiecit, nos ea potiti, præmissis primo agmine copijs Lithuanicis Vsuuiatum cum exercitu accessimus: locumque, munitionibus oppugnandi causa iam actis, metu potius admodò tantum, quàm ipsa adhibita deditione cœpimus. Inde contractis in itinere copijs omnibus, quas duarum istarum arcium oppugnatione diuiserat, mouimus, ac superata locorum inde ab Czafnicia incredibili uastitudine, itinere summo cum labore militum ac ingenti difficultate, quæ Vsuuiatum, quæ Vielisium exercitus iuere, per assiduas, densissimasque syluas facto, Vielicolucum progressi, ad arcem uigesimo sexto Mensis Augusti die castra metati sumus, quæ in castra cum id temporis Oratores ab Magno Molchoiæ Duce ad nos uenissent, eos nulla interposita mora audiuiimus. Verùm cum à nobis contra omnes nostras rerum gerendarum rationes, contraque dignitatem nostram postularent, ut nos in Lithuaniam cum exercitu referremus, negarentque nisi id ante omnia fecissemus, se per Principis sui mandata quicquam de ipsa legationis causa dicere posse: nos repudiata & postulationis indignitate, & insidiosa tergiversatione non cessandum rati, eundem Ioannem de Zamoscie Cancellarium, cum copijs suis attractis, cæterisque, quas ad Vielisium habuerat, & maxima parte omnis peditatus trans flumen propius arcem castra alia facere, ibique curare iussimus, illaque ex parte nulla mora munitionibus, quibus uisum est locis actis, & quo oportebat perductis, ipsis Kalend. Septemb. oppugnationem maiore apparatu ac conatu suscepimus: nihilque aut lenitatis, aut terroris prætermisimus, aut oppugnationis non adhibuimus, quò integra arce potiremur. Verùm cum & præsidiorum summa loci retinendi pertinacia esset, & ultima sibi expectanda coniurassent: & arx non modò loci natura, in edito planissimis circum locis, partim intra fluminis Louati, partim intra lacuum complexus sita: nec tantumodò consuetis antehac Moschis parietum densissimorum contignationibus firma, sed aggere etiam densissimo ac latissimo ex cespite extrinsecus obducto, tum qua flumen, aut lacus non ambiunt: fossa maiore munitissima esset, ac omninò Polotiam omni genere firmitatis superaret, ad hæc præsidium ualidum, & Polotiæ, aliarumque arcium propugnatione, è quibus à nobis anno superiore impetrata salute discesserant, exercitatus in esset, ut omninò sine maiore militum nostrorum interitu, ac diuturniore obsidione, si in instituto permaneremus, necessario res nobis incendio experienda fuit, quod cum magna militum nostrorum uirtute, & discrimine, primum ex Vngarorum peditum munitionibus allatum, & hoste incredibilem in modum restingente sæpius triduum repetitum, atque diutius altum esset, ac deinde ex altera etiam parte per militem Polonicum, & attractas illas cohortes aggere ad propugnaculum magis, ad ligneas usque substructiones suffosso, nocte in ante quintam Septembris diem maius conflaretur: præsidium uerò, quò ad ignem iam temperari nullo modo posset, ab obstinatione hostili non discederet, factum est, ut & arcem, flamma, & ferrum, quicquid propè hominum in arce fuit, per militarem iracundiam hostili illa pertinacia, & acceptis in oppugnatione incommodis, & eorum, qui Polotia ac cæteris ex arcibus iam ante occupatis impune dimissi fuerant: hunc in locum ad hostilia reditu irritatam, quinta istius mensis die prima luce deleuerit. Dum hac in oppu-



gnatione uersati sumus, Oratores Magni Moschouia Ducis iterum apud nos dicendi potestatem sibi fieri petierunt: qua impetrata cum ea exponerent, quæ honeste nobis & Reipub. paci, & faciendis incommodis, quæ ab eo hoste accepta sunt, minimè satisfacerent, leuioraq; omnia, quàm nostra dignitas, & iura Reip. paterentur, proponerent: ostendimus nos ad istiusmodi descendere non posse: cumq; illi alia mandata se hoc tempore non habere dixissent, & à nobis peterent, dare ad Magnum suum Moschouia Ducem literas liceret, quibus eum de nostra uoluntate atq; conditionibus redderent certiore, ne quid prætermisisset uideremur, quod facere ad spem iustæ, honestæq; pacificationis posset, & nostras dedimus ad Moschum literas, & Oratores dare suas permisimus: ad quas cum responderit, quæ uoluntate sit, certius fortasse cognoscemus.

Nos hæc Sinc. & fide. uestras scire uoluimus: cumq; ea, quæ adhuc benè, foeliciterq; gesta sunt, uni Deo grata, cum animi pietate acceptum referamus, parq; sit, ut illi uolenti, & propitio, & nos, & omnes in Republ. nostra, ad cuius hæc utilitatem, amplitudinem, laudem imprimis redundant, gratias agamus: hortamur, syncer. & fid. uestras ad ea omnia gratarum mentium studia, quæ supplicationibus, alijsq; rebus, quoties benè gesta est res publica, suscipi consueuerunt. Quemadmodum hinc res porro administranda, & hic locus nobis tuendus sit, de eo hoc tempore cõsilia cœpimus: quæ deinceps è Reip. geri à nobis hoc bello posse, uidebuntur: in ijs studium, consilium, curâ, operam omnem nostram libenter consumemus. Benè ualeant synceritates & fidelitates uestræ.

Datum ex Castris nostris ad arcem nostram Vielicolucum, die 6 Septembris. Anno Domini, 1586. Regni uerò nostri anno quinto.

STEPHANVS REX sft.

IOANNIS LEVVENCLAI DE MOSCHORVM BELLIS ADVERSVS FINITIMOS GETIS, ab annis iam LXX. quibus antea per Europam obscuri paulatim innotuerunt, Commentarius.



Vando de Russorum (qua appellatione populi omnes magni Moschorum principis Imperio subiecti ueniunt) situ, diuersis Regionibus, ciuitatibus, amplitudine gentis, Religione, moribus & institutis, plerique uiri clarissimi satis multa literis hætenus prodidère, præsertim illustris ille Baro Herbestenus, cuius unius commentarij, uel admodum curiosis satisfacere possunt: operæ nos pretium facturos putauimus, si quibus potissimum bellis famam nominis aliquam consequuti essent, una, eademq; perpetua narratione breuiter (quantum eius fieri posset) explicarem. In hanc cogitationem magno animi studio incumbentibus, uisum est, nequaquam ordiri commemorationem hanc à priscis illis sæculis, quibus natio barbara, necdum exteris, ac nobis præsertim ad solem Occidentem uergentibus, nota satis fuit: sed à patrum memoria tantum, qua per Europam clare cœpit, uix antè uel ipso nomine cognita. Veteres quidè historias quod attinet, scio per antiquis in Annalibus Germanorum reperiri, uenisse ad Imp. Cæs. Henricum III Aug. qui tum in urbe Vangionū Berbetomago (Bormatiam hodie uocant) agebat, Russorum principē, declarandæ suæ in Augustū obseruantie causa. Verum ex uarijs indicationibus quantum colligere licet, uidetur hoc intelligendū potius de Russis illis, qui hodie Polonorum Regi parent, ac nostro Imperio sunt uiciniores. Habebant illi tum principē peculiarem, qui maiestatem Imperatoris Romani, regnantis ad solē Occidentem, agnosceret. Parebant eidē Imperatori & Sarmatæ, quos hodie Polonos uocamus: sed hi paulatim ob nostrorum principum secordiā, publicaq; discidia, quorum præcipui auctores erāt pontifices nō sacri, sed exsecrati, non à nostris modò defecerūt: uerum etiā Imperio suo finitimas gētes, Russos, plerosq; Scythas, quos hodie Tartaros dicimus, Lithuanos, Samogithios, Masouios, nostraq; demū memoria Borussos magna cū parte Liuoniorū adiunxerūt. Ut ut sanè res habeat, equidè inficiari nolim, eisdē originis utrosq; Russos esse: uerū illos remotiores partē cū nostris habuisse cōmerci crediderim. Grecis recentiorib. notior hæc fuit natio, quippe quæ magnis in Pannoniā, uicinamq; Thraciā irruptionibus plurimū Constantinopolitanis Imperatoribus negocij fecit. Narratur hæc prolixè à Zonara, Cedreno, Gregora,



gora, cæterisque Græcorum annalium scriptoribus, quorum nos plerisque typis necdum editos, & uidimus, & legimus. Frequens apud illos Rossorum (sic enim nuncupant) appellatio reperitur, de uoce Roxolanorum ueterum (ut quidam perhibent) orta. Et quidem opera Græcorum tandem Christianam ad Religionem perducti sunt, in hoc genere postremi omnium (si Lithuanos, Borussos, & Liunionios excipias) Europæ nationum. Qua de causa factum est, ut ecclesiæ Græcæ tam in doctrina, quam religiosis ritibus auctoritatem sequantur. Ac ueri profectò simile fuerit, nationem barbaram, quæ prius in Thraciam excurrere consueuisset, ob eius regionis opulentiam, ex Christianæ religionis disciplina mitiorem factam, pristinum illud studium uexandi finitimos abieciisse, præsertim postquam à uicinis Scythis siue Tartaris grauiter premi cœpisset. Propterea nihil admodum memorabile de ipsis proditum monumentis literarum accepimus, ante Casimiri Sarmatarum regis imperium, cuius filij natu maiores duo, Ioannes Albertus & Alexander, perpetuas cum Moschis inimicitias exercuerunt: tertius uerò Sigismundus res aduersus eosdè memoria dignas gessit, ad quas priusquam ueniamus, lubet id Liunioniorum aduersus Moschos prælium recensere, quod paucis annis antè pugnatum incredibili uirtute fuit, nec satis hætenus nostris hominibus explicatum: quando quæ Paulo Iouio, & Sigismundo Baroni Herbesteno rem narrarunt, suis usi rationibus, aliter cōmemorarunt, quam nos apud ipsos Liunionios acceperimus. Velim uerò, lector, non prolixam à me historiam expectes, sed rerum præcipuarum indicationem breuem: ne commentarij modum excedat narratio, quæ cæteroqui tanta in uarietate plus æquo fortassis excrescet.

Erant elapsi anni à nato ex uirgine Iesu Christo Dei F. 1500. quum obortis simultatibus inter Moschorum principem, & collegij siue ordinis Teuthonici apud Liunionios Ducem, quæ Magistrum militiæ uocant, tandè bellum inchoatum est, in quo aliquadiu nihil admodum memoria posteritatis dignum gerebatur. Erat id temporis dux gentis Basilus Ioannis F. (dictus antea Gabrielus) matre Græca Sophia Thomæ Palæologi, clarissimi principis in Peloponeso, filia natus. Is quum Ioanni patri successisset, singulari gloriæ cupiditate flagrabat: & multis sanè rebus egregia cū laude gestis hoc cōsequutus est, ut maioribus suis anteferretur. Habebat hostem in hoc bello, nec uiribus admodum imparem, & rei militaris scientia clarum. Nam ordini Teuthonico cum imperio, potestateq; præerat Gualterus Pletemburgius, equestri familia natus apud Occidentales Saxones, quos hodie Bestualos appellat, magni uir animi & cōsiliij, qui maturè adiūxerat sibi 72 ciuitates Germaniæ, quæ Saxonico in solo sitæ fœdus inter se multo antè pepigerat, eiq; nomen ab Ansa dederat, quasi quæ perpetuis uelut ansis inter se cohererent. Ab his pecuniā in belli sumptum, aliaq; necessaria largiter accipiebat. Tandem non expectandum ratus, ut intra fines suos exercitu adducto bellum Moschus ingenti cū agrorum depopulatione, pro gentis immanitate barbara, gereret: ultrò belli sedem in hosticum solum transferendam statuit, & si hostis occurrat, prælio decernendum. Et faciebat hoc eo fidentius, quod Alexander Polonus per internuncios promiserat, se quamprimū Pletemburgius fines hostium attigisset, ab altera parte suis cū copijs Moschos inuasurum: in quo tamen eius deinde spem planè fefellit. Itaq; Pletemburgius lectissima septem Germanicorum equitum millia, cū quinque milibus Curonum (Liunioniorum hi sunt natio, Gualteriq; tum imperio parebant) intra fines hostium ducit, & munitiones quasdam occupat: inde castris motis a. d. 16 Kal. Octob. rectā Plescouiam pergit, urbem amplā ac Liunioniæ uicinā. Occurrit hinc ei Moschus, incredibili cum hominum multitudine. Nam ingens erat ad urbem planities, ad conflictum longè aptissima. Perhibent habuisse Moschum supra centena suorum hominum millia, quibus triginta millia Scytharum siue Tartarorum adiunxerat: etenim ut latissimæ sunt ex regiones, ita hominum copia nimium quantum abundant. Multitudini Moschus fidere, Pletemburgius ob paucitatem suorum minimè terreri: qui turbam imbellem, inconditam, perexiliter munitam Orientalium more, suorum uirtuti cessuram sciret, ubi primū sagittis amissis uentum ad manus foret. Itaq; breui cohortatione suos excitatos rectā Scytharum in agmen oppositum ducit. Solent enim Moschi Tartaros primos in hostem immittere, ut qui sagittarum eiectatione plurimum ualeant, & equorum pernecitate recipere se quod uelint, possint. In eos Pletemburgius aheña tormenta bellica feliciter displot: inde suos propius cum hoste manum conferere iubet, quorum impetu mox illi fundi, fugariq; nam inermes aduersus armatos haudquaquam subsistere poterant. Succedunt his Moschi duodecim in agmina distributi, quorum singula hominum ad nouem millia continerent. Eos quoq; Pletemburgij milites non modò fortiter excipit, ac dimicantes sustinet: sed etiam pari felicitate disturbat, cedit, uincit. Hostium reliquiae re desperata noctis interuentu Plescouiam fuga se recipiunt. Incredibile sanè cladem acceperant, cuius erant argumenta campi latissimi passim cadaueribus cooperti: neq; desunt, qui tradant ex Tartaris atq; Moschis hominum ad octoginta mil-



ta millia perisse, de Pletemburgi militibus uulneratos quidē fuisse iactu sagittarū plurimos, sed unum tantum interemptū: quod tamen nobis in medio relinquere placet. Herbestenus signiferi cuiusdam proditione cæsos, à Moschis ad 400 pedites fuisse refert, cæteros incolumes euasisse. Hoc quidem certè constat, felicē hunc Ducem exiguo cū suorum damno multis millibus cæsis, maximum hosti detrimentum attulisse. Satis hoc uel inde colligi poterat, quòd ea planicies, in qua pugnatum fuerat, & quæ supra sexaginta stadia longè, lateq; patebat, undiq; cadaueribus, constricta cernebatur. Accedit & illud, quòd mox suis hominibus ad Pletemburgium, missis de pace Moschus agebat: id quòd minime facturus fuerat, nisi cladem ingentem accepisset. Nec militiæ Magister actionē de pace reijcit, qui uideret eam nunc conditionibus sanè cōmodis, & prorsus ē re sua constitui posse. Quapropter confecta pax in annos totos quinquaginta, & commerciorum gētis utriusq; iura uetera renouata. Precipua in hoc prelio cataphractorū equitum uirtutem, enituisse, plurimumq; momenti ad obtinendam uictoriam attulisse, traditum est: quos Moschi cum admiratione maxima ferreos homines nuncupant. Hi passim ordines hostium per rumpebant, ex equis eos deieciabant, cū equis ipsis sternebant, deiectos, stratosq; proculcabant: nam prisco more gentis Moschi nullis erant idoneis armis aduersus talem hostem instructi, non loriceis, non ferreis thoracibus muniti: & arma sunt illis alia nulla, quàm sagittæ, hastæ, leues, & copides, hoc est, leuiter incuruati ac breues gladij. Pace cum Pletemburgio facta, Moschus missis Liuonijs, Polonos aggreditur, quorum cum Regibus, Casimiro, Ioanne Alberto, Alexandro uarias eum similitates exercuisse, iam antea monuimus. Inter alia, quæ cōtra Polonos gessit, hoc memorandum, quòd quum antea Moschi à Polonis uinci plerumq; consueuissent: ipse primus uinci uictores posse demonstrauit, Polonis acie iusta profligatis. Ipsum etiam Polonici exercitus Ducem, rerum bellicarum insigniter peritum, Constantinum Ostroschitum cœpit, uinctum catenis Moschouiam abduxit, totos annos septem in carceribus detinuit. Est in Lithuanorum, Moschorumq; finibus ad ripam Borysthenis (quem Brisnam hodie dicunt) oppidum, quòd Smolenzicoum uocant. Id Basilius esse sui iuris & Imperij contendebat, Poloni Regno suo uindicabant. Itaq; Basilius anno 1513: coactis amplis suorum copijs Smolenzicoum obsidet, omnibusq; uiribus oppugnat, sed frustra: nam quum nihil efficere le uideret, propter uirtutem prædiariorum, atq; etiam uenire Lithuanorum audiret satis ualidam manum, quæ obsessis opem ferret: in aliud tempus rem differendam ratus, obsidionem soluit, copiasq; summa celeritate domum reducit. Anno sequenti reuertitur, & corruptis per largitionem illorum animis, quibus tuendi Smolenzicoi cura mandata fuerat, oppido proditione potitur. Eo non contentus, tripartito agmine finitimos agros latè populatur, & Lithuaniam inuadit. Habebant id temporis Poloni Regem Sigismundum, Casimiri F. & quidem natu minimum, qui fratribus suis ordine Regnum adeptis, & excepto solo Vladislao Bohemorum, Hungarorumq; Rege, uita functus successerat. Is quò maturè hosti occurreretur, Constantino (qui nō multò antè dimissus à Basilio fuerat) mandat uti copias satis amplas conscribat, & obuiam hostibus eat, ne ulterius progrediantur. Existimabat neminē rectius opponi Basilio posse, quàm eum, qui & magni nominis Dux esset, & acceptas à Basilio superioribus annis contumelias, iniuriasq; præclaro faciliore ulcisci cōgitalet. Aduolat ille cum non magna, sed selectissima militū manu, quumq; peruenisset ad Borysthenem, cuius ripam alteram Moschus insigni cum exercitu, magnocq; tormentorum aheneorum numero custodiebat: uado reperto, ponteq; constructo, summa prudentia tam pedestres, quàm equestres copias traiecit. Neque parū ei barbarorum superbia profuit, qui transitum nullò conatu impediabant: uti qui serebus omnibus longè hostem superare putarent. Habebat omnino in exercitu Constantinus hominum ad septem, decemq; millia, in quibus erant equitum decem & quatuor, peditum tria millia. Basilius equitum supra quadraginta millia ducebat. Ex ijs septem millia seligit, ac propinquam in uallem abdit, ut medio in ardore pugnae hostem à tergo aggredierentur, eaq; ratione nec opinantem perturbarent. Cæteros in agmina tria diuisos aciei Constantini opponit. Is ex aduerso cataphractus equites Polonos in acie prima collocat, qui sagittas hostium exciperent: ab latere dextro sex Lithuanorum equitum millia, totidem à sinistro: peditem à tergo, cuius uirtuti plurimū tribuebat. Primum Moschorum agmen cum suis feliciter perumpit, inde alterum adoritur. Tum Basilius cum tertio nonnihil pedem referre, & exitum pugnae spectare: nam futurum putabat, ut qui ex insidijs hostem à tergo inuasuri erant, aciem omnem uel solo terrore perturbarent, disicerent, caderent. Verū ijs animaduersis peditum agmen quadratum occurrerat, & omnes in fugam coniecerat. Itaq; quum hi tertium Moschi agmen rectā peterent, Basilius abiecta spe uictoriae cum nobilioribus semet ex acie subducit. Ducem fugientem.



gentem ceteri sequuntur. Pugnatum fortiter ab ijs, qui Polonis oppositi media in acie  
 iterunt. Sed quum pariter Lithuani atq; pedites superatis ijs, quos aduersos habuerat,  
 hos etiam ab omnibus partibus inuaderent: tandem ipsi quoq; fuga sibi consuluerunt.  
 Commisum hoc praelium est a. d. vi. Id. Septembr. Anno 1514. Capta hostium castra,  
 regia Basilii supellex, athenaea tormenta, cum 155 equorum. Cæsa Moschorum 155 c15  
 c15: uenerunt & præcipui quidam Duces in hostium potestatem. Hinc ad Smolenz-  
 cium oppugnandum recta ducta copia, sed irrita conatu. Nam Basilus ex acie fugi-  
 ens eius, quod futurum putarat metu, fortissimos quosq; in oppidum miserat, qui ei præ-  
 sidio essent. Itaque Constantinus ob propugnatorum uirtutem, & alienum anni tempus  
 recuperatione desperata, trans Borythenem copias in hyberna deducit. Hoc modo lo-  
 uius rem gestam narrat. Qui Herbesteni fidem sequi maluerit, in eius Commentarijs a-  
 liter indicata quædam reperiet. Secundum hæc anno 1516 Moschi Lithuaniam iterum  
 populabundi percurrerunt. Eos deinceps Ioannes Tarnouius Polonus, felix & pru-  
 dens Imperator, iusto praelio uicisse ad Starodubam perhibetur: quæ res quò pacto gesta  
 sit, quum nobis necdum satis liqueat, in hoc quidem tempore amplius aliquid proterre  
 supersedebimus, præstaturi fortassis aliquando, ne quid hac etiam in parte lector deside-  
 ret. Conuertit certe Basilus, pace cum Polonis facta, uim omnem armorum aduersus  
 Tartaros, quos anno 1527 insigni uictoria sic superauit, & cecidit, ut eorum supra  
 c155 c155 uno praelio perisse tradantur. Et quantum mali prius Moschis ab hac  
 gente fuerit illatum, prolixè Baro Sigismundus exponit. Quum autem memoratū di-  
 gna tantum colligere uoluerimus, multorum hæc annorum mentione prætermittam, qui-  
 bus scilicet nihil admodum insigne gestum fuit, ad propria ueniamus. Anni 1555 me-  
 dia hyeme (nam id tempus ijs in regionibus aptissimum esse rei gerendæ propterea so-  
 let, quod tum stagna, paludes, flumina congelata facilem transitum præbeant) bellum in-  
 ter Gustabum Suedorum Regem, ac Ioannem Basilium Moschorum principem exor-  
 tum, propè biennium totum durauit. Ei causam dedere præfecti utriusq; principis in li-  
 mitibus collocati, qui semel susceptis inimicitijs alternatim prædas abigebant, & omnia  
 longè, lateq; flammis ac ferro populabantur. Quo factum, ut ipsi etiam principes irritati,  
 suos quisq; præfectos defendendos susciperent. Moschus ducenta hominum millia co-  
 git, & in Finlandiam exponit. Hi tormentis athenæis muniti ad oppidum Viburgum usq;  
 contendunt, miserabilem in modum omnia diripiunt, & igne uastant. Quia crudelitate  
 in suos exercita motus Gustabus, simul & Germanicum militem arcessit, & quantas o-  
 mnino posset hominum suorum copias magna celeritate cogit. Valido iam instructus  
 exercitu, recta pergit in hostem. Is uerò Regis aduentu per exploratores cognito, ad dis-  
 cessum mox sese comparat, more Turcarum, aliorumq; barbarorum incolas etiam ipsos  
 abducit, cætera fœdis incendijs uastat. Cedentes Suedus ad arces usq; duas Moschi sub-  
 iectas Imperio persequitur. Nihil tamen aliud efficit, nisi quod ingressus agrum hostilem  
 pari truculentia sæuit in omnem ætatem ac sexum, ædificijs flammis subijcit, hominum  
 corpora cum facultatibus ac iumentis in seruitutem abducit. Accidit inter alia, ut qua-  
 dringenti Moschi, magna ex parte nobilibus familijs nati, (Bojaros sua lingua uocant)  
 in glacie consistentes de tota belli ratione consultarent. Ea pondere nimio, uel alio quo-  
 piam casu rupta, mox in aquasmersi pereunt. Territi hac suorum calamitate ceteri,  
 oblatas à Gustabo conditiones pacis opera concionatoris cuiusdam Aboënsis citra de-  
 tractationem ullam accipiunt: inde missis etiam utrinque legatis maioris fidei causa pax  
 consensu principum sancitur, & ab utroque præclarum ad posterum exemplum statui-  
 tur, adfectis merita pœna belli primis auctoribus. Exponenda deinceps nobis ea bella  
 ueniunt, quæ aduersus Liunionios Moschi crudelissimè gesserunt. Prius uerò, quam ad il-  
 lorum commemorationem accedamus, ciuiles eorundem Liunioniorum furores indicari  
 par est, quibus eorum uires usque adeo sunt accisæ: ut hosti nouo, potenti, supraq; mo-  
 dum humanum sæuo resistere non possent. Referri certè debet huius regionis calami-  
 tas inter exempla uicissitudinis rerum humanarum, & corruentium Imperiorum illu-  
 stria, quorum casus ac mutationes ex ciuilibus discidijs plerumque solent oriri. Consti-  
 tutum hoc Imperium fuerat felicibus auspicijs ante 300 annos, ex occasione propagan-  
 dæ Christianæ Religionis. Porrigere se regionem ipsam constat in longitudinem supra  
 quatuor stadiorum millia, quum in latitudinem minimum ad 1300 stadia pateat. Habe-  
 bat principem sanè potentem, quem Magistrum militiæ uocabant, Equestris collegij  
 (uulgo Ordinem appellat) præsidem: quæ quidem dignitas ad neminis hæredes tran-  
 sibat, sed uno rebus humanis exempto, de ipso collegij corpore in eius locum alius sus-  
 ficiebatur. Habebat præter hunc summum antistitem (Archiepiscopum Græco uocabu-  
 lo dicimus) Rigensem, ac secundum illum antistites alios tres, Dorpatensem, Habselensem,  
 cui &



cui & Osela Curonum parebat, ac Reualiensem. Horum singulis oppida, territoria, munitæ arces erant, annuicq; fructus uberes. Habebat ciuitates & amplas, neq; pro consuetudine barbarorum exstructas, quales pleræque sunt in Regnis Septentrionalibus: sed insignem ad elegantiam ornatas. Inter eas principe loco sunt Riga, Bremensium Germanorum colonia, sita commodo loco ad amnem Dunam, cuius in Oceanum, quem hoc loco Balticum à Baltei similitudine nuncupant, semet exonerantis ostium ab urbe ad 60 stadia distat, & habet fluuius eam magnitudinem, ut ex mari naues ad urbem subuehi possint: altera reualia, Danorum à Rege Voldemaro condita, portu in mari Baltico insigni clara: tertia Dorpatum, Russis finitima, propter cuius mœnia Beca fluuiolus labitur, ad commercia cum Russis peropportunos. Nam in eorum fines delatus, emensis omnino 200 stadijs, in amplissimum se stagnum exonerat, quod Pebussam uocant: itaque sit, ut Dorpato Plescouiam usq; perueniri nauigio possit. Insigniter hoc stagnum uario piscium genere abundat. Porrigit in longitudinem ad 360 sestadia, & sex, septemue receptis amnibus, in Oceanum uno fertur alueo: qui quum de præruptis scopulis præcipiti lapsu ruat, idem uicinioribus accidit, quod usuuenire habitantibus ad Nili cataractas accepimus, uti nimirum paulatim surdescant. Secundum has ciuitates, oppida sunt alia minora, magnificis arcibus munita: primum Venda, propter aulam Magistri militiæ nobilitata, & in medio totius regionis sita: deinde Velinum, Pernouia maritima, Volmaria, Veseburgum, Vitestenum, Narua, & alia. Præter Germanos, qui tum rerum potiebantur, habet & Liuania Curones, Estenos, Lettos, nationes tam moribus, quam lingua diuersas. In eadem regione, si uinum, oleum, & alia quædam mitiori cœlo subiectis terris concessa diuinitus excipias, (nam his aduecticijs tantum utuntur) cætera ad usum humanum necessaria reperiuntur ea copia: ut cum exteris omnino largè cõmunicentur. Eius ergo status & incolumitas quum intestino discidio sic labefactata fuerit, ut ingens rerum omnium subsequuta mutatio sit: operæ precium erit, hoc ipsum discidium, eiusq; causas, cum toto ciuili bello, breuiter (quantum eius fieri poterit) narrari. Fuerat annis multis Archiepiscopus Rigæ Guilelmus, patre Marchione Brandenburgio, matre Polonica, Regis Calimiri filia, Sigismundi sorore natus. Inter alios huius fratres, quos numero non paucos, & illustres omnino Principes habebat, erat Albertus, qui Friderico Saxonie Ducum gente nato, magno Teuthonicorum equitum in Borussia Magistro successerat: nam & Borussia Liuania uicina collegium equestre tum habebat, cum quo se ante aliquot secula Liuienses equites mutue defensionis causa coniunxerant. Albertus hic multis annis cum auunculo Sigismundo Rege bella gessit fortiter, ut aduersus Polonum collegij sui iura defenderet: qui fratrum, patris, aliorumq; maiorum suorum exemplo Borussiam sub Imperij sui iurisdictionem reuocare uolebat, quæ se unius Imperatoris Romani auctoritatem sequi profiteretur. Quum autem multos (ut diximus) annos hæc bella durarent, ac uiribus inferior Albertus sæpius implorata Imp. Cæs. Caroli V. Aug. (qui tum Hispanicis, Italicisq; motibus mirifice distinebatur) ope, nihil impetrasset: tandem ui maiore coactus, Sigismundo se regi anno 1525 summittit. Itaq; Sigismundus ei detractis aliquot ciuitatibus, Gedano, (quod hodie Dantiscum uocant) Torona, Mariæburgo, Elbingæ reliquam ditionem, abolito equitum in ijs locis collegio, beneficiario clientelæ iure sic concedit, ut ea tum ipse, tum nati ex eo hæredes masculi, & hæredibus masculis deficientibus, proximi Brandenburgiorum principum gente agnati cum hac conditione fruerentur, si Polonia Regum se clientes, non Imperatoris Romani, Borussia nomine profiterentur. Quod quidem id temporis primum inchoatum, anno superiore, nimirum 1570 renouatum est. Nam quum Albertus ante triennium unico filio Alberto Friderico ex altera coniuge Brunswigij Ducis Erii filia hærede relicto decesserit, Sigismundus Augustus Sigismundi Regis F. arcessitis ad se Alberto Friderico, Georgio Friderico, & Ioachimio Septemuiro, Marchionibus Brandenburgijs agnatis: illi præsentibus, & horum legatis publica cæremonia beneficium successionis Borussiae concedere uoluit, ne qua in posterum contentio posset oriri: quo ipso tempore Moldauorum etiam (Dacos olim dixere) principem in clientelam suam recepit. Hæc propterea recensere hoc loco uoluimus, quod Alberti mentio deinceps occurret. Nunc ad Guilelmum reuertamur. Erat is prouecta iam admodum ætate, ac propterea gubernationis onus esse soli sibi graue, molestumq; dicens, de constituendo successore cum Canonicorum suorum collegio deliberabat, qui etiam uiuum parte aliqua negociorum subleuaret. Solent in collegijs hoc hominum genus Coadiutores appellare. Simul suam ut mentem ac consilium aperiret, neminem se huic muneri scire profitebatur aptiorem Christophoro Alberti Megalburgij Ducis F. huius indoles magnū aliquid de ipso polliceretur. Hoc institutum, & hæc oratio Guilelmi Archiepiscopi permolesta erat Magistro militiæ Guilelmo Furstembergjo, nato



nato equeſtri apud Beſtiales genere, qui non ita pridem Henrico Galenſi uita defuncto in hoc magiſtratu ſucceſſerat. Totus etiam ordo equeſtris collegij ſuſpectum Archiepiſcopi conſilium habebat. Verebantur enim, ut aiebant ipſi, ne itidē ut in Boruſſia factum fuiſſe diximus, abolito equitum collegio, ad unius alicuius illuſtri familia nati domina- tum heic quoq; rerum ſumma perueniret. Accedebat & alia cauſa. Nam quia ſuperiori- bus annis ciues Rigenſes unā cū doctrina ritus etiam Romane religionis aboleuerant, & omnibus in templis concionatores ſuos præfecerāt: archiepiſcopus illud ad uiolationem ſuæ dignitatis, ſuiq; iuris, quod in eccleſias haberet, præiudicium factum adferens: à ciui- bus aliquid multa nomine petebat. Contrā Magiſter militiæ dicere, ſi non maius, ſaltem par ſibi ius in Rempub. Rigenſem eſſe, qui & arcem in urbe haberet: quare multari ciues Archiepiſcopi unius arbitratu, nunquam ſe paſſurum profitebatur. Hæ quidem cauſæ publicè prætexebantur, uerū erant & aliæ nonnullæ, quæ iam dudum animos utrumq; pungebāt. Nam Archiepiſcopus tum muneris eccleſiaſtici dignitate, tum nobiliſſimi or- tus præſtantia fretus, (erat enim Brandeburgiā, ceu diximus, gente prognatus) primum in rebus omnibus ſibi locum deberi uolebat. Itaq; principem in comitijs ſedem ſibi uindi- cabat, atque ipſum quoq; comitiſſimum indicendorum ius ad ſe pertinere contendebat, ex quo deinceps alia quoq; nata eſt offeſſa, belliq; occaſio: quemadmodum infra loco ſuo ſumus indicaturi. Omnium deniq; grauiffima capiendorum armorum erat cauſa, quam haud ſcio an non recte & *ῥῆγμα* uerbo Thucydideo ſimus appellaturi, quod militiæ Magi- ſter interceptiſſe ſe Guilelmi Archiepiſcopi ſcriptas ad Albertum fratrem Boruſſiæ Du- cē literas diceret, quibus eum hortaretur, peditum illa *ῥῆγμα* quamprimum mitteret: com- modiſſe rei gerendæ tempus offerri nullum poſſe, quā hoc ipſum, quo collegium eque- ſtre diſciſſis maximis laboraret. Negauit ſemper deinceps Guilelmus Archiepiſcopus; tale quiddam ab ſe fuiſſe ſcriptum: negauit Albertus Boruſſiæ Dux, Guilelmi frater: ne- gauit Polonia rex, quicquam inter Archiepiſcopum ac ſe actum clam de oppreſſione il- lius collegij fuiſſe: uerū Magiſter militiæ conſtanter adfirmabat, ſe productis literis (ſi quidem res ita poſceret) hoc comprobaturum. Quumq; collegij Mareſchallus (ſecū- dum iſ a Magiſtro dignitatis ac potentiae gradum obtinebat) ſuos moneret, ne temere bello Ar- chiepiſcopum obruerent: conclamare uniuerſi, occultam inter Archiepiſcopum & Mare- ſchallum conſpirationem factam, & communicata conſilia: nihil eſſe reliquum, niſi ut ar- mis oppreſſores libertatis publicæ coërceantur. Acceſſit & hoc, quod Archiepiſcopo Mareſchallus promiſiſſe ferebatur, ſe quaſdam arces occupatas ei traditurum. Et perhibe- tur ſanè ad unam atque alteram arcem acceſſiſſe, utq; admitteretur, poſtulaiſſe: quod num hoc, an alio conſilio, ſui fortaiſſe defendendi aduerſus uim ſubitā cauſa fecerit, nobis haud liquet: ſcriptum quidem non multo poſt publicauit, quo ſe uarijs argumentis purgat. Si- mul ad Polonia ſe regem confert, à quo perhumaniter ac benignè accipitur, mandante ſuis, ut eum ab iniurijs quorumcunq; defenderent. In hunc modum inflammatis utriusq; animis, ſeq; comparatibus ad gerendum ciuile bellum: comitia publica militiæ Magiſter indicit, & ordines omnes Vendam conuenire iubet. Coirere frequentes uniuerſa ex pro- uincia ſingulorum ordinum homines. Archiepiſcopo excepto, qui propterea non ueni- re ſe proteſtabatur, quod comitia more maiorum indicta non fuiſſent, quorum indicen- dorum ius ad ſe pertineret. De hac contumacia quaſtus ad omnes militiæ Magiſter, atq; illis etiam expoſitis, quæ de literis interceptis, alijs cōſilijs antea commemorauimus: mo- net, Archiepiſcopum loco publici hoſtis habeant, omnesq; uideant, ne quid Reſpub. de- trimenti capiat. Reſpondent omnes, bello compeſcendum hoſtem patriæ: ſimul auxilia ſinguli ſua pollicentur. Quod decretum ubi accepiſſet Archiepiſcopus, ad deſenſionem ſe cōtra uim illatam parabat: & ſuos ut arma principis ſui tuendi cauſa corripere, quem inaudita cauſa proriſus innocentem inuadi cernerent, hortabatur. Contra militiæ Magi- ſter miſſis ad ſubiectos imperio Archiepiſcopi ordines literis, eo quo principi ſuo deuin- cti ſacramento eſſent, omnes liberabat. Simul priſci fœderis eos, pactiq; commonefacie- bat, quo conuenerat, ut ſi quando quiſquam eius regionis principum moliri uel aduerſus unum aliquem, uel plures, uel uniuerſam deniq; Rempub. res nouas deſtrahenderetur: eius ſubditi nullo ſe amplius fidei ſacramento teneri ſcirent, nec iniuſta conantem ulla re iuuarent. Hac re factum, ut deſtitutus à ſuis Archiepiſcopus, Coquenhuſium ſeſe recipe- ret, locum per ſe ualde munitum, ſed in quo ad perferendam obſidionem diuturnam pa- rum commeatus ſuppeteret. Fugientem militiæ Magiſter cum exercitu ualido perſequi- tur, & arcem obſidione cingit. Factum hoc menſe Quinctili, anno 1556. Archiepiſco- pus, qui liberandi ſui rationem nullam cerneret, die obſidionis octauo deditionem facit. Poſteaquā in hoſtium poteſtatem ueniſſet, cuſtodiae mandatur: ſimul omnis eius ditio cum oppidis & arcibus occupatur, ac fiſco addicitur. Mirius cum Chriſtophoro Megal-  
MM burgio



burgio duce actum, sed tamen eidem etiam additi, qui diligenter obseruarent, ne posset elabi. Putabatur hic finis esse belli à plerisque, sed longe aliter res cecidit. Nam ubi captum Guilelmum Archiepiscopum, fratrem germanum suum, Borussiae Dux Albertus accepit: mox ad arma tum suos euocat, tum equitum, peditumque Germanorum copias quatas potest maximas fratris in libertatem uindicandi causa conscribit. Quam quidem ad collectionem exercitus operam ei strenue nauabat Ioannes Albertus Megalburgius, & literis & armis clarissimus princeps, quarum rerum laudem pauci simul sunt consequuti, Christophori designati Rigenlis antistitis frater, quo cum nupta erat Anna Sophia filia Borussiae Ducis Alberti ex priore coniuge, Sophia Friderici Danorum regis filia. Præterea calamitatem fratris per internuntios Polonorum regi Sigismundo Augusto exponit, & opem ab eo postulat. Quapropter hic quoque supra hominum 700. liberandi Archiepiscopi causa cogit, primum quia negligere se posse factam suo consobрино iniuriam negaret: deinde quod episcopatus Rigenlis Lithuaniae finitimi se patronum profiteretur. Interim Furstenbergius quoque militiae Magister aduersus utrumque se munit, equitum Germanorum ex ditione sua, & Dorpatensis, Habselenis, Reualiensis, episcoporum auxilijs ad octo millia, magnum item peditatum cogit. Simul suos quosdam homines cum pecunia Lubecam mittit, urbem Saxoniae maritimam, qui pedites praesertim collectos in Liuoniam mari transportarent. Polonus primum antistitem quendam cum huiusmodi mandatis ad militiae Magistrum mittit: Guilelmum Archiepiscopum libertati quamprimum restitueret, ablata redderet, sibi compositionem ortorum inter utrosque discidiolorum permitteret. Quum infecta re legatus reuertisset, rex Magistro militiae cum suis bellum denuntiat, & cum amplissimis copijs per Lithuaniam suam ad Liuoniorum fines contendit. In hoc rerum statu Christianus Friderici F. Danorum, Noruagiorumque rex, religiosus & optimus Princeps, insigni ad utrosque legatione missa, de reuocandis ad pacem animis agebat. Hi quum aliquandiu apud utrosque non sine fructu egissent, accessit Ferdinandi Caesaris designati legatus, missus est comitis, quæ Augustæ Tiberiæ (Ratisponam hodie uocant) habebantur, mense Ianuario, anni 1557. Venit & Pomeraniae Ducum nomine legatus, transigendi negotij causa. Diu rebus ultro, citroque agitatis, tandem militiae Magister in castra Poloni cum Archiepiscopo custodia libera uenit, ubi deinde pax his fere conditionibus initur. Primum militiae Magister Guilelmum Archiepiscopum omnino in integrum restituit, damnumque datum compensato. Deinde Polono regi sumptus in expeditionem factos refundito. Graues erant hæc quidem Furstenbergio, sed quando aliter id temporis agi non poterat, acceptæ. Hoc modo thesaurus, quem publicum habebat, à multis annis intactum, magno cum reipub. damno fuit exhaustus, & Liuoniorum attrita uires. Itaque sequutæ sunt deinceps magnæ totius rerum status mutationes, quas nunc (uti promissum nostro satisfaciamus) ordine narraturi sumus. Nam redeundum tandem etiam ad res à Moscis gestas. Dictum à nobis est initio commentarij huius, post pugnatum feliciter aduersus Moscos duce Pletemburgio prælium, pacem in annos 50. fuisse factam. Hi quum anno 1550. exissent, Iustus Reccius, equestri loco natus apud Bestualos, qui Dorpatensis antistes erat, magnæ tam apud suos, quam uicinos Russos auctoritatis, missis ad Moscum legatis inducias in annos 5. nouas impetrat, his conditionibus: Primum daret operam, ut sana Moscorum diruta, quæ Rigæ, Reualia, Dorpati singula prius, quam status Pontificiæ religionis apud Liuonios mutaretur, habuerat, quamprimum instaurarentur: deinde tributum è Dorpatensi ditione per capita collectum mitteret, quod quidem à priscis annis deberi sibi Moscus aiebat. Hæc si proximo quinquennio bona fide præstarentur, ulterius se 15. annorum inducias concessurum pollicebatur. Hac re confecta, Iustus in patriam sese contulit: erat enim in collegio canonicorum Monasteriensium, tamen si Dorpatensem episcopatum accepisset. Eam ipsius abitionem alij aliter interpretabantur. Nonnulli dicere, magnas eum opes à Dorpatensi ditione conflatas secum auexisse: quumque suis spem redditus certam facere uellet, quo absque ordinum impedimento posset discedere, maioris fidei causa sacrosanctis symbolis acceptis reuersurum se promississe: cuius sanè narrationis fides penes auctores esto. Alij inuitus sentire, qui animi quietis studio tantum dignitatis gradum negligere aiebat, praesertim qui mutationis ordines tempestates imminentes secum ipse præcepisset. Dorpatensis quidem ditionis ordines omnes redditum ipsius magno deliderio diu expetebant, id quod etiam missis legatis declararunt: quos Monasterij nos apud ipsum anno 1552. uidimus, & in Liuoniam redeuntes, Lubecam usque comitati sumus, ubi Albertum patrum habebamus. Sed malebat (uti diximus) Monasterij degere in nobili canonicorum, quod istic est, collegio: quanquam hoc quoque deinceps reliquit, & ætate iam prouecta uxorem duxit. Posteaquam ex legatis de uoluntate, consilioque Reccij Dorpatenses accepissent, Herman-



num archimandritam Falconauensem, hominem obscuris natum parentibus, in eius locum sufficiunt. Patriam habebat Vesaliam, sitam ad Rheni ripam in Cluuiorum Ducis iurisdictione, quā inferam propterea uocāt, quod eiusdem nominis aliud sit ad eiusdē Rheni ripam oppidum, quondam municipium imperatorium, nunc Septemuiro Treuirense subiectum. Hic pater eius pileos facit, quos homines ab eo plebei ad arcendas à capite pluuias emebant. Hermannus ipse ante annum ab hoc 25. ex oppido Dorpatensi cum quibusdam alijs sui ordinis monachis secesserat, quo tempore Pontificia istic religio profligabatur, sed non procul inde receperat in monasterium Falconauense, cuius deinceps Archimandrita factus, nunc ad dignitatem antistitis uocabatur. Eram ego, quo hac tempore gerebantur, in oppido Dorpatensi, una cum magistro in literis meo, cui me patruus Albertus formandum tradiderat, Henrico Heningo, magnæ uirtutis & doctrinæ uiro, qui deinceps in ditione Spanheimensi ad Mosellam fluuium ab Illustriss. Palatinis principibus & Marchionibus Thermanum, qui agrum illum pari iure simul possidēt, ecclesijs est præfectus. Causæ, quamobrem ad munus illud Hermannus uocaretur, hæc putabantur esse præcipuæ: quod in monasterio suo sic se gessisset, ut opulentus esse crederetur: & quod idem præstaturus existimabatur in episcopatu, cuius opes ab antecessoribus imminutæ non nihil erant. Biennio post, quā ad gubernationem accessisset, quia sciret inducias à Mosco concessas exspirasse: (nam agebatur iam annus 1555.) legatos ad Moscum mittit, adiungente suos homines militiæ Magistro, qui cum eo de prorogandis inducijs agerent. Moscus se quicquam amplius concessurum negat, quia nihil eorum præstitissent, de quibus antea conuenisset. Sed tamen intercedentibus ipsius consiliarijs, fit in annos tres indutiarum prorogatio, quibus & templa Russorum apud Liuronios in tribus illis (quæ diximus) oppidis instaurarentur, & tributum e ditione Dorpatensi colligeretur. Postulabat autem tributum nomine, ut singula capita more Turcico marcā unam penderent. Et marcæ quinæ nummum aureum scutatum unum conficiunt. Has condiciones legati accipiunt, quia discedentibus mandarat Hermannus episcopus, ut quouis modo bellum auerterent. Discessuris Moscus hominem quendam suum adiungit, qui nisi conuenta Dorpatensis antistes atque ciuitas signis suis communirent, pro gentis more crucem osculari recusaret. Hac enim cæremonia solent uti, quum sanctissimè se uolunt obligare. Fit obsignatio, siue quod colligi uires interea posse putaretur, quæ hostis impetum retunderent, siue alia de causa. Geritur interea bellum intestinum, quod exposuimus. Eo conditionibus illis, quas indicauimus, composito ac sublato, militiæ Magister anno 1557. in autumno quendam percunctatum mittit, uelit ne Moscus mittendis de pace legatis itinera tuta polliceretur omnino pacem denegaret. Videbat enim, factas nuper indutias anno proximè sequenti finem habituras. Respondet Moscus, quamdiu sex Germanorum peditum signa relinquuntur intra fines Liuroniorum, (retinuerat enim illa militiæ Magister apud se, bello Polonico sopito) non se posse credere, Liuronios serio pacem expetere. Sin eum militem dimittant, se uicissim legatis accedēti, & agendi de pace potestatem facere. Furstenbergius hoc responso accepto, Vendam ordines conuocat. Deliberatum in comitijs, quid fieri potissimum debeat. Quidam obtemperandum aiunt, nec irritandum hostem barbarum. Aduersantur his alij, quod scire se dicerent, quò Moscus spectet. Arrepturum quemuis prætextum belli, quamprimum dimissus miles fuerit. Idcirco se modis omnibus cōsulere, ne copiæ minuantur, sed potius duplicentur, & in finibus hosti opponantur, si quid ille fortè sit moliturus. Consultatione facta uincit prior sententia: miles exauctoratur: mense Nouembri splendida legatio Moscouiam mittitur: suos quosdam homines Dorpatensis episcopus adiungit. Est in more Moscorum, ut legatos non tam scito mandata suorum principum exponere iubeant, atq; fieri apud nos consuevit: sed aliquandiu detineant, uarijsq; cæremonijs, colloquijs, conuiujs generibus excipiant. Id nunc quoq; Liuroniorum legatis usu uenisse accepimus, quibus inter alia beneuolentiæ signa Moscus hoc etiam honoris detulerit, ut eos ad infantis illo tempore sibi nati baptismum tanquā testes adhiberet. Post aliquot dies suum in conspectum eos adduci iubet: munera quæ Magistri militiæ nomine, ac Dorpatensis episcopi offerebantur, accipit: legationem audit. Hinc nū pactis conuentis steterant, interrogat: ac nominatim quærit, secūne tributum ex ditione Dorpatensi adferrent? Illi primū excusant se quanto studio possunt, & ad purgandos Liuronios bellorum tumultus in mediū proferrunt, quibus impediti præstare plerq; non potuerint hætenus, quæ tamen deinceps bona fide sint exsequuturi. Orant, exiguari moram molestè non ferat. Quod autem Dorpatense tributum attineat, se maiorum annales euoluissè diligenter, & quibus intellexerint, nihil huius ditionis nomine Mosco deberi. Quum hæc Moscus audiisset, per interpretem eis in hanc sententiam respondet: Quando beneuolentia, gratiaq; mea toties erga



uos declarata, quum Reccio, quum militia Magistro, quum huic ipsi Dorpatensi episcopo inducias prorogauit, quum alijs uos honoribus & beneficijs adfeci, plane uos abuti uideo, nec quicquam eorum prestare, quæ cum crucis osculo sanctissime polliciti haftenus estis: alia ratione uobiscum agam, quorum omnino mulctandam armis perfidiam, fraudes p[ro]uideo. Illi contra rogare, ne uim faciat ijs, qui Romano Imperatori pareant, quo cum ipsi foedus sit. Verum quum flecti nullis ac uerbis, nec promissis, nec precibus animum eius posse cerherent: abeundi copiam, cum itineris duce postulant. Concessi qui deducerent, sed insigni cum fraude. Nam data opera (quemadmodum haud dubie mandatum ipsis fuerat) tam obliquis in itineribus, tam deuijs hinc inde oberrarunt: ut post menses amplius duos, nimirum sequentis anni 1558. Februarii mense primum ad suos reuenterentur. Interea non solum per alios ex suis celeriter ablegatos Liouonjs bellum indicit: sed etiam pari celeritate coactas ingentes copias in eorum fines prius immittit, quam legati reuersi monere suos de imminente periculo potuissent, quo prorsus ad defensionem imparatos opprimeret. Literæ, quibus bellum denunciabatur, in hæc uerba descriptæ fuerunt.

## EPISTOLA MOSCI.

**M**isit ad nos, Guillelme militia Magister, Archiepiscopo Rigensis, Dorpatensis, & ceteri antistites, ordinesque prouinciæ Liouoniæ uniuersi, legatos uestros, egregios uiros, Ioannem Bochorstium, Othonem Grothusium, Volmarium Vrangelum, & alios his adiunctos, qui honore nobis exhibito summissee peterent, ut datis ad præfectos nostros Nouogardiæ, Plescouiaque literis significaremus, cogitare nos de pace cum militia Magistro, Archiepiscopo Rigensi, Dorpatensi, & ceteris Episcopis, omnibusque Liouoniæ populis ineunda: quibus antea mandatum à nobis erat, nullam uobiscum amicitiam, pacemue colerent, quos ut homines iniustos & pactorum uiolatores omnino multare decreuissimus. Impetrarunt hi legati uestri, quod cupere uos aiebant, estque pax inter nos constituta conditionibus huiusmodi: Vt damna nobis data per summam iniuriam, deinceps compensaretis: ut subditis nostris mercaturam facientibus ius esset cum uestris negotiandi, & omnis generis merces, nimirum ceram, uariarum animalium pelles, coria, seuum, loricas, thoraces ferreos, & arma cetera inter se permutandi: ut Dorpatensis episcopus annorum præteritorum tributa conquireret, exacta de quouis subditorum suorum capite marca, nobisque tertio foederis initi anno ea mitteret, ac deinceps quotannis tributum nobis debitum persolueret: ut omnibus ad nostra se stipendia conferre uolentibus, cuiuscunque tandem nationis homines essent, liber ad nos aditus pateret: ut nec regi Poloniae, magnoque Lithuaniae Duci, nec eius successoris suppetias ferretis: ut omnia denique contenta literis de pace sancita confectis, multotiesque descriptis, fide bona præstaretis. Secundum hæc non legati solum uestri, harum literarum nomine, spectantibus nobis crucem sacrosanctam sunt exosculati: uerum etiam quum præfecti nostri Nouogardiani & Plescouiani eadem iussu nostro per internuntium suum, Melardum Torpicum, ad uos mississent, ipsi quoque crucem tum uestro nomine, tum subditorum uestrorum osculati estis, dextras amicitiae symbolum porrexistis, scriptas de pace literas octo sigillis spectante Melardo muniuistis, munitas præfectis nostris remisistis: ut omnibus modis fidem nobis faceretis, egregie uos pacta conuenta seruatuuros. Verum ne tantillum quidem eorum haftenus præstitistis, quæ nobis usque adeo sancte polliciti estis. Quod tamen nos animaduertemus, ne tamen ad arma res ueniret, temereque Christianorum sanguis effunderetur: sæpenumero uestri uos officij per literas commonefecimus. Præterea per legatum ad nos uestrum Gerardum Flemingum, per internuntium Valentinum, per Melchiorem, eiusque collegas, per Henricum denique Guinterium uobis significauimus, petere nos ut abstinere iniquis à sermonibus, & à ueritate alienis, quibus existimationem, famamque nostram lædere consueuistis: itaque uos geratis, agnita superiorum temporum culpa, quemadmodum & literarum, & osculi crucis religio postulare. Hanc benignitatem nostram aspernari non dubitastis, atque etiam astuto consilio literas à nobis petere, quibus mittendis ad nos legatis de itinerum securitate caueretur: hæc una nimirum de causa, ut re diutius protracta, nobis deinceps illuderetis. Quamobrem quum nulla legis diuine, nulla fidei pactorum ratione habita, & crucis osculo neglecto, nostram quoque clementiam floccipendere sitis ausi: Deo fauente uindicare tandem iniurias, sceleraque uestra, uel iustitiæ nostræ, crucisque supremi Dei uiolatae nomine cogitamus. In quo conatu si sanguis alterutrorum profundetur, non nobis hoc imputari, sed iniustitiæ uestræ debet. Nam scire uos omnino uolumus, non minus esse nos Christianum magistratum, ac uos sitis: nec rem gratam nobis accidere, quum sanguis innoxius hominum, uel Christianorum, uel etiam ethnicorum



ethnicorum effunditur. Vt autem intelligatis, quàm iniquè nobiscum egeritis: decreuisse nos insignem potentiam nostram aduersum uos reapse declarare, hac epistola significamus, qua quidem ipsa bellum denuntiamus, ac seuerè uobis edicimus, ne hominē hunc nostrum, qui literas hasce uobis exhibet, inuitum detineatis: sed liberum ei reditum ad nos concedatis. Data in dominio, aula & urbe nostra Moscouia, anno 1550 c10 c10 lxvii. mense Nouembri.

De hisce literis animaduerti facillè potest, quæ Mosco belli gerendi causa fuerint. Edixerant sub pœna grauissima Liunionenses, ne quis loricas, thoraces ferreos, arma ferrea cæteris membris muniendis facta, puluerem tormentarium, bombardas (ut uocant) manuaras, quidquam rerum aliarum in usum belli excogitarum, uel pretio Moscis uenderet, uel pro mercibus (qui hodieq; populorum aquilonalium mos est) commutaret. Nolebant enim his rebus, quarum opifices apud ipsos desiderarentur, nationem per se dominandi cupiam magno cum finitimorum, suoq; in primis tum terrore, tum detrimento armari. Hoc edictum sibi molestissimum esse, iamdudum Moscus significauerat. Accedebat tributum Dorpatensis adsidua flagitatio, cuius ditionis nomine Liunioni nihil ei deberi uolebant. Dabant operam iisdem Liunionenses, ne aliarum nationum homines, neue opifices, neue milites per ipsorum fines ad Moscos sese conferrent, eisq; stipendia facerent. In hoc genere superioribus annis quiddā acciderat, quod ægerriam Moscus ferebat. Miserat magnis instructum pecunijs Germanum quendam, qui eius in aula uixerat, ad Carolum Augustum & Ferdinandum Cæsarem, sub specie quidem prisce fœderis, sed reuera quò impetraret, quod cum animo suo dudum expetiuerat. Erat hic legatus in celebribus illis imperij comitijs Augustanis, quæ captis Saxone Septemuiro, Cattoq; principe, anno 1548. sunt habita. Mandatis Mosci legato datis hoc quoq; continebatur. Si Carolus ac Ferdinandus legato potestatem facerent stipendio suo colligendi homines uariarum artium & opificiorum peritos, qui literis Cæsareis instructi per Liunioniam, ut Imperio Romano subiectam prouinciā, intra fines suos impediēte nemine uenire permitterentur: Moscum uicissim animi grati declarandi causa sumptu suo totum triennium selecta suorum hominum triginta millia, qui more gentis equites omnes essent, aduersus Turcas in armis habiturum. Concessum hoc legato fuit per Augusti Cæsarisq; diplomata. Quapropter multis dato uaticio persuadet, ut Lubecam sese conferrent, urbem Saxoniae maritimam, unde nauibus in Liunioniam transportati, ad sui deinceps principis fines contenderent. Sunt omnino sic à natura comparati Russi, ut ex ingenijs suis difficulter aliquid ad usum humanum præclari excogitent. Verum iisdem si quid ab alijs inuentum, quo pacto fiat intueantur: non modò foeliciter imitari, sed etiam industria sua nonnihil inuentis addere possunt. Hac de causa Germanos homines uariarum rerum peritos magnopere Moscus expetebat, ut nationem suam per se rudem ac barbaram, cultiorem redderet. Quid sit? Vbi Lubecam uenissent, auditusq; iam antea de ipsis rumor esset, quò tenderent, adire magistratum mercatores præsertim Liunionenses, quorum istic magna frequentia, dicere singulari cum detrimento nō modò Liunioniorum, sed ipsorum quoq; Germanorum hos homines ad Moscos accessuros: orare denique, nautis omnibus interdican, ne quis eos trans mare Balticum uehat. Hoc impetrato, paulatim dissipati sunt, præsertim numis deficientibus, unde uictitarent. Legatus ipse, quum eandem ad urbem uenisset, petentibus ita Liunionijs, qui iure se aduersus improbi facinoris auctore experiri uelle dicerent, in carcerē coniectus est: è quo tamē ille post aliquod tempus solerter euasit. Quumq; se, quem faciei rubedo nimia facillè proditura foret, per eas regiones ad herum penetrare non posse animaduerneret: Valentinum Engelhartum Gothanum, qui hæc mihi narrauit, hominem tum Astronomicarum, tum Geographicarum rerum peritia per Germaniam clarissimum adit, eumq; de omnibus in Moscorum regna ducentibus itineribus cōsulit. Quid autem ei deinceps acciderit, equidem dicere non habeo. Id quidem coniectari non abs re licet, huius hominis, tantæq; pecuniarum summæ iacturam Mosci animum haud mediocriter pupugisse. Quamobrem indicto sub finem anni 57. bello, mox sequentis anni Ianuario mense tantum nō infinitam Tartarorum, Moscorumq; manum intrare fines agri Dorpatensis iubet. Hi circa eidem Ianuario propter arcem Neinhulianam ingressi, ferro & igni per summam immanitatem omnia uastant. In hostium castris qui plurimum, cccccc cccccc cccccc, qui minimum, cccccc fuisse perhibent. Maximas certè copias Moscus haud difficulter cogere potest, & indicatis modò uel pares, uel etiā maiores: sed cur tantas nunc mitteret, causa non erat, præsertim quum sciret hostem imparatum, qui se per legatos aliquid effecturum putaret, nullis uiribus resistere posse. Quo similis uero est, posteriorum sententia definitum numerum fuisse missum. Ceterum mox ab ingressu incredibili furore sauiū in omnem ætatem, sexum, ordinē toto amplius mense:



nec quisquam manus hostiles euasit, qui nō in oppidum Dorpatense, uel arcem aliquam (habet enim nonnullas episcopus) confugisset. Hinc progressi Naruam ad eiusdem nominis flumen situm oppidum petunt, perq; militiæ Magistri ditionis eadem immanitate grassantur. Nemine resistente per stadia <sup>cio cc lxxx.</sup> in longū, quibus à Narua Nienhusium distat, itidemq; ad <sup>cccc.</sup> stadiorum latitudinē depopulati omnia, multis hominum millibus secum abductis, intra fines suos reuertuntur. Hoc ingenti dāmo accepto, Magister militiæ suos Vendam conuocat, de presenti rerum statu deliberandi causa. Fuerunt heic aliorum alia sententiæ. Nonnulli uolebant, hosti par pro pari referendum, conscriptoq; subito milite fines ipsius consimili atrocitate percurrēdos. Alij censebant mittenda munera, quibus barbari hostis animus deleniri facili consueuerit. Posse triginta scutorum millibus impetrari pacem, quæ pecunia militi perexiguam ad tempus suffectura sit. Considerandam potissimū & temporis rationem, quo imparati à rebus omnibus ad bellum gerendum necessarijs essent, & hostis potentiam. Hæc à pluribus probata sententia. Simul ablegantur, qui expeditis itineribus ad Moscum contenderent, & ab eo mensum quatuor indutias peterent, & internuntijs ineundæ pacis causa Moscouiam profecturis, literas salui comneatus adferrēt. Quum Moscus his nihil denegaret, decreta mox legatio, quæ transigendi negotij causa cum eo ageret. Vbi uentum ad aulam Mosci, contra spem aduersa cuncta reperiunt, animo principis nouo quodam casu insigniter exacerbato. Diximus esse apud Liouonios amnem Naruam. Ad eius utranq; ripam duo sita sunt eiisdem cum amne nominis oppida. Alteram Russicam, alteram Germanicam Naruam uocant. Vtraq; suis arcibus est munita, quarum ea quæ Mosco paret, Iuanogroda dicitur, à Ioannis principis nomine, qui eam Itali cuiusdam architecti opera exstruxit: altera Magistri militiæ præfectus perpetuo cum præsidio tenebat. Quū factis indutijs Russi, quorum erant ad tria millia in præsidio, festo quodam die conuenirent inermes patenti quodam in loco: ferunt ex Liouoniorum præsidarijs quosdam plus æquo fortasse poculis accensos, in eorum mediam turbam tormenta bellica displosisse. Quibus quum aliqui læsi fuissent, nihil illi propter indutiarum religionem contra moliri: sed celeritate summa rem, uti fuerat acta, principi suo nuntiant. Quapropter illi indignabundus Liouoniorum legatos infecta re cum ipsis muneribus dimittit, & uinas grauissimas addit. Simul ingentem mittit exercitum, qui Naruam Germanicam obsideret, eiusq; muris tormentorum bellicorum ui deiectis, oppidum ad ditionē compelleret. Russi obsidionis octauo die machinis quibusdam ignes in oppidum eiacularantur, & incendijs excitatis ad muros accurrunt. Qui intus erant præsidarij milites, quum distrahi se per ignē & hostes uiderent, una cum ciuibus in arcem confugiunt. Erant omnino 300. pedites, & equites 150. Quum ob comneatus inopiam sustinere se diutius obsidionem non posse uiderent, ditionē hac conditione faciunt: ut præfecto cum omnibus suis absire saluo liceret, suasq; res cuiq; secum asportare. Data fides, sed quod facultates attinet, non seruata. Ciues præfecto discedente, Mosco se sacramento deuinciunt. Eorum exemplum uicini sequuntur, quum opulante nemine per Moscos omnia diripi, uastariq; cernerent. Hoc modo pleriq; rem gestam fuisse uolūt. Alij diuersum tradidere. Nam Moscos aiunt exorto apud Germanicam Naruam incendio, traiecto intermedio flumine, quum flammis restinguendis tam præsidarij Liouoniorum milites, quam ciues occupati essent, oppidum coepisse. Secundū hæc Moscorum agmina Dorpatensem ditionem inuadunt, homines numero ad 1000 <sup>ccioo</sup> <sup>ccioo</sup> <sup>ccioo</sup> Nienhusianam arcem sub mensis Iunij finem obsidione cingunt. Eo cognito, militiæ Magister cum 2000. equitum, quibus 300. Dorpatensis antistes adiungebat, obsessis opem ferre nititur. Erant in arce præsidarij milites uix 70. deq; uicinis agricolis non admodum multi. Quapropter hi quoq; spe defensionis abiecta, semet hosti dedunt. Quod ubi nuntiatum militiæ Magistro fuisset, qui non procul aberat, simulq; significatum, uniuerso cum exercitu ad ipsum opprimendum hostem aduentare: cedendum in hoc tempore censet, quo tantis uiribus esset impar. Itaq; nemine iam impediēte Russicarum copiarum dux Petrus Sisegaledrus (hoc Moscorum lingua nomen ei datum erat à sex triremibus, quibus piraticam exercuerat) rectā Dorpatensem ciuitatem cum exercitu petit: obsidionem a. d. 3. idus Sextil. inchoat, quum intus præsidia perexigua forent, ciuibus morbo magna ex parte absumptis. Post paucos dies in urbem mittit, qui obsessis significarent, neminem se coacturum, ut cōtra fidem Imperatori Romano datam in principis sui uerba iuraret. Potius se abitionem tutam illis polliceri, qui sub Moscorum imperio uiuere detrectarent. Deditionem facturis, & sacramentum principi suo prestaturis, omnes se fortunas saluas & integras conseruaturum. Qui neutrum horum amplecti uellent, eis non posse non extrema se minari. Has conditiones maior pars ciuium non illubenter accipit, & cōtinuō deditionē facit. Tantū 200. armati, & pari propē numero inermium

foeminarum,



foeminarum, senum, puerorumq; turba, recusato Moscorum iugo, non sine magnis periculis Reualiam sese conferunt. Parum enim abfuit, quin contra ipsius Sifegaledri uoluntatem à Tartaris spoliarentur. Inter alios Hermannus quoq; Dorpatensis antistes in Moscorum potestatem uenit, qui ab imo (ceu diximus) loco magnum ad honoris, potentieq; fastigium euectus, extrema in senecta fortunę fit ludibrium, & humanarum rerum inconstantiam experitur. Conspēctus est hoc ipso tempore, nimirum mense Sextili, cometa: de quo, quum memorabiles quidam casus deinceps acciderint, paulò pōst aliquid dicturi sumus. Erant & comitia, quum Carolus Augustus per legatos imperiū resignasset, ab eius successore Ferdinando ad urbem Augustam Vindelicorum indicta, in quibus uarijs de rebus ad salutē Imperij pertinentibus ageretur. Ad ea sub initium anni 1559. militiæ Magister ex equestri collegio sapientem, disertumq; uirum Georgium Siburgum mittit, præfectum arcis Duneburgensis: qui ordinibus imperij miserabilem Liunioniæ statum exponeret, auxiliaq; contra Moscos peteret. Hanc ille causam quamuis summo egerit studio, parum tamen effecit. Itidem actum deinceps anno sequenti Spiræ inter ordinum Imperij legatos, quo pacto Liunioniæ succurreretur. Ac Ferdinandus quidem quum Imperij nomine nummum aureorum 600000 pro eius temporis ratione, quo passim perturbata essent omnia, Liunioni obtulisset: memoriæ proditum est, potius eos nihil, quam tantillum accipere uoluisset. Eodem anno 59. Tartari more suo Moscorum in fines excurrebant, eosq; populabundi grauiiter uexarunt. Itaq; suos Moscos ex Liunia reuocat, tantum oppidis & arcibus, quibus potitus fuerat, milite præsidario munitis. Anno sequente, domitis & electis extra fines suos Tartaris, in Liunioniam reuertitur, & oppidum Velinum magnis cum copijs obsidione cingit. Erat illud arce præclara munitum, in qua hoc tempore satis magno cum præsidio Guilelmus Furstenbergius militiæ Magister, magni uir animi, erat. Parabat is sese ad defensionem, ac suos ad uirtutem cohortabatur. Verum siue socordia, siue singulari perfidia militum deditio facta est, & ipse desertus in hostium potestatem uenit. Magna deinde pars floris Liunioniorum caesa, capta, Moscouiam abducta, per summam immanitatem barbarè tractata. Solent omnino magnas rerum mutationes quam alia signa portendere, tum cometarum tristes adspectus. Diximus autem in ipso harum calamitatum principio conspectum fuisse cometam, qui cauda uersus occasum initio porrecta, deinde se totum ad septentriones inflexit. Sequuta profectò euenta quædam insignia, uersus occasum, mors Caroli quinti Augusti, quo bello ac pace clariorem Principem multa sæcula non uiderunt. Mortua mox & eiusdem soror Maria, bellicosa foemina, & Angliæ regina Maria, Philippi Caroli F. coniux, cuius mortem magna per Angliam sequuta est mutatio. Adde his Henricum Galliarum regem, planè Maior-tium, in ludis equestribus lætum, ac non multò pōst mortuum, sequutosq; regni terribiles admodum motus. Versus septentriones non magnis interuallis mortui sunt Christianus Danorum, Noruagiorumq; rex, Christiernus eorundem aliquando regnorum dominus, sed ob crudelitatem expulsus, & in custodia multis annis habitus, Gustabus denique Suedorum rex, qui ex equestri ordine ad eam dignitatem peruenerat. His succedere filij, Fridericus Christiano, Gustabo Ericus. In ipsis regni auspicijs Fridericus cum duobus patribus, Ioanne ac Adolpho, Ducibus Holsatorum, Ditmarsos aggregitur. Eam natio 400. amplius annis Holsatorum Principibus, quorum aliquando paruerat imperio, foeliciter aduersata fuerat, suamq; libertatem tutata. Verum hoc tempore citius est debellata, quam quisquam hominum, qui & ferocitatem gentis, & naturales locorum munitiones cognitās haberet, existimasset. Itidem capto Guilelmo Furstenbergio Liunioniæ status in uniuersum mutatus est. Nam surrogatus in captiui principis locum Gothardus Ketelerus, equestri apud Bestualos genere natus, quum ab Imperio Romano frustra expectari auxilia cerneret: uicino Poloniæ regi fidelitatis sacramentum ea lege præstat, ut uicissim rex eum contra Moscum & hostes alios defenderet. Itaque Curlandiæ, Semigalliæq; Dux creatus, regiones easdem ceu cliens in perpetuum pro se, suisq; hæredibus masculis accipit: in cæteris, quæ equestris antea collegij fuerant, nunc à Polono rege occupabantur, præsertim in urbe Rigeni Regius uicarius constituitur. Neque multò pōst Annam Principem Megalburgiam, ex antiqua regum Obotritorum familia natam, Ioannis Alberti Megalburgij, Borussij Ducis generi, & Christophori Rigeni Archiepiscopi sororem matrimonio sibi iungit. Episcopatum Habselensem Magnus Holsatiæ Dux, Christiani Regis Danorum filius, & Friderici frater, accipit. Dorpatum cum omni agro finitimo, itemq; Narua, Velinum, Vitenstenum munita loca in Mosci potestate manent. Reualia se Suedorum regi Erico dedit, qui deinceps Pernouiam quoque occupauit, sed non retinuit. Nam Polonus hanc ei per Gothardum rursus eripuit. Reualia ad Suedorum Regem transitio nouo



bello causam præbuit. Ericus enim coronationis suæ tempore Lubecensium legatis non solum promiserat, sed datis etiam literis testatus fuerat, se maiorum suorum, ac præsertim Gustabi patris exemplo priscas ipsis immunitates, quæ priuilegia uocant, in regno suo saluas relicturum. Eæ spectabant potissimum ad negotiationes cum eius subditis & alijs nationibus, præsertim Moscis, citra impedimentum ullum exercendas. Verum posteaquam auctus est imperio tam insignis oppidi, cui nec elegantia, nec magnitudine par ullum in toto Suedorum regno reperitur: uicissim Reualiensibus tanquam sibi iam subiectis gratificari uolebat. Conabantur autem illi mercatoribus Germanis iter mari præcludere, ne peruenire Naruam possent, quæ iam Mosco parebat, & commercia prisca cum Russis habere. Hoc consilium eo spectabat, ut cum mercibus suis Reualiam petere cogerentur, easque Reualiensibus uendere: qui deinde cum Moscis contrahendo, lucrum aliorum labori, sumptuique debitum interciperent. Itaque Suedus rem suis gratam facturum classem instruit, itinera mari obsidet, Lubecensibus Naruam profecturis contra fidem datam naues cum mercibus eripit. Famam inde spargit, esse repertam in eis magnam armorum uim, aliarumque rerum ad bellum gerendum idonearum, quas Moscis uendere præsentem cum totius Christianæ reipublicæ discrimine uoluerint. Idem Ericus iam Fridericum quoque Danorum regem iniurijs quibusdam irritat. Quamobrem inter hos inito fœdere bellum Suedo denuntiatur. Sub eius initium Ericus Ioannem germanum fratrem, Finlandiæ ducem, quo cum nupta Poloniæ regis soror erat, noctu nihil tale opinantem in Aboensi arce capit, & annis aliquot deinceps in uinculis habet. Ea de causa Polonus etiam Erico bellum indicit, qui nihilo magis territus insolenter admodum multa designat, uno, eodemque tempore Britannia reginam, quæ iam pridem ipsius coniugium aspernata fuerat, de nuptijs iterum sollicitat, & Philippi Cattorum principis minimam natu filiam uxorem poscit. Qua re patefacta, utraq; præter spem excidit, & Philippus filiam suam Adolpho Friderici regis, Suedorum hostis, patruo in matrimonium collocat. Tandem Ericus licet (ut aiunt) Stocholmiensis filiam, ex qua iam sobolem conceperat, uxorem ducit: & eodem tempore de fratrum ac præcipuorum nobilitate uirorum cæde consilium capit. Eo animaduerso à fratribus opprimitur, & carceri mancipatur. Ioannes (quæ antea captiuum fuisse diximus) primum se regni gubernatorem, deinde regem nuncupat. Eiusdem belli inter Danos & Suedos initio, Ericus dux Brunswigius cum 20. peditum signis, quæ adiunctas equitum copias habebat, occupata Varendorpia, Monasteriensi episcopo, cuius id oppidum erat, cecidit cecidit cecidit. cecidit cecidit nummum aureorum extorquet, inde per mediam Saxoniam, Megalburgensium & Pomeranorum agros, in Borussia contendit. Vbi quum Borussia Dux Albertus, ipsius sororius, ab amnis Vistule traiectu eum arceret, cum suis pedem refert. Hæc expeditione sibi nuntiata, Polonos Christophorum Megalburgium, Archiepiscopum Rigensem, qui Guilelmo Brandenburgio successerat, in uincula coniecit. Num aliquid inter hunc & Ericum Brunswigium tractari subolsere incertum. Hoc modo multiplices rerum mutationes in ijs locis, non admodum magnis (ceu diximus) temporum interuallis semet ex alijs aliæ uelut exceperunt. Ad Moscos redeamus, quorum bella præcipue nunc exponimus, quanquam hætenus indicata non prorsus ab instituto nostro sunt aliena: quippe de nonnullis horum exorta sunt quedam quasi dissidiorum semina, quibus arreptis Mosci ulterius progressi sunt. Eorum principi molestissimum erat, Liuaniorum maiorem partem Polono se adiunxisse, qua cum gente nec ipsi, nec maioribus eius unquam conuenerat. Itaque Polonum bello persequuturus, qui suos hostes declaratos in fidem, patrociniumque suscepisset, coactis suorum ducentis milibus, præter ingentem Tartarorum manum, Lithuanie fines ingreditur, ad oppidum Polozicum recta tendit, copias suas quinquies non solum cum fructu, sed etiam magno detrimento irruere iubet, tandemque sexta uice capit. Ex captiuis præcipui uincti cathenis ferreis, & Moscouiam abducti: cæterorum ad cecidit cecidit interfecti: urbs ipsa flammis iniectis cremata. Sub initium hæc anni 1563. acciderunt. Nec Polonus suis opem ferre poterat, propter deplorandas eius regni discordias. Et erant præterea tam superbi Lithuanorum animi, ut à Polonis opem implorare nollent, qui uicissim rogari uelle uidebantur, ut succurrerent. Magna per omnem uiciniam discurrentibus Tartaris atque Moscis damna data. Quum tandem Nicolaus Radiuilius Olichæ Dux Lithuanorum satis magno exercitu instructus, hostem aggredi uellet: cessit ille, sibi que maturè consuluit. Secundum hæc Polonus uicissim cogitare, quo pacto uires Mosci frangeret, & recens illatas suis iniurias uindicaret. Ad hanc rem percommoda se denique obtulit occasio. Notum est, ac iam antè sæpius à nobis indicatum, perpetuis excursionibus uel Tartaros à Moscis, uel Moscos à Tartaris uexari. Quum hi nonnihil fractis uiribus, paulatim futurum uiderent, ut Mosci iugum subire cogerentur, cui se iam unum & alterum nationis suæ regnum sum-

miserat:



miserat: Turcas arcessendos statuunt, quemadmodum & anno 1523. fecerant, quorum natio maximè Moscis est formidabilis. Turcarum Imperator haud inuitè pollicetur auxilia: solum hoc restabat, ut quo potissimùm itinere profecti Turcæ Tartaris sese coniungerent, dispiceretur. Placet à Polono rege Turcis cōfoederato petendum, ut iter eis per fines suos concederet. Hoc abs rege Moscis infensō non difficulter impetratum. Igitur ex inferiore Pannōnia per Moldauorū agros Turcis tributarios, latissimosq; Podolię campos, qui ad imperium Poloni spectant, profecta Turcarum 1555 cccccc cccccc cccccc Tartaris opem aduersus Moscos ferūt, eisq; magna clade adfectis, munitiones quasdam occupant: quibus quum præsidia satis ualida imposuissent, eadem uia qua uenerant, Pannoniā repetunt. Verū quia per Podoliā redeuntibus, magnę solitudines peragrandæ erant, ob com meatus inopiam maxima pars eorum cum equis periisse dicitur. Facta sunt hæc anno 1569. Quo ipso tempore Moscus, ut ad finitibus Christianorum principum res suas constabiliret, cum Holsatorum duce Magno, qui Habselensem & Oselensem ditionem tenebat, agere cœpit de contrahendo inter ipsum & sororem suā matrimonio, cui daturus in dotem esset, quicquid oppidorum, arcium, agri Liunionorū in finibus occupasset. Conciliatæ sunt deinceps eō facilius inter hos illæ nuptiæ, quod Magni pater Christianus Danorum rex cum Mosco fœdus habuerat, id quod à Friderico rege, Magnoq; Duce fratribus renouatum erat. Idem Magnus aliquāto post Reualiam quoq; solum occupauit, & eiectis Suedis eam sui iuris fecit. Hoc anno 1570. accidit, quum proximè præcedenti Petrus Muccus & Matthæus Tidemanus cognatus meus, Danorum, Lubecensiumq; classis imperatores, singulari fœlicitate portum Reualensem prima aurora per nebulam inuasissent, ex hostium classe maiorem nauium partem ingenti cum pecunia, suppellectile bellica, merciumq; copia secum auexissent, reliquas numero ad 30. exussissent: quo facto, non parum hostis imminutæ sunt uires, qui astuto consilio pacem expetere se simulabat, ut sub induciarum prætextu arcessitis è Liunia copijs, nostros imparatos obrueret. Diximus insigni damno Moscum à Turcis adfectum fuisse. Quapropter ablegatis ad Polonum suis hominibus, cum eo grauiter expostulat, qui Turcis Christiani nominis hostibus ad se inuadendum per Podoliā eundi potestatem fecisset. Polonus contrā queri quum de alijs priscis, tum recenti potissimū damno, quod ex uastatione Polozicoi & totius agri finitimi accepisset. Multis actis ultro, citroq; tandem ad pacem ineundam anno 1570. conuenitur. Postulata Mosci hæc erant. Primum ne Turcas Polonus deinceps iter facere per ipsius imperium contra se pateretur. Deinde damnum datum resarciret. Tertiō, filium suum ad se reciperet, arbitratu suo, moreq; gentis educaret, ac successorem in Poloniæ regno, Lithuanixq; magno ducatu designaret. His se conditionibus pacem facturum ostendebat, quæ nisi reciperentur, dira quædam mirari uidebatur. Ad ea Polonus primum respondebat, uelle se uicissim toties illata sibi damna præstari. Quod autem filium Mosci attineat, eum se propterea sibi successorem non designaturum, quod in hac ætate, quæ sat adhuc uegata sit, uxorem aliam ducere sobolis gignendę causa cogitet. Minus Mosci usq; adeo se non terreri, ut si quidem bellum quàm pacem malle Moscum animaduertat, maiores etiam Turcarum copias, quàm nuper, in eius fines sit immissurus. Hoc modo quum pax certā constitui non posset, saltem ad indutias uentum accepimus. Hæc nos de bellis Moscorum, & finitimarum quarundam gentium, exponenda breui commentariō propterea duximus: quod pleraq; recentiora præsertim; longius disitis nationibus ignota, liberali præditis ingenio, rerumq; gestarum apud externos studiosis haud iniucunda lectu, & aliqua ex parte fructuosa quoq; futura consideremus. Sunt enim in his exempla nonnulla, quæ uiros

prudentes de maximis rebus commonefacere possunt.


Nostram quidem operam atq; studium lectores æqui, boniq; facere cupimus, & omnino facturos speramus.

FINIS TERTII TOMI  
Polonicarum rerum,



B A S I L E A E,  
PER SEBASTIANVM HENRICPETRI,  
ANNO NOSTRAE SALVTIS RECV.  
PERATAE CIO. IO. XXCII.  
MENSE SEPTEMBRI.











TREDECIM REGNI  
 POLONICI MUTATIONES, ET FA-  
 MILIARVM QVAE REGNUM TENVERVNT, GE-  
 nealogicae explicationes: descriptae ex optimis autoribus, &  
 continua, perpetuaq; successione pro-  
 positae in Tabula.

ITEM,

PRINCIPVM SILESIAE PENE OMNIUM,  
 ET DVCVM MASSOVIAE, AC LITHVANIAE GE-  
 nealogiae, diligenter, magnoq; studio collectae, & ad illustrandam  
 Historiam Polonicam appositae.

A

IOAN. PISTORIO NIDANO MEDICO D.

NN



WILLIAM M. M. M.

THE NEW YORK PUBLIC LIBRARY

ASTOR LENOX TILDEN FOUNDATION

1195 N. 4th St. New York, N.Y.

Acquired from the

Library of the

City of New York

1897

1195 N. 4th St. New York, N.Y.

Acquired from the

Library of the

City of New York

1897

1195 N. 4th St. New York, N.Y.

Acquired from the

Library of the

City of New York

1897

1195 N. 4th St. New York, N.Y.

Acquired from the

Library of the

City of New York

1897

1195 N. 4th St. New York, N.Y.

Acquired from the

Library of the

City of New York

1897



# PRIMA FAMILIA

PRINCIPVM POLONIÆ, QVI PRI.

MVM OMNIVM PROVINCIAM IL

lam cum imperio tenuisse creduntur.



**L**ECHVS frater Czechii, regis Bohemie, ex Dalmatia profectus, amplissimas Germania & Sarmatia ditiones occupat & regnum sibi atq; posteris constituit: quod alij circa 550. annum post natum Christum accidisse: alij multò serius factum esse putant. Aquilam habuit pro insigni, quòd in edificanda Gnesna urbe magnam aquilarum copiam reperisset. Eius uxor ignoratur.

Filij patrem secuti, etsi qui fuerint, literis mandatum non est, tamen & ipsi obtinuerunt imperium & reliquerunt posteris, donec uniuersa stirps tandem post annos, ut putant, 150 intercidit.

## SECUNDA RATIO ADMINISTRANDÆ POLONIÆ.

Cum de Lechi familia nullus legitimus superesset hæres, Poloni in Palatinos regni gubernationem transtulerunt, quales tum ex uniuerso priorum hominum cœtu delegerunt duodecim, præstantes autoritate & potentia uiros: quorum etiam imperio diu pauerunt, quousq; illi facili crudeliores, populum ad instituendam noui regni formam, & ad abrogandam Palatinorum potestatem post multos annos inusitatis magnæ licentiæ exemplis impellerent.

## TERTIA PRINCIPVM POLONIÆ FAMILIA.

Sic igitur remotis Palatinis, noua apud Polonos constituitur Monarchia: totiusq; rei summa Craco de omnium consensu mandatur, circa Christi septingentesimum annum. Is Cracus pertractus ad regni Polonici gubernationem, Cracouiam extruit & illam à se denominari uoluit. Bella gessit cum uicinis gentibus & ætate confectus è uita discessit, sepultus in monte Laffotino. Nomen uxoris ignoratur.

**CRACVS** maior natu filius superioris Craci, à fratre Lecho per fraudem interficitur.

**LECHVS** minor natu filius, occiso fratre, regnum occupat: quod tamē statim eade patefacta, amittit, cōiectus in exiliū, in quo moritur.

**VANDA** uel **VENDA** filia propter subditorum erga mortuū Cracum beneuolentiam succedit fratri Lecho, pulcherrima uirgo. Verū cum Rutigarus Teutonicus princeps (qui eam frustra uxorem cupiebat) insatiatus ab amore, mortē sibi conscuisset, ipsa è bello domum profecta, post multas maculat hostias se in Wisulam proiecit: ubi extincta est.

## QUARTA MUTATIO REGNI POLONICI.

Cum **VENDA** Craci filia in flumine periisset, neq; quisquam esset, ad quem iure Polonicum regnum pertineret: placuit Polonis ut reiecta nuper & penē iam antiquata regni per Palatinos administrandi ratio in usum reuocaretur. Sic igitur ad duodecim Palatinos redijt imperium: quod tamen non multò post ad unum iterum Przemislaum peruenit.

## QUINTA PRINCIPVM POLONIÆ FAMILIA.

**Plebeius** homo, **Przemislaus** cum rem contra hostes præclare gessisset, renunciatus omnium acclamatione princeps fuit circa annum 760: & nouum cognomen tū reperit, ut propter Lechi primi principis memoriā diminutiue. **Lescus** diceretur. Mortuus tandē nullos reliquit liberos.

## SEXTA DVCVM POLONIÆ FAMILIA.

**Lescus** unus ex Poloniæ proceribus, cum proposita cōditio fuisset, ut qui equo uectus, ad constitutā metam primus peruenisset, principatum obtineret, fraudulento usus consilio, cōpetitores omnes anteuertit. Itaq; Rex declaratus: sed statim, cum de dolo constaret, misere trucidatus, imperium in primo aditu turpiter amisit: ut propterea pro Regi poni non debeat. Sed eum alius in cursu proximè insecutus, in tenui familia natus adolescens, regnum de omnium uoluntate consequitur, & mutato nomine **Lescus** dicitur.

Is igitur **Lescus**, secundus huius nominis factus Poloniæ princeps, magna moderatione gessit imperium. De Imperij uero & de uitæ ipsius diuturnitate literis nihil traditum est. Eius uxor ignoratur.

**FILIVS** **Lesci** secundi, **Lescus** tertius, succedit patri, in regno Polonico, moritur post rem aliquandiu laudabiliter administratam relictis, ut Poloni scribunt, plurimis liberis, Nam ex concubinis (quarum multas habuit) XX filios spurios genuit.

X. Semianus	} Sorabie reguli.
IX. Iaxa	
III. Vladislaus	
II. Cazunirus	} Principes Cassubie.
XIII. Bogdalis	
VI. Barnimirus	} Ex hæreditate paterna domini
I. Boleslaus	

IIII. Vratislaus dominus Rugie.	} Domini Lusacie.
VII. Pribislaus	
XIX. Ciesimirus	} satie.
V. Ota.	
VIII. Premislaus	} Marchie
XI. Ziemmouitus	
XII. Ziemomislaus	} principet.

XIIII. Spicigneus.
XV. Spicimirus.
XVI. Sbigneus.
XVII. Sobeslaus.
XVIII. Wisimirus.
XX. Wislaus.

NN i Verum




Verum ex uxore legitima (cuius nomen latet) habuit Popielum, cognomento Offerich, qui post patrem in Polonia princeps fuit. Alij Pompilium nominant & sedem primò in Cracovia Gæznam transfuisse confirmant. & florentem aetate mortuū esse testantur. Eius uxor ignoratur. POPIELVS uel POMPILVS secundus, PRIMI filius, cum puer adhuc esset, mortuo patre, princeps inauguratus & postea grandior factus, crudeliter imperat, patris omnibus ueneno sublati. Sed is, diuina ultione, statim misere perijt à muribus, quos ex putrescentibus patruorum cadaveribus enatos esse scribunt, cum uxore & liberis corrosus & interfectus. Eius uxor Teutonici principis filia fuit: ex qua habuit duos filios: qui fuerunt Lecho & Popielus III. Hi duo cum parentibus depasti & absumpti à muribus, finem & uitam fecerunt & familiae suae.

### SEPTIMA FAMILIA PRINCIPVM ET REGVM POLONIAE.

Post Popielum, cum inter procures de Rege nouo substituendo diu conuenire non posset, tandem PIASTVS, oppidanus Crusiciæ, rusticus & simplex homo, sed hospitalitatis & beneficentiae laude celebris, omnium consentiente sententia per diuinum miraculū princeps gentis suae Polonicae renunciat. Cuius posterij per 560. annos imperiū in Polonia tenuerunt, ut ex sequenti tabula animaduerti potest. Piasius, Cossiscouis filius, ex rustico Rex factus, cum diuissimè Poloniam magna cum laude gubernasset, moritur senex annorū 120, circa Christi annum 861. Eius uxor Repicha, ex qua Semonitus.

SEMOVITVS uel ZIEMOVITVS filius unicus Piasii, cum sub patre in militia recte institutus, pulcherrima exempla singularis uirtutis edidisset, in locum mortui patris substituitur. Bellum cum Morauis Prussis & Pomeranis gerit, & inter uiuos esse desinit anno 892. Eius uxor ignoratur: ex qua Lescus IIII.

LESCVS IIII. cum patri successisset, nihil memorabile gessit & obiisse creditur circa annum 913: etsi id inter autores controuersum est. Eius uxor ignoratur, ex qua Zemomislus: cuius Genealogia sequitur.



ZEMOMISLVS & ipse patris exemplum secutus, pacem anteponebat bello & inglorius moritur: sepultus Gneznae, anno (de multorum sententia) 964. Eius uxor ignoratur, ex qua Micislaus & Adelheida.

MICISLAUS unus filius, caecus natus, dictus postea blandius Miesto uel Mieciet, nostris scriptoribus Miesco, recipit uisum septimo aetatis anno praeter omnem spem: postea rex factus & per omnes delicias uoluntatis (septem enim concubinas habuit antequam uxorem duceret, omnes steriles) tandem ducta uxore Christiana Dambrouita, filia Boleslai ducis Bohemiae ex matre Brena, fidem Christianam suscepit in uirtutis uiam ingressus, baptizatur anno 965, quo anno etiam uxorem ducit & Ecclesias per prouinciam instituit. Vxor secunda Oda fuit. Frustra à Pontifice petit coronam & moritur anno 999.

BOLESLAUS, cognomento CHROBRI uel ACER, Micislai filius, natus anno 967, princeps factus in locum patris anno 999. Primus Poloniae Rex renunciatus ab Othone III. Imp. & coronatus anno 1001. Egregius & ferox miles, cum solus regnasset, eiectionis fratribus, annos XXVI, obiit anno 1025, tertio Aprilis: Sepultus Pofnaniae. Eius quatuor fuerunt uxores, ut in typo habes. Ex secunda (quae fuit Iuditha,




Iuditha, filia Geisæ, ducis Vngariæ, soror Stephani regis) habuit Micislaum filium.

MICISLAUS natus ex Iuditha Vngara anno 990. Rex secundus Poloniæ, coronatus Gneznæ cum uxore Rixa (filia Exonis, qui Hermannus Palatini filius erat, nepos Othonis III. ex sorore Mathilda, anno 1025. Dominica Pentecostes, cum pauca gloriose fecisset. Moritur anno 1034. Posnaniæ X V. Martij, natus annos 44. Rixa eius uxor mortua est post maritum in exilio Salsfeldiæ in Germania. Eorum liberi fuerunt Kazimirus & N. filia, uxor Belæ regis Vngariæ, qui Ladislai Calui filius fuit.

KAZIMIRVS post patris mortem à Polonis cum matre eiectus regno, cum in sacram uitam se Cluniaci dicasset, reuocatus à Polonis, indulgentia Pontificis fit rex tertius, imposita corona anno 1041. Vncit Maslaum, factum in interregno, Massouia principem: & è uita discedit rex optimus anno 1058. 28. Nouemb. Posnaniæ. Eius uxor Maria, soror Iaroslai ducis Rusiæ, filia Vulodomir, ex matre Anna sorore Basilij & Constantini Imperatorum. Poloni eam mutato nomine Dobrognouam dixerunt. Eorum liberi quinque fuerunt, ut in typo est.

A. BOLES LAUS quartus Poloniæ rex, cognominatus audax & efferatus: coronatus Gneznæ anno 1058: uincit Russos, Bohemos & Vngaros: tandem tyrannus Stanislaum episcopum trucidat. Inde excommunicatus anno 1079. fugit in Vngariam anno 1080: & moritur anno 1081. uel dilaceratus à canibus in syluis, uel cum ipse sibi manum intulisset, XII. Cal. Aprilis. Eius uxor Visseslawa Russorum principis filia, quæ mortua est anno 1089. in Martio. Horum filius unicus Micislaus, XII. annorum puer, cum patre in exilium profectus, reuocatur in Poloniam à patruo duce & moritur sine liberis anno 1089.

B. VVLADISLAUS, dictus etiam Hermannus, successor eiecti fratris, sed sine corona, princeps tantum Poloniæ: laudabilis miles, uictor Pomeranorum, & Pruthenorum: bellum cum Sbigneo Spirio filio gerit: Russos uincit, & postremo profectus morbo emigrat è uita anno 1102. pridie Non. Iunij: cum regnasset annos XX. uixisset ferè 59. Eius genealogia est in sequente typo.



BOLES LAUS, cognomento Crziuousti, hoc est, distortus, diuisa cū fratre Sbigneo prouincia, dux Cracouiensis, Sendomiriensis, Siradiensis & Silesiæ. Vastat Morauiam: domat fratrem: Pomeranos & Prutenos cū magna internecione subigit: bellū etiam cum Henrico Imp. habet, sed pacem petit & moritur anno 1139. cum regnasset annos 36. uixisset 53. Sepultus in ecclesia Plocensi. Eius duæ uxores: Sbislawa & Adelheida: ex illa Suentoslawa, Iuditha, Vladislauus. Vladislauus primarius princeps post patrem in partitione prouinciæ factus, retinet Crocuiæ, Silesiæ, & Pomeraniæ principatum. Sed cum fratrum etiam ditiones appeteret, exclusus è regno, conijcitur in exilium. Eum Conradus Cæsar cum restituere uellet, non potuit: Fridericus Cæsar perfecit ut in Silesiam reciperetur: sed occupaturus promissam Silesiam, obiit itinere Anno 1159. Sepultus Aldenburi in Holsatia. Eius uxor fuit Christina filia Henrici V. Imp. Alij Gertrudam uocant Leopoldi Marchionis Austriæ filiam, cum quibus ego consentio. Ex ea habuit tres filios, Boleslaum altum, Miecleslaum & Conradum Loripedem: de quibus in typo.


Ex altera uxore Adelheida, Boleslaus habuit Cazimirum, Boleslaum Crispum, Micislaum, Henricum & Cazimirum.

Boleslaus Crispus ex diuisione dux Masouia, Culma, &c. nascitur anno 1127: fratre Vladislao eiecto, primarius Poloniæ princeps anno 1146. Prutenos uincit: Moritur anno 1173. Pridie Cal. Octobris. Sepultus Cracouiæ. Vxor prima Anastasia filia Vusculodomiri ducis Rusiæ Haliciensis, soror Eudoxiæ. Secunda, Helena filia Roscislai ducis Przemisliensis: ex ea duo filij, Boleslaus qui aueruit patrem morte: & Lestus à patre Mazouia & Cuiavia dux institutus. Moritur sine uxore & liberis relicto hærede Cazimiro patruo.

NN Micislaus



Micislaus natus anno 1130. cognominatus senex, dux primum Gnezniensis, Pofnaniensis, &c. deinde fratre mortuo Poloniae supremus princeps cum crudeliter imperaret, deicitur de principatu, anno 1177: quem quartò recuperat, semper iterum reiectus. Tandem magna ætate moritur anno 1202. Eius tres uxores fuerunt: Prima Eudoxia filia Vuseuolodomiri ducis Rusiæ Haliciensis: quæ obiit anno 1177. sine liberis. Secunda Gertruda filia Belæ Coeci regis Hungariæ, soror Geisæ. Tertia Adeilheida neptis Friderici I. Imp. ex sorore uel consobrina, forsatis Ducissa Brabantiæ, Gohfridi terij filia. Ex his liberi in sequente Tabula uidentur. Vide literam A.



VVLADISLAUS dictus Plwacz, id est, Sputator, dux totius maioris Poloniæ primū, & electo, mortuūq; patre, Gnezniensis princeps anno 1231. Exutus tota ditione ab Henrico Barbato Silesiæ duce, cum solam Gneznam reliquam haberet. Moritur in Pomerania, in exilio apud socerum anno 1239. Corpus Pofnaniā delatum terræ mandatur. Eius uxor fuit Helinga soror Swatopoltōnis ducis Pomeraniæ: ex qua habuit Premislaum, Salomeam & Boleslaum.

PREMISLAUS uel Premislus, recuperata paterna ditione anno 1242. partitus anno 1250. principatum cum fratre retinet Pofnaniensem & Gnezniensem prouinciam: moritur anno 1257. cum XXXVI. annorum esset: & nunquam ebrius aut iratus fuisset. Eius uxor fuit Elizabetha filia Henrici Pij Vratislauenſis principis, soror Boleslai Calui. Ex hac habuit Premislaum & sorores eius, de quibus in tabula.

Premislaus uel Premislus, Posthumus Premislai filius, primum ex patre Pofnaniensis & Gnezniensis, deinde mortuo patruo, dux totius maioris Poloniæ anno 1279. dux Cracouiensis & Sendomiriensis ex testamento Henrici Probi Vratislauenſis anno 1290. Sed Sendomiriensem retinet Loſticus armis: de Cracouiensi sponte cedit Vuenceslao Bohemo, Dux Pomeraniæ ex Mescuigi testamento anno 1294. Tandem Rex iterum Poloniæ, cum 215. annis Rex Poloniæ nullus fuisset. Coronatus anno 1295. XXXVI. Iunij, cum titulo, Regni Poloniæ & ducatus Pomeraniæ. Sed altero statim anno occiditur: anno 1296. VI. Idus Februar. cum regnasset menses VII. dies XI. Vixisset annos XXXVIII. menses III. Dies XXXIII. Successit Loſticus in regno, sed eicitur anno 1300. Eius duæ uxores nominantur: Prima Luberda uel Ludgarda, neptis Barmini, ducis Stercienſis, filia Henrici Megalopolitani principis cū marito nupsisset anno 1273. iugulatur à pedissequis suis iussu mariti anno 1283. Secunda Richsa filia Regis Suetiæ, ducta anno 1285: ex qua filiā unicā habuit Rixam uel Elizabethā, quæ patre moriente annorū octo, uel ut alij decē, regnā Poloniā ad maritū Vuenceslaū regē Bohemiæ trāsfert: post quē nupsit Rudolpho Austrio, Alberti Caesaris filio: de quo in octaua mox familia dicitur.

Boleslaus



Boleslaus cognomine Pius, diuisa cum fratre prouincia dux Kalisiensis anno 1250. Nam paternam ditionem ambo fratres receperant anno 1241. Egregius miles, decessit anno 1279. Eius uxor Iolanda uel Helena filia Belæ regis Vngariæ, soror Cunigunda uxoris Boleslai Pudici. Nuptiæ celebratæ anno 1256. Habuit tres filias, de quibus iam dictum in Tabula.

Boleslaus, puer mortuus ex uiperæ morsu.

Conradus dux Mazouiae, autor omnium Massouiae principum qui post eum uixerunt. Vide tabulam Massouiae principum.

Adelheida monialis obiit anno 1211.

B. Kazimirus natus anno 1139. cum à patre haeres scriptus non esset, in locum Henrici fratris succedit anno 1165. dux Sandomiriae & Liblinij. Deinde electo Micislao fratre supremus princeps Poloniae & dux Cracouiensis anno 1177. Dux aliquot ditionum Russiæ anno 1179. Dux etiam Massouiae & Cuiuiae post fratris filium Leskum. Moritur repentino anno 1194. Eius uxor Helena Vusculodi Belsensi ducis filia: ex qua liberi,

Lesko albus: quod nomen à capillis impositum habebat, puer penè in locum patris Cracouiensem (hoc est, supremum Poloniae) principatum consecutus anno 1194: cedit patruo de matris consilio anno 1200. & statim recuperat omnia, electo Micislao: cui secundo cedit, ut etiam filio eius Vladislao Lascanogo: sed tandem acceptum iterum anno 1206. principatū retinet usque annum 1227. in quo à Swentopolco Pomeraniae regulo proditorie interfectus, uita & principatū amittit. Eius uxor fuit Grzimslaua filia Iaroslai ducis Russiæ. Nuptiæ fuerunt anno 1220. Ipsa obiit anno 1258. Ex ea nati.

Boleslaus Pudicus: captus cum matre à patruo Conrado Massouio, elabitur anno 1234. & recipit paternum Poloniae principatum. Deinde à Tartaris electus anno 1240. fugit in Vngariam & inde in Morauiam: redit anno 1243. Moritur sine liberis, seruata in coniugio uirginitate anno 1279. VII. Decembris. Sepultus Cracouiæ ad D. Francisci. Vxor eius Kunigūda Belæ regis Vngariæ filia, ducta anno 1239. mortua anno 1292.

Salomea uxor Colomanni Hungari ducis Haliciensis in Russiæ, qui filius erat Andreæ Hungariæ regis.

Post Boleslai Pudici mortem de principatu Poloniae uariè concertatum fuit: primum enim Leskus niger in Boleslai Pudici locum susceptus, filius erat Kazimiri, nepos Conradi, Massouiae principum: quem quare inter Massouios. Illi mortuo anno 1289 successit in Cracouiensi principatu Boleslaus Plocensis Massouius Conradi frater, quem Henricus Vratislauenfis IIII. eiecit & hunc iterum Vladislauus Locticus Leski Nigri frater. Sed Vratislauenfis rerum iterum potitus moritur, & Premislum ducem maioris Poloniae heredem regni scribit. Is Vuenceslao Bohemo cedit: inde inter Locticum & Vuenceslaum Bohemum perpetuæ dimicationes: donec tandem iterum summa rei cum titulo regio mandaretur Premislo duci maioris Poloniae quod accidit anno 1295. post sex annorum Interregnum.

#### OCTAVA REGVM POLONIAE FAMILIA:

Vuenceslaus R. Bohemiae, Rixæ, Premislai filia, maritus in secundo matrimonio, contra Vladislauum Locticum, qui tres iam annos regnauerat, factus rex Poloniae anno 1300. moritur 1305. IX. Cal. Iulij. Eius uxor prima fuit Iuditha filia Rudolphi Caesaris, ex qua habuit Vuenceslaum iuniorem, qui cum patri in Bohemia successisset, Poloniae etiam regnum armis repetiturus, in itinere occiditur 1306. Eius uxor Viola ducis Teschinentis filia.

#### NONA MUTATIO IMPERII POLONICI, HOC est, restitutio regni in Familiam septimam.

VLADISLAUS Locticus, filius Kazimiri, nepos Conradi ducis Massouiae, frater Leskonis Nigri ducis, qui principatum Cracouiensem & dominatum totius Poloniae obtinuit: ex ueteri Regum Poloniae familia, cum à patre Brestensem prouinciam in Cuiuiae haberet, & fratris Kazimiri obitu accessione Lenciciensis tractus locupletatus esset, primum fratre Lesko principe Poloniae mortuo Stradiensem prouinciā occupat: inde contra Henricum Vratislauensem cum superior armis esset, princeps Cracouiensis renunciatus, statim de possessione regni depellitur, retenta Sandomiriensi regione, & cum Vuenceslao Bohemiae R. diuturnum bellum pro Cracouiensi principatu, quæ Bohemus ex cessatione Premisli postea regis Poloniae habebat, frustra gerit: donec contra utrumque rex electus Premislus, principatum Cracouiensem sibi subiungeret. Sed post mortem Premislai uel Premisli, anno 1296. Locticus noster declaratus Rex Poloniae, uniuersam Poloniam (paucis arcibus exceptis) triennio possidet sine corona regia. Electus iterum anno 1300. & dispoliatus omnibus fortunis, locum dedit Vuenceslao Bohemo, facto in locum illius Regi Poloniae & cum Roman & à Roma in Hungariam fugisset, adiutus ab Amedeo Palatino Hungariae, armis Poloniam repetit, & cum interim mortem Vuenceslai Bohemi obisset, regnum totum recuperat anno 1306: subacta tandem etiam maiori Polonia, quam usque ad annum 1310. Henricus Glogouiensis Silesius princeps contra Locticum tenebat. Pomeranos etiam sub suam potestatem adigit: & tandem non dissidente Papa, coronatur cum uxore anno 1320: Marchiam Brandeburgicam uastat anno 1326. uincit Prutenos Crucigeros & Massouios, qui cum illis sentiebant: anno 1328. Moritur ad VI. uel IIII. Idus Martij (dissentiant enim scripturae) anno 1333. Sepultus Cracouiæ.

Huius posteros, quanquam cum illo ad Massouicam lineam (quæ ex Polonica regia fluxit) pertinebant: tamen huc ascribere uisum est: ut regni successio melius explicata esset: & conspici posset, quomodo decima regum Poloniae familia ad regni successionem peruenisset.



Is igitur Vladislavus  
Lothicus per tot ui-  
cissitudines fortunæ  
tādē rex Polonus co-  
ronat⁹ obiit, ut dictū  
est, VI. Idus Martij  
an. 1333. Eius uxor  
Hedwigia Boleslai  
Kalisiensis in maiori  
Polonia ducis filia  
ex regia stirpe. Ho-  
rum liberi sunt

Casimirus cognomento magnus,  
natus anno 1310. pridie Cal.  
Maij, coronatus cū uxore pri-  
ma anno 1333. infestio S. Mar-  
ci XXV. Aprilis: initia Cra-  
coviensis scholæ iecit: Germa-  
nos in Poloniam euocauit: bel-  
lū Russis, Silesijs, Vualachis,  
& Lithuanis dissimili exitu fe-  
cit. Moritur tandem sexagena-  
rius anno 1379. V. Decembr.  
cū regnasset annos 37. Eius  
uxores quatuor fuerunt:

Prima filia Gedimini ducis Lithuanie cui Annæ nomen in baptismo impositum  
fuit. Ducta anno 1325. cum spōsus esset XVI. annorum, moritur anno 1339.  
Eius filia fuit Elizabetha, uxor Boguslai ducis Pomeranie Stolpensis, mater  
Elizabethæ uxoris Caroli IIII. Cesaris, mater etiam Cazimiri ducis Stetinens-  
ium, uel potius Stolpensiū.

Secunda, Margareta filia Ioannis regis Bohemie, uidua ducis Bauarie Henricis  
moritur ante nuptias.

Tertia, Adelheida filia Henrici Landgrauij Hassie, quæ ducta anno 1341. & in-  
dignè tractata à marito adultero, domum in Hassiam reducit à patre anno  
1356. quo etiam anno obiit.

Quarta, Hedwigia Glo-  
gouensis principis Si-  
lesij Hærici filia. Nu-  
ptiæ celebrantur an-  
no 1357. Ex ea  
Hedwigia uxor ducis Romeri.  
Anna uxor Vuilhelmi comitis Cilie, mater Barbaræ  
uxoris Sigismundi Cesaris: & mater etiam Annæ,  
quæ secunda Vladislai Jagellonis regis Polonie  
coniunx fuit.

N. Filia uxor Bernhardi ducis Suuednicensis in Silesia.

Elizabetha uxor tertia Caroli regis Vngarie: unde decima familia regum Polonie.

### DECIMA FAMILIA REGVM POLONIE EX REGI- bus Vngarie per adoptionem Ludouici factam à Cazimi- ro Magno rege Polonie.

Carolus R. Hungarie, filius Caroli Martelli, nepos Caroli Claudi regis Neapolitani, pronepos Caroli Andegauensis Neapolitani regis, coronā  
tus Vngarie rex annō 1310. Moritur anno 1342. X VII. Cal. Augusti: Eius uxor, ut dictum est, fuit Elizabetha Vladislai Lothici filia.

Stephanus dux Slauonie & Dalmatie.

Andreas natus anno 1327. maritus Ioannæ Neapolitanæ reginæ: strangulatur ab uxore anno 1345.

Ladislavus natus anno 1324. Mortuus 1329.

Carolus mortuus infans anno 1321.

Carolus R. Vnga-  
rie & Elisabe-  
thæ liberi fue-  
runt

Ludouicus natus anno 1326. III. Non Mar-  
tij: adoptatus ab auunculo Cazimiro in re-  
gnum Polonie anno 1339. Succedit patri  
in Hungaria anno 1342. coronatus in Vn-  
garia, die Solis post festum diuisionis Apo-  
stolorum: deinde Polonie etiam regnum  
consequitur, imposito diademate anno  
1370. XVII. Nouembr. Moritur anno  
1382. XII die Septemb. cū uixisset annos  
56. regnasset in Vngaria annos 40. men-  
sem unum, dies 22: in Polonia annos 11.  
menses 9. dies 25. Eius uxor

Prima Margareta, filia Caroli IIII. Imp. mortua anno 1349.

Secūda Elizabetha filia  
Stephani regis Bosnie,  
ex matre Elizabetha  
Massouica Cazimiri  
Gniewkouiensis filia.  
Post mariti obitum de-  
mergitur & suffoca-  
tur à Ioanne Herua-  
thio Bano Croacie.  
Ex ea

Catharina, moritur in pueritia, desponsa Lū-  
dowico Aureliano Caroli V. regis F. filio.

Maria uxor Sigismundi Imp.

Hedwigia primum promissa à patre Guliel-  
mo Austrie duci anno 1375. sed postea  
tradita Jagelloni duci Lithuanie, qui ex  
illa factus rex Polonie, undecimam fami-  
liam propagauit.

### VNDECIMA FAMILIA POLONIE REGVM ex Lithuanie ducibus.

Post mortem Ludouici nouæ iterum contentiones de Polonie regno extiterunt. Primum rex Polonie renunciatus fuit Sigismundus Marchio  
Brandenburgicus, Caroli IIII. filius, postea Imp. Illo repudiato, Ziemouitus dux Massouie, Ziemouiti filius à quibusdam ad spem regni as-  
sciscitur, & in comitijs rex declaratur. Sed & hoc à cæteris reiecto, cum Hedwigia Guilielmum Austrie ducem Leopoldi fi-  
lium, desponsum iamdiu à patre maritum cuperet, & is Cracoviam uenisset expectatus à regina: tamen cū  
omnium animi in Jagellonem Lithuanum propenderent, spreto etiam Vuilhelmo Austrio,  
regnum Jagelloni cum sponsa Hedwigia traditur.



**IAGELLO dux Lithuaniae** filius Olgerdi, nepos Gedemini, ex uxore prima rex Poloniae: baptizatus nominatur Vladislaus anno 1385. XIII. Februar. Scholam Cracouiensem inchoatā a Cazimiro Magno, perfecit anno 1402. Ex multis bellis uictor & pro ista gente laudabilis rex, moritur admodū senex, anno 1434. pridie Cal. Iunij cum regnasset in Polonia annos 48. Eius 4. fuerunt uxores.

I. Hedwiga filia minima natu Ludowici regis, desponsa a patre Vuilhelmo Austrio: sed elocata a Polonis Iagelloni Lithuano, regnum in nouam familiam transferre. Coronata cum uirgo esset, anno 1382. nubit Iagelloni anno 1386. Moritur 1399. XII. die Iulij. Ei filia Elisabet Bonifacia nata & statim mortua, anno 1399.

II. Anna Vuilhelmi Cilie Comitis filia, neptis Cazimiri regis Poloniae, ducta Anno 1401. Coronata anno 1402. Moritur anno 1416. Eius filia Hedwiga sponsa fuit Friderici, filij Friderici Marchionis Brandenburgici. Moritur ante nuptias & iustam aetatem anno 1431.

III. Elisabetta ex Pilecensium familia, Othonis Palatini Sandomiriensis filia, uetula quarto iam nupta. Moritur an. 1419. tertio coniugij anno. Sine liberis. |

Elisabetta uxor Henrici Stolpensium in Pomerania ducis.

Vladislaus natus anno 1424. Pridie Cal. Nouembr. Succedit patri in regno Polonico, suscepta corona anno 1434. uocatus ad regnum Vngariae anno 1439. Coronatur anno 1440. X. VI. Cal. Augusti. Deinde cum inducias pacis cum Amurathe, consilio Papae temere uelasset, occiditur in pugna Varnensi anno 1444. X. Nouemb. nec reperiiri unquam potuit. Erat autem tum nuper admodum ingressus uicesimum primū aetatis annū.

Cazimirus natus anno 1426. die XXVI. Maij. Moritur an. 1427. II. Martij.

Cazimirus alter uel Andreas Cazimirus, natus an. 1427. III. Cal. Decembr. electus Bohemiae R. an. 1437 sed reiectus iterum, praeficitur Lithuaniae an. 1440. cum post fratrem ad regnum Poloniae ascisceretur an. 1445. diu tergiversatus, tandem cum Boleslaus Massouius contra illum rex an. 1446. declaratus esset, uenit in Poloniam an. 1447. & rex imposita corona pronuntiatur. XXVI. die Iunij: praclarus bellator. Moritur an. 1492. VII. Iunij, sepultus Cracouiae, cum uixisset annos 64. regnasset 45. Eius uxor Elisabetta F. Alberti Austrij, Regis Roman. Hungariae & Bohemiae. Nuptiae peractae sunt an. 1454. VI. Decemb. Ipsa uiuere desijt an. 1505. III. Cal. Augusti. Liberi sequuntur \*

Sponsa, nunquam ducta, uidua Mathiae R. Vngariae, Beatrix filia regis Neapolitani Ferdinandi.

1 Vladislaus natus anno 1456. Cal. Martij, post horam noctis tertiam. Electus rex Bohemiae 25. Maij, & coronatus in Augusto anno 1471. Rex Vngariae an. 1490. XI. Cal. Octob. Moritur an. 1516. XIII. Martij: natus 61. annos, eius

Vxor Anna filia domini de Candalla Vasconis in Gallia. Nuptiae anno 1502. XXIX. Sept. Moritur 1506. XXVI. Iulij. Liberi.

Anna, cū prius Elisabetta diceretur, nata anno 1503. die XXIII. Iulij, uxor Ferdinandi Imp. anno 1521. Moritur anno 1547.

Ludouicus natus anno 1506. Cal. Maij. Paulō ante meridiem. Coronatus in Vngaria, anno 1508. III. Iunij. Sed in Bohemia anno 1509. XI. Martij. Moritur in pugna Mohatziana submersus in aquis anno 1526. III. Cal. Sept. Eius uxor Maria Philippi Austrij R. Hispaniae filia, soror Caroli V. Imp.

2 Hedwiga nata an. 1457. XXVII. Sept. Vxor Georgij ducis Bauariae.

3 Cazimirus natus an. 1458. III. Octob. Moritur ex phthisi an. 1483. sine uxore sanctissimus adolescens.

4 Ioannes Albertus natus anno 1460. XXVII. Decemb. electus R. Hungariae, anno 1490. contra fratrem, sed exclusus redit in Poloniam, factus dux Glogouiae, & Zegani in Silesia: adeptus regnum Poloniae anno 1492. XXVII. Augusti, coronatus XXIII. Septemb. Moritur apoplexia sine uxore, anno 1501. XV. Iunij: cum uixisset annos 41. Menses V. dies XX. regnasset annos 8. menses VII. dies XXIII.

5 Alexander natus an. 1462. V. Augusti die, magnus Lithuaniae dux, statim a patris obitu a Lithuaniae renunciatus, succedit tandem fratri in regno Poloniae, an. 1501. Moritur anno 1506. XI. Augusti. Vxor illius: cum uixisset annos 45. & dies XIII. Eius uxor Helena filia Ioannis ducis Moscouiae. Moritur anno 1513.

6 Sophia nata an. 1464. VI. Maij, uxor Friderici Marchionis Brandenburgici.

7 Elisabetta nata an. 1465. III. Maij. Moritur an. 1467.

8 SIGISMUNDVS. Vide signum ☉

9 Fridericus natus an. 1468. XXVII. Aprilis, Cardinalis Tit. S. Luciae. Archiepiscopus Gnezniensis & Episcopus Cracouiensis. Obijt confectus morbo Gallico an. 1503.

10 Elisabetta altera nata anno 1472. XIII. Maij. Moritur in pueritia.

11 Anna nata an. 1476. XII. Martij, uxor Boguslai ducis Stolpensis & Stetiniensis in Pomerania.

12 Barbara nata anno 1478. XV. Iulij. Vxor Georgij ducis Saxoniae, & Marchionis Misniae.

\* Liberi Cazimiri ex Elisabetta Austria.

☉ Sigis.



**Sigismundus** natus anno 1467. Cal. Ianuarij consecutus ducatum Glogouiensem & Opaviensem beneficio fratris Ioan. Alberti anno 1500. Magnus dux Lithuaniae post fratris mortem anno 1506. Electus rex Poloniae contra fratrem Vladislaum maximū natu anno 1506. VIII. Decembr. & coronatus anno 1507. XXI. Ianuar. obiit anno 1548. Cal. Aprilis cum uixisset annos 81. menses tres. Eius uxor

I. **Barbara** Stephani Comitis Scepusiani Palatini Transsylvaniae filia ex matre Hedwiga ducissa Testhienensi: soror Ioannis R. Vngariae, ducta an. 1512. Moritur an. 1515. 11. Octob. Eius dua filiae Hedwiga nata Pofnania XXV. Martij, ante XIIII. horam, anno 1513. Vxor Ioachimi Marchionis Brandenburgici Electoris. Anna nata anno 1515. 11. Iulij.

Isabella uxor Ioannis Vuayuodae Transylvaniae, regis Vngariae, mater Ioannis secundi.

Sophia uxor Henrici iunioris ducis Brunsvicensis.

Catharina uxor Ioannis ducis Finlandiae, iam Sueciae regis.

II. **Bona Sforzia**, Ioannis Galeacij ducis Mediolanensis, & Isabelae Aragoniae, reginae Neapolitanae filia. Ex ea liberi

**SIGISMUNDVS AVGVSTVS** natus an. 1520. 11. Non. Augusti hora 3  $\frac{1}{2}$  ante meridiem, ascitus a patre ad regni consortium & coronatus, anno 1530. Bellum gerit cum Moscho & moritur sine liberis anno 1572. 23. Iulij cū regnasset solus post patris obitum annos XXIIII. menses VI. dies XXIII. Eius uxor

I. **Elisabetha**, Ferdinandi Caesaris filia, nuptijs anno 1543. celebratis, obiit an. 1545. XV. Iunij, sine liberis.

II. **Barbara Radzivilia**. Sine liberis.

III. **Catharina** soror primae uxoris, filia Ferdinandi Imp. uiduae Francisci primi Mantuae ducis: ducta anno 1553. pridie Cal. Augusti. Moritur sine liberis.

Anna mortuo fratre & deserto regno ab Henrico Gallo, uirgo adhuc sed magna aetate nubit Stephano Bathorio, anno 1576. quem ex hoc coniugio regem facit.

### DVODECIMA REGNI IN NOVAM Familiam translatio.


Cum post mortem Sigismundi Augusti de nouo rege diu multumq; consultatū fuisset: tandē post benē longam deliberationē deligitur in regem Henricum dux Andegauensis, filius Henrici secundi, Franciae regis: frater Caroli, qui in Gallia tum regnabat. Is igitur rex in castris Gallicis salutatus à Polonis XVII. Iulij anno 1573. comparat se ad Polonicam profectionē & in iter eodem anno XXVIII. Septemb. ingreditur. Cum in Poloniam peruenisset, altero deinde anno 1574. XXI. Febr. coronatus, non multo post, fratre in Gallia mortuo, cum pridie Cal. Iunij rex Galliae renunciatus esset, conuiuium regium primarijs Polonis praebeuit XVII. eiusdem anni: & statim consequenti nocte cum paucis ministris clam elabatur ut Gallicum regnum capefferet, quod Polonico anteponebat. Sic cum post acceptam coronam regnasset menses tres, dies XXV. Polonicum regnum sua discessione uacuum reliquit & nouo tandem regi, qui XIII. familiam inchoaret, locum dedit.

### DECIMATERTIA FAMILIA REGVM POLONIAE.

Stephanus Bathorius post discessum Henrici Francorum regis, per multas difficultates tandem Polonico regno potitur anno 1576. cum Annam duxisset, Sigismundi Regis innuptam adhuc sororem. Erat autem Transsylvaniae Palatinus, natus ex ueteri & amplissima Bathoriorum familia, & hodie regnum magna cum laude feliciter administrat.

### FINIS GENEALOGIAE REGVM POLONORVM.











# GENEALOGIA PRIN- CIPVM SILESIAE, QVI A REGIBVS

POLONIAE, PIASTI POSTERIS PROCREA-

ti, & in plurimas disseminati prouincias, uarios illius

Prouinciæ tractus cum imperio tenuerunt.

IN QVA VRATISLAVIÆ, BRIGÆ, LIGNI-  
CII, SVVEIDNICIAE, IAVORII, RATHIBORIAE, OPO-

liæ, Glogouia, Crosnæ, Ségani, Freistadij, Olinæ, Stinauij, Sprotouia, Teschini,

Monsterbergij, Lubæ, Guræ, &c. Principum origines & propaga-

tiones (quousq; peruestigari potuerunt) singulari  
diligentia traduntur.

ITEM,

TABVLA DVCVM MASSOVIAE, ET PLOCENSIVM, ETC.

A' CONRADO PRIMO VSQVE AD IOAN-  
nem postremum continuata.

ET

DVCVM LITHVANIAE FAMILIA: QVAE VNDECI-

mam regum Poloniae propagauit.



GENERAL  
CITY OF NEW YORK  
THE NEW YORK  
THE NEW YORK  
THE NEW YORK

THE NEW YORK  
THE NEW YORK  
THE NEW YORK  
THE NEW YORK  
THE NEW YORK

THE NEW YORK  
THE NEW YORK  
THE NEW YORK  
THE NEW YORK  
THE NEW YORK

THE NEW YORK  
THE NEW YORK  
THE NEW YORK  
THE NEW YORK  
THE NEW YORK



# DVCES VRATISLA-

## VIENSES.

Boleslaus procerus uel altus, inter  
cessione Friderici Caesaris con-  
secutus cū fratribus Silesiae prin-  
cipatum anno 1163, fit in parti-  
tione dux VRATISLAVI-  
ENSIS: & deinde mortuo ter-  
tio fratre anno 1178, dux Glo-  
gouiensis & Crofensis. Mori-  
tur anno 1201. VI. Decembr.  
Eius liberi ex uxore

Vladislaus (cuius progenitores habes in 7. fami-  
lia regum Poloniae) princeps Primarius Po-  
loniae, filius Boleslai Crgiuousti uel distorti, ne-  
pos Vladislai Hermannii, pronepos Cazimiri,  
regis Poloniae, cum in partitione paternae pro-  
uinciae facta inter fratres, nō acquiesceret, eie-  
ctus à fratribus ex Polonia, exulat apud Con-  
radum & Fridericum Imp. quorum opera re-  
conciliatus cum fratribus, cū adiudicatam il-  
li Silesiam occupare uellet, moritur in itinere  
anno 1159. sepultus Aldenburgi in Holsatia.  
Eius uxor Christina (ut Poloni scribunt) filia  
Henrici V. Imp. Ego cum alij senio qui Ger-  
trudam nominant Leopoldi Marchionis Au-  
striae filiam

Conradus Loripes, princeps Glo-  
gouiensis & Crofensis. Mori-  
tur sine liberis.

Miecslaus dux Rathiboriensis, Teschimen-  
sis & Opoliensis, autor ducum Opoli-  
ensium. Eius filius Cazimirus post pa-  
trem dux Rathiboriae & Opoliae. Mori-  
tur anno 1236. VI. Maij. Ex Vuences-  
laua.

I. Vuences-  
laua Ru-  
thena.

Alga uel Otilia uirgo.

Boleslaus moritur ante patrem.

Iaroslaus Episcopus Vratislauensis  
an. 1198. moritur anno 1201.

II. Adela-  
heida  
soror  
Conra-  
di II.  
Imper.  
ut Po-  
loni  
narrat.

Henricus barba-  
tus solus succe-  
dit patri anno  
1201. affectas  
monarchia Po-  
loniam anno  
1225. cedit sta-  
tim: tandem ta-  
men cōtra Con-  
radum Masso-  
uium tutor Bo-  
leslai Pudici,  
princeps Cra-  
couiensis & de  
fectione subdi-  
torū dux maio-  
ris Poloniae cō-  
tra Sputatorē.  
Moritur in Si-  
lesia an. 1238.  
XIX. Martij.  
Eius uxor Hed-  
wiga sancta, fi-  
lia Bertholdi  
ducis Meraniae,  
Carinthiae &  
Istriae. Moritur  
anno 1243.

Boleslaus uiuo pa-  
tre factus Libu-  
sens dominus  
uendit magnam  
partem Marchio-  
ni Brandenbur-  
gico: obiit coe-  
lebs.

Gertruda abbatissa  
in Trzebanicz.

Henricus Pius.  
Vide ☞

Conradus dominus  
Crofnæ, Sagani,  
& Lusatie supe-  
rioris. Moritur  
ex casu an. 1213.  
Eius uxor filia  
ducis Saxoniae.  
Sine liberis.

Conradus obiit in iuuentute.

Ioannes moritur in prima etate.

Adelheida uxor Dipoldi Marchionis  
Morauiae, mater Boleslai & Brü-  
nonis.

RATHIBORIENSES, TESCHINENSES, BITHOMI-  
ENSES ET OPOLIENSES.

Micislaus Rathiboriensis moritur an. 1251.  
sine liberis. Eius uxor Iuditha filia Con-  
radi ducis Massouij.

Vladislaus Opoliensis ex patre & Rathibo-  
riensis ex fratre princeps. Vxor Euphe-  
mia filia Premisli ducis Posnaniensis in  
maiori Polonia. Eius filius Cazimirus ui-  
xit anno 1289. Huius posteros, quan-  
quam magnam partem explicatos habe-  
mus tamen propter incertam successionē  
& personarum confusionem, ascribere  
noluimus.

OO 2

ORIGO



G E N E A L O G I A E  
ORIGO LIGNICENSIVM PRINCI-  
pum & Brigenſium.

Filia promiſſa Othoni Vuitelſpachio ſicario & percuffori Philippi Caſaris, ſed poſtea monaſticam ſe-  
cuta uitam.

Filiae plures moniales in Trebnienſi cœnobio.

Hedwiga uxor Conradi, filij Semouiti ducis Maſſouia.

Agnes uxor Vlrici comitis in Vuirtemberg.

Hedwiga uxor Marchionis Brandebur-  
gici.

Euphemia uxor Othonis Marchionis  
Carinhia.

Boleslaus dux Brigenſis. Vide lite-  
ram A.

Helena } Moniales.  
Elisabetha }

Vladislaus dux Lignienſis, ſed cedit  
fratri cum promiſſam pecuniam ſol-  
uere non poſſet. Deinde armis iterum  
repetit. Tandem delirus uendit Ioan-  
ni regi Bohemia. Eius uxor fuit filia  
Boleslai ducis Maſſouia uetula. Sine  
liberis.

Anna moritur in prima etate.

Henricus dux Vratiſlaui-  
ſis oppreſſus bello à fra-  
tre, ducatum donat regi  
Polonia: à quo receptum  
tradit regi Bohemia an-  
no 1327. unico reſerua-  
to oppido Clozka. Mori-  
tur anno 1337. Eius u-  
xor Anna uidua Herman-  
ni Marchionis Branden-  
burgici, filia Alberti Ca-  
ſaris Auſtriaci.

Euphe-  
mia.

Marga-  
reta.

Elisabe-  
tha.

Bernhardus dictus agilis, moritur ſine liberis anno 1280.

Anna monialis & abbatiffa Trebnienſis.

Catharina in pueritia moritur.

Boleslaus dux Sweidnicenſis. Vide literam B.

II. Adelheida filia Samborij ducis Pomeraniae deſerit maritum.

Henricus. Vide literam C.

Gertruda uxor Boleslai filij Conradi ducis Maſſouia.

Elisabetha uxor Premisli ducis Poſnaniienſis in maiore Polonia.

Conradus. Vide literam D.

Henricus Pius haeres omniū  
ditionum patris in Sileſia, Lu-  
ſatia & maiore Polonia anno  
1238. Captus à Tartariſ in  
bello trucidatur miſerè anno  
1241. 1 X. Aprilis. Sepultus Vr-  
atiſlauiæ in cœnobio à ſe ſun-  
dato ad D. Iacobū. Eius uxor  
Anna filia Othocari regis Bo-  
hemia. Ex qua

Boleslaus Caluus primū  
dux Vratiſlauiēſis, ſed  
commutata ditione cū  
fratre dux Lignienſis,  
amittit maiorem Polo-  
niam ab auo occupatā.  
Moritur ex ſenio & lan-  
guore anno 1278. uo-  
catus ad Poloniae do-  
minatum. Eius uxor

Conſtantia uxor Cazimi-  
ri, filij Conradi ducis  
Maſſouia anno 1236.

Vladislaus Archiepiſco-  
pus Salſburgenſis. Mo-  
ritur an. 1270.

I. Hedwiga fi-  
lia Henrici  
comitis An-  
haldi Mo-  
ritur anno  
1275.



A. Boleslaus dux Brigensis ex diuisione anno 1315. deinde etiā Lignicensis, fratre cedente: tandem etiā Olsnensis per uim, oppresso Conrado filio Henrici Glogouiensis principis, fit regis Bohemiæ beneficiarius anno 1331. Moritur an. 1342. Vxor secunda Catharina Crauiensis mulier nullos ex eo liberos reliquit: sed ex prima Margareta filia Vuenceslai regis Bohemiæ (q̄ obiit an. 1335.) sunt hi filij

Vuenceslaus dux Lignicensis moritur anno 1347. Eius uxor N. filia Teschinensis ducis: ex qua

Ludouicus dux Brigensis & Laubanensis tutor liberorū fratris, princeps optimus. Vxor N. filia Henrici ducis Glogouiensis, & Saganiensis.

Henricus cognomento 512uas rias Hertzog Heinrich mit der schrammē. Vxor N. filia Zemouiti ducis Massouia, uidua Cazimiri, ducis Stetiniensis.

Henricus dux Lubensis dominus exigua ditionis. Vxor ignota.

Ludouic. Lubensis anno 1431. uxor Margareta Nicolai Opoliensis soror.

Ludouicus dux Lignicius ex Ruperto agnato & Brigensis ex patre, dominus Trnitschinensis comitatus in Vngaria gratissimus Sigismundo Casari. Moritur an. 1436. Vxor Elisabetha filia Friderici Burggrauij Noribergici I. Electoris Brandenburg.

Henricus dux Goldbergensis, moritur in adolescentia.

Ioannes Lubensis dux Lignicius post socerū, sed reiectus a subditis, moritur morore anno 1453. Sepultus Olauia.

Ex his natus Fridericus: Vide fig. 13

Hedwiga uxor agnati Ioannis Lubensis

Magdalena uxor Nicolai Opoliensis ducis.

Sophia uxor Ioannis Georgij March. Brandenburgici.

Barbara moritur uirgo.

Georgius natus an. 1524. egregius princeps, literarū Mecenas et ornamenti Silesiæ. Viuit adhuc dux laudatissimus. Vxor Barbara Ioachim I. March. Brandenburgici filia, celebrat nuptias an. 1545.

Ioachimus praefectus Lebusensis ditionis. Eius uxor filia principis Anhaltini.

Elisabetha.

Ioannes.

Catharina uxor Friderici Cazimiri ducis Teschinensis Nuptiae fuerunt 1563.

Helena uxor Sigismundi Curtzbachij Baronis.

Henricus natus an. 1539. abdicare se magistratu iubetur à Casare an 1576. Vxor Sophia Georgij M. Brandenburgici filia.

Fridericus fratri in administratione provinciae succedit: natus anno 1552.

Sabina Barbara moritur infans

Georgius Fridericus moritur in pueritia. Aemylia nata anno 1563.

Fridericus dux Lignicensis, eques auratus creatus Hierosolymis, praeses Silesiæ inferioris natus anno 1480. Moritur anno 1547. Vxor prima Elisabetha Cazimiri R. Poloniæ filia. Moritur an. 1517. XVII. Feb. in puerperio. Sine liberis. Ex secunda Sophia Friderici M. Brandenburg. filia, mortua anno 1537. sunt nati

Ioannes Mortuus est iuuenis 18. annorum.

Georgius dux Brigensis gratissimus Maximiliano Casari. Mortuus est an. 1521. pridie Cal. Iunij. Vxor Anna Boguslai X. Pomeraniæ ducis filia: sine liberis.

Fridericus materni aui hereditatē totā receperat an. 1469. post longam & incertam expectationem, cū ditio à Bohemiæ regibus tenebatur, generalis praeses Silesiæ, moritur an. 1488. IX. Maij annorū 42. Natus enim esse dicitur an. 1446. Eius uxor Ludomilla filia Georgij Boiebrachij regis Bohemiæ. Obijt anno 1503. Ex ea nati,



G E N E A L O G I A E  
DVCES SVVEIDNICENSES, IAVRENSES,  
& Munsterbergenses.

- Henricus Iauorij dux: moritur sine liberis. Vxor Agnes, filia Vuenceslai R. Bohemia.
- B. Boleslaus dux Sweidnicensis, & dominus Iauorij, &c. Fundator Cœnobij Griffensis. Moritur anno 1301. Vxor ignoratur.
- Boleslaus Sambicensis, uel Munsterbergensis dux. Vxor ignoratur. Eius filius Nicolaus dux Munsterbergensis. Moritur in Hungaria, in reditu ex Syria. Eius uxor ignoratur.
- Henricus commendator ordinis Teutonici in Prussia.
- Boleslaus dux Munsterbergicus occisus à fatuo ex conuictu lateris. Vxor ignoratur. Sine liberis.
- Boleslaus uel Bolto dux Sweidnicensis. Moritur anno 1368. Sepultus Griffæ. Vxor Agnes filia Leopoldi ducis Austria, nepotis Alberti Cæsaris. Alijs Catharina. Sine liberis.
- Bernhardus Sweidnicensis dux in Silesia. Vxor N. filia Vladislai Lothici R. Polonia.
- Henricus uel Heynko dux Iauensis & Furstenbergensis. Obijt anno 1345. Author Laubanensis Cœnobij ad S. Mariam Magdalenam. Eius filia Anna, uxor fuit Caroli IIII. Cæsaris, cum dote Sweidnicensis & Iauensis ditionis.
- C. Henricus primus Lignicius dux, postea commutatione, princeps Vratislauiensis. Moritur an. 1266. Eius uxor
- I. Iuditha filia Cōradi ducis Massouie, uidua Micislai Opolien sis.
- Henricus IIII. uel Probus dux Vratislauiensis ex patre & princeps supremus Polonia, anno 1289. contra Boleslaum Massouium & Lothicum. Moritur an. 1290. sine liberis. Vxor Mechilda filia Othonis March. Brandenburgici.
- Hedwiga.
- II. Filia ducis Saxonie.

INITIVM DVCVM GLOGOVIAE.

- Henricus IIII. Zagani & Sprottae princeps & mortuo Premislao fratre, dominus dimidia Glogouia. Moritur ex dolore quod frater alteram Glogouia partem uendidisset Bohemo an. 1334. Eius uxor Mechilda Hermani March. Brandenburgici filia ex matre Austriaca Anna. Ex ea natus Henricus V. Fera reus. Vide signum ):(
- Henricus primus Glogouiensis & post fratres totius paternæ ditionis princeps & dux etiam maioris Polonia, & electus cōtra Lothicum supremus princeps Polonia. Moritur an. 1309. V. Idus Decembr. Sepultus in Lubensi monasterio. Vxor Mechilda Alberti Brunsvicensis ducis.
- Beatrice uxor Ludouici Cæsaris.
- Conradus dux Olsnicensis, & post Ioannem fratrem Stinauiensis autor omnium Olsnicensium principum, qui usq; ad an. 1491. uixerūt.
- Ioannes dux Stinauij & Curæ, & post Premislum fratrem dimidia Glogouia, quam uendit Ioanni R. Bohemia. Moritur sine liberis.
- Premislaus dux Glogouiensis, occisus à suis an. 1331.
- I. Salome filia Vladislai Sputatoris ducis maioris Polonia, sanctissima matrona moritur, an. 1271.
- Conradus dux Stinauiensis & Gurensis, gibbosus homo: fit prepositus Vratislauiensis & cum Archiepiscopatum Salisburgensem ineptè propter ceruicam, quæ isto loco non esset, repudiasset, ideoq; ditionem à fratre reposceret, capitur & liberatus tandem moritur an. 1304. cœlebs. Sepultus Stinauiæ.
- Euphemia.
- Premislaus dux Sprottensis & Saganensis occiditur in bello Henrici Probi Vratislauiensis contra Lothicum an. 1290. Cromerus lib. 10. p. 175.
- Hedwiga.
- II. Brigida, Theodorici Marchionis Misnie filia, uidua Conradini ducis Suenie. Obijt anno 1272. cum nuptiæ fuissent anno 1271. Sine liberis.
- D. Conradus primus ecclesiæ destinatus, armis hereditatem paternam repetit, factus dux Glogouiensis & Crostnensis, anno 1251. cum ex testamento Henrici Probi relictus esset Vratislauiensis principatus hæres: impeditur ab Henrico Ventricoso Lignicio duce: sed tamen magnam partem istius prouinciæ tandem accepit. Moritur ex ueneno septuagenarius, an. 1298. Eius uxor



Henricus VI. cognominatus senior, dux Sagani, Crosna & Suibusij. Moritur sine liberis.

Henricus VII. Rapoldus, dux dimidia Glogouia, Stimauia, & Gura, dominus arcis Hencendorfij. Moritur sine masculis liberis.

Ioannes Sagane-  
sis, uel Swibusi-  
ensis dux, & de  
inde etiā D. di-  
midia Glogo-  
uia: asperrim⁹,  
tyrānus, postre-  
mō cōiectus in  
exiliū, moritur  
in inopia, anno  
1502. Vendit  
Saganeſem du-  
catū Ernesto,  
& Alberto fra-  
tribus Saxoniae  
ducibus. Vxor  
Catharina, fi-  
lia Vuenceslai  
Stimauensis ex  
matre Salome.

Salome, uxor  
Alberti

Hedwiga uxor  
Georgij

Anna uxor Ca-  
roli

Munsterbergici dū-  
cis. Nam hae tres  
sorores trib. fra-  
tribus, filijs Hen-  
rici Munsterber-  
gici, nepotibus  
Georgij Boiebra-  
cij, regis Bohe-  
miae nupserāt: an-  
no 1488.

Ioannes Saga-  
nensis crude-  
lis princeps,  
primus Saga-  
ni dux. Mori-  
tur an. 1439  
Vxor filia  
Landgrauij  
Thuringiae:  
alijs ducissa  
Saxon. Scho-  
lastica Lauē-  
burgica.

Vuenceslaus consensit Vratislauia in otio, mortuus an-  
no 1488.

Rodolphus cecidit in bello Prutenico an. 1454. XVII:  
Septembr.

Balthasar egregius miles, moritur in carcere in quem fra-  
ter Ioannes eum coniecerat.

Tres filiae: quarum nomina latent.

Vuenceslaus Crosnensis dux, discerptus à rupta belli machina.

Henricus IX. Rapoldus. Moritur in aula Regis Daniae.

Elisabetha.

Anna uxor domini Rosenbergij Bohe-  
mici Baronis.

Sigismundus natus anno 1430. Mori-  
tur anno 1358.

Henricus XI. dimidia Glogouia, &  
Freistadij dux. Moritur an. 1476.  
X XI. Februarij. Eius uxor Barba-  
ra Alberti March. Brandenburgici es-  
lectoris filia; nata X. annos concu-  
buit cum marito: anno 1474.

Henricus X. dominus dimidia Gla-  
gouia & Freistadij, unde dux  
Freistadiensis dici cōsuevit. Mo-  
ritur anno 1467. Vxor Hed-  
wiga.

Henricus VIII. cognō-  
mine Passer, dux primū  
Freistadiensis & Sprot-  
tanus. Tandem post fra-  
tres totius paterni ducatus princeps. Moritur  
anno 1395. Vxor N. fi-  
lia ducis Opoliae & Ra-  
thiboriae.

Henricus V. Ferreus, domi-  
nus dimidia Glogouia, Gu-  
ra, Sagani, Crosna, Frei-  
stadij, Sprottae, &c. Amit-  
tit interceptum à Polonis  
Fraunstadiensem tractum.  
Proficiscitur in Syriam &  
moritur anno 1369. Vxor  
Catharina.

Hedwiga uxor Cazimiri Regis Polonae. Quo mortuo nubit Ruperto Lignicensi duci.



DVCES MASSOVIÆ, CUIAVIÆ, LANCICIÆ, DOBRZINI, SIRADIÆ, CIRNÆ, PLOCIJ, VARSAVIÆ, G涅UUKOUIÆ, MICHELONIÆ, BELSIJ, RAUIJ, &c. Ex Regibus Poloniae propagati.

Semonitus dux Mazouiae post patrem, captus à Ruthenis in bello decollatur anno 1260. uel 1262. Vxor Gertruda.

Conradus dux Massouiae Cirnensis affectat principatum Poloniae contra patruelem Leskonem Nigrum anno 1282. & 1285. sed frustra: moritur an. 1294. sine liberis. Vxor Hedwiga filia Boleslai Calui Lignicensis ducis.

Boleslaus. Vide signum \*

Juditha Micislai Opoliensis & secundo Henrici Vratislaviensis uxor.

Premislaus occisus in bello contra Henricum Barbatum Vratislaviensem an. 1228.

Boleslaus moritur post patrem sine liberis. Vxor Gertruda uel Constantia, filia Henrici Pij Vratislaviensis.

Micislaus à muribus deuoratus.

Conradus Cazimiri Poloniae domini filius Boleslai nepos, Vladislai Hermannii pronepos, Cazimiri R. abnepos, frater Leskonis albi, domini Poloniae, dux Mazouiae et Cuiaviae, affectat principatum Poloniae: euocat Crucigeros equites Germanos contra Prutenos, anno 1213. alijs 1217. Mirabilis princeps, moritur anno 1247. Sepultus in ecclesia Plocensi. Vxor Agathia Russa.

Lesko dux Ino Vladislaviensis, Michalouiensis, & Vuiffegradensis, captus à Vuenceslao Poloniae & Bohemiae R. oppignerat Michalouiensem ducatum crucigeris. Mortuus sine herede.

Constantia Abbatisa Trebnicensis.

Fenuenna uxor Stephani regis Vngariae.

Premislaus dux Bidgostiae, gubernator cum patre Pomeraniae an. 1310. Moritur sine herede.

Zemomislus dux Vladislaviensis, moritur anno 1287. Vxor Salomea filia Suatopolci ducis Pomeraniae

Vladislaus albus, uaria fortuna iactatus, tandem abbas & monachus, uindicta Gniezkowiensi ducatu Ludouico Hungariae & Poloniae regi, ex abbacia Hungarica fugit Diuionem: inde reuocatus contra Ludouicum R. affectat regnum Polonicum. Sed redit Diuionem in monasterium infelix homo, ubi moritur.

Cazimirus D. Gniezkowiensis & mortuis fratribus totius paternae ditionis dominus. Eius uxor ignoratur.

Elisabetha uxor Stephani Hysubani, regis Bosniae, mater Elisabethae, quae nupsit cum Ludouico Vngariae R. communis filia.

Priori

Cazimirus Dux Cuiaviae, Lanciciae, & Siradiæ, post patrem, moritur an. 1268. Eius liberi ex uxore

Lesko Niger D. Siradiensis, post Boleslaum Pudicum ex adoptione dominus Poloniae an. 1279. Ex agitur à Conrado patruelo Massouiae an. 1285. uincit an. 1287. Et eodè grassantib. Tartaris fugiit in Vngariam. Rediit an. 1288. & moritur an. 1289. prid. Cal. Octobr. sine liberis. Vxor Grisina filia Rosislai ducis Russiae, soror Cunegundae Bohemae.

Vladislaus Lothicus R. Poloniae, cuius familiam uide in mutatione regni Polonici.

Secunda Constantina filia Henrici Pij Vratislaviensis: alijs Gertruda

Semouitus Dobrinensis dux. Vxor Anastasia

Cazimirus.

Vladislaus Lenciciensis D. permutatione Dobriniensis ducatus à rege.

Cazimirus Lenciciensis dux, interficitur in bello Lithuanico anno 1294. sine liberis. Cron. Lib. 15. p. 178.

\* Boleslaus



Ioannes Cir  
nensis duxHis duo  
bus mor  
tuis an.  
1526.

tota Mas

sovia res

diu ad

regnum

Polonia

cum

Stanislaus  
Cirnensis  
dux.Anna uxor Stanislai Odro  
uanzi Palatini Rusiae.Conradus Varso  
uia dux & post  
fratrem Ioan  
ne Cirnensis. Mo  
ritur an. 1503.  
XXVIII. O.  
Etob. Vxor An  
na plebeia.

Cazimirus Canonicus Episcopus Plocensis.

Anna uxor Michaelis filij Sigismundi ducis Li  
thuanie.Boleslaus moritur sine liberis. Vxor anna filia  
Pauli Hunouij Palatini Belfensis.

Sophia.

Ioannes Plocensis dux aspirat ad regnum con  
tra Ioannem Albertum anno 1492. Moria  
tur celebs an. 1495. XXIII. Febr.Ianusius uel Ioanes Var  
souiensis dux in Masso  
uia. Moritur an. 1428.  
Vxor Anna Keystuth  
Lithuanie ducis filia.  
Ex ea filius Boleslaus  
Varsovia dux, electusR. Polonia contra Ca  
zimirum Jagellonis fi  
lium an. 1446. sed sta  
tim repudiatus. Moria  
tur anno 1462. Vxor  
Barbara Rusiae ducis  
filia.*hic Ioannes p. 28  
non uxor. Et facta  
est p. 285. c. 1. ubi  
refertur. Ioannes or  
itur tunc p. 285.*

Euphemia

I. Filia Nico  
lai ducis  
Opaue

Catharina moritur innupta.

Euphemia uxor Vuenceslai Teshinensium ducis filia.

Zimbarca uxor Ernesti ducis Austriae.

Casimirus Belfensis dux: moritur an. 1446.

Alexander patriarcha Aquilegiensis, episcopus Triden  
tinus & Cardinalis, Legatus concilij Basiliensis an.  
1442.Semouitus Rauensis dux. Vxor ignoratur. Filia Margas  
retha uxor Conradi Nigri ducis Olsnicensis.Amelia uel Aemylia uxor Boguslai Stolpensium ducis,  
sponsa anno 1432.Vladislaus Plocensis  
dux & Belfensis  
post fratrem. Moria  
tur an. 1455. Vxor  
ignoratur.Semouitus Plocē  
sis dux. Cron.  
lib. 23. pag.  
351.  
Vladislaus Ra  
uensis & Belfen  
sis dux.Sine liberis  
mortui ue  
neno anno  
1462.Agathia uxor Michaelis ducis Lithuanie, qui filius e  
rat Sigismundi fratris Vitordi: alias Anna dicitur.  
Boleslai filia.Semouitus Dux  
Plocensis Masso  
uia, Rex Poloa  
nie renunciatus  
contra Sigismu  
dum R. Hun  
garie, sed non  
consecutus re  
gnum, obiit an  
no 1426. Vxor  
Alexandra  
soror Jagello  
nis regis Poloa  
nie, filia Ola  
gerdi.Semouitus  
Cirsci dux  
Vxor igno  
ratur. Filia  
us Semoui  
tus extin  
ctis patre  
libus domi  
nus Masso  
uia, iurat  
in uerbare  
gis Poloa  
nie anno  
1355. Mo  
ritur anno  
1381. in  
arce Plocē  
si. Eius li  
beri ex ux  
oreII. Filia Vla  
dislai ducis  
Zambicen  
sis iugula  
ta a maritoN. filia, uxor primum Cazimiri Stetini ducis: secundo Henrici Stigmatie  
Brigensis.Henricus Lenciciensis prepositus & episcopus, sed ducit uxore: sublatu: sta  
tim post nuptias ueneno. Vxor Ringala filia Vitoldi ducis Lithuanie;  
alias soror. Sine liberis.

Agathia uxor Vladislai Opoliensis, Vielunensis &amp; Dobrzynensis.

Cazimirus moritur an. 1354 sine liberis.

Boleslaus dux ex matre Haliciensis, Leopoliensis, & Vladimiriens  
sis in Rusia. Occiditur a suis ueneno propter imperatas exa  
ctiones an. 1340 (Vxor ignoratur: sine liberis) Cron. lib. 12. p. 204.Troidenus Dux Varsoviae in Masso  
uia. Vxor Maria filia Rufforu ducis.

N. filia.

Vuenceslaus uel Vanto dux Plocensis in Massovia. Vxor Elisabetha, filia Gedeimi ducis Lithuanie. Eius  
unicus filius Boleslaus dux Plocensis: moritur an. 1353. herede relicto Cazimiro rege.I. Prezista  
ua Lithua  
na Troide  
ni ducis fi  
lia\* Boleslaus D.  
Plocensis in Mas  
sovia princeps  
Poloniae post  
Leskonem Ni  
grum, sed reie  
ctus ab Henric  
o Probo Vra  
tislauense, mo  
ritur an. 1313.  
Vissegradi s.  
Cal. Maij. E  
ius liberi ex ux  
ore

II. Bohemia



GENEALOGIA DVC. LITHVAN.  
DVCVM LITHVANIAE FAMILIA, QVÆ VNDECI-  
mam regum Poloniae procreavit.

1. Moniuidus dominus Kernouia & Slonimi in Russia.

2. Narimundus dominus Pinsci à patre. Vxor ignoratur. Filius Georgius.

Iagello succedit patri in magno ducatu Lithuaniae an. 1381. Pater eius rex Poloniae 1386. Vide huius posteros & uxores in undecima regum Poloniae familia.

Skirgellus dux Plocensis, postea Lithuanus, tertio cedens patrueli Vitoldo, dux Kiouiensis in Starodub. Moritur ex ueneno anno 1395.

Switrigellus in baptismo Boleslaus dux Lithuania post Vitoldum patruelem, an. 1430. Expulsus iterum an. 1431. suffocatus an. 1452. Vxor Russa Twerensium ducis filia.

Filij XII.

Borzischus.

Koributhus dux Hussitarum in Bohemia occisus an. 1435.

Vigunithus Alexander in baptismo, dux Bidgostiae & Inowisladiuiae. Sine liberis. Vxor filia Vladislai Opoliensis ducis.

Korigalus, postea Cazimirus, capite plectitur ab hoste an. 1390.

Normunithus strangulatus à crucigeris an. 1390.

Langwinus.

Lubartus.

Andreas.

Buthaus.

3. Olgerdus dominus Kreua à patre & Russia ex uxore, deinde cieclo fratre Iaunuiho dominus Vilnae, & dux Lithuania. Moritur an. 1381. Vxor ignoratur.

Filij VII.

Filiae duae

Maria uxor Voidilonis pincernae.

Alexandra uxor Semouiti ducis Massouij.

4. Iarunithus dominus Vilnae, unde eum fratres exturbant & faciunt ducem Zaslauiensem.

Alexander dux Vladimiriæ.

6. Korinthus dominus Nouogrodi: uxor ignoratur.

Georgius.

Theodorus.

7. Lubardus à patre nihil acceperat, sed ex uxore dux erat Leopoliensis & Vladimiriensis. Vxor filia & heres ducis Leopoliensis, & Vladimiriensis.

N. filia uxor Andreae Ioannis ducis Kiouiensis, mater Mariae reginae Polonicae, uxoris Iagellonis.

Vitoldus post baptismum Alexander, magnus D. Lithuaniae beneficio patruelis Iagellonis regis Poloniae: moritur in regij tituli affectatione anno 1430. Vxor

Patricius.

Totimilus.

Sigismundus dux Starodubensium, postea Lithuaniae dux. Vxor ignoratur. Filius Michael cieclus ex ducatu Lithuania: eius uxor Agathia filia Boleslai Massouij: alij Anna filia Zemouiti Massouij, nisi duae suae Voydatus.

Anna uxor Ioannis ducis Massouiae.

Ringala uxor Henrici ducis Massouiae: alij filia Vitoldi.

1. Anna. Eius filia Anastasia postea Sophia, uxor Basilij ducis Moscouiae.

11. Iuliana prioris uxoris matertera. Sine liberis.

Gedeminus, occiso legitimo principe Viuhene & ducta illius uxore, dux Lithuaniae, an. 1300. occisus sagitta in bello contra crucigeros anno 1308 Vxor ducissa Lithuaniae, uidua prioris ducis Viuhenis.

5. Keystus dominus Troci, tandem captus à nepote ex fratre Iagellone occiditur in carcere, an. 1382. Vxor ignoratur.

Filiae II.

Anna uxor Cazimiri regis Poloniae an. 1325.

Elisabetha uxor Vuenceslai ducis Plocensis in Massouia.

FINIS.



B A S I L E A E.  
PER SEBASTIANVM HENRICPETRI, ANNO  
SALVTIS NOSTRÆ INSTAVRATÆ,  
CIO. IO. XXCII. MENSE SE.  
PTEMBRI.















oppaia' 27  
3 R12 g

2



efficitur quia et cum per

**C**ACODI ANTI-INDICA CACODI ANTI-INDICA

Die Constitution

COOPER'S CITY LIBRARY

licet enim si p[ro]p[ri]a ad

Deinde inquit

卷之四

Account of the



Histor. Polon.

230.

2743

2

1904